

551.4.31

0-45

ԵՐԵՎԱՆԻ ԳԵՏԱԿԱՆ ՀԱՄԱԼՍԱՐԱՆ



Կ. Օ. ՕՀԱՆՑԱՆ, Ա. Մ. ՈՍԿԱՆՑԱՆ

ԱՇԽԱՉԱՄԱՍԵՐԻ
ՖԻԶԻԿԱԿԱՆ ԱՇԽԱՐՀԱԳՐՈՒԹՅՈՒՆ

ԱՌԱՋԻՆ ՊՐԱԿ

ԵՎՐՈՊԱ.

Ուսումնական ձեռնարկ



ԵՐԵՎԱՆԻ ԳԵՏԱԿԱՆ ՀԱՄԱԼՍԱՐԱՆԻ

ՀՐԱՏԱՐԱԿՉՈՒԹՅՈՒՆ

19 * ԵՐԵՎԱՆ * 64

ՀՐԱՏԱՐԱԿՉՈՒԹՅԱՆ ԿՈՂՄԻՑ

Սույն գրքում տրված են Եվրոպայի բնուրյան կարևորագույն առանձնահատկությունները, ներցամաժային շրջանների լանդշաֆտային տիպերը և ֆիզիկա-աշխարհագրական համառոտ բնուրագրությունը։ Շարադրված է այդ աշխարհամասի ոելյեփի ձևավորման համառոտ պատմությունը, կլիմայի նիմնական գծերը, ներքին ջրերը, բուսականությունը, հողն ու կենդանական աշխաւենք։ Միաժամանակ գենետիկական և ֆիզիկա-աշխարհագրական լանդշաֆտային հատկանիշների հիման վրա կարգաբաշխական ուռոշակի սիստեմով Արևմտյան Եվրոպայի սահմաններում առանձնացված են Երկրների խմբեր, առանձին Երկրներ ու մարզեր և հանգամանութեն Քննարկված են Երանց բնուրյան բնուրյաց գծերը։

Աշխատուրյունը օգտակար կարող է լինել ուսանողների, ուսուցիչների, ինչպես նաև աշխարհագրությամբ նետառների կողմանը լայն հասարակայնուրյան համար։

8918



Կ. Օ. ՕԳԱՆՅԱ
Ա. Մ. ՎՈՏԿԱՆՅԱ

ФИЗИЧЕСКАЯ ГЕОГРАФИЯ
ЧАСТЕЙ СВЕТА

2802615615

Выпуск первый
ЕВРОПА

Учебное пособие
(На армянском языке)

Издательство Ереванского государственного университета
Ереван—1964

ՀԵՂԻՆԱԿՆԵՐԻ ԿՈՂՄԻՑ

Մինչև օրս հայերեն լեզվով՝ չի հրատարակվել աշխարհամասերի ֆիզիկական աշխարհագրության առարկայի գծով քիչ թե շատ լրիվ և մանրամասն դասագիրք կամ ձեռնարկ՝ բարձրագույն ուսումնական հաստատությունների աշխարհագրական ֆակուլտետների համար:

Նման մի դասագիրք կամ ձեռնարկ գրելու համար գոյություն ունի շափազանց ընդարձակ և հարուստ գրականություն, որը, սակայն, հիմնականում գրված է վաղուց և հաճախ պարունակում է հակասական, թերի, հնացած և երրեմն էլ սխալ ու անընդունելի տեղեկություններ ու տվյալներ:

Հեղինակներն իրենց առաջ նպատակ են գրել տալ աշխարհամասերի ֆիզիկական աշխարհագրության մի ամփոփ ձեռնարկ, որը համապատասխաներ պետական ծրագրի պահանջներին, մեծածավալ լինելով հանդերձ լիներ ժամանակակից գիտության պահանջներին համապատասխան, տար այս կամ այն տեղիտորիայի լանդշաֆտի, ֆիզիկա-աշխարհագրական օրյեկտի ոչ միայն ներկա վիճակը, այլև նրանց ծագումը, զարգացման տեսնդենցը, նրանց կրած որակական ու քանակական փոփոխությունները ժամանակի ընթացքում՝ և տարածության մեջ, ինչպես նաև առանձին ֆիզիկա-աշխարհագրական միավորների և նրանց ամբողջական կոմպլեքսի պատմությունը:

Հեղինակները աշխատությունը գրելիս առաջնորդվել են ՍՍՌՄ բարձրագույն կրթության մինիստրության կողմից հաստատված՝ արտամիութենական երկրների ֆիզիկական աշխարհագրության առարկայի ծրագրով, ձեռքի տակ ունենալով երեսնի պետական համալսարանի աշխարհագրական ֆակուլտետում իրենց կարդացած դասախոսությունների համառոտագրությունները, որոնք հատկապես այս աշխատության համար ենթարկվել են հիմնական վերամշակման՝ ըստ նորագույն աղբյուրների: Աշխատությունը հրատարակվելու է հաջորդական պրակներով:

Կինելով աշխարհամասերի ֆիզիկական աշխարհագրության՝
հայերեն լեզվով բուհական ձեռնարկ ստեղծելու առաջին փորձը,
այս աշխատությունը, անշուշտ, չի կարող զերծ լինել որոշ թերու-
թյուններից: Հեղինակները շնորհակալությամբ կընդունեն այն բո-
լոր դիտողությունները, որոնք նպատակ կունենան լրացնել, ճշտել
կամ վերացնել այս կամ այն մատճառով գրքում տեղ գտած բա-
ցերը:

ԱՇԽԱՐՀԱՄԱՍԵՐ

(Համառոտ ընդհանուր տեղեկություններ)

Երկրագնդի մակերեսը կազմում է 510 միլիոն քառ. կիլոմետր, որից 361 միլիոնը (70,8 %-ը) բաժին է ընկնում ջրին, իսկ 149 միլիոնը (29,2 %-ը)՝ ցամաքին:

Դեռ մինչև վերջերս ընդունված էր ամբողջ ցամաքը բաժանել հինգ աշխարհամասերի: Հետագայում (XX դարի սկզբներին) որպես աշխարհամաս հայտնի դարձավ նաև Անտարկտիդան:

Հաշվի առնելով մայր ցամաքների միջև գոյություն ունեցող բնական պայմանների մի ամբողջ շարք առանձնահատկություններ, ներկայումս ընդունված է առանձնացնել 6 աշխարհամասեր (նրանց տարածության մեջ հաշվելով նաև հարակից կղզիները): Դրանք են՝

Ասիա	43,8	միլիոն քառ. կիլոմետր
Ամերիկա	42,0	» » »
Աֆրիկա	30,0	» » »
Անտարկտիդա	14,0	» » »
Եվրոպա	10,5	» » »
Ավստրալիա (Օվկիանիալի հետ միասին)	8,7	» » »

Միաժամանակ Խաղաղ օվկիանոսի կենտրոնական մասում երթեմն որպես աշխարհամասերին համարվող միավոր առանձնացնում են նաև Օվկիանիան, որը, սակայն, իրենից ներկայացնում է ոչ թե մի ամբողջական ցամաք, այլ փոքր ու մեծ կղզիների մի ամբողջ աշխարհ:

«Աշխարհամասեր» հասկացությունը երբեմն համընկնում է «մայր ցամաքներ» հասկացության հետ (օրինակ՝ Աֆրիկան և Ավստրալիան) իսկ երբեմն՝ ոչ: Ամերիկան մի ամբողջական աշխարհամաս է, բայց կազմված է երկու մայր ցամաքներից. իսկ Ասիան և Եվրոպան երկու տարրեր աշխարհամասեր են, որոնցից

կազմված է մեկ միասնական Եվրազիա մայր ցամաքը (թեպետե առանձին վերցրած նրանցից յուրաքանչյուրը նույնպես երբեմն կոչվում է մայր ցամաք¹):

Վերը թվարկած բոլոր աշխարհամասերը միմյանցից բաժանված են օվկիանոսային և ծովային ավել կամ պակաս ընդարձակ տարածություններով։ Առանձին դեպքերում նրանք իրար միացած են շատ նեղ պարանոցներով։ Բացառություն են կազմում Եվրոպան և Ասիան, որոնք իրար սահմանակցում են ցամաքային Հոծ զանգվածով։ Հենց այդ պատճառով այդ երկու աշխարհամասերը մեկ ընդհանուր անունով հաճախ կոչվում են «Եվրազիա»²։ «Եվրազիան» կարելի է ընդունել որպես երկու իրարից խիստ տարբեր աշխարհամասերի կոմպլեքս անուն։ Սակայն նկատի ունեցնալով՝ Եվրոպայի և Ասիայի միջև գոյություն ունեցող կարենոր առանձնահատկությունները, սովորաբար դրանք դիտվում են որպես երկու առանձին աշխարհամասեր։

¹ Ներկայումս որոշ աշխարհագետներ (Խալեսնիկ, Միլկով) «աշխարհամասեր» հասկացությունը համարում են արգել հնացած և ավելի ձիշտ են դանում «աշխարհամասերի» փոխարեն կիրառել «մայր ցամաքներ» տերմինը։

² «Եվրազիա» տերմինը առաջին անգամ առաջարկել է գերմանացի հայտնի աշխարհագետ Ալեքսանդր Հումբոլտը, մոտ 180 տարի առաջ։

ԵՎՐՈՊԱ

ԸՆԴՀԱՆՈՒՐ ԱԿՆԱՐԿԻ

Եվրոպան, անկասկած, ունի առանձին աշխարհամաս կոչվելու բոլոր տվյալները։ Դրան նպաստում են ոչ միայն նրա մեծությունը, այլև միանգամայն առանձնահատուկ բնական պայմանները։

Եվրոպայի բնորոշ առանձնահատկություններից, անշուշտ, առաջնային նշանակություն ունի նրա ափերի խիստ կտրտվածությունը։ Գկա և ոչ մի աշխարհամաս, որտեղ ծովը այնքան խորը ներթափանցի ցամաք և ափագիծը այնքան խիստ մասնատված լինի, որքան Եվրոպայում։ Ափագիծի խիստ մասնատման հետևանքով Եվրոպան աշքի է ընկնում իր բազմաթիվ ծովերով, ծովածոցերով, կղզիներով և թերակղզիներով։ Կղզիները թերակղզիների հետ միասին կազմում են ամբողջ մայր ցամաքի մակերեսի 34 %-ը։ Եվրոպայի ամենից ավելի խոշոր կղզիներից նրա արևմուտքում հայտնի են՝ Մեծ Բրիտանիան (230 հազար քառ. կիլոմետր), որն իր մեծությամբ աշխարհի 8-րդ մեծ կղզին է, Խոլանդիան (103 հազար քառ. կմ²), Խոլանդիան (84 հազար քառ. կմ²), Միջերկրական ծովում խոչոր կղզիներից են՝ Սիցիլիան (26 հազար քառ. կմ²), Սարդինիան (24 հազար քառ. կմ²) և այլն։

Թերակղզիներից ամենից մեծն է Սկանդինավիան (825 հազ. քկմ.), մյուս թերակղզիներից նշանավոր են Պիրենեյան, Բալկանյան և Ապեննինյան թերակղզիները։

Եվրոպայի ֆիզիկա-աշխարհագրական բնույթի կարևոք առանձնահատկություններից է նաև նրա համեմատաբար մեղմ կլիման։ Եվրոպան գտնվում է բարեխառն գոտում, նրա տերիտորիայի մեծ մասը ենթակա է Ատլանտյան օվկիանոսի կողմից ներթափանցող տաք ու խոնավ օդային զանգվածների ազդեցությանը։ Այդ

¹ Գրքում խոսվելու է Եվրոպայի այն հատվածի մասին, որը տարածվում է ՍՅՈՒՄ սահմաններից արևմուտք։

Հանգամանքով պայմանավորված է նրա հատկապես արևմտյան շրջանների մերձծովյան տիպի կլիման: Մովային օդի զանգվածները Ատլանտյան օվկիանոսից տարածվում են դեպի արևելք մինչև Ուրալ, որից այն կողմ վերափոխվում են ցամաքային օդի: Այդ պատճառով նույն լայնության վրա Ուրալից արևելք Ասիայում ձմեռները շատ ավելի խիստ են և ցամաքային, քան Եվրոպայում: Անշուշտ մեծ նշանակություն ունի նույնպես Ատլանտյան օվկիանոսով դեպի հյուսիս-արևելք անցնող Գոլֆստրիմ ծովային տաք հոսանքը:

Եվրոպան իր կլիմայի և ռելյեֆի յուրահատկությամբ ամենից ուժեղ կերպով հակադրվում է Ասիային, որին ամենից խիստ է մերձեցած: Ըստ որում Ասիան ընդհանուր առմամբ հայտնի է անապատային և կիսանապատային ավագու հսկայական տարածություններով, մինչդեռ Եվրոպան, մեղմ ծովային կլիմայական պայմանների հետևանքով, աշքի է ընկնում ամենուրեք լայն տարածված անտառային և մասամբ տափաստանային բուականությամբ: Թնորոշ է, որ Եվրոպայի լայնատերև անտառները դեպի արևելք տարածվում են մինչև Ուրալ, իսկ Ուրալից արևելք չեն անցնում:

Ռելյեֆի տեսակետից Ասիան հայտնի է աշխարհում ամենից բարձր և ընդարձակ, դժվարամատչելի (եթե շասենք անմատչելի) լեռնաշղթաներով, որոնք մերթ ընդ մերթ փոխարինվում են լայնատարած ցածրություններով: Այստեղ կան բազմաթիվ լեռնագագաթներ, որոնք մինչև օրս մնացել են մարդու համար գեռնս անհասանելի:

Միանգամայն այլ է Եվրոպայի ռելյեֆը, որտեղ անգամ ամենից բարձր լեռնային սիստեմները, խիստ մասնատվածության հետևանքով, անհաղթահարելի արգելքներ չեն ստեղծել ցամաքի յուրացման համար: Եվրոպայի ամենաբարձր լեռներն են Ալպերը, որոնք բազմաթիվ տեղերում կտրտված են խճուղիներով և երկաթուղիներով:

Եվ, վերջապես, Ասիան հայտնի է աշխարհում զերմության ամենամեծ հակադրություններով: Այստեղ են գտնվում հյուսիսային կիսագնդի «ցրտության բևեռ» համարվող Վերխոյանսկի և Օյմեկոնի շրջանները, որտեղ ձմռանն արձանագրված են հյուսիսային կիսագնդի համար ամենացածր ջերմաստիճաններ: Հակառակ դրան, Եվրոպան գրեթե ամենուրեք աշքի է ընկնում բարեխառն տիպի մեղմ կլիմայով: Բացառություն է կազմում միայն նրա արևելյան կեսը, որտեղ մասամբ Ասիայի հսկա ցամաքի ազդեցության հե-

առևանքով ձմեռը լինում է բավականին ցուրտ, ամառն էլ՝ շատ տաք:

Հիմնականում հաշվի առնելով վերը նշված և մի շարք այլ էական տարբերությունները, ճիշտ են համարում Եվրոպան առանձնացնել Ասիայից և այն դիտել որպես առանձին աշխարհամասություն երկու աշխարհամասերի սահմանը մի ժամանակ համարել են Դնեբրը գետը, այնուհետև՝ Դոնը, իսկ ավելի ուշ՝ Ուրալյան լեռնազգիքան։ Անցյալում էլիզե Ռեկլյուն և Զուպանը սահմանն անց էին կացնում Ուրալյան լեռնաշղթայով, Մուգոզարներով, Ուստ-Ուփտի սարահարթով և ապա նախկինում Սև և Կասպից ծովերը միացնող Կումա-Մանիչի ցածրությամբ։ Այս բաժանմամբ Կասպից ծովն ու Կովկասը պատկանում էին Ասիային։ Այժմ ավելի հաճախ սահմանն անց են կացնում Ուրալյան լեռնաշղթայի արևելյան մասով, Ուրալ գետով, Կումա-Մանիչի ցածրությամբ և Կերչի նեղուցով։ Այս բաժանմամբ Ուրալն ամբողջապես հաշվում է Եվրոպայի մեջ, նկատի ունենալով այն, որ արևմուտքում նա աստիճանաբար է ցածրանում, իսկ արևելքում միանգամից զառիթափ իշնում է դեպի Արևմտասիրիական դաշտավայրը։

Երբեմն Կովկասը նույնպես հաշվում են Եվրոպայի մեջ։ Այդ գեղքուան սահմանն անց են կացնում Ադրբեյջանով։ Սև ծովը, Բոսֆորի նեղուցը, Մարմարա ծովը և Դարդանելի նեղուցը համարյամիշ էլ դիտվել են որպես Ասիայի և Եվրոպայի միջև անփոփոխ սահման։

Այսպիսով, Եվրոպան գրավում է Եվրազիա աշխարհամասի արևմտյան կեսը։ Նա հիմնականում գտնվում է բարեխառն գոտում և միայն նրա ծայր հյուսիսային և մասամբ հարավային լրջանները պատկանում են համապատասխանաբար՝ ենթարկտիկական և մերձարևադարձային գոտիներին։

Եվրոպա աշխարհամասի ծայրակետերն են համարվում՝ Հյուսիսային մասում (Սկանդինավյան թերակղզու սահմաններում)՝ Նորդկին հրվանդանը, հյուսիսային լայնության $71^{\circ}8'$ -ի տակ։ Սակայն Եվրոպայի ծայր հյուսիսային կետը միաժամանակ ընդունված է համարել Նորդկապ հրվանդանը, որը գտնվում է Մագերյուկովու վրա, հյուսիսային լայնության $71^{\circ}10'$ -ի տակ։ Վերջինիս շրջակայքում, չնայած ծայր հյուսիսային դիրքին, ծովը երբեք չի սառչում՝ շնորհիվ Գոլֆստրիմ ծովային տաք հոսանքի ազդեցության։

Եվրոպայի ծայր հարավային կետն է Մարրոկի հրվանդանը, Հյուսիսային լայնության 36° -ի տակ, արևմուտքում՝ Ռոկա հրվանդանը արևմտյան երկայնության $9^{\circ}30'$ -ի տակ: Արևելքում Եվրոպան տարածվում է մինչև արևելյան երկայնության 67° յլ (Բևեռային Ուրալի մոտ):

Եվրոպան, կղզիների հետ իասին, գրավում է մոտ $10,5$ միլիոն քառ. կիլոմետր տարածություն: Հյուսիսից-հարավ նա ձգվամ է մոտ 3900 կիլոմետր, իսկ արևմուտքից արևելք՝ 8000 կիլոմետր:

ԾՈՎԵՐԸ

Եվրոպայի արևմտյան ափերը ողողվում են Ատլանտյան օվկիանոսի ջրերով սակայն անմիջական սահմանը օվկիանոսային իջվածքի և մայր ցամաքի (կոնտինենտի) միջև այնքան էլ չի համապատասխանում Եվրոպայի ափերի գծագրությանը: Այդ երկուսի միջև ընկած է ցամաքի շելֆային (ծանծաղուտային) շրջանը, որտեղ խորությունները հազվադեպ են անցնում 200 մետրից: Թացառություն է կազմում Պիրենեյան թերակղզու իսպանական և պորտուգալական ծովափնյա շրջանը, որտեղ առանձին վայրերում խորությունները հասնում են մինչև 5000 մետրի:

Ատլանտյան օվկիանոսն ունի բավականին խիստ մասնատված անհարթ-հատակ: Օվկիանոսի կենտրոնական մասով լայնակի, իսկ երեմն էլ երկայնակի ուղղությամբ ձգվում են մի շարք ստորջրյա թմբեր: Այդպիսի թմբերից մեկը, որը հայտնի է Թոմսոնի անվամբ, լայնական ուղղությամբ անցնում է օվկիանոսի Հյուսիսային եզրամասով Թոմսոնի թմբի սահմաններում օվկիանոսի խորությունը 600 մետրից շի անցնում Նրա շրջանում տեղավորված են Խոլանդիան և Բրիտանական կղզիներից Հյուսիս ընկած Ֆարերյան կղզիները:

Թոմսոնի թմբից Հյուսիս ընկած է մի խոր շրային ավազան (մինչև 36° մետր խորությամբ), որը մերձենում է Հյուսիսային Սառուցյալ օվկիանոսին, բայց միաժամանակ Սառուցյալ օվկիանոսի արկտիկական ջրերից անջափված է Գրենլանդիայի և Սկանդինավիայի Հյուսիսային մասերն իրար միացնող Շպիցբերգենի կղզիներով: Ջրային այդ ավազանը արևելյան կեսում կոշվում է Նորվեգական ծով, իսկ արևմտյան կեսում՝ Գրենլանդական ծովը Սակայն այդ ամբողջական ավազանը մինչ այժմ մի ընդհանուր-

անուն շունի, թեպետև Յու. Շոկալսկին այն անվանում է Հյուսիս-Եվրոպական ծով, իսկ այլ հեղինակներ՝ Սկանդինավյան ծովը:

Ատլանտյան օվկիանոսի հիդրոլոգիական առանձնահատկությունների համար շատ կարևոր դեր է կատարում Գոլֆստրիմ ծովային տաք հոսանքը: Վերջինս սկիզբ է առնում Մեքսիկական ծոցից և ժամում 8—10 կիլոմետր արագությամբ Հյուսիսային Ամերիկայի արևելյան ափերով շարժվում դեպի Հյուսիսի համելք և ուղղվում դեպի Եվրոպա: Այստեղ նա բաժանվում է մի շարք ճյուղերի, բայց հոսանքի գլխավոր մասը կարողանում է հասնել մինչև Թոմսոնի թումբը և այնտեղից էլ մուտք գործել Սառուցյալ օվկիանոս:

Նորվեգական ծովի շրջանում Գոլֆստրիմն ունի փետրվարին 80°, իսկ օգոստոսին՝ 130°—150° ջերմություն: Նրա ջրի աղիությունը՝ 350/ց է: Նորվեգական ափերով դեպի Հյուսիսի շարժվելիս ջերմության անկման հետ միասին պակասում է նաև աղիությունը: Դեռ շհասած Բարենցի ծովին, Գոլֆստրիմը բաժանվում է երկու ճյուղի, որոնք նորդկապի և Շպիցբերգենի հոսանքներ անվան տակ առտիճանաբար անցնում են ավելի խորը՝ համեմատաբար քիչ աղիքայց սառը ջրերի տակ:

Ատլանտյան օվկիանոսը առաջացնում է մի շարք ծովեր. դրանցից Արևմտյան Եվրոպայի սահմաններում են Հյուսիսային, Բալթիկ և Միջերկրական ծովերը:

Հյուսիսային ծովը շատ ծանծաղ ջրային ավագան է: Նրա խորությունը մեծ մասամբ 100 մետր է, իսկ առանձին շրջաններում, օրինակ, Դոֆեր ծանծաղութում՝ 40 մետր: Հյուսիսային ծովը, որովհետև միանգամայն բաց է Ատլանտյան օվկիանոսի առաջ, ուստի որոշակիորեն կրում է նրա ազդեցությունը: Այսպես, օրինակ, աղիությամբ (34—350/ց) Հյուսիսային ծովը քիչ շափով է միայն զիջում Ատլանտյան օվկիանոսին. բացառություն են կազմում մերձամաքային (գետաբերանային) շրջանները: Զրի բարեխառնությունը ձմռանը պակասում է հյուսիսից հարավ, 70°-ից հասնելով մինչև 30°-ի: Ամռանը ջրի բարեխառնությունը պակասում է հարավ-արևելքից հյուսիս-արևմուտք ուղղությամբ, 170°-ից հասնելով 120°-ի:

Հյուսիսային ծովը, ինչպես նաև նրան մերձակա կամանց և Պաղեկալե նեղուցները ենթակա են մակընթացության և տեղատրվության երեսութին: Այդ երեսութի հետեանքով թիմզայում ջրի

մակարդակը բարձրանում է մինչև 6 մետր, մի քանի այլ վայրեցում՝ 10—12 մետր:

Բալթիկ ծովը ներքամաքային փակ ծով է: Հյուսիսային ծովի հետ միացած է Սկագերակ, Կատեգատ և համեմատաբար ավելի փոքր ջունդ, Մեծ Բելտ, Փոքր Բելտ նեղուցներով: Զնայած այդ կապին, նա կարծեք թե սեկուսացած ջրային ավազան լինի, որովհետև նշված նեղուցների շրջանում ջրի խորությունը շատ չնշին է: Հենց այդ պատճառով նրա աղյությունը Սկագերակ-Կատեգատ նեղուցներում $20^{\circ}/00$ է, մեծ Բելտում՝ $17^{\circ}/00$, Փոքր Բելտում՝ $7,5^{\circ}/00$, իսկ Բալթիկ ծովի հյուսիսում՝ $2^{\circ}/00$ և ավելի պակաս: Խորության համապատասխան աղյությունը ավելանում է:

Ընդհանուր առմամբ Բալթիկ ծովը (այլ ծովերի համեմատությամբ) քաղցրահամ է, որովհետև սնվում է մեծ քանակությամբ գետերով և մթնոլորտային տեղումներով: Բացի այդ, նա գտնվում է աշխարհագրական բարձր լայնությունների տակ, որտեղ գոլորշացումը շատ մեծ չի: Ամուանը ջրի բարեխառնությունը $15-16^{\circ}$ է, իսկ ձմռանը՝ հյուսիսում 0° և պակաս, հարավում՝ մինչև $+2^{\circ}$: Բացառությամբ հարավային մասի, Բալթիկ ծովն ամբողջապես ձրմուանը սառցապատվում է: Տեական սառցապատմամբ աշքի է ընկնում հոտնիկական ծոցը, մասամբ՝ Ֆիննական և ավելի քիչ՝ Ռիգայի ծոցը:

Ատլանտյան օվկիանոսից մակընթացությունը հնարավորություն չունի ներթափանցելու Բալթիկ ծովը: Այնուամենայնիվ, այստեղ գոյություն ունեն ջրի մակարդակի տատանումներ, որ բացատրվում են Բալթիկ ծովը մուտք գործող գետերի վարարումներով, ինչպես նաև մթնոլորտային տեղումների սեզոնային տարրերություններով: Բալթիկ ծովն ամենից ցածր մակարդակ ունենալում է ձմռանը, իսկ ամենից բարձր՝ գարսանը:

Բալթիկ ծովում նույնպես կան ջրային հոսանքներ: Նրանցից մեկը, որն անցնում է Շվեդիայի ափերով, հյուսիսից դեպի հարավ, հաճախ իր հետ տեղափոխում է նաև սառցակտորներ:

Ընդհանուր առմամբ Բալթիկ ծովի ավելցուկ ջրերը նեղուցների շրջանում մակերեսային հոսանքով մուտք են գործում Ատլանտյան օվկիանոս, իսկ Ատլանտյան օվկիանոսի համեմատաբար աղի շրերը, հատակային մասով՝ Բալթիկ ծով:

Բալթիկ ծովը նույնպես ծանծաղ է: Նրա միջին խորությունը 70 մետր է: Առավելագույն խորությունը տեղ-տեղ միայն անցնում է 450 մետրից: Հատակն անհարթ է: Շատ մասերում կան խորթեր,

որոնք առանձին դեպքերում դուրս են գալիս ծովի մակերևույթ ժայռակերպ կղզիների ձևով:

Կարևորագույն կղզիներից են Բոտնիկական ծոցում Ալանդյան կղզիները, Ռիգայի ծոցի մուտքի մոտ՝ Սարեմա և Խումա, Շվեդիայի ափերի մոտ՝ Էլանդ և Գոտլանդ, իսկ Դանիական ափերի մոտ՝ Զելանդիա, Ֆյուն, Լոլանն և մի շարք ավելի փոքր կղզիներ։

Միջերկրական ծովը գրավում է 2 միլ. 500 հազար քառ. կմ՝ տարածություն։ Ատլանտյան օվկիանոսի հետ միացած է Ճիրագլուարի նեղուցով, որի ամենանեղ մասն ունի 13 կմ լայնություն և 320 մետր ամենափոքր խորություն։

Միջերկրական ծովն իր բնույթով տարբերվում է Ատլանտյան օվկիանոսի վերը նկարագրած ծովերից նրանով, որ եթե առաջին-ները գտնվում են Եվրոպայի շելֆային շրջանում և շատ ծանծագ են, ապա Միջերկրական ծովը շատ խորն է. բացի այդ, նա շատ ավելի տաք է, ինչպես նաև շատ ավելի աղի (նույնիսկ օվկիանոսի համեմատությամբ)։

Միջերկրական ծովը համարվում է մնացորդային ծով։ Նրա ժամանակակից կառուցվածքի վրա նշանակալից ազդեցություն են թողել Երրորդական ժամանակաշրջանի լեռնակազմական պրոցեսները, որոնց հետեանքով առաջացած ուղղաձիգ տեղաշարժերը նրան տվել են նոր գծագրություն, բաժանելով մի շարք ինքնուրուցն շրային ավազանների։

Միջերկրական ծովը հիմնականում բաժանվում է երկու մասի՝ արևմտյան և արևելյան։ Բաժանման սահմանը անցնում է Ապենինյան թերակղզով, Սիցիլիա կղզով և Սիցիլիայից մինչև Թունիս ընկած ստորշրջա թմբով։ Ծովի արևմտյան ավազանն իր հերթին բաժանվում է երեք մասի. Բալեարյան ծով (համանուն կղզիների շրջանում և նրանցից հյուսիս), Ալբուրանի ծով, որը տարածվում է նախորդից հարավ՝ դեպի Ճիրագլուար և Տիրենյան ծով։ Սրանք բոլորն էլ ունեն մինչև 3000 մետր խորություն։

Առավել խորություններով աշքի է ընկնում Միջերկրական ծովի արևելյան ավազանը։ Այս մասում առանձնացվում են Հոնիական ծովը, որի խորությունը հասնում է մինչև 4400 մետրի։ Այս ծովի սահմաններում են գտնվում Հոնիական արշիպելագի կղզիները, որոնցից ամենից մեծը կոչվում է Կորֆու։ Մյուս ծովերից են Ադրիատիկը՝ մինչև 1000 մետր խորությամբ և ապա Էգեյան ծովը՝ մինչև 3000 մետր խորությամբ։ Էգեյան ծովի սահմաններում աշքի ընկնող խոշոր կղզիներից են՝ Կրետեն, Հոռոպոսը, Էվբեան։ Բայց

այդ, կան բազմաթիվ մանր կղզիներ, որոնց խմբավորումներից հայտնի են Կիլյադները, Սպորադները և այլն:

Միջերկրական ծովը, չնայած նրա ավագանի մեծությանը, աշքի ընկնող խոշոր գետեր քիչ է ընդունում: Միաժամանակ հարավային դիրքի և պարզկա եղանակների տիրապետության հետեաքով նրանում մեծ շափերի է հաճնում գոլորշացումը: Այդ պատճառով Միջերկրական ծովը աղիությամբ նկատելիորեն գերազանցում է Ատլանտյան օվկիանոսին: Այսպես, օրինակ, Միջերկրական ծովի արևմուտքում աղիությունը հասնում է 37 °/օ, իսկ արևելքում՝ 39 °/օ-ի: Մեծ աղիության և մակերեսից զրերի ուժեղ գոլորշացման շնորհիվ Ատլանտյան օվկիանոսի մակերեսույթից մշտական ջրային հոսանք է առաջանում Զիբրալտարի նեղուցով դեպի Միջերկրական ծովը: Նեղուցում այդ հոսանքի միջին արագությունը կազմում է 3,7-ից մինչև 5,5 կիլոմետր մեկ ժամում: Արագության տատանումը կապված է մակընթացության և տեղատվության հետ: Այդ նույն հոսանքի տակով, մոտ 200 մետր խորության վրա, հակառակ ուղղությամբ Միջերկրական ծովի ծանր և ավելի աղի ջրերը հոսում են Ատլանտյան օվկիանոս, բայց անհամեմատ ավելի պակաս հզորությամբ:

Միջերկրական ծովը ջրերի որոշ ավելցուկ է ստանում նաև Սև ծովից, որտեղ աղիությունը համեմատաբար ավելի քիչ է, որովհետև նրա մեջ թափվում են բավական մեծ քանակությամբ քաղցրահամ գետեր: Սև ծովի 17—18 °/օ աղիության ջրերը Միջերկրական ծովն են մուտք գործում Բոսֆորի, Մարմարա ծովի և Դարդանելի նեղուցով:

Միջերկրական ծովն ունի բարեխառնության յուրահատուկ՝ ունիմ: Ամռանը ջրի ջերմությունը մակերեսին հասնում է 24°—26°-ի, հատակում՝ 13°-ի: Ձմռանը մակերեսի և հատակի բարեխառնությունների միջև տարբերություններ չկան. ամենուրեք այն արտահայտվում է 13° ջերմությամբ: Այդ բացատրվում է Զիբրալտարի նեղուցի շրջանում ստորջրյա թմբի առկայությամբ, որը թույլ չի տալիս Ատլանտյան օվկիանոսի հատակային սառը ջրերին մուտք գործելու Միջերկրական ծովը:

Մակընթացության և տեղատվության երկույթը Միջերկրական ծովում թույլ է արտահայտվում (50 սմ.), բացառություն է կազմում նեղուցների շրջանը (օրինակ՝ Ապեննինյան թերակղզու և Սիցիլիայի միջև), որտեղ այն լավ է նկատվում:

Արևմտյան Եվրոպայի ափերը ողողող ծովերը եվրոպական ժողովուրդների հյանքի համար ունեն բացառիկ կարևոր նշանակություն: Նրանք արտակարգ հարուստ են օրգանական աշխարհով և մեծ մասամբ հանդիսանում են ձկնորսության լայն զարգացման շրջաններ: Ատլանտյան օվկիանոսի, ինչպես նաև առհասարակ աշխարհի ամենահարուստ ձկնորսության շրջաններից մեկը համարվում է Հյուսիսային ծովը: Բացառիկ է Եվրոպական ծովերի տրանսպորտային նշանակությունը:

ՌԵԼՅԵՖԻ ՀԻՄՆԱԿԱԼՆ ԳԾԵՐԸ

Արևմտյան Եվրոպայի ռելյեֆը ներկայացնում է մեծ բազմապիսություն: Նրանում տարածված են բազմաթիվ լեռնաշղթաներ, որոնց հաջորդում են ընդարձակ գոգհովիտներ, միանգամայն հարթ դաշտավայրեր և բարձրավանդակներ:

Եվրոպայի լեռնային շրջանները միմյանցից տարբերվում են իրենց երկրաբանական ծագմամբ և տեկտոնական կառուցվածքով: Նրանք միմյանցից տարբերվում են նաև իրենց գեոմորֆոլոգիական առանձնահատկություններով:

Եվրոպայի հյուսիս-արևմտյան մասում աչքի ընկնող լեռնային բարձրություններից հայտնի են Սկանդինավյան լեռները, որոնք տարածվում են հրմնականում հարավ-արևմուտքից դեպի հյուսիսարևելք: Նրանցով բռնված է Սկանդինավյան թերակղզու մեծագույն մասը: Սկանդինավյան լեռները բավականին զառիթափ լանջերով իջնում են դեպի արևմուտք և միաժամանակ աստիճանաբար ցածրանում դեպի արևելք: Մակերեսով բավականին հարթ է և կազմված առանձին բարձրավանդակներից, որոնց վրա բարձրանում են մեկուսացված լեռնազանգվածներ, որ առանձին դեպքերում իրենց վրա կրում են սառցաղաշտեր: Սկանդինավյան լեռների աչքի ընկնող լեռնագագաթներից հյուսիսում հայտնի է Կերենեկայսեն, 2195 մետր բարձրությամբ, իսկ հարավում՝ Գալիխեպիգգենը 2466 մետր բարձրությամբ: Լեռների մակերեսով բավականին խթատ մասնատված, հատկապես արևմուտքում, որտեղ առաջացել են մեծ քանակությամբ խոր գետահովիտներ և լեռների մեջ միրճակած ֆիորդներ:

Եվրոպայի հյուսիսում ռելյեֆի տեսակետից մի առանձին շրջան է ներկայացնում հալանդիա կղզին, որի մեծ մասը իրենից ներկայացնում է բազալտային սարահարթ: Այդ սարահարթի վրա ա-

մենուրեք ցրված են Հրաբխային լեռնագագաթներ՝ հաճախ ծածկը-ված սաղադաշտերով։ Կարեռագույն Հրաբուխներից է Հեկլա սարը՝ 1447 մետր բարձրությամբ։ Կղզու հարավային մասը մակերես-վույթի առումով ներկայացնում է դաշտավայր։

Հյուսիսային ծվրոպայում լեռնոտ մակերեսովը ունի նաև Մեծ Թրիտանիա կղզու հյուսիսային մասը՝ Շոտլանդական լեռնաստանը, որ մինչև 1343 մետր բարձրություն ունի։ Տեկտոնական և մասամբ մորֆոլոգիական առանձնահատկություններով վերջինս համարվում է Սկանդինավյան լեռների արևմտյան շարունակությունը։ Լեռնոտ մակերեսով մասամբ հայտնի է նաև հոլանդիա կղզին։

Նշված լեռները (բացառությամբ հսլանդիայի) պատկանում են հնագույն (կադեկոնյան) ժալքավորություններին։ Նրանք հետագա ժամանակաշրջաններում, հատկապես Երրորդականի և Չորրորդականի ընթացքում, ենթարկվել են խիստ ջարդվածքների և ճեղքվածքների գծով արտահայտված տեղաշարժերի։ Հենց շնորհիվ ուղղաձիգ այդ շարժումների ստեղծվել են տվյալ գոտու ույլեթի խոշոր ձերը, ինչպիսիք են վերևում թվարկած լեռնային զանգվածները և նրանց միմյանցից բաժանող իջվածքները։ Վերջինների թվին են պատկանում նաև Հյուսիսային և հոլանդական ծովերը։

Եվրոպայի հյուսիսային լեռնային այս գոտուն կարելի է միացնել Ֆարերյան կղզիները, Շպիցբերգենի կղզիախումբը, Արջի կրղին, Ֆրանց Հովիսեփի երկիրը։ Գտնվելով համեմատաբար բարձր լայնություններում և խոնավ կրիմայական պայմաններում, լեռնային այդ զանգվածները Չորրորդական ժամանակաշրջանում եղել են հզոր սաղադաշտերի կենտրոններ։ Այդ կենտրոններից սաղադաշտերը բերել են մեծ քանակությամբ մորենային նյութեր և նըստեցրել մասամբ այդ, մասամբ էլ հաջորդ (հարավային) գոտիներում։

Հյուսիսային Եվրոպայի լեռնային շրջանից անմիջապես դեպի Հարավ և հարավ-արենլք ընկած է ցածրադիր հարթությունների և ընդարձակ իջվածքների մի գոտի, որի որոշ մասը բռնված է Լամանշ ու Պա-դե-Կալե նեղուցների և Հյուսիսային ու Բալթիկ ծովների ավագաններով։ Ցածրադիր դաշտավայրային այդ գոտու հարթ մակերեսութք տեղ-տեղ խախտված է բլրային թմբերով, որոնք տեղադրված են հարավային Անգլիայի, Հյուսիս-Ֆրանսիական, Գերմանա-Անգլական և մասամբ Շվեդական դաշտավայր որի սահմաններում։

Այս և նախորդ գոտիների միջև անցողիկ շրջան է ներկայացնում Ֆեննո-Սկանդինավիայի արևելյան մասը, որը կազմված է մինչեւմբրյան ապարներից, գնեյսներից, գրանիտներից, բյուրեղային թերթաքարերից: Սա նույնպես տեղ-տեղ ենթարկվել է ոչ մեծ մասշտարի ուղղաձիգ տեղաշարժերի, առաջացնելով մի կողմից՝ բարձր թմբեր (Հորստածե զանգվածներ), մյուս կողմից՝ իջևածքներ: Բարձրություններն այստեղ սովորաբար հասնում են 300—400 մետրի: Բացառություն են կազմում միայն Ֆինլանդիայում Մասնակելի և Սուումինսելիկե շղթաները, որոնք ունեն մինչև 700—725 մետր բարձրություն:

Այս գոտու ամենամեծ բչվածքներից են՝ Լա-Մանշի ու Պա-դե-Կալեի նեղուցները (որ Մեծ Բրիտանիա կղզին բաժանում են մայր ցամաքից), Հյուսիսային ծովի հարավային մասը, Բալթիկ ծովը, Լադոգա լիճը, Սպիտակ ծովը:

Այս նույն գոտու մեջ մտնում են նաև Սկագերակ ու Կատեգատ լայն նեղուցները, որոնցով Հյուսիսային ծովից կապվում է Բալթիկ ծովից հետ: Ավելի փոքր նեղուցներից են Էրեսուն, Մեծ և Փոքր Բելտ նեղուցները, որոնք փաստորեն ներկայացնում են ծովով ծածկված գետահովիտներ:

Նկարագրվող գոտին գրեթե ամբողջովին ծածկված է սառցադաշտային բերլածքներով: Հենց այդ պատճառով նրա շատ մասերում հանդիպում են ոչ մեծ բարձրության մորենարևային թմբաշարեր:

Ցածրադիր հարթավայրային այս գոտուց հարավ, նրան գուգահեռ, տարածվում է Եվրոպակի միջին բարձրությունների լեռնային գոտին, որն աչքի է ընկնում բարձրությունների և ցածրությունների խիստ զգալի տարբերություններով: Ամբողջ այդ գոտին ներկայացնում է լեռնազանգվածների և ցածրությունների մի շարք հերթափոխություններ: Աշքի ընկնող բարձրություններից են Կենտրոնական Ֆրանսիական լեռնազանգվածը՝ մինչև 1886 մետր բարձրությամբ, Բոհեմական զանգվածը, որի ծայրամասային լեռները մինչև 1600 մետր բարձրություն ունեն, այնուհետև՝ Միջին Գեդմանական լեռները:

Ավելի հարավ տարածվում է երիտասարդ, Երրորդական ծալքավորությունների լեռնային գոտին: Այստեղ լեռները ձգվում են ոչ միայն որոշակի ուղղություն ունեցող շղթաների ձևով, այլև աչքի են ընկնում պարզորոշ շրբաժաններով, ինչպես նաև հսկայական ձգվածությամբ: Այս մասի կամքության բարձրություններից են

Ալպյան լեռները: Սրանք աղեղնաձև տարածվում են Ռուսակի գետաբերանի մոտից մինչև Վիեննայի գոգավորությունը՝ Միջին Դանուբյան դաշտավայրի սահմաններում։ Ալպյան լեռների ընդհանուր երկարությունը հավասար է մոտ 1300 կիլոմետրի, ամենափոքր լայնությունը (Մոնթլան լեռան միջօրեականում) հասնում է 130 կիլոմետրի, իսկ առավելաւույն լայնությունը (արևելյան մասում)՝ մինչև 240 կիլոմետրի։ Ալպյան լեռները մեծ բարձրության են հասնում արևմտյան կեսում։ Այդտեղ շատ գագաթներ մշտապես ծածկված են հավերժական ձյունով, որտեղից սկզբնավորվում են բազմաթիվ սառցադաշտեր։ Ալպերի, ինչպես նաև ամբողջ Եվրոպայի, ամենաբարձր գագաթն է Մոնթլանը, որն ունի 4810 մետր բարձրություն։

Ալպյան լեռների արևելյան տեկտոնական շարունակական լուսաբաց էն կազմում Կարպատյան լեռները։ Սրանք Ալպերից բաժանված են Վիեննայի իջվածքով, որով Դանուբ գետն է հոսում։ Կարպատյան լեռները նույնպես ձգվում են աղեղնային կորությամբ, առաջացնելով հյուսիսային կողմում ուսուցիկություն, սակայն ի տարբերություն Ալպերի, Կարպատյան լեռներն անհամեմատ ավելի ցածր են և շատ մասերում նման են Եվրոպայի միջին բարձրության լեռներին։ Կարպատյան լեռների առավել բարձր մասը Տատրանի լեռնազանգվածն է, 2663 մետր առավելագույն բարձրությամբ։ Կարպատյան լեռները վերջանում են Ստորին Դանուբյան դաշտավայրի սահմաններում, «Երկաթյա Դարպասների» մոտ։ «Երկաթյա Դարպասներից» սկսած Կարպատյան լեռների շարունակություն են կազմում Բայկանյան լեռները, որոնք տարածվում են մինչև Սև ծովը։

Ալպյան լեռների մի ճյուղավորություն միանում է Դինարյան լեռներին, որոնք ձգվում են Բալկանյան թերակղզու արևմտյան եղրամասով, իսկ մի այլ ճյուղավորություն անցնում է Ապեննինյան թերակղզու կենտրոնական հատվածով և կոչվում է Ապեննինյան լեռներ։

Ալպերը, ինչպես նաև Կարպատները, գտնվում են կենտրոնական Եվրոպայում, իսկ Ալպյան լեռների շարունակությունը կազմող Դինարյան և Ապեննինյան լեռները՝ հարավային Եվրոպայում։ Հարավային կամ Միջերկրածովային Եվրոպայումն են գտնվում նույնպես Պիրենեյան, Ապեննինյան և Բալկանյան թերակղզիները, որոնք ունեն Ֆիրենցի տեսակետից ավելի շատ աշքի են ընկնում լեռնային բարձրություններով, ճիշտ այնպես, ինչպես Միջերկրական ծովում գտնվու կղզիները։ Աշքի ընկնող դաշտավայրերը հիմնակա-

նում ընկաւ: Ալպերի և Կարպատների հարավում: Դրանցից են Հոմբարդական (Պաղանյան) և Միջին Դանուբյան դաշտավայրերը: Կարպատյան լեռներից արևելք ընկած է Ստորին Դանուբյան դաշտավայրը:

Հարավային Ելբռոպայի երեք թերակղզիները միմյանցից բաժանված են բավականին ընդարձակ ծովերով և իրարից տարբերվում են ոչ միայն ուղղվածի բնորոշ տիպերով, այլև ափերի գծագրությամբ:

Պիրենեյան թերակղզին առավելապես բնորոշվում է զանգվածային տիպի ուղղվածով և ափագծի թույլ մասնատվածութամբ: Թերակղզու կենտրոնական մասը ներկայացնում է մի լնդարձակ սարահարթ, որը կոչվում է Մեզետա: Մեզետայի կենտրոնական մասով ձգվում են մի շարք հնագույն լեռներ, որոնցից ևն Սիերրա-դե-Գվադարամա, Սիերրա-դե-Գրեդոս, Սիերրա-դե-Գատա և այլ շղթաները: Նրանք բոլորը միասին հաճախ կոչվում են Կենտրոնական Կորդիլյերներ: Կենտրոնական Կորդիլյերներով ամբողջ Մեզետան բաժանվում է երկու սարահարթերի, որոնցից մեկը (Հյուսիսում) կոչվում է Հին Կաստիլիա, իսկ մյուսը (Հարավում)՝ նոր Կաստիլիա:

Խսպանական Մեզետան եզրավորված է մի շարք համեմատաբար բարձր ծալքավոր բնույթի լեռնաշղթաներով: Դրանցից են Անդալուզյան կամ Բետլան լեռները (մինչև 3480 մետր բարձրությամբ), իբրական և Կանտաբրյան լեռները (մինչև 2642 մետր բարձրությամբ), ինչպես նաև Պիրենեյան լեռները (մինչև 3404 մետր բարձրությամբ): Նշված լեռներից Անդալուզյան լեռները Ելբռոպայիմ բարձրությամբ զիջում են միայն Ալպերին և խիստ մասնատված են: Այդ լեռների տեկտոնական շարունակությունն է կազմում Բալեազյան կղզիների խումբը:

Ապեննինյան թերակղզին համեմատաբար ավելի է մասնատված և դրա հետևանքով նրա սահմաններում ու մոտակայքում առաջացել են մի շարք թերակղզիներ և կղզիներ: Թերակղզիներից հայտնի են Կալաբրիան, Ապուլիան և Գարգանոն, իսկ կղզիներից՝ Սիցիլիան, Սարդինիան, Կորսիկան և ուրիշները:

Ապեննինյան թերակղզու կետրոնական մասով անցնում են Ապեննինյան լեռները, որոնց բարձրությունը միջին մասում (Գրան-Սասսո զանգվածում) հասնում է 29-21 մետրի: Ապեննինյան թերակղզու հյուսիսային մասում գտնվում է Պաղանյան կամ Լոմբարդական դաշտավայրը, որը եզրավորված է հտալական Ալպերով:

Բալկանյան թերակղզին բնորոշվում է ոչ միայն ռելլեֆի, այլև ափագծի խիստ մեծ մասնատվածությամբ: Այդ ամենի հետևանքով, առանձնապես Նրա հարավում, առաջացել են բազմաթիվ կրղղիներ և թերակղզիներ: Դրանցից հայտնի են Պելոպոննես, Խալկեդոնիա, Գալլիպոլի թերակղզիները, Հվերա և Կամատե խոշոր կղզիները, ինչպես նաև բազմաթիվ մանր կղզիների արշիպելագներ: Թերակղզու արևմտյան մասով անցնում են Երինարյան և ապա նրանց հարավային շարունակությունը կազմող Պինդոսի լեռները: Արևելյան մասում Ռոդոպյան լեռնազանգվածը մինչև 2924 մետր բարձրություն ունի:

Եվրոպայի հարավային (ալպյան) ծալքավորությունների գոտին տեղական բնորոշատվում է հնագույն լեռնազանգվածներով (օրինակ՝ իսպանական Մեղետայի, Ռոդոպյան լեռների շրջանում), ինչպես նաև առանձին գեպիքերում մեջ ընդ մեջ փոխարինվում է իշղածքներով, որոնք մեծ մասամբ առաջացել են երրորդականի բնթացքուն կատարված խզումների հետևանքով: Հարավում երկրակեղենի իշղածքային որոշ տարածությունները օվկիանոսի մակերևույթից ցած լինելու պատճառով ծածկվել են ջրով (օրինակ՝ Բիսկայան ծոցի, Միջերկրական, Սև և Մարմարա ծովերի շրջանները): Զիբրալտարը նույնպես իրենից ներկայացնում է մի իշղածք, որը Պիրենեյան թերակղզին բաժանում է Աֆրիկայից: Իսկ Դարդանելն ու Բոսֆորը, որոնք Բալկանյան թերակղզին բաժանում են Փոքր Ասիայից, իրենցից ներկայացնում են ծովով ծածկված գետաշխոհիտներ:

Պիրենեյան, Ապեննինյան և Բալկանյան թերակղզիները զգալի շափով ներկայացնում են հնագույն ցամաքի մնացորդներ: Նույնը կարելի է ասել Միջերկրական ծովի բազմաթիվ կղզիների (Բայլեարյան, Սարդինիա, Կորսիկա, Կրետե, Կիպրոս, Հռոմեոս և այլն) մասին:

ՅԱՄԱՔԻ ԶԵՎԱՎՈՐՄԱՆ ՊԱՏՄՈՒԹՅՈՒՆԸ

Եվրոպայի ցամաքի ձևավորման պատմությունը սկսվում է շատ հին դարաշրջաններում: Նրա ընդարձակումը տեղի է ունենում հյուսիսից-հարավ, ըստ որում սկզբնական ցամաքը բարդմից կոտրատվելով երբեմն անցել է ջրի տակ և ապա կրկին բարձրացել վեր:

Արևմտյան Եվրոպայի հնագույն կորիզը, որի շուրջն ընդարձակվել է մայր ցամաքը, հանդիսանում է Ֆեննո-Սկանդինավյան

ծայրամասերի) համար Դևոնը բնորոշ է մասամբ կոնտինենտալ և մասամբ ծանծաղ ծովային նստվածքների առաջացմամբ:

Կպրբոնի ժամանակաշրջանի առաջին կեսում Ռւրալյան գեղա-նին կինալի կողմից տեղի է ունենում ծովի տրանսգրեսիա, որն ընդգրկում է արևելակրոպական պլատֆորմի մեծ մասը և այնտեղ կուտակում մեծ քանակությամբ կրային նստվածքներ (ինչպես, օրինակ, Վոլգայի, Դնեպրի, Դոնի, Թերեքի, Կուրանի ավազաններում և այլն): Այդ ծովի ափի երկարությամբ, Մերձմոսկովյան և Դոնեցի ավազաններում, Ռւրալի շրջանում և մի շարք կղզիներում աճում է փարթամ անտառ, որը հետագայում տեղիք է տալիս քարածիի գոյացմանը:

Միջին Կարբոնում Արևմտյան Եվրոպայում և Աերալուք տեղի են ունենում ուժեղ լեռնակազմական պրոցեսներ, որոնք տեսում են մինչև Պերմի սկիզբը: Այս լեռնակազմական պրոցեսները, որոնք տեղի են ունենում Պալեոզոյան էրայի երկրորդ կեսին (Կարբոն-Պերմ), հայտնի են հերցինյան ծալքավորություն անվամբ:

Այս ժամանակաշրջանում Արևմտյան Եվրոպայում ծովի հատակից բարձրանում են հզոր լեռնաշղթաներ, որոնք տարածվում են Խապանական Մեզետայից և Արմորիկական զանգվածից դեպի արևելք, մինչև Հարավ-լեհական լիոները: Այսպիսով ստեղծվում է մի ընդարձակ ցամաք, որը Միջներկրական ծովի գեոսինկլինալը բաժանում է շատ ավելի ծանծաղ Ատլանտյան օվկիանոսից՝ Իռլանդիայի, Անգլիայի, Հյուսիսային Ֆրանսիայի, Բելգիայի, Հյուսիսային Գերմանիայի տերիտորիաներով մինչև Լեհաստան ձգվող ծովից: Վերջինս շուտով սկսում է արագորեն ծանծաղել և վերածվել թեք լանջերով լեռնագոգ հովիտների: Այստեղ սկսում են կուտակվել մեծ քանակությամբ բուսական մնացորդներ, որոնք հետագայում առաջացնում են քարածխային ավազաններ:

Հերցինյան ծալքավորությունների հետևանքով հզոր լեռնային սիստեմներ են ձևավորվում նաև Պիրենեյան թերակղզում, Բրիտանական կղզիների հարավային կեսում, Ապեննիններում, Բալկաններում, ինչպես նաև Միջներկրական ծովի մի շարք խոշոր կղզիներում:

Արևմտյան Եվրոպայում հերցինյան ծալքավորության պատկանող լեռները կենտրոնական Ֆրանսիական զանգվածից բաժանվում են երկու աղեղների: Նրանցից մեկը, որ ձգվում է Կենտրոնական Ֆրանսիական զանգվածից դեպի Հյուսիս-արևմուտք, կողվում է Արմորիկական: Նա ընդգրկում է Բրիտանի, հարավային Անգլիա-

յի և հոլանդիայի լեռները: Մյուս աղեղը, որ ձգվում է Կենտրոնական Ֆրանսիական զանգվածից դեպի Հյուսիս-արևելք, կոչվում է Վարիսցյան: Սա իր մեջ ընդգրկում է Վոգեզները, Շվարցվալդը, Բոհեմական, Հանքային և մի շարք այլ լեռներ:

Շնորհիվ հերցինյան ժալքավողությանների, Եվրոպայի ցամաքը նկատելիորեն մեծանում է:

Կարբոնի վերջում տեղի է ունենում ծովի ոեգրեսիա, որը առավելագույն շափերի է հասնում հատկապես Պերմի ընթացքում: Մովային պայմանները պահպանվում են միայն Միջերկրածովային գեոսինկլինալում և մասամբ արևելակրոպական պլատֆորմի արեւյան եզրամասում (Ուրալի երկարությամբ՝ մինչև Կասպից ծովը):

Պերմում չոր և տաք կլիմայական պայմաններում տեղի է ունենում ջրերի ուժեղ գոլորշիացում, որը նպաստում է լճերում, ինչպես նաև ծանծաղ ջրային տարածություններում աղերի կուտակմանը:

Այդ միենույն ժամանակաշրջանում տեղի է ունենում հերցինյան լեռների ինտենսիվ հողմահարում: Լեռների քայքայված նյութերը սկսում են կուտակվել ցածրադիր հարթություններում և տեղադրացնում մեծ հզորության, ցամաքային ծագում ունեցող կարմրագույն ավագաքարերը (ինչպես, օրինակ, հարավային Անդիայում, Գերմանիայում, Մերձուրալյան շրջանում և այլն):

Պերմում շարունակվում է ջարդվածքների ուղղությամբ երկրակեղեկի առանձին տեղամասերի իշեցումը, որոնք տեղ-տեղ վեր են ածվում ջրային ավագանների և պահպանում իրենց գոյությունը նաև երկրաբանական մյուս ժամանակաշրջաններում: Ուղղաձիգ շարժումների հետևանքով առաջանում են գրաբեններ և հորսոտեր երկրակեղեկի խախտումները մի շարք վայրերում (հիմնականում՝ Կենտրոնական Ֆրանսիական զանգվածի և Սուլդեների միջև ընկած տերտորիայում) ուղեկցվում են ուժեղ հրաբիսականությամբ: Տրիասի ընթացքում Եվրոպայի մեծ մասը շարունակում է մնալ սրպես ցամաք: Այդ ժամանակաշրջանը Եվրոպայի համար առավելապես եղել է հանգստի շրջան: Ըստ որում Տրիասում Եվրոպան շարունակում էր մնալ Հյուսիս-ատլանտյան ցամաքի մասը: Հարավում գտնվում էր Միջերկրածովային գեոսինկլինալը՝ Թետիս օվկիանոսը, որը բռնում էր ներկայիս Ալպերի, Կարպատների և հարավային Եվրոպայի տերիտորիան: Մի շարք երկրաբանների տրվյալների համաձայն, չնայած այդ ծովի մեծ խորությանը, այնու-

ամենայնիվ, նրա հատակում տեկտոնական խախտումները սկսվում են գեռևս Յուրայից և շարունակվում երրորդական ժամանակաշրջանում, վեր բարձրացնելով ծալքավոր լեռներ։ Հստ որում Յուրայում Ալպյան լեռների շրջանում ձևավորվում է լայնակի ուղղությամբ ճգվող ստորշրյա մի թումբ, որը այդ մասի ջրային ավազանը բաժանում է մի քանի ինքնուրուցն մասերի։ Ամբողջ Յուրայի շրջանի համար շատ բնորոշ են Եվրոպայի ցամաքի ուղղաձիգ տատանումները, որոնց հետևանքով անընդհատ փոփոխվում էին ծովային ավազանների չափերը, խորությունները, հոսանքները, ջերմային պայմանները և այս բոլորի հետևանքով՝ նրանցում առաջացող նստվածքների բնույթը։ Հենց սրանով է բացատրվում Յուրայի ֆացիաների մեծ բազմադաշտությունը։

Միջերկրածովային գեոսինկլինալի ծովը Յուրայի ընթացքում ավելի է խորանում, բայց տեղ-տեղ սկսվում են տեկտոնական պրոցեսները, որոնց շնորհիվ առաջանում են իրար զուգահեռ մի շարք ստորշրյա շղթաներ (օրինակ՝ Բալկանյան թերակղզու զանդվածը, Կովկասյան կղզին)։ Յուրայի վերջում ծովը ծանծաղում է և հետզհետե հար քաշվում։ Արևմտյան Եվրոպայի արտաալպիական (Հյուսիսային) զոնայում ստորին Յուրայում կատարվում է արանսագրեսիա, առաջանում է մի բավական խոր ծով, որի մեջ ընկած էին եվրոպական հերցինիդներից կազմված առանձին հորսոներ (կղզիներ)՝ հսպանական Մեզետան, Արմորիկյան զանգվածը, Կենտրոնական Ֆրանսիական զանգվածը, Շվարցվալդը. Վոգեզները, Արդեննո-Հոնենույան զանգվածը և այլն։ Միջին Յուրայում այդ տրանսգրեսիան ուժեղանում է, կղզիները փոքրանում են, բայց փոքրանում է նաև ավազանի խորությունը։ Վերին Յուրայում ծովը թեպետ տեղ-տեղ ավելի մեծ չափերի է հասնում, բայց խիստ ծանծաղում է։ Այս ծովի ջուրը բավական տաք է եղել, նրանում առաջացել են կորալային ոիֆեր։ Յուրայի վերջում նկատվում է ծովի ուժեղ ոեգրեսիա։ Յալքայի ընթացքում լեռնակազմական պրոցեսները մեծ ուժի շեն հասնում, նրանց շնորհիվ կատարվում է միայն արևմտակրոպական հերցինիդների կոտրատումը և սուզանում են Դոբրուջայի լեռները (Հին-Կիմերական ֆազում)։ Լեռնակազմական պրոցեսներին զուգընթաց ուժեղանում է և մեծ չափերի հասնում նաև Հրաբխականությունը (Կովկաս, Ղրիմ, Ալպեր, Թանատի լեռներ)։

Ստորին Կավճի ընթացքում ցամաքի և ծովի բաշխումը մոտավորապես նույնն է, ինչ վերին Յուրայի վերջում։ Խոր ծովով գեռ

րոնված է Միջերկրածովային գեոսինկլինալը, իսկ Արևմտյան Եվրոպայի մնացած մասը ցամաք է, բացառությամբ ծանծաղ ծովով բռնված արևելյան Անգլիայի և Հյուսիսային Գերմանիայի: Վերին Կավճում հարավից կատարվում է ծովի շատ ուժեղ տրանսգրիսիա-ցամաք են մնում միայն Արևմտյան Եվրոպայի առանձին հատվածները, որոնք կղզիների ձևով վեր են բարձրանում այդ ընդարձակ ծովում (Ազովո-Պոդոլյան գվանգվածը, Բոհեմյան գանգվածը, Կենտրոնական Ֆրանսիական զանգվածը, Խսաննական Մեզետան): Այս հսկայական ծովի շատ տաք ջուր ուներ. նրանում նըստում էին գլխավորապես մերգելային ու կրաքարային նստվածքներ և կավիճ: Վերին Կավճում Միջերկրածովային գեոսինկլինալի առանձին մասերում մեծ շափերի են հասնում լեռնակազմական պրոցեսները (հատկապես արևելյան Ալպերում, Պիրենեյներում, Կովկասում), իսկ հրաբխային երևույթները համեմատաբար թույլ են արտահայտվում:

Կավճի և Պալեոգենի սահմանում ամբողջ Եվրոպայում կատարվում է ծովի ուժեղ սեպեսիա, բայց հետանկավում է մի նոր մեծ տրանսգրեսիա, որը առավելագույն շափերի է հասնում Օլիգոցինում: Այդ ժամանակ ծովը բռնում էր համարյա այն տարածությունը, ինչ վերին Կավճում, բայց այս նոր ծովում կղզիները ավելի շատ էին և ավելի մեծ, քան վերին Կավճի ծովում:

Պալեոգենում տեղի են ունենում ուժեղ լեռնակազմական պրոցեսներ, որոնք ընդգրկում են Ալպերի, Պիրենեյների, Կովկասի և Ալպյան գոտու այլ լեռնաշղթաները: Ալպյան գոնայից դուրս այդ շարժումներն արտահայտվում են նաև Փարիզյան ավագանում, Սաքսոնիայում և այլն: Այս միևնույն ժամանակաշրջանին է վերաբերում Վոգեզների և Շվարցվալդի միջն Հոկենույան գրաբենի առաջացումը:

Իրականում ալպյան գոնայում լեռնակազմական պրոցեսները սկսվում են դեռևս Կավճում, առավել ինտենսիվությամբ արտահայտվում Պալեոգենում և պակաս հզորությամբ շարունակվում նեղոգենում: Ալպյան ծալքավորությունների վրա ուժեղ կերպով ներգործում են հնագույն ցամաքները, որոնց ճնշման ներքո նոր առաջացող լեռներն ստանում են երկու ուղղություն: Նրանց մի մասը, ալպիդներ անվամբ, շրջվում է դեպի եվրոպական պլատֆորմը, իսկ մյուս մասը՝ դինարիդներ անվամբ, դեպի Աֆրիկայի ցամաքը:

Հնագույն միջնեռնային ցամաքներից Միջերկրական ծովի արևմբռտյան մասում նշանակալից են եղել Տիրենյան և Իբերյան զանգ-

վածները, որոնք Նեղենի շրջանում մեծ մասամբ քայլայվել են և սուզվել ծովի տակ, պահպանվելով միայն իրենց եղրամասերում, ինչպես, օրինակ, Կատալոնյան լեռների շրջանում, Կորսիկա և Սարդինիա կղզիներում և Կալարրիա թերակղզում:

Ալպյան լեռների արեւելյան մասում միաժամանակ գոյություն է ունեցել Հանգարական կամ Պաննոնյան զանգվածը: Նրա աղղեցության հետեւանքով Կարպատյան լեռներն ստացել են աղեղնային կորություն: Նեղենում Պաննոնյան զանգվածը իջել է և ապարանվել Պաննոնյան և Սարմաթյան ծովի ջրերով: Ավելի ուշ ծովը նահանջել է և նրա տեղում առաջացել է Միջին Դանուբյան դաշտավայրը:

Ըստ երեսույթին, այդ միենույն ժամանակ Կարպատյան լեռների արեւելյան մասը (ներկայիս Վալախիայի դաշտավայրը) բռնված է եղել Պոնտիդա ցամաքի արևմտյան հատվածով: Հենց հնագույն այդ ցամաքի ազդեցությամբ էլ բացատրվում է Կարպատների անմիջական շարունակությունը կազմող Բալկանյան լեռների ծովածքը (ազեղնային կորությունը):

Ալպյան գոնայում լեռները մեծ բարձրության են հասել այնտեղ, ուր ալպիդներն ու դինարիդները խիստ մոտեցել են միմյանց: Այդպիսի վայրերում նրանք բնորոշ են ոչ միայն մեծ բարձրությամբ, այլև մի շարք շարիաթներով (վրաշարժերով):

Երրորդական ժամանակաշրջանում տեղի է ունենում Հյուսիսականտյան ցամաքի իջեցումը, հետևապես Եվրոպայի և Ամերիկայի անջատումը: Այդ պրոցեսներով պայմանավորված է նաև հսկանդիայի ժամանակակից հրաբխականությունը:

Պալեոդենում Եվրոպայի կլիման եղել է տաք և խոռավ: Օրինակ՝ միջին Պովոլժիեում տիրապետել է հնիքարևադարձային կլիման: Կլիմայի իր այդ բնույթով, ինչպես նաև բուսականությամբ նա շատ է հիշեցրել ներկայիս Կավկասի մերձակեծովյան շրջանը:

Նեղենում Եվրոպան ֆիզիկա-աշխարհագրական պայմանների ընդհանուր դեերով շատ է հիշեցնում ցամաքի և ծովի ներկա բաշխումը: Այդ ժամանակաշրջանում վերջնականապես ձևավորվում են Ալպյան գոտու լեռնաշղթաները, սկսած Բետյան Կորդիլյերներից մինչև Կովկաս: Սակայն հյուսիսից լեռնային այս գոտին դեռևս շարունակում էր ողողվել ծովի մի ներ շերտով: Նեղենում Միջերկրական ծովի շրջանում, նախկինում գոյություն ունեցող ցամաքամասերի տեղում, առաջանում են մի շարք խոր իջվածքներ:

Երրորդականի լեռնակազմական պրոցեսները Եվրոպայում ամենուրեք ուղեկցվում են հրաբխային գործունեությամբ: Այդ ոչ միայն ալպյան ծալքավորությունների զոնայում, այլև հերցինյան լեռների, այն է՝ Կենտրոնական Ֆրանսիական զանգվածում, Հոենուսյան Թերթաքարային լեռներում, Բոհեմիայում, մասամբ նաև Կալեդոնյան ծալքավորություններում (օրինակ՝ Շոտլանդիայում):

Չորրորդականում վերջնականապես ձևավորվում են Եվրոպայի ուղյեֆի ժամանակակից գծերը, հիդրոգրաֆիան, կլիման, բուսականությունն ու կենդանական աշխարհը:

Չորրորդականի սկզբում Եվրոպայում մի քանի անգամ նկատվում է կլիմայական պայմանների խիստ փոփոխություն: Այդ ժամանակ Եվրոպայի հյուսիսային կեսը և բարձր լեռնաշղթաները 4 անդամ բռնվում են հզոր սառցադաշտերով, որոնք շատ մեծ ազդեցություն են թողնում Եվրոպայի ժամանակակից ուղյեֆի վրա: Սառցադաշտման գլխավոր կենտրոնը Սկանդինավյան թերակղզին էր, որտեղից զանազան ուղղություններով դեպի հարավ էին հջնում սառցադաշտերը: Չորս սառցադաշտային շրջաններից ամենահզորը եղել է երրորդը (Իիսս), որի ժամանակ սառցադաշտը Արևմտյան Եվրոպայում բռնելիս է եղել համարյա ողջ Անգլիան, Բելգիան, Հոլանդիան, Գանիան, հյուսիսային Գերմանիան, Լեհաստանի մեծ մասը՝ մինչև Կարպատները, Մերձբալթյան երկրները, Ֆեննո-Սկանդիան: Հարավում նա ձուլվում էր Ալպերից ու Կարպատներից իջնող սառցադաշտերի հետ: Այս ժամանակաշրջանին է վերաբերում նաև Միջերկրածովային ավազանի առանձին մասերի վերջնական ձևավորումը (Սև ծով, Տիրենյան ծով, Էգեյան ծով, Ադրիատիկ ծով և այլն), ինչպես նաև Արևմտյան Եվրոպայից հյուսիս ընկած ծովերի ձևավորումը, որ վերջնականապես ավարտվում է Չորրորդականի ընթացքում:

Մփոփելով վերը շարադրվածը, ըստ ստրուկտոռայի Եվրոպան կարելի է բաժանել շորս մասի, այն է՝ Մինչկեմբրյան Եվրոպա, Կալեդոնական Եվրոպա Հերցինյան Եվրոպա և Ալպիական Եվրոպա:

Սրանցից առաջինը հանդիսանում է մինչկեմբրյան ժամանակաշրջանում առաջացած և ծալքավորված, մետամորֆիկ ապարներից կազմված Ռուսական (Արևելակրոպական) պլատֆորմը, որի վրա շատ մասերում Պալեոզոյի, Մեզոզոյի և Կայնոզոյի ապարները շատ թույլ ծալքավորված կամ բոլորովին շծալքավորված շերտեր են կազմում: Ռուսական պլատֆորմի հիմքը (կազմված գրանիտոգնեյսային ապարներից) տեղ-տեղ դուրս է եկել երկրի երես

և առաջացրել այսպես կոչված թալթյան և Ազով-Պոդոլյան վահանները:

Նկարագրված պլատֆորմից դեպի Հյուսիս-արևմուտք գտնվում են բավականին բարդ կառուցվածք ունեցող Կալեղոնյան լեռները, որոնք առաջացել են ստորին Պալեոզոյան տեկտոնական էտապում: Նրանք Դեռև այլևս չեն ծալքավորվել, բայց ենթարկվել են ուժեղ դիզյունկտիվ պրոցեսների (օրինակ, Սկանդինավյան, Շոտլանդիայի, Ուելսի լեռները և այլն): Կալեղոնյան լեռները հարուստ են շարիաժներով և մեծ մասամբ հակված են դեպի Ռուսական պլատֆորմը:

Մի առանձին զոնա է կազմում Հերցինյան Եվրոպան, որը ձեփափորվել է Հիմնականում վերին Պալեոզոյան ժամանակաշրջանում: Այս զոնան ավելի քան աշքի է ընկնում բարձրացումների և իջեցումների, հորսոտների ու գրաբենների տարածմամբ: Զոնայում խիստ դիսլոկացված հորսոտների օրինակ են հանդիսանում Բոհեմական զանգվածը, Թյուրինգյան անտառը, Հարցի լեռները, Հունուցյան Թերթաքարային լեռները, Արգենները, Շվարցվալդը, Վոգեզները, Կենտրոնական Ֆրանսիական զանգվածը, Խոպանական Մեզետան և այլն: Այս բոլորն ունեն ծալքա-խզումնային բնույթի բարդ կառուցվածք և կազմված են Պալեոզոյան, մասսամբ Մինչկեմբրյան, ինչպես մետամորֆիզի ենթարկված, նույնպես և նորմալ նստվածքային ապարներից: Մրանց միջև ընկած տարածությունները ներկայացնում են իջվածքներ, որոնք Մեզոզոյան և Կայոնզոյան էրաներում, տրանսգրեսիաների հետևանքով, ծածկված են եղել ծովերով և այժմ աշքի են ընկնում նորմալ նստվածքներով: Դրանցից են՝ Շվարց-Ֆրանկոնյան ավազանը, Բելգիական ավազանը՝ Արդեններից Հյուսիս, Լոնդոնյան ավազանը, որը նախորդի շարունակությունն է կազմում և ապա Փարիզի ավազանը: Այս նույն նըստվածքներով հայտնի են նաև Ակվիտանիայի ու Էրլոյի ավազանները:

Ալպիական Եվրոպան կազմված է Եվրոպայի ամենից ավելի երիտասարդ լեռնային ծալքավորություններից: Լեռների այդ գոտին աշքի է ընկնում մի ամբողջ շարք բարձր լեռնաշղթաներով, մասսամբ նրանց միջև ընկած հարթավայրերով, ծովային երիտասարդ իջվածքներով, ինչպես նաև բյուրեղային հին զանգվածների մնացորդներով:

Եվրոպայի ստրուկտուր-տեկտոնական զոնաներից մի քանիսի հետ սերտորեն առնչվում են ժամանակակից սեյսմիկ երկույթները:

Ամենից ուժեղ այդ երևովթներն արտահայտվում են երիտասարդ՝ ալպիական ծալքավորության պատկանող լեռների զոնայում: Այստեղ հատկապես ուժեղ երկրաշարժային շրջաններ են Ալպերի հարավային լանջերը՝ կոմբարդական դաշտավայրի և գրամասերը, Ապեննինյան թերակղզու և Սիցիլիայի արևմտյան՝ Տիրենյան իջվածքին կից շրջանները և մի շարք այլ վայրեր, որոնք բնորոշ են ուղղաձիգ տեղաշարժերով: Թույլ սալսմիկ շրջան է հերցինյան լեռնային գոտին: Այստեղ երկրաշարժեր սովորաբար տեղի են ունենում խղման գծերի շրջանում և առանձին լեռնաբեկորային զանգվածների ծայրամասերում (օրինակ՝ Հունոսյան գրաբենում, Հունոսյան Թերթաքարային լեռներում, Սաքսոնական Հանքային լեռներում և այլն):

Հարավային Եվրոպայի Միջերկրական ծովի շրջանը ոչ միայն սեյսմիկ շրջան է, այլև ժամանակակից գործող հրաբխականության: Այստեղ գործող հրաբուխները դասավորված են հիմնականում երկու շրջանում՝ հարավային հտալիայում և Հունական արշիպելագում: Երկու տեղերումն էլ նրանց գործունեությունը սերտորեն կասլված է խախտման դիզյունկտիվ գծերի հետ, որոնք առաջացել են երկրակեղեի (ցամաքի) խոշոր իշեցումների հետևանքով:

Հտալական հրաբուխները բաժանվում են չորս խմբի: Դրանցից են՝ 1) Նեապոլիտանական (Վեզովի և Ֆլեգեյան դաշտերի հրաբուխները), 2) Սիցիլիայի (Էտոնա), 3) Սիցիլիա-Աֆրիկյան կրղքիների (Պանտելերիա և ուրիշները), 4) Լիպարյան կղզիների (Ստրոմբոլի, Վուկանո, Լիպարի, Պանարիա, Սալինա և այլն) հրաբուխները:

Հունական արշիպելագի հրաբուխները (մեծ մասամբ ոչ հեռու անցյալում հանգած) ճգվում են աղեղնաձև, կղզիների մի ամբողջ շղթայով: Դրանցից հայտնի են Կիկլադյան կղզիները, որոնք ձըգվում են դեպի հարավ-արևելք, մինչև Փոքր Ասիա: Փոքր Ասիայի ափի երկարությամբ տարածվում է հրաբուխների մի ուրիշ շարք, որի մի մասը պատկանում է Սպորադյան կղզիներին: Հունական արշիպելագի ամենանշանավոր հրաբխային կղզին հանդիսանում է Սանտորինը:

Միջերկրածովային շրջանից բացի, Եվրոպայում հայտնի են նաև Իսլանդիայի հրաբուխները: Նրանցից հիշատակության արժանի են Հեկլան և Ճեղքային (մոտ 21 կիլոմետր երկարությամբ) Լակի հրաբուխը:

ՕԳՏԱԿԱՐ ՀԱՆԱԾՈՒՆԵՐԸ

Արևմտյան Եվրոպայում օգտակար հանածոների տեղաբաշխումը սերտորեն կապված է ցամաքի ստրուկտուր-տեկտոնական առանձնահատկությունների և երկրաբանական անցյալի հետ։ Հանածոների մի զգալի մասը տեղաբաշխված է այն շրջաններում, որու ապարները հիմնականում ունեն Մինչեւմբրյան և Պալեոզոյան հասակ։ Ամենից ավելի խոշոր հանածո հարստություններից կարելի է նշել երկպիտն ու քարածուխը, որոնց պաշարներով Արևմտյան Եվրոպան կարեոր տեղ է գրավում համաշխարհային տնտեսության մեջ։ Նրանց օգտագործումը խոշոր շափով նպաստեց XIX և XX դարերում Եվրոպայի ինդուստրիայի զարգացմանը։

Մյուս օգտակար հանածոներից կարելի է նշել արճիճը, ցինկը, պղինձը, ալյումինային հումքը (բոկսիտները), ծծումբը, ննդիկը։ Արևմտյան Եվրոպան աղքատ է ազնիվ մետաղներից և նավթից։

Երկաթի հաբավայրերը լայնորեն տարածված են Արևմտյան Եվրոպայի շատ մասերում, նրանք սովորաբար տարբերվում են միմյանցից տիպերով և ժագմամբ։ Երկաթահանքերի մի մասը տարածված է Արխեյան և Պալեոզոյան ապարներում։ Դրանցից առանձնապես նշանավոր են նոռվեգական և հյուսիս-շվեդական Հելլիվարե, Կիրունա) հանքերը, ինչպես նաև Հերցընյան լեռնագանգվածների մի քանի այնպիսի վայրեր, որոնցում տեղանքը նկատելիորեն ենթարկվել է քայքայման ու լվացման։ Այս նույն տիպի հանքավայրեր տեղաբաշխված են Ալպյան լեռների ծալքավոր գոտում, Հարավային Կարպատներում, Էլբա կղզում և ուրիշ շատ տեղերում։

Կարեոր նշանակություն ունեն նույնպես և երկաթի՝ նստվածքային ծագման հանքավայրերը։ Այդօրինակ հանքավայրերով հայտնի են Լոթարինգիան, Ալգենները, Բյուրբինգիան, Բոհեմիան, Անգլիայի և Ֆրանսիայի մի շարք շրջանները։ Պղնձով հարուստ է Շվեդիան (հատկապես մեծ լճերի շրջանում), այնուհետև Զեխոսլովակիան, Իսպանիան, Հարավալավիան, ինչպես նաև Պիրենեյան, Ալեննինյան և Բալկանյան թերակղզիները։

Քարածիլ հանքավայրերի մեջաբաշխումը մեծապես կապված է Քերցինյան ծալքավորության գոտու հետ։ Այդ պատճառով նրանք հիմնականում կենտրոնացած են Միջին Եվրոպայի երկրներում։ Անգլիայում, Գերմանիայում, Ֆրանսիայում, Բելգիայում, Զեխոսլովակիայում։ Այս այն երկրներն են, որոնք վերին Պալեոզոյում

լճափերում, ծովեզրյա շրջաններում, ինչպես նաև առհասարակ իշվածքներում ունեցել են փարթամ անտառային բուսականություն, որը և հետո տեղիք է տվել քարածխի առաջացմանը: Այդպիսի վայրերումն են առաջացել արևմտյան Գերմանիայի աշխարհահոչակ Ռուրի հանքերը, Սարարի քարածխային ավագանը, Անդրիայում Կարդիֆի և ուրիշ մեքեր: Քարածխի հանքավայրերով հայտնի են նաև Կենտրոնական Ֆրանսիական լեռնազանգվածը (Սենտ-Էտիեն), հյուսիսային Ֆրանսիան (Լիլ), Սիլեզիայի ավագանը (Գերմանիայի և Լիհաստանի սահմաններում) և այլն:

Հարավային Եվրոպան ընդհանուր առմամբ աղքատ է քարածուխի հանքերով, իսկ հյուսիսային Եվրոպայում դրանք իսպարացակայում են:

Նավթի հանքավայրերի առաջացման համար երկրաբանական կառուցվածքի տեսակետից նպաստավոր նախադրյալ են հանդիսանում երկրի կեղեի գլուրաթեք (Ճկուն) տեղամասերը՝ հզոր կավագային տիպի նստվածքներով: Այդպիսի վայր է ներկայացնում Ալպյան զոնայի արևելյան հտավածքը: Այս մասումն են գունդվում Արևմտյան Ելբրոպայի փոքրաթիվ նազթահանքերը: Նրանք հիմնականում կենտրոնացած են Կարաստյան լեռներից հարավ և արևելք (Վալախիա և այլն):

Արևմտյան Եվրոպայի շատ մասերում տեղաբաշխված են գունավոր մետաղների՝ հիդրոթերմալ ծագման հանքեր: Նրանք հաճախ հանդես են գալիս հերցինյան լեռնազանգվածների կոտըրվածքների և խզման գծերի շրջանում, ինչպես, օրինակ, Բոհեմական զանգվածի և Վերին Հունոսյան գրաբենի եղրամասերում, իսպանական Մեղետայի ծայրամասում և այլն: Այդպիսի բազմամետաղային (արծաթ-կապար-գիննկ) հանքեր կան Բոհեմիայում, հարավային Խոպանիայում, Սաքսոնական Հանքային լեռներում և շատ ուրիշ տեղերում: Խոպանիայի հարավ-արևմտաքում, Ալմադենա քաղաքի մոտ, կան նաև սնդիկի հանքեր:

Նստվածքային օգտակար հանածոներից են բոկսիտները (Ֆրանսիայում), ծծումբը (Սիցիլիայում), աղերը և ույլն: Աղի հանքավայրերի տեղաբաշխումը սերտորեն կապված է չոր կլիմայական պայմանների հետ: Նրանք մեծ մասամբ տարածված են Պերմի, մասամբ նաև Երրորդական ժամանակաշրջանի նստվածքներում: Նշանավոր են հատկապես հյուսիսային Գերմանիայում Ստասֆորդի աղահանքերը,

Արևմտյան Եվրոպայի առանձին շրջաններ, մասնավորապես երիտասարդ ծալքավոր լեռնային և հրաբխային երկրները հարուստ են թանկարժեք շինարարական նյութերով, առանձնապես մարմարով:

ԳԵՂՄՈՐՖՈԼՈԳԻԱԿԱՆ ԳԼԽԱՎՈՐ ՄԱՐԶԵՐԸ

Հաշվի առնելով ոելլեֆի կարևորագույն առանձնահատկությունները, Արևմտյան Եվրոպայում, համաձայն Բ. Ֆ. Դորրինինի, զարգացնի է առանձնացնել գեոմորֆոլոգիական հետեւյալ մարզերը.

I. Հյուսիսայիթ Եվրոպա: Այս մարզի գեոմորֆոլոգիական լանդշաֆտն աշքի և ընկնում հնագույն պենեպիենացված ցամաքի ուղղաձիգ շարժումներով, խզումնային (սբրոսային) բնույթի տնկտոնական խախտումներով, հրաբխականությամբ, ինչպես նաև ոելլեֆում պարզ արտահայտված ջորրորդական սաղցապատման թարմ հետքերով:

II. Միջին Եվրոպայի հյուսիսային հարթություն: Այլ կերպ այս մարզը կոչվում է Գերմանա-Լեհական դաշտավայր: Բնորոշվում է մորենային լանդշաֆտով:

III. Միջին Եվրոպայի հերցինյան մարզ: Այստեղ հերցինյան ծալքավոր ստրուկտուրայի պենեպիենացված գոտում տիրապետող են հանդիսանում խզումնային լեռները: Այդ պատճառով այլ կերպ այն երբեմն կոչվում է նաև հերցինյան բեկորա-զանգվածային մարզ:

IV. Միջին Եվրոպայի Երրորդական ծալքավոր շղթաների մարզ (Ալպեր, Կարպատներ):

V. Ալպիական ծալքավորությունների տեկտոնական իշվածքներում ալլուվիալ հարթությունների մարդ:

VI. Հարավ-Եվրոպական (միջերկրածովային) մարզ, որի համար բնորոշ է հնագույն լեռնազանգվածների հերթափոխությունը Երրորդական ծալքախզումնային լեռնաշղթաներով: Նշանակալից տեղ են գրավում նաև հրաբխային ձևերի տարածման շրջանները:

Այժմ մի փոքր ավելի հանգամանորեն ծանոթանանք վերը նշված գեոմորֆոլոգիական մարզերին:

I. Հյուսիսային Եվրոպայում հատկանշականը, հատկապես Սկանդինավյան թերակղզու և Շպիցբերգենի համար, կարելի է համարել Երրորդական և Ջորրորդական ժամանակներում էպերոգենետիկ խոշոր բարձրացումները, որոնք ուղեկցվել են նորվեգական

և Գրենլանդական ծովերի շրջանում երկրակեղեկի խոշոր իջեցումներով։ Բարձրացումները մասամբ կրել են կամարածե, բայց ավելի շատ՝ հորսոտային բնույթ։ Այդ ամենի հետ միասին առաջացել են թե՛ լայնակի և թե՛ երկայնակի բազմաթիվ ճեղքածքներ ու կոտրատումներ, որոնց ուղղութամբ տեղ-տեղ կատարվել է նաև ցամաքի մասնակի իջեցում։ Տեկտոնական բնույթի այդ շարժումներով է բացատրվում ոչ միայն Սկանդինավիայի, այլև Խուանդիայի, Շպիցբերգենի, Շոտլանդիայի, Հերիդայան և Ֆարերյան կղզիների ֆիորդային հովիտների ձևավորումը։

Միաժամանակ Հյուսիսային Եվրոպայում խոշոր իջեցումներն ուղեկցվել են Երրորդական և Չորրորդական ժամանակաշրջանի մեծ մասշտարի հրաբխային (գլխավորապես բազալտային լավայի) արտավիժումներով։ Այդ արտավիժումներն ընդգրկել են, Խուանդիայից բացի, Գրենլանդիայի արևելյան ծայրամասերը, «Թումսոնի թմբի» ամբողջ գոտին, Յան-Մայեն կղզին և Մեծ Բրիտանիայի ու Խուանդիայի հյուսիսային մասերը։

Ինչպես տեսնում ենք, Հյուսիսային Եվրոպայի երկրները ունեն գեոմորֆոլոգիական լանդշաֆտի շատ ընդհանուր գծեր։ Նրանց ռելիէֆի համար շատ կարևոր դեր են կատարում կոտրվածքային և խզումնային ձեռքը, ինչպես նաև գլացիալ ցիկլի ձեռքը՝ կապված Չորրորդական սառցապատումների հետ, որոնց գլխավոր կենտրոնը հանդիսացել է Սկանդինավիան լեռնաշխարհը։

Այս ամենի հիման վրա, ամբողջ Բալթիական վահանը, Մեծ Բրիտանիայի և Խուանդիայի հյուսիսային մասերը, Հերիդայան, Օրկնեյան, Շետլանդական և Ֆարերյան կղզիների արշիպելագները, Խուանդիայի հետ միասին, սովորաբար միավորում են Հյուսիսեվրոպական մի ամբողջական գեոմորֆոլոգիական մարզի մեջ։ Միաժամանակ, առանձնահատկությունների պատճառով նրանից առանձնացնում են հետեւյալ համեմատաբար խոշոր միավորումները։

1. Սկանդինավիան լեռնաշխարհ։—բնորոշ է յուրահատուկ ֆիորդներով և ֆյելդերով, խորը մասնատված դետահովիտներով ու ծովածոցերով, լավ պահպանված հնագույն ուլյեֆի հարթված մակերեսներով։ Ամենուրեք տիրապետում են գլացիալ էրոզիոն ձեռքերը, տրոգային հովիտները, լճային գոգավորությունները, «գանգուր ժայռերը», «խոյի ճակատները»։

2. Ֆինլանդիա և Հարավային Շվեդիա։—սա բռնում է Բալթիական վահանի մի մասը և նախորդից տարրերվում է իր համե-

մատարար քիչ բարձրացումով։ Աշքի է ընկնում հին և նոր կոտրը-վածքների բարդ ցանցով, ինչպես նաև բազմաթիվ հորստերի ու գրաբեների խզվածքներով։ Ծելյեֆը մասամբ հարթեցվել է՝ շնոր-հիվ Չորրորդական սառցադաշտի գործունեության։ Սառցադաշտն ալստեղ առաջացրել է մեծ քանակությամբ լճեր և ճահիճներ։ Սառ-ցադաշտի գործունեությունը կրել է ոչ միայն էրողիոն, այլև ակու-մուլյատիվ բնույթ։ Գետային ցանցը թույլ է զարգացել։

3. Բրիտանական կղզիների հյուսիսային շրջան (հարեան կրղ-զիների հետ միասին)։—Ներկայացնում է հնագույն կալեդոնիդների խիստ մասնատված մի տեղամաս։ Սկանդինավյան լեռնաշխարհի նման աշքի է ընկնում լեռնագլացիալ ձևերով, տրոգային հովիտ-ներով, ֆիորդներով։ Տեղ-տեղ բնորոշ են ծրբորդական էֆուզիա-ները (բազալտներ)։

4. Իսլանդիա կղզի։—Բնորոշվում է հզոր և բազմապիսի հրաբ-խային ձևերով և երկույթներով։ Առավել բարձր լեռնազանգված-ներն ու գագաթները ծածկված են բավականին խոշոր սառցադաշ-տերով։ Ծելյեֆում համահավասար շափով ներկայացված են հոպրիսային և սառցադաշտային ձևերը։

II. Գերմանա-Լեհական դաշտավայրը թեպետ ժագմամբ սեր-տորեն կապվում է հյուսիսային ծվրոպայի հետ, բայց տեսկտոնա-պես տարրերվում է նրանից՝ որպես մի ընդարձակ ճկվածքային (պրօցիօն)։ զոնա, իր ամենուրեք աշքի ընկնող միօրինակ դաշտա-վայրային մակերևույթով։

Այս մարզի ուլյեֆում տիրապետող են հանդիսանում գլացիալ ցիկլի ակումուլյատիվ ձևերը, որոնք առաջացել են սկանդինավյան սառցադաշտի բերվածքների հետևանքով։ Այս տեսակետից առանձնալիք լավ են արտահայտված վերջին (Վլուրմյան) սառցա-պատման մորենային կուտակումները, որոնք ներկայացված են լայնակի ուղղությամբ ձգված մի շարք զուգահեռ թմբերի ձևով։ Գերմանա-Լեհական դաշտավայրի ֆիզիկա-աշխարհագրական մար-դի մեջ մտնում են նույնպես Դանիայի և Հոլանդիայի տերիտորիա-ները։

III. Միջին Եվրոպայի հերցինյան բեկորային լեռների մարզն առանձնանում է՝ որպես հերցինյան ծալքավորությունների գոտի։ Այդ գոտու մեջ մտնում են Բրիտանական կղզիների հարավային մասերը, համարյա ամբողջ Ֆրանսիան (առանց Պիրենեյների և Ալպերի), միջին և հարավային Գերմանիան, Զեխուսլովակիայի ման-մասը և այլն։ Այստեղ տիրապետում են հերցինյան լեռնազանգ-

վածների մնացորդները, որոնք կազմված են բյուրեղային և Պալեոզոյան նստվածքային ապարներից. տեղ-տեղ հանդիպում են նաև ավելի երիտասարդ նստվածքներ: Մի քանի լեռնազանգվածներ ներկայանում են ուղղակի որպես հորստային բեկորներ, ուղղղորդ լանջերով և ժայռային համ սեղանաձև բարձրությամբ, ինչպես, օրինակ, Գերմանիայում Հարցի զանգվածը և Թյուրինգյան անտառը: Մի շարք վայրերում հանդիպում են պենեպլենացված ծալքավոր ստրոկտուրայի կամարաձև բարձրացումներ: Առավել բարձր կամարաձև բարձրացման օրինակ են ծառայում Վերին Հռենոսյան գրաբենի շուրջը Վոգեզներն ու Շվարցվալդը: Համեմատարար բարդ կառուցվածք ունեն Կենտրոնական Ֆրանսիական զանգվածն ու Բոհեմական զանգվածը, որոնք միաժամանակ հասնում են մեծ բարձրության: Դրանցից առաջինը միջին մասում աշքի է ընկնում խոշոր կոտրվածքային գծով, որտեղ և հանդիպում են գոգավոր բնույթի գրաբեներ և հոաքսալիքներ մի շարք հանգած հրաբուխներով:

Հերցինյան լեռնազանգվածների միջն ընկած իջվածքները ծածկված են Մեզոզոյան և մասամբ Երրորդական նստվածքային ապարներով (ինչպես, օրինակ, Փարիզի ավազանը): Այստեղ իջվածքի հատակը կազմված է Երրորդական ապարներից, իսկ եղրամասերում երեան են գալիս Մեզոզոյան շերտերը, ընդ որում սկըզբում Կավճի և ապա՝ Ցուրայի: Մեզոզոյան այդ ապարները տարածում են մինչև Լա-մանշ և Պա-դե-Կալե նեղուցները և ապա կրկին երեսում են Մեծ Բրիտանիայի հարավային ափերին:

Հերցինյան ծալքավորությունների գոտին շատ ավելի լայն է արևմուտքում: Արևելքում այն խիստ նեղանում է և վերջանում՝ հասնելով մինչև Արևելակրոպական պլատֆորմը:

IV. Երրորդական ծալքավոր լեռնաշղթաների գոտին միջին Եվրոպայի սահմաններում բաժանվում է երկու ընդարձակ լեռնային մարգերի՝ Ալպերի և Կարպատների, որոնք իրարից տարբերվում են իրենց գեղություններով:

Ալպերը, որպես ծալքավոր լեռնային սիստեմ, ձևավորված Երրորդական շրջանում, պահպանում են իրենց ամբողջականությունը ընդհուպ մինչև մեր օրերը: Լեռները կազմված են գլխավորապես հսկայական շարիաժային ծածկոցներից: Ալպերն ընդունված է բաժանել արևմտյան և արևելյան մասերի: Նրանց միջև սահմանն անցնում է մոտավորապես վերին Հռենոսով: Արևմտյան Ալպերն ավելի բարձր են, նրանք ենթարկվել են ինտենսիվ էրոզիայի, լայ-

նորեն մերկացված են բյուրեղային և մետամորֆիկ ապարները: Թացի այդ, արևմտյան Ալպերի կազմում մտնում են մի շարք բյուրեղային զանգվածներ, այդ թվում Մոնթանի գրանիտա-գնելսային զանգվածը: Արևելյան Ալպերը համեմատաբար ցածր են, բայց ավելի ընդարձակ:

Ընդհանուր առմամբ Ալպերի ոելյեֆում տիոապետում են յեռնագլացիալ ձևերը: Ժայռոտ կատարները սուր կոնաձև գագաթներով և զառիվեր լանջերով, սառցադաշտային կրկեսները, կարային լճերը, հսկայական տրոդային հովիտները, խոր կտրտված լեռները շափազանց բնորոշ են ալպյան լանդշաֆտի համար: Այստեղ անհրաժեշտ է ավելացնել նաև խոշոր լճերի առկայությունը Ալպյան լեռների հյուսիսային և հարավային լանջերի ցածրադիր գոտում: Այդ լճերը ձեավորվել են հետսառցադաշտային էպոխայում, հսկայական հովտային սառցադաշտերի վերջավորության շրջանում և լանդշաֆտին հաղորդում են յուրօրինակ բնույթ:

Կարպատյան լեռները ոելյեֆի հիմնական հատկանիշներով խիստ տարրերվում են Ալպերից: Առանցքային բյուրեղային զոհան, որը լայնորեն արտահայտված է Ալպերի ամբողջ լեռնաշրջայում, Կարպատներում պահպանված է միայն հյուսիսային և հարավային շրջաններում: Ալպերի լեռնալանջերի և շատ գագաթների համար այնքան բնորոշ կրաքարերի և դոլոմիտների հզոր շերտերը Կարպատներում ներկայացված են միայն առանձին աննշան տեղամասերով: Կարպատյան լեռների առաջացումն ուղեկցրվել է ինտենսիվ հրաբխային գործունեությամբ, մի բան, որ համարյա տեղի չի ունեցել Ալպերում:

Կարպատները նշանակալից շափով ցածը են Ալպերից և այդ պատճառով չունեն ժամանակակից սառուադաշտեր: Չորրորդական սառցապատումը քիչ շափով է միայն ընդգրկել Կարպատները: Այդ պատճառով լեռնագլացիալ կոմպլեքսի ձևերն այստեղ թույլ են զարգացած: Ի տարրերություն ալպյան ժայռակերպ կատարների, Կարպատների բարձր մասում հաճախ կարելի է տեսնել մեղանաձև բարձրություններ:

V. Ալպերի և Կարպատների հարավային ստորոտներում տարածվում է մի ընդարձակ տեկտոնական իջվածք, որը նեռոգենում բռնված է եղել ծովային և լճային ավազանով: ավելի ուշ այն չորսցել է և լցվել լեռնային սառցադաշտերի ջրային բերվածքներով: Այժմ հարթավայրային այդ տարածությունները (Պաղանյան, Միջին Դանուրյան, Ստորին Դանուրյան) երրորդական ծալքավոր լեռ-

նային գոտում հանդիսանում են բնակեցման կարևորագույն շրջաններ:

Հարթավայրերի և ցածրությունների մի ավելի նեղ գոտի ձըգվում է Ալպերի և Կարպատների հյուսիսային փեշերով, բաժանելով նրանց հերցինյան ծալքավորությունից: Ցածրությունների այդ գոտին ընդգրկում է Ռուսայի Հովհանք, Շվեյցարական բարձրավանդակը, Բավարական պլատոն այլն:

VI. Հարավ-եվրոպական կամ միջերկրածովային խոշոր գեոմորֆոլոգիական մարզը իր սահմանների մեջ ընդգրկում է Հարավային Եվրոպայի երեք խոշոր թերակղզիները, նրանց հարակից կղզիների հետ միասին: Այդ մարզերի համար տիպականը կարելի է համարել երրորդական ծալքավոր լեռնաշղթանների զուգակցումը հերցինյան լեռնազանգվածների մնացորդների հետ, ընդ որում այստեղ տեղի են ունեցել խոշոր մասշտարի տեկտոնական շարժումներ, իշեցումներ, խորտակումներ: Այդ ամենի հետևանքով ծովի հատակն են անցել ցամաքի հսկայական տարածություններ, առաջացել են բազմաթիվ կղզիներ ու թերակղզիներ: Երկրակեղեկի իշեցումներն ուղեկցվել են հրաբխականության հզոր զարգացմամբ: Դրա հետ է կապված առանձնապես հտալիայի լանդշաֆտի համար այնքան բնորոշ հրաբխային ձևերի առկայությունը:

Հարավային Եվրոպայի երեք թերակղզիները, չնայած միմյանց նկատմամբ ունեցած որոշ ընդհանուր գծերի, այնուամենայնիվ, գեոմորֆոլոգիական առանձնահատկությունների տեսակետից իրարից դգալիրեն տարրերվում են:

Պիրենեյան թերակղզին առավելապես բնորոշ է հերցինյան հասակի բիկորային լեռնաշղթաներով և լայն պլատոններով, որոնցից կազմված է կենտրոնական լեռնաշխարհը (Խապանական Մեզետան): Երրորդական ծալքավորությունները հիմնականում եղբակարությամբ են կետրոնական սարահարթը: Պիրենեյան թերակղզին ամբողջությամբ վերցրած ավելի կոմպակտ է, զանգվածային, քան Ապեննինյան և Բալկանյան թերակղզիները:

Ռելիեֆի և ափագծի մեծ մասնատվածությամբ յուրահատուկ է Ապեննինյան թերակղզին՝ Սիցիլիա, Սարդինիա և Կորսիկա կղզիների հետ միասին: Այստեղ հնագույն Տիրենյան զանգվածից մնացորդներ պահպանվել են Սարդինիայում, Կորսիկայում, Կալարիֆիայում, մասսամբ նաև Սիցիլիայում: Ապեննինյան թերակղզին (Հաշված Կալարիֆան) և Սիցիլիան աշքի հն ընկնում երիտասարդ (Երրորդական հասակի) լեռնաշղթաներով: Այստեղ մեծ տարածուած

ունեն նաև Մեզողոյան կրաքարերը, ինչպես նաև Երրորդականի փոլիմ նստվածքները: Միաժամանակ նշանակալից զարգացման է հասել հրաբխային լանդշաֆտը: Կան ոչ հեռավոր անցյալում հաճագած և ժամանակակից գործող բավականին շատ հրաբուխներ: Հանգած հրաբուխներից մի քանիսի խառնարանները այժմ վեր են ածվել փոքրիկ լճերի:

Բալկանյան թերակղզին հարավային Երեք թերակղզիների մեջ բնորոշվում է առավելագույն մասնատվածությամբ և հարավային մասի ափագծի ամենամեծ կտրտվածությամբ, որի հետևանքով այդ մասում առաջացել են բազմաթիվ մանր ու խոշոր կղզիներ: Բալկանյան թերակղզու կառուցվածքում տիրապետում են Երրորդական հասակի լեռնաշղթաները: Նրանցից հայտնի են Դի նարյան լեռները, որոնք շատ մասերում բնորոշվում են կարստային ձևերի զարգացմամբ: Հնագույն զանգվածներով առանձնանուած են հատկապես Մակեդոնիան և Ռոպոպյան լեռները, որոնք մնացել են էգեիդա ցամաքի խորտակումից:

ԿԼԻՄԱՆ

Արևմտյան Եվրոպայի կլիմայի վրա ազդում են մի շարք գործուներ. դրանց թվում կարեոր է նախ նրա բարենպաստ աշխարհագրական դիրքը ինչպես բեկորի և հասարակածի, նույնպես և սահմանակից Աստյանտլան օվկիանոսի նկատմամբ: Արևմայան Եվրոպան դրեթե ամբողջապես տեղավորված է բարեխառն գոտում և արևմտյան ափերի երկարությամբ ողողվում է Աստյանտյան օվկիանոսի բայիական տափ ջրերով: Որոշ ազգեցություն է թողնում նույնպես և Միջերկրական ծովը, որն ընդհանուր առմամբ հայտնի է որպես սաք ծով: Արևմտյան Եվրոպակի կլիմայական պայմանների վրա, որպես բացասական գործոն, խոշոր շափով ազդում է Ասիա աշխարհամասը: Ասիան իր ցամաքային կլիմայով զգալի ներգործություն է թողնում արևելյան Եվրոպայի, իսկ նրա միջոցով նաև Արևմտյան Եվրոպայի կլիմայի վրա: Ոչ պակաս կարեոր նշանակություն ունի Եվրոպայի բառը ռելյեֆը և ընդհանրապես ցամաքի խիստ կտրտվածությունը, որն իր ուժեղ կնիքն է դնում մայր ցամաքի (մանավանդ առանձին միկրոշրջանների) կլիմայի վրա:

Արևմտյան Եվրոպան գտնվում է մթնոլորտի ընդհանուր շըրշապտույտի այն մասի ազդեցության տակ, ուր մերձարևեղարձա-

յին բարձր ճնշման գոտուց դեպի հյուսիս-արևելք շարժվող տաք օդի զանգվածները շփման մեջ են մտնում մերձենեռային առավելացույն ճնշման վայրից դեպի ցածր լայնությունները շարժվող սառը օդի զանգվածների հետ։ Տարբեր չերմաստիճաններ, տարբեռ խտություն և տարբեր ճնշում ունեցող այս երկու տիպի օդային զանգվածների շփման վայրում առաջանում են մինչև 2000 մող կմ տրամագիծ ունեցող ցիկլաններ և անտիցիկլոններ, որոնք տաք բեր ճանապարհներով շարժվում են դեպի արևմուտք և արևելք, նայած թե տարվա տարբեր եղանակներին ցամաքը և ծովը ինչ աստիճան են տաքացած։ Զմունը ցիկլոններով բռնված օդային զանգվածները շարժվում են դեպի հարավ և ընդգրկում են նաև հարավային Եվրոպան, իսկ ամռանը ցիկլոնները տեղափոխվում են դեպի հյուսիս՝ կենտրոնական և հյուսիսային Եվրոպա, իսկ հարավային Եվրոպան այդ ժամանակ գտնվում է պասսատների տիպի քամիների ազդեցության շրջանում։ Այդպիսով Եվրոպայի հարավային մասը իրենից ներկայացնում է կլիմայական մի առանձնահատուկ շրջան, որտեղ գերակշռում է միջերկըածովային կլիմայական տիպը։) Ինչ վերաբերում է Արևմտյան Եվրոպայի մնացած մասին, ապա այստեղ ամբողջ տարին գերիշխում են մթնոլորտի ցիկլոնային շարժումները։ Այդ շարժումների ինտենսիվության տեսակետից Արևմտյան Եվրոպայի այս մասը բաժանվում է երկու գլխավոր շրջանների՝ արևմտյան և արևելյան։ Առաջինում ցիկլոնային շարժումները հասնում են ամենամեծ զարգացման։ Դրա պատճառն այն է, որ ցիկլոնների առաջացման հիմնական օգախը գտնվում է Ատլանտյան օվկիանոսի (ԽՍՀԱՆԴական մինիմումի) շրջանում։ Բացի այդ, այս մասի կլիմայի վրա խիստ մեծ շափով ազդում են նաև հարեան օվկիանոսային տաք ջրերը։ Այդ երկու գործոնների միատեղ գործունեության հետևանքով այս շրջանի կլիման ստանում է մեղմ ծովային բնույթ։ Երկրորդ շրջանում ցիկլոնների արտահայտությունը ասու արագ դառնում է ավելի թույլ, իսկ արևելքում համարյա և սր ուղին շեղոքանում է։ Զմունը արևելքից Ռուալյան լեռների հարավային մասով այս շրջանն են թափանցում սիրիական անտիցիկլոնի լեզվակները, որոնց շնորհիվ կլիման ավելի ցամաքային է դառնում։ Ընդհանուր առմամբ կլիմայի ցամաքայնությունը դեպի արևմուտք հետզհետե նվազում է, իսկ դեպի արևելք՝ մեծանում, շնորհիվ ցամաքի աստիճանաբար ընդարձակմանը։

Այսպիսով, Արևմտյան Եվրոպայում առանձնանում են երեք խոշոր կիմայական շրջաններ. 1. Հարավային՝ միջերկրածովագլին, որն աչքի է ընկնում ամուան շորությամբ և ձմռան խոնավությամբ, 2) արևմտյան, որը բնորոշ է մերձծովյան մեղմ տիպի կիմայով (առավելապես ցիլոններով) և 3) կենտրոնական, որն ունի համեմատաբար ցամաքային տիպի կիմա:

Արևմտյան Եվրոպայի կիմայի առանձնահատկությունների համար շատ կարենոր գործոն է Գոլֆստրիմ ծովալին տաք հոսանքը, որը դեպի Եվրոպայի ափերն է ուղղում Հարավային լայնությունների ավելի տաք ջրերի մասսան: Ենորհիվ այդ հոսանքի Եվրոպայի անգամ ծայր հյուսիսի ծովափնյա մասերը, մասամբ նաև Բարենցի ծովը, բոլորովին չեն սառցապատվում, մինչդեռ, օրինակ, ավելի հարավ գտնվող Ազովի ծովը (որոշ տարիներում նաև Ակ ծովի Օդեսայի ափերը) սառչում են:

Գոլֆստրիմ ծովային տաք հոսանքի ազդեցության հետևանքով Եվրոպայի կիման անհամեմատ ավելի տաք է, քան նույն լայնության համապատասխան վայրերը՝ մյուս աշխարհամասերում: Կիմայական այդպիսի պայմանների հետևանքով, օրինակ, Սկանդինավյան թերակղղին ծածկված է փշատերև անտառային բուսականությամբ, այնինչ նույն լայնությանը համապատասխանող Գրենլանդիան բռնված է սառցի հաստ շերտով:

Արևմտյան Եվրոպայի կիմայի վրա որոշակի ազդեցություն են թողնում նաև արևմտյան քամիները, որոնք տաքանալով Գոլֆստրիմ հոսանքից, նշանակալից շափով մեղմացնում են Եվրոպայի ձմռան բարեխառնությունը: Այդ նույն քամիների ազդեցության հետևանքով Արևմտյան Եվրոպան աչքի է ընկնում զով ամառով և բավարար քանակությամբ տեղումներով: Ամենից շատ տեղումներ ստանում են ծովափնյա շրջանները, բայց որում Խոլանդիայում, Շոտլանդիայում, Անգլիայի և Իռլանդիայի արևմտյան ափերում նրանց քանակը տեղ-տեղ հասնում է մինչև 2000—3000 և ավելի միլիմետրի, Բիսկայան ծովափերում՝ 2000 միլիմետրի, Սկանդինավյան թերակղղու արևմտյան լեռնալանջերում՝ 1500 մետրի մետրի: Ներցամաքային մասում տեղումների քանակն ավելի քիչ է, ընդունում որքան արևմուտքից շարժվում ենք դեպի արևելք, այնքան տեղումների քանակը պակասում է՝ հասնելով 700-ից մինչև 500 միլիմետրի: Բացառություն են կազմում լեռնային շրջանները (Ալպերը, Կարպատները, Դինարյան լեռները և մյուսները), որոնք հարմար էքսպոզիցիայի շնորհիվ նույնպես ստանում են տարեկան տշ պակաս, քան 2000—3000 միլիմետր տեղումներ:

Ամենից քիչ տեղումներ թափվում են Պիրենեյան թերակզառ կենապոնական և Սկանդինավյան թերակզառ հյուսիս-արևելյան շրջաններում: Այդ մասերում տեղումների տարեկան քանակը կազմում է 300—400 միլիմետր: Համեմատաբար շորային շրջաններ են նաև Միջին և Ստորին Դանուբյան գաշտավայրերը:

Արևմտյան Եվրոպայում զերմության անդաբաշխումը որոշվում է ոչ միայն աշխարհագրական այնությամբ, այլև օդային զանգվածների դերով: Այդ աեսակետից մեծ նշանակություն ունեն արևմտյան և հարավ-արևմտյան ծովային քամիները, ինչպես նաև օդային զանգվածների տաքացումը Գոլֆստրիմով: Գոլֆստրիմի մեզմացուցիչ ազդեցությունը Արևմտյան Եվրոպայի կլիմայի վրա երևում է ձմռան իզոթերմերի տեղաբաշխման պատկերով: Այսպես, օրինակ, Հունվարյան 0° իզոթերմը Խոլանդիայի հարավային ափերից անցնում է մինչև Նորվեգիայի հյուսիսային ծովափերը, այնուհետև Սկանդինավյան թերակզու արևմտյան ափագծով հարավային ուղղությամբ շարունակվում մինչև Պանիա և ապա դանիական կղզիների արևելյան մասով ուղղվում հարավ՝ դեպի Ալպերը, բայց դեռ Ալպերին շնասած թեքվում է արևելք և հարավ-արևելք, ձգվելով մինչև Պանուբի գետաբերանը:

Այդ իզոթերմով Եվրոպան բաժանվում է երկու մասի՝ արևմտյան ու հարավային մաս, որն ունի մեզմ ձմեռ և գերազանցապես ծովային տիպի կլիմա, և արևելյան ու հյուսիսային մաս՝ ցուրտ ձմեռային եղանակով և բարեխառն ցամաքային տիպի կլիմայով:

Արևմտյան Եվրոպայում ամենից ցածր չերմություն նկատվում է Սկանդինավիայի ներքին շրջաններում: Զմուննը ամենից բարձր չերմություն դիտվում է Եվրոպայի ծայր հարավում, ըստ որում $+10^{\circ}$ իզոթերմն անցնում է Պիրենեյան, Ապեննինյան և Բալկանյան թերակղզիների հարավային մասերով: Նրանցում կան վայրեր, որոնց միջին Հունվարյան չերմությունը հասնում է մինչև $+13^{\circ}$ -ի:

Ամռան իզոթերմերը, որպես կանոն, անցնում են հարավ-արևմուտքից հյուսիս-արևելք: Այսպես, օրինակ՝ Հուլիսյան 20° իզոթերմն անցնում է Խոսպանդիայի հյուսիսային ափերով, աւելուհետև թեքվում է հյուսիս-արևելք, անցնում մոտավորապես Փարիզի ուղղությամբ և ապա շարունակվում Վիեննա—Լվով գծով մինչև Կիև: Այս իզոթերմով բաժանված Արևմտյան Եվրոպայի հարավային կեսի համար բնորոշ է տաք ու երկարատև ամառը, իսկ հյուսիսային-

կեսի համար՝ բարեխառն և զով ամառը։ Միջին հովիսյան ամենաբարձր (26-ից մինչև 28⁰) ջերմաստիճանը դիտվում է ծայր հարավային Եվրոպայում (հսպանիայում, Սիցիլիայում և հարավային Հունաստանում):

Արևմտյան Եվրոպան տարվա մեծ մասում, իսկ ձմռանը՝ համարյա ամբողջապես գտնվում է մերձարևադարձային բարձր ճշնշման գոտուց ակզենտավորվղող օդային։ Հոսանքների ազդեցության տակ։ Նրանց առաջացումը պայմանավորված է մերձարևադարձային առավելագույն ճնշման գոտուց դեմքի հյուսիս և ապա հյուսիսարևելք շարժվող օդային զանգվածներով։ Ամռանը բարձր ճնշման այս գոտին մի փոքր տեղաշարժվում է հյուսիս, որի հետևանքով նրանից հարավ (հիմնականում՝ Պիրենեյան, Ապեննինյան և Բալկանյան թերակղզիներում) ստեղծվում է միջերկրածովվային տիպի կլիմա՝ շոր ամառով և խոնավ ձմեռով, մինչդեռ այդ ժամանակ Արևմտյան Եվրոպայի մնացած մասերում տիրապետում է խոնավ կլիման։

Արևմտյան Եվրոպայի կլիմայական պայմանների համար, անշուշտ, որոշիչ նշանակություն ունեն, ինչպես ասվեց, Ատլանտյան օվկիանոսի կողմից դեպի արևելք շարժվող խոնավ քամիները, մասսամբ նաև ցամաքային օդային զանգվածները, որոնք Արևմտյան Եվրոպա են ներթափանցում Արևելակրոպական հարթությունից, Աֆրիկայից, ինչպես նաև Փոքր Ասիայի կողմից։

Արևմտյան Եվրոպայում օդային զանգվածների շարժումը մեծապես կապված է այսպես կոչված «միջնորդացին գործողության» կենտրոններից հետ։ Նրանցից Անգլանտյան օվկիանոսի հյուսիսային կեսում հայտնի է Ազորյան առավելագույն ճնշման կենտրոնը (հյուսիսային լայնության 30—40 աստիճանների միջև) և ապա Իսլանդական նվազագույնը (մինիմումը), որը գտնվում է հյուսիսային լայնության 60—65 աստիճանների միջև։ Նրանցից առաջինը անտիցիկլոնների, իսկ երկրորդը՝ ցիկլոնների առաջացման դրդապատճառ է։

Ձմռանը Եվրոպայի կլիմայի վրա ազդում է նաև Ասիայի անտիցիկլոնային լեզվակը, որն առաջանում է հյուսիսային Մոնղոլիայի և արևելյան Սիբիրի բարձր ճնշման կենտրոնից։ Այն մուտք է գործում Արևելակրոպական հարթության հարավային շրջանները և ապա անցում միջին Եվրոպայի հարավ-արևելյան մասը։ Օդի բարձր ճնշման այս գոտին Եվրոպայում առաջացնում է խիստ կոնտրաստ իսլանդական նվազագույն ճնշման մարգի նկատմամբ,

որն իր ազդեցության տակ է պահում Եվրոպայի ամբողջ հյուսիս-արևմուտքը:

Օդային ֆրոնտների գլխավոր զոնաները ընկած են Եվրոպայից արևմուտք, Ատլանտյան օվկիանոսի շրջանում: Նրանցից Արևմուտյան Եվրոպայի համար հիմնական նշանակություն ունի ենթաքեռային (կամ ուղղակի «քեռային») ֆրոնտը, որը տեղադրված է Հյուսիսային լայնության 40° և 60° աստիճանների միջև: Ենթաքեռային ֆրոնտի զոնայով մեծ մասամբ անցնում են ցիկլոններ, որոնք առավելագույն չափով հանդես են գալիս աշնանն ու ձմռանը և իրենց մեջ են ընդգրկում գերազանցապես Եվրոպայի հյուսիս-արևմտյան մասը: Քիչ գեղքերում նրանք շարժվում են նաև գեղի հարավային Եվրոպա:

(Ամռանը վերանում է Սիբիրական անտիցիկլոնը: Տարվա այդ նույն ժամանակ առավել ինտենսիվ է դառնում Ազորյան բարձր Տնջման գոնան, որը շարժվում է դեպի Հյուսիս՝ իր գործողության ոլորտի մեջ ընդգրկելով նաև միջին և հարավային Եվրոպան: Տարվա այդ եղանակին հոլանդական ցածր ճնշման զոնան արտահայտված է ավելի թույլ, քան ձմռանը)

Օդային զանգվածների այսօրինակ տեղադրման հետևանքով, Արևմտյան Եվրոպայում ձմռանը տիրապետող են դառնում հարավարևմտյան քամիները, իսկ ամռանը՝ արևմտյան և Հյուսիս-արևմուտյանը.

Արևմտյան Եվրոպայի համար կարևոր նշանակություն ունեցող օդային զանգվածները, ըստ Ֆ. Պորբինինի, համարվում են արկտիկականը, ենթաքեռայինը (այլ կերպ՝ «քեռային») և ենթատրոպիկականը (այլ կերպ՝ «տրոպիկական»): Նրանցից յուրաքանչյուրը, նայած առաջացման պայմաններին, իր հերթին բաժանվում է ծովային և ցամաքային ենթատիպերի: Բացի այդ, նրանք կարող են լինել տաք կամ ցուրտ: Արկտիկական օդային մասսան Եվրոպայի համար միշտ ցուրտ է, իսկ ենթաքեռայինը, նայած առաջացման պայմաններին, կարող է լինել ցուրտ կամ տաք:

(Արկտիկական օդը Եվրոպա է ներթափանցում Արկտիկայից, գրեթե ամբողջ տարին (բացառությամբ հովիս և օգոստոս ամիսների)։)

Ծովային ենթաքեռային օդը ամենից հաճախ դեպի Եվրոպա է շարժվում արևմուտքից և Հյուսիս-արևմուտքից: Քիչ գեղքերում նա լինում է համեմատաբար տաք:

ԱՎՐԱ

Ցամաքային (կոնտինենտալ) ենթարենուային օդը նույնպես կարող է լինել կամ ցուրտ, կամ տաք: Առաջինը սովորաբար լինում է տարվա ցուրտ ժամանակ և առաջանում է հյուսիսային և արևելյան Եվրոպայում, իսկ երկրորդը ձևավորվում է ամռանը, ՍՍՌՄ-ի Եվրոպական մասի հարավում և Բալկանյան թերակղզում:

Սովային ենթարեադարձային օդը գոյություն ունի ամբողջ տարվա ընթացքում: Նա առաջանում է ենթարոպակական գոտու ծովերում, Ատլանտյան օվկիանոսի Ազորյան անտիցիկլոնի մարզում և Միջերկրական ծովում: Ներթափանցում է հարավ-արևմուտքից և արևմուտքից:

Ցամաքային (կոնտինենտալ) ենթարեադարձային օդը ձևավորվում է հյուսիսային Աֆրիկայում, արևմտյան Ասիայում և Բալկանյան թերակղզու հարավային մասում: Ներթափանցում է հարավից և հարավ-արևելքից:

Արկտիկական օդի ներխուժումը Եվրոպա սովորաբար ուղեկցվում է ուժեղ քամիներով, ձյան տեղումներով և ձմռան ջերմաստիճանի խիստ անկմամբ: Առանձին դեպքերում արկտիկական ցուրտ օդի ներխուժման ազդեցության տակ միջին Եվրոպայում (օրինակ՝ Միջեզրիայում, Բավարիայում) բարեխառնությունն իշխում է՝ -25° ից մինչև -35° , իսկ հյուսիսային հտալիայում՝ $-15-$ 18° : Զմռանը ծովային ենթարենուային օդի ներխուժումը Արևմտյան Եվրոպա սովորաբար հարթավայրերում առաջ է բերում նկատելի տաքացում, իսկ լեռներում՝ ցրտեցում, ինչպես նաև ամպամած եղանակ: Ցամաքային (կոնտինենտալ) ենթարենուային օդը ներթափանցում է արևելյան Եվրոպայից և մեծ մասամբ ուղեկցվում է պարզկա եղանակով:

Ծովային ենթարեադարձային օդը մուտք է գործում Եվրոպա Ատլանտյան օվկիանոսից, հաճախ հարավ-արևմտյան և արևմտյան ուժեղ քամիների ուղեկցությամբ: Զմռանը, ինչպես նաև առուանը, օդային այդ մասսան աշքի է ընկնում իր շատ բարձր ջերմությամբ, ըստ որում անգամ նրա միջերկրային ցրտացած ջերտք միջին Եվրոպայում ձմռանը ունենում է $+10-12^{\circ}$ ջերմությունը: Սովորաբար այդ օդը ձմռանն առաջ է բերում ամպամած եղանակությունը մասախուղ և անձրև:

Ցամաքային ենթարեադարձային օդը ներթափանցում է Եվրոպա հարավից: Նա ուժեղ կերպով բարձրացնում է ջերմությունը.. աշքի է ընկնում փոշիներով:

ԳԵՏԵՐՆ ՈՒ ԼՃԵՐԸ

Արևմտյան Եվրոպայի ջրագրական ցանցը բավական խիտ է, իսկ գետերը՝ ջրառատ: Այդ բացատրվում է ոչ միայն արևմտյան խոնավ օդային զանգվածների առկայությամբ, որոնք բերում են մեծ քանակությամբ տեղումներ, այլև բարձր չեռներում կուտակվող մեծ քանակությամբ հավերժական ձևն և սառցագաշտերի առկայությամբ, որոնք գետերի ճնուցման մշտական աղբյուր են հանդիսանում: Գետային ցանցի խտացման ոչ պակաս կարենոր գործոն է հանդիսանում նաև ոելյեֆի ուժեղ ուղղաձիգ մասնատվածությունը: Բայց որովհետև Արևմտյան Եվրոպայի ափերը խիստ մասնատված են՝ ցամաքի խորքը միրճված բազմաթիվ ծովերով ու ծոցերով, այդ պատճառով այնտեղ բարենպաստ պայմաններ չեն ստեղծվել մեծ երկարության գետերի առաջացման համար: Այդ տեսակետից բնորոշ է հարավային (կամ թերակղզային) Եվրոպան:

Արևմտյան Եվրոպայի ամենամեծ գետը հանդիսանում է Դանուբը: Սա սկիզբ է առնում Շվարցվալդի լեռներից և թափվում Սև ծովը: Դանուբն ունի 2850 կմ երկարություն և 860 000 քառ. կմ ավազան: Արևմտյան Եվրոպայի մյուս գետերն անհամեմատ ավելի կարճ են: Այսպես օրինակ, Հռենոսը, չնայած իր ջրառատությանը, ունի ընդամենը 1320 կմ երկարություն, Էլբան՝ 1154 կմ, Ագդան (Օդերը)՝ 903 կմ և այլն:

Արևմտյան Եվրոպայի գետային ցանցը համարյա ամբողջապես պատկանում է Ատլանտյան օվկիանոսին: Բուն Ատլանտյան օվկիանոսի ավազանին պատկանում են նորվեգիայի և Բրիտանական կղզիների մի շարք մանր գետեր: Ֆրանսիական գետերից նշանավոր են Սենան, Լուարան, Գարոնան: Պիրենեյան թերակղզու գետերից են Դուերոն, Տախոն, Մինիոն, Գվադիանան, Գվադուչի: Մինչդեռ թալթիկ ծովի ավազանին պատկանող գետերից են Նեմանը, Վիսլան, Օդրան և մի շարք համեմատաբար ավելի փոքր գետեր (օրինակ՝ Տորնեո, Լուկեռ և այլն):

Հյուսիսային ծովի ավազանին պատկանում են Էլբան (Լաբա), Կեղերը, Էմսը, Հռենոսը (Մասսի հետ), Շելդան, Թիեմզան: Միջերկրական ծովի ավազանին պատկանում են Խուկարը, Էրրոն, Իռնան, Պոն Վարդարը, Մարիցան և այլն:

Արևմտյան Եվրոպայի գետերի մեծ մասը, շնորհիվ նրանց միջև գոյություն ունեցող համեմատաբար ցածրադիր ջրբաժան տա-

րածությունների և բազմաթիվ վտակների, մեծ հնարավորություն են ընձեռում դրանք ջրանցքներով միմյանց հետ կապելու Այդ տեսակետից առանձնապես բնորոշ են հարավային Անգլիայի, Հյուսիս-գերմանական, ինչպես նաև ֆրանսիական գետերը: Նրանք համարյա բոլորն էլ միմյանց հետ կապված են ջրանցքներով:

Գետերի ոեժիմը փոփոխվում է հիմնականում կլիմայական պայմաններին համապատասխան: Ենթաարևադարձային գոտու գետերը սովորաբար ամռան վերջում համարյա ամբողջովին չորանում են կամ խիստ ծանծաղում, իսկ աշնան վերջում և ձմռանը արտակարգ կերպով վարարում են և երբեմն դուրս գալով իրենց ափերից, մեծ ավերածություններ են կատարում:

Միանգամայն այլ են միջին ծվրոպայի արևմտյան ծովամերձ, մեղմ կլիմայական շրջանների գետերը: Նրանք ըստ սեզոնի քիչ են փոխում իրենց մակարդակը և սովորաբար ձմռանը չեն սառչում: Մի փոքր արևելք, համեմատաբար պակաս ցամաքային կլիմա ունեցող վայրերում, գետերի մեծ մասի մակարդակն ամռան իշնում է, իսկ ձմռանը նրանք շատ կարճ ժամանակով, այն էլ ոչ ամեն տարի, սառչում են: Էլ ավելի դեպի արևելք, կլիմայի ցամաքայինության խստացման համապատասխան, ուժեղանում է գետերի ծանծաղումը, ինչպես նաև ձմեռային սառցապատման տևողությունը. դրա փոխարեն խիստ ուժեղանում են գետերի գարնանացին վարարումները:

Հաշվի առնելով Արևմտյան ծվրոպայի գետերի սննման, հոսքի, ջրային ոեժիմի և մի քանի այլ հատկանիշների էական տարբերությունները, նրանց կարելի է ստորաբաժանել մի շարք տիպերի:

Մի առանձին տիպ են կազմում Հյուսիսային ծվրոպայի գետերը: Նրանք բոլորն էլ ձեւվորվել են վերջին սառցապատման նահանջի տեղամասում, մոտ 8—10 հազար տարի առաջ: Այդ պատճառով այդ մասում գետային ցանցը գտնվում է դեռևս իր զարդացման սկզբնական աստիճանի վրա: Գետերը մեծ մասմբ ունեն ձնային ոեժիմ և ունեն բազմաթիվ սահանքներ ու ջրվեժներ: Այդ հիման վրա նորվեգիան և Շվեդիան հոչակված են հիդրոէներգետիկ մեծ ռեսուրսներով: Հյուսիսային ծվրոպայի գետերի մեծագույն մասը ձմռանը տեսականորեն (4—6 ամիս) սառցապատվում է: Գետերի հոսքի գործակիցը միջին և հարավային Շվեդիայում կազմում է 50 %:

Կլիմայական և գեոմորֆոլոգիական ավելի բարդ պայմանների մեջ են գտնվում միջին ծվրոպայի գետերը: Ըստ Բ. Ֆորրի-

նինի, միջին Եվրոպայի համար բնորոշ են գետերի հետեւալ հինգ գիւավոր տիպերը.

(1) Մերձատպահայան տիպի գետեր: Սրանք բնորոշվում են գերազանցապես անձրեային սնումով. այդ պատճառով նրանց ռեժիմը սերտորեն կապված է թափվող տեղումների և գոլորշացման հետ: Այս տիպին են պատկանում Անգլիայի մի շարք գետեր, որոնց թվում Թեմզան, Ֆրանսիայից՝ Սենան, Լուարան իր ստորին հոսանքում, ինչպես նաև մասսամբ արևմտյան Գերմանիայի մի քանի գետեր (Հիմնականում իրենց ստորին հոսանքում):

Մերձատլանայան տիպի գետերը շեն սառցապատվում, ջրառատ են, նրանց մակարդակի տատանումները փոքր են: Ձրի ամենամեծ ծախսը տալիս են ձմռանը, իսկ մինիմումը՝ ամռանը, շնորհիլ մեծ գոլորշացումների:)Միջին տարեկան հոսքը շատ փոքր է: այսպես, օրինակ, Թեմզայի հոսքի գործակիցը՝ 33,7 % է, Սենայինը՝ 32,3 %: Կարելի է ասել, որ այդ գնատերով հոսում է թափվող մթնոլորտային տեղումների մոտավորապես մեկ երրորդ մասը:

(2) Միջին բարձրության (հերցինյան) լեռնային ռեժիմի գետեր: Սրանք, որպես կանոն, սկիզբ են առնում և վերին հոսանքում (երբեմն էլ ամրողապես) հոսում են միջին բարձրության հերցինյան լեռնազանգվածներից, որոնք ունեն մոտավորապես 1000 մետր բարձրություն: Այստեղ ձմռան տեղումները գալիս են ձյան ձեռվ և պահպանվում մինչև գարուն: Հենց այդ պատճառով այդ գետերի առավելագույն հոսքը կատարվում է գարնանը: Նշանակալից է նաև աշնան հոսքի մեծացումը՝ շնորհիլ մի կողմից աշնանային անձրեների, իսկ մյուս կողմից՝ զերմության անկման հետևանքով նվազ գոլորշիացման:)Գետերն ամենացածր մակարդակի հասնում են ամռանը: Համեմատաբար մեծ թեքությունների պատճառով մեծ է այս գետերի տարեկան հոսքը, ըստ որում նրանց հոսքի գործակիցը տատանվում է 40—50 %-ի միջև: Այս տիպին պատկանող գետերից բնորոշ է Հռենոսի վտակ Մայնը:

(3) Ալպյան տիպի գետեր: Սրանք աշքի են ընկնում սառցադաշտային սնուցմամբ: Դրա հետևանքով նրանց վարարումները հիմնականում տեղի են ունենում ամռանը, իսկ մակարդակի ամենամեծ անկում նրանք տալիս են ձմռանը: Արագահոս են, ուստի և աշքի են ընկնում տարեկան հոսքի առավելագույն քանակով (50-ից մինչև 80 %): Ալպյան տիպի գետերից են վերին հուանքներում Հռենոսը, Ռոնան, Պոն՝ իրենց ձախակողմյա վտակներով, վերին Դանուբը՝ իր աջ վտակներով, Գալլոննան և այլն:

4. Արևելաւոպականին մոտ (կամ նրան փօխանցվող) ափպի գետեր: Այս տիպին պատկանում են Վիսլան, Եղրան (Օդերը), Հարավային Շվեդիայի գետերը և այլն: Կլիմայի ցամաքայնության հետևանքով այս տիպին պատկանող գետերը ցուրտ ձմռան պայմաններում սաղցապատվում են 2—3 ամիս: Միաժամանակ նրանք բնութագրվում են գարնանային ուժեղ վարարումներով և ամռան վերջում մակարդակի անկմամբ:

5. Դանուբյան տիպի գետեր: Այս տիպին են պատկանում միշին և ստորին Դանուբը և նրա Հարթավայրային վտակները, որոնք հոսում են Հունգարական և Վալախիայի դաշտավայրերով: Նրանց տարեկան հոսքը ընդհանուր առմամբ շատ փոքր է, շնորհիվ շոր և տաք ամռան, ուժեղ գոլորշացման և ուելյեֆի թույլ անկման: Բացի այդ, նշանակություն ունի նաև ջրերի ներծծումը, որը պայմանավորված է այս մասի ջրթափանց գրունտով: Գետերի սնումը կրում է խառը բնույթ: Զնհալքը և գարնանային անձրևները հարթավայրերում և շրջապատի միշին բարձրության լեռներում առաջ են բերում գարնանային առավելագույն հոսք, որի նվազագույնը բաժին է բնկնում ամռան վերջին և աշնանը: Հունգարական հարթության գլխավոր գետի՝ Տիսայի տարեկան հոսքի գործակիցը արտահայտվում է 20 % -ով: Կլիմայի ցամաքայնության հետևանքով Դանուբյան տիպի գետերը ամռանը խիստ ծանծաղում են, իսկ ձմռանը՝ սաղցապատվում, թեպետ կարճատեն:

Հնդչանուր առմամբ միշին Եվրոպայի խոշոր գետերը հաճախ տարբեր մասերում հոսում են միանգամայն աւարբեր կլիմայական և գեռոմորֆոլոգիական շրջաններով, ուստի և աշքի են ընկնում բավական բարդ ուժիմով: Այդ անսակետից բնորոշ են հատկապես Դանուբը, Հունոսը և Ռոնան, որոնք իրենց հոսանքի տարբեր մասերում հանդես են գալիս միանգամայն տարբեր տիպի ուժիմով: Այդ բոլորից բացի, մրցին Եվրոպայի խոշորագույն գետերը միաժամանակ բնորոշվում են Երկրարանական բավականին վաղեմի պատմությամբ: Նրանցից մի քանիսը փաստորեն իրենց պատճենթյունն սկսում են դեռևս Երրորդական ժամանակաշրջանից: Հենց այդ պատճառով նրանք ունեն լավ արտահայտված և ճյուղավորված սիստեմ:

Միանգամայն այլ բնույթ ունեն Հարավային Եվրոպայի միշերկրածովային տիպի ջրային ուժիմ ունեցող գետերը: Այստեղ որոշիչ նշանակություն ունի կլիման: Կլիմայով է պայմանավորված գետերի առավելագույն ծախսը, որ բաժին է ընկնում ձմռանը:

շնորհիվ տարվա այդ ժամանակվա առատ անձրևների: Նվազագույն ծախսը համընկնում է ամռան տաք և չոր ամիսներին, երբ գոլորշացումը լինում է անհամեմատ մեծ, իսկ տեղումների քանակը՝ աննշան: Ամռանը փոքր գետերից շատերը ամբողջովին ցամաքում են, մինչեռ ձմռանը նրանք խիստ վարարում են: «

Ատլանտյան օվկիանոսը ավաղանի մեծ գետերից Սենան և Լուարան, որոնք սկսվում են Ֆրանսիայի հերցինիդներից, և Գարոննան, որ սկսվում է Պիրենեյներից, իրենց ուժիմով պատկանում են արևմտակրոպական, մեծ մասամբ մերձատլանտյան տիպին: Նրանց ջրերի առավելագույն ծախսը բաժին է ընկնում աշնանն ու ձմռանը, մինիմումը՝ ամռանը¹: Ջրառատ և նավարկելի գետեր են և ձմռանը սովորաբար շեն սառչում: Բնորոշ են ծովափերին առաջացած ձագարաձև լայնացումներով (էստուարներով): Նշանավոր է Հատկապես Գարոննայի էստուարը՝ Ժիրոնդան:

Պիրենեյան թերակղզու գետերը՝ Պուերոն, Տախոն, Գվադիանան, Գվադալկիվիրը և մյուսները, որոնք սկիզբ են առնում իսպանական Մեղետայի տարբեր մասերից, տիպիկ միջերկրածովային ուժիմ ունեն: Նրանք բոլորն էլ ամռանը շատ խիստ ծանծաղում են, իսկ ձմռանը՝ վարարում: Նրանց դերը նավարկության համար չնշին է, մինչդեռ ոռոգման և հիդրոէներգիայի նշանակության տեսակետից՝ շատ մեծ:

Արևմտյան Եվրոպայի՝ դեպի Բալթիկ ծովի հոսող գետերից Նեմանը, Վիսլան և Օդեբը գաշտավայրային գետերի բնույթ ունեն: Սրանք սկսվում են Համեմատաբար ոչ շատ բարձրադիր շրջաններից և կարճ տարածությունից հետո անցնում Գերմանա-Լեհական գաշտավայրը: Նրանք հոսում են շատ դանդաղ, որի հետևանքով մեծ քանակությամբ տիղմ են նստեցնում իրենց հուներում: Վարարում են գարնանը, իսկ շրի նվազագույն մակարդակ ունենում են ձմռանը: Սովորաբար սառչում են կարճ ժամանակով և այն էլ ոչ ամեն տարի: Սրանք բոլորն էլ թափվում են Համարյա փակ ծովախորշեր, որոնց հաճախ անվանում են «Հաֆ»-եր: Դրանք ծովից բաժանված են գետի բերած տիղմից առաջացած ցամաքալեզվակներով: Նշված գետերը մեծ նշանակություն ունեն նավարկության և ոռոգման համար, սակայն Համեմատաբար փոքր է նրանց էներգետիկ նշանակությունը:

Արևմտյան Եվրոպայի գետերից Հյուսիսային ծովի ավաղանն են Թափվում Էլբան, Վեզերը, Էմսը, Հոբնոսը, Մասսը, Շելդան և

1 Գարոննան գերին հոսանքում ալպիական տիպի ուժիմ ունի:

Թեմզան: Սրանք իրենց ստորին հոսանքներում դաշտավայրային գետեր են, հոսում են դանդաղ ու ջրառատ են, սակայն վերին հոսանքներում բավական արագահոս են, որովհետև սկսվում են գրլխավորապես միջին բարձրության լեռներից: Այդ գետերից Հոենոսը իր վերնագավառում ունի տիպիկ ալպիական ռածիմ, իսկ Թեմզան գրեթե ամբողջ երկարությամբ բացառապես դաշտավայրային գետ է: Նա սկիզբ է առնում շատ աննշան բարձրություն ունեցող բլուրներից: Հիշատակված այդ բոլոր գետերն էլ ունեն տրանսպորտային, իսկ վերին հոսանքներում՝ նաև հիդրոէներգետիկ խոշոր նշանակություն: Նրանք բացառիկ կարևորություն են ներկայացնում նաև ոռոգման համար, մանավանդ նախալեռնային շրջաններում: Այդ բոլոր գետերը, բացի Հոենոսից, որը Մասսի և Շելդայի հետ միասին առաջացնում է բավական մեծ դելտա, հայտնի են իրենց գետաբերաններում առաջացրած էստուարներով:

Եվրոպայի Միջերկրական ծովի ավազանի կարևորագույն գետերից են Խուկարը, Էրրոն, Ռոնան, Պոն, Վարդարը, Մարիցան և այլն: Սրանք իրենց ոեժիմով որոշ շափով իրարից տարբերվում են. Պիրինեյան և Բալկանյան թերակղիների գետերը, ինչպես նաև Ապեննինյան թերակղզու մանր գետերը, ունեն զուտ միջերկրածովային ոեժիմ, իսկ Ռոնան և Պոն մի փոքր այլ տիպի գետեր են. Ռոնան, Պոյի վերին հոսանքը և նրա ձախ վտակները ունեն ալպիական տիպի ոեժիմ:

Արևմտյան Եվրոպայի Սև ծովի ավազանին պատկանող ամենախոշոր գետը, ինչպես ասվել է, Դանուբն է: Սկիզբ առնելով Շվարցվալդի լեռներից և աշակողմից իր մեջ ընդունելով Ալպերից հոսող բաղմաթիվ վտակներ, Դանուբը վերին հոսանքում արագահոս է, իսկ միջին և ստորին հոսանքում՝ դանդաղահոս: Միջին հոսանքում բացառություն է կազմում միայն մի փոքր տարածություն, որ հայտնի է «Երկաթյա գարպասներ» անունով: Այստեղ Դանուբը կտրում է Կարպատների և Բալկանների ծայրամասերը և հոսում բավականին սրբնթաց: Դանուբը վերին և միջին հոսանքում ունի ալպիական ոեժիմ, վարարում է ամունը և խիստ նվազում ձմռանը, ստորին հոսանքում ջրի մակարդակի առավելագույն բարձրացում նկատվում է գարնանը, իսկ նվազագույնը՝ ամռանը: Ձմռանը երբեմն կարճ ժամանակով սառչում է:

ՀՃԵՐ

Արևմտյան Եվրոպան հարուստ է նաև լճերով: Լճերը շատ են մասնավորապես նրա հյուսիսային շրջաններում, որոնք ջորրոր-

դական գարաշրջանում ենթարկվել էին համատարած սաղցապատման: Այդ լճերը ձևավորվել են մեծ մասամբ ետսացադաշտային ժամանակաշրջանում, սակայն նրանց մի մասը առաջացել է դեռևս մինչ սաղցապատումը: Այդ այն լճերն են, որոնք ունեն տեկտոնիկ ժագում:

Եվրոպայի Հյուսիսային պասի աշքի ընկնող լճերից են Սայման, Վեներենը, Վետտերնը, Մելարենը, Էնարենը, Իմանդրան և այլն: Լճերով արտակարգ հարուստ է Ֆիննո-Սկանդիան: Այսպես-օրինակ՝ Շվեդիայում բոլոր լճերը բռնում են երկրի մակերեսի մոտ 8 տոկոսը, Ֆինլանդիայում՝ 12. տոկոսը: Այդ միենույն երկրներում հակայական տարածություններ են բռնում նաև ճահիճները, ըստ որում միայն Ֆինլանդիայում նրանք գրավում են ամբողջ տերիտորիայի մոտ 30. տոկոսը: Հյուսիսային Եվրոպայի լճերի մի նշանակալից մասը գոյացել է Հիմնականում ցածրությունները (գոգավորությունները) սաղցադաշտային բերվածքներով (մորեններով) փակվելու հետևանքով:

Բավական մեծ թվով լճեր կան նաև Ալպերում: Նրանք գերագանցապես սաղցադաշտային ծագում ունեն և պատկանում են երկու կարևոր խմբի՝ նախալեռնային զոնայի խոշոր լճեր և բարձր լեռնային զոնայի մանր կառային լճեր: Ալպերում լճերի առաջացման գործում մեծ դեր են կատարել լեռնային սաղցադաշտերը: Նրանց գործունեության հետևանքով առաջացած վերջնամորենների թրմբերը փակել են իջվածքները (որ մասամբ տեկտոնական ծագումի են, մասամբ էլ՝ ջրա-էրոզիոն և սաղցադաշտային) և առաջացրել գոգ հովիտներ, որոնք հետագայում բռնվել են սաղցադաշտի հալոցքային ջրերով: Այդպիսի ծագում ունեն Ալպերի հարավային լանջերին ընկած մեծ լճերից շատերը՝ Բոդենի, Ժյուրիխի, Լագո-Մաչիորե, Կոմո, Գարդա, Լուգանո և այլն:

Սաղցադաշտային ծագման պատկանող մանր լճեր շատ կան նաև Արևմտյան Եվրոպայի լեռնային մյուս շրջաններում, որոնք բռնված են եղել Զորրորդական սաղցապատմամբ, ինչպես, օրինակ՝ Շոտլանդիայում, Անգլիայում, Պիրենեյներում, Կարպատներում և այլն: Բալկանյան թերակղզու առավել խոշոր լճերից հիշատակության են արժանի Սկուտարի և Օխրիդա լճերը, որոնք ունեն մասամբ տեկտոնական և մասամբ ոելիկտային ծագում: Ապեննինյան թերակղզու համար առավել տիպիկ են խառնարանային լճեր (օրինակ՝ Վիկո, Ալբանո և այլն):

Արևմտյան Եվրոպայի լեռնային գետերն ու լճերը իրենց հրաշայական էներգետիկ ռեսուրսներով բացառիկ դեր են կատարում առանձին երկրների ժողովրդական տնտեսության զարգացման բնագավառում: Այդ ռեսակետից «Սպիտակ ածխի» պաշարներով առաջին տեղն է գրավում Սկանդինավիան, որի պաշարներից 20 միլիոն կիլովատ բաժին է ընկնում նորվեգիային և 15,5 միլիոն կիլովատ՝ Շվեդիային: Հիդրոէներգետիկ ռեսուրսներով հարուստ են նաև Ալպյան լեռները, որոնք մեծ քանակությամբ հիդրոէներգիա են տալիս Շվեյցարիային, Ֆրանսիային, Խուալիային: «Սպիտակ ածխի» նշանակալից պաշարներ ունեն նույնպես հարավային Եվրոպան և Կարպատները:

ՀՈՂԵՐԸ

Հողերի տարածումը և նրանց առանձնահատկությունները սերտորեն կապված են կլիմայի և բուսականության հետ: Հենց այդ պատճառով Արևմտյան Եվրոպայում հողերը տարածված են այնպիսի գոտիականությամբ, ինչպիսի գոտիականություն ունեն կլիման և հատկապես բուսական ծածկոցը: Կլիմայի և բուսականության նման, սովորաբար նրանք իրենց բնույթը փոխում են հյուսիսից-հարավ: Սակայն այստեղ նույնպես այդ օրինաշափությանը նկատելիորեն խանգարում է ռելյեֆը:

Եվրոպայի ծայր հյուսիսում ընկած են տունդրայի հողերը. Նրանք ընդգրկում են Սկանդինավիան լեռների հյուսիսը և Բալանդիա կղզին: Այստեղ հանդիպում են թույլ զարգացած տորֆա-ճահային հողեր: Որոշ տեղերում հողային ծածկոցը համարյալ լորիլ բացակայում է: Այդ այն վայրերն են, որոնք, չնորհիվ ջորրորդական սաղցաղաշտերի գործունեության, ներկայացնում են մերկացած տեղամասեր: Տունդրայի հարավում ավագային ենթահողերի վրա տեղ-տեղ տարածված են շատ փոքր հաստության պողպոլային հողեր:

Բուն պողպոլային հողերի զոնան համապատասխանում է Արևմտյան Եվրոպայի փշատերև անտառների դոտուն: Հողային այդ զոնան ընդգրկում է գրեթե ամբողջ Ֆինլանդիան, Սկանդինավիայի մեծ մասը, Լեհաստանը, Հյուսիսային Գերմանիայի և Գանգանիայի մի մասը և Բրիտանական կղզիների հյուսիսային շրջանները: Մերթընդերթ պողպոլային հողերը փոխարինվում են ճահային և կիսաճաճային հողերով: Պողպոլային հողերի տարածման

որոշ շրջաններ, հատկապես հերցինյան ծալքավորության լեռներում (ինչպես, օրինակ, Ֆրանսիայում, Գերմանիայում և այլն), ծածկված են խճաքարային հողերով:

Միջին Եվրոպայի անտառածածկ տարածությունների համար ավելի տիպիկ են դեղնապոդզոլացին և ավելի շատ մուգ դարչնագույն հողերը: Մուգշագանակագույն (դեղին) հողերը մեծ մասամբ տարածված են բարեխառն-տաճք կլիմա ունեցող շրջաններում, գերմանական լեռների հյուսիսային շանչերում, մերձալպյան սարահարթերում (մասնավորապես Բավարիայում), քիչ շափով նաև գերմանական լեհական դաշտավայրում, ուր նրանք մերթ վոխարինվում են պոդզոլացին տիպի հողերով: Մուգ դարչնագույն հողերը լայն շափով տարածված են նաև Ֆրանսիայում, Բրիտանական կղզիներում, ինչպես նաև հարավային Եվրոպայում և ընդհանրապես բոլոր այն վայրերում, ուր լայնատերև անտառներն են տարածված: Հարավում՝ մերձարևադարձային կլիմայի շրջանում, մուգ դարչնագույն և դեղնահողերը փոխարինվում են կարմրահողերով և լեռնաանտառային մուգ շագանակագույն հողերով:

Եվրոպայի հյուսիս-արևմուտքում, մասնավորապես Նիդերլանդիայում, Հյուսիս-Գերմանական դաշտավայրի և Դանիայի արևմբույան մերձածովափնյա գոտում զարգացած են խիստ արգավանդ մարշային հողերը: Գրանք այն հողային տարածություններն են, որոնք մասամբ մարդիկ են «խլել» ծովից: Նրանց սահմանակցում են խիստ պոդզոլացած ավագային հողերը («աղքատ հողեր»), որոնք մեջ ընդ մեջ փոխարինվում են տորֆաճահճային տարածություններով:

Արևմտյան Եվրոպայում, սկսած ողերն ընկած են գլխավորապես Ստորին և Միջին Դանուբյան դաշտավայրերում, այսինքն՝ տափաստանային շրջաններում: Որոշ շափով սկսած հողերով է ծածկված նաև ելքա գետի միջին և նրա սխստեմին պատկանող ջալե վտակի ավագանը: Այստեղ առավելապես տարածված են լյոսանման սեահողերը: Արևմտյան Եվրոպայի շոր տափաստանային որոշ վայրեր (օրինակ, իսպանական Մեզետայում) ծածկված են շագանակագույն հողերով:

Լեռնային շրջաններում, հատկապես Ալպերում, պարզ նկատելի է հողերի ռողդածիկ զոնայականություն, ըստ որում այդ զոնաների մեջ աշքի են ընկնում հումուսով հարուստ լեռնամարգագետնային հողերը:

Հարավային Եվրոպայում հողերը հանդես են գալիս բազմաթիվ տարատեսակներով: Դրա պատճառը հանդիսանում է ոչ միայն կլիմայի բազմապիսությունն ու բուսականությունը, այլև ուլյեֆի և ապարատեսակների բազմազանությունը: Միշերկրածովային շրջանում, որտեղ իշխում է ենթատրոպիկական կլիման, հանդիպում են «կարմրահողերի» գոյացություններ: Կարմրահողերը, շնորհիվ նրանցում եղած նյութերի լվացման ու տեղատարման, հումուսով հարուստ շեն լինում: Այդ պատճառով սովորաբար նրանք հարրատացվում են հանքային պարարտանյութերով: Կարմրահողերը հայտնի են մերձարևադարձային Եվրոպայի առավել խոնավ շրջաններ:

Մերձարևադարձային և միջին Եվրոպայի որոշ շրջաններ, ինչպես, օրինակ, Ֆրանսիայի հարավային ծովափը: մասամբ կոմբարդական դաշտավայրը, նիդերլանդիայի և Դանութի հովտի առանձին մասեր, ծածկված են խիստ արգավանդ ալյուվիալ հողերով:

Արևմտյան Եվրոպայում ետսառցադաշտային ժամանակաշրջանում հողային, ինչպես և բուսական գոնաները ենթարկվել են որոշ տեղաշարժման՝ հյուսիսից-հարավ ուղղությամբ: Այդ պատճառով ներկայում այդ գոնաների սահմաններում հաճախ նկատվում են երկու տարրեր զոնաներին հատուկ հողեր, որոնք կրում են թե՛ մեկ և թե՛ մյուս գոնային հատուկ հողակազմական պրոցեսի հետքեր: Այդ միկնույն շրջաններում տեղ-տեղ պահպանվել են նաև ոելիկտային հողեր: Այդ երկուցին առանձնապես աշքի և զարնում պողոլային հողերի և սկահողերի սահմաններում: Այդտեղ հողակազմական պրոցեսի թերկու տարրեր տիպերի զուգորդման հետևանքով առաջացել են մի շարք անցման ձևեր (մոխրագույն անտառային կավահողեր և այլն):

ԲՈՒՍԱԿԱՆՈՒԹՅՈՒՆԸ

Արևմտյան Եվրոպայի բուսականության տարածումն ու առանձնահատկությունները սերտորեն կապված են ոելյեֆի, կլիմայի, ինչպես նաև հողային ծածկի փոխազդեցությունների հետ: Ոչ պակաս կարեոր նշանակություն են ունեցել նաև հարեան մաքրցամաքների ներգործությունը, ինչպես և ջորրորդական մասոցաշտային և ետսառցադաշտային ժամանակաշրջանի կլիմայական փոփոխությունները, որոնց ազդեցության հետևանքով Արևմտյան

Եվրոպայում բուսականությունը միգրացիա է կատարել մերթ գեպի հարավ և մերթ դեպի հյուսիս: Կլիմայական այդ փոփոխություններն առանձնապես ուժեղ կերպով ներգործել են Արևմտյան Եվրոպայի հյուսիսային կեսի բուսածածկի վրա: Այդ մասի նրարդական շերմասեր բուսականությունը համարյա թե ամբողջապես ոչնչացել է: Կլիմայական այդ փոփոխությունները թույլ են ազդեց հարավային Եվրոպայի երեք թերակղզիների վրա: Վերջիններիս բուսականությունը սառցադաշտային կենտրոնից համեմատաքար մեծ հեռավորության վրա գտնվելու հետ միասին, հյուսիսային ցուրտ քամիներից պաշտպանված է եղել բարձր լեռնաշղթաներով: Այդ հանգամանքի շնորհիվ, հարավային թերակղզիներում պահպանվել են Երրորդական տաք ժամանակաշրջանի բուսականության որոշ ներկայացուցիչներ, մինչդեռ Եվրոպայի մնացած մասերում, եթե նրանք չեն ոչնչացել, ապա քշվել են հեռու՝ դեպի հարավ, որտեղ խիստ աղքատացել են ձեռով:

Երրորդականի վերջում Եվրոպայում սկսվում է կլիմայի ցըրտեցում: Դրա հետևանքով հյուսիսում աճող այն բուսատեսակները, որոնք զերմության ավելի մեծ կարիք էին զգում, հետզհետև տեղափոխվում են հարավ, իրենց տեղը զիջելով բարեխառն կլիմային հատուկ բուսատեսակներին: Այդ նույն ժամանակաշրջանում հարավային լեռնաշղթաների վրա գոյանում են բույսերի մի շարք տիպական ալպյան տեսակները: Սառցադաշտերի առաջին ներխուժման հետևանքով հյուսիսային Եվրոպան բոլորովին զրկվում է բուսածածկից, միջին Եվրոպայի բուսականությունը քաշվում է դեպի հարավ և հարավ-արևմուտք, լեռներում մնում է միայն ցրտադիմացկոն բուսականությունը: Սառցադաշտի հարավային եզրի մոտակայքում աճում են տունդրային հատուկ բուսատեսակներ: Առաջին սառցադաշտի ետ քաշվելուց հետո, նրա տեղը բռնում է տունդրային բուսականությունը, որին միախառնվում են նաև լեռներից դեպի ստորոտները իջած ալպիական բուսատեսակները, որոնց համար տունդրայի կլիմայական պայմանները տանելի էին: Երրորդ և երրորդ սառցադաշտերը, նույն ձեռվ, կրկին անգամ ստեղծում են բուսատեսակների խառնուրդ:

Երբ Արևմտյան Եվրոպայից սառցադաշտերը բոլորովին ետքեն քաշվում դեպի Սկանդինավյան թերակղզին և ցամաքի բարձր լեռները, Եվրոպա են ներթափանցում նաև դրսից եկած որոշ բուսատեսակներ: Նրանք դեպի միջին և հյուսիսային Եվրոպա էին շարժվում գլխավորապես հարավ-արևելքից՝ հարևան Ասիայից և

մասամբ էլ հարավային Եվրոպայի միջերկրածովային շրջանից, որը բռնված էր մերձարևադարձային բուսականությամբ։ Այս նոր բուսականությունը հետզհետե ետ է մղում ետսառցադաշտային (տունդրային) բուսականությանը և բռնում է նրա տեղը, հարմարվելով կիմայական պայմաններին։ այնտեղ, ուր կիմայական պայմանները նպաստավոր էին, նա բավական հյուսիս էր գնում (օրինակ՝ այդ շարժման արդյունքն են ներկայումս Բրիտանական կղզիներում աճող որոշ մշտագալար մերձարևադային տեսակները)։ Տունդրային բուսականությունը, որ վերոհիշյալ պատճառների հետեւանքով իր մեջ պարունակում էր նաև բազմաթիվ լեռնային (ալպիական) բուսատեսակներ, բաշվում է հյուսիս և հաստատվում ժամանակակից Եվրոպայի ծայր հյուսիսում։ Վերջին միջսառցադաշտային շրջանի և ետսառցադաշտային շրջանի շոր ու տաք կիմայի պայմաններում Արևմտյան Եվրոպայի որոշ մասերում առաջացած լցոն ու սեահողերը բռնվում են տափաստանային բուսականությամբ, որը հետագայում, խոնավության աճելու հետեւանքով, Արևմտյան Եվրոպայի մեծ մասում փոխարինվել է անտառներով և ներկայումս պահպանվել է միայն որոշ շրջաններում, ուր պայմաններն ավելի բարենպաստ են (օրինակ՝ Միջին և Ստորին Դանուբյան դաշտավայրերում)։ Այդ նույն պատճառով միջերկրածովային բուսականության մեջ ևս կատարվում են որոշ փոփոխություններ. զուտ մերձարևադարձային (մշտագալար) տեսակներին ավելանում են նաև բարեխառն-տաք կիմային հատուկ բուսատեսակները և ստացվում է այն պատկերը, որ ներկայումս գոյություն ունի միջերկրածովային շրջանում։

Այսպիսով, ետսառցադաշտային ժամանակաշրջանում Արևմտյան Եվրոպայում սաղցից ազատված տարածություններում առաջանում է բոլորովին նոր բուսականություն, որը այնուհետև աստիճանական զարգացմամբ վերափոխվում է ժամանակակից ձեզերին։

Եվրոպայի բուսական գոտիների սահմանները, այսպիսով, անընդհատ ենթարկվել են փոփոխությունների, ընդ որում այդ փոփոխությունները չի կարելի ներկայումս համարել ավարտված։ Վերջին հազարամյակում նկատելի է, որ Եվրոպայի կիման դարձել է մի փոքր ավելի խոնավ և զուգ։ Դրա հետեւանքով բուսական բնական գոտիները աստիճանաբար տեղաշարժվում են դեպի հարավ, այսինքն՝ տունդրան շարժվում է կամ ուղղակի հարձակվում է տաքայի վրա, փշատերև անտառը՝ լայնատերև անտառի վրա, ան-

տառը՝ տափաստանի և այլն։ Համապատասխան փոփոխություններ ուղղաձիգ զոնայականությամբ նկատվում են նույնպես և լեռնային շրջանների բուսականության մեջ։

Ինչպես ասվել է, Արևմտյան Եվրոպայի ժամանակակից բուսականությունը կրում է զոնալ հերթափոխություն, թեպես այդ երեսութիւնը բավական մեծ շափով խանգարում է ուղեթքը։ Հիմնական զոնաներն են՝ տունդրանովովովոպական տայգան, լայնատերև անտառները և միջերկրածովային բուսականությունը։

I. Տունդրայի զոնան ընդգրկում է Եվրոպայի ծայր հյուսիսը, առավելապես Սկանդինավիայի և Ֆինլանդիայի հյուսիսային ծովափնյա գոտին և Նորվեգական լեռնային շրջանը։ Այստեղ տարածված են լեռնային տունդրային բնորոշ բուսատեսակներ՝ մամուռը, քարաքոսը, վառ գույնի ծաղկող խոտերը, եղջերամամուռը (յագել), կաքավախոտը, ինչպես նաև շատ հատապտուղներ և այլն։ Մեծ տարածում ունեն հատկապես թփուտները։ Բուն տունդրայում իսկական անտառ չկա, բայց երբեմն պատահում են գաճաճ կեշին ու բեեռային ուռենին, որոնք այս զոնայի հարավային սահմաններում առաջացնում են անտառատունդրա։ Տունդրայի մոտավորապես նույն տիպի բուսականությամբ բնորոշվում է նաև իսլանդիան, ուր ծառեր (գլխավորապես կեշի) հանդիպում են միայն հարավային ծովափին։

II. Տունդրայից հարավ տարածված է Եվրօպական տիպի տայգան, կամ բորիալ տիպի փշատերև անտառը, որ ընդգրկում է Սկանդինավիան թերակղզու մեծ մասը և համարյա ամբողջ Ֆինլանդիան։ Այս գոտու հիմնական ծառատեսակներն են եղևնին և սոճին։ Դրանց հետ միասին պատահում է կեշին, քիչ շափով՝ նաև կաղամախին, լաստենին և բարդին։ Եվրոպական տայգան շատ մասերում ուղեկցվում է ճահճուտներով, իսկ երբեմն էլ՝ մարգագետիններով։

Սկանդինավիայի, մասամբ նաև Ֆինլանդիայի հարավում տայգային միանում են լայնատերև անտառի որոշ ծառատեսակներ, ինչպես, օրինակ, կաղնին, թղկին, հացին և այլն։ Անտառային հոծ զանգվածներով աշքի է ընկնում Ֆինլանդիան։ Նրա անտառային տարածությունները բռնում են ամբողջ տերիտորիայի 74 %-ը, Եվրոպայում՝ 52 %-ը։

III. Տայգայից հարավ ընդարձակ շերտով տարածվութեք միշին եվրոպական լայնատերև անտառների գոտին։ Նրա կազմում, որպես առավել տիպիկ ծառատեսակներ, հանդիս են գալիս հաճա-

րին և կաղնին: Հաճարին ավելի շատ տարածված է արևմուտքում, հատկապես այնպիսի վայրերում, որտեղ խոնավությունը բավարար է, ձմեռը ցուրտ չէ, իսկ ամառն էլ համեմատաբար գովզ է: Այդպիսի վայր է մերձաւանտյան գոտին, հատկապես Անգլիան և Հյուսիս-արևմտյան Գերմանիան: Այդ մասում ուղղաձիգ գոնայականությամբ հաճարին հասնում է 300—500 մետր բարձրության, իսկ միջին եվրոպայի արևելքում՝ Սուդետներում՝ 950 մետրի, Ալպերում՝ 1200 մետրի, Ալպերի հարավային լանջերում՝ 700-ից—1800 մետր բարձրության: Կաղնին առավելապես տարածված է արևելքում. նա անհամեմատ ավելի է դիմանում ոչ միայն ձմեռային խիստ ցրտերին, այլև ամոռն ուժեղ շոգերին:

Միջին եվրոպական անտառային մարզը պրոֆ. Բ. Ֆ. Դոբրենին կողմից ստորաբաժանվում է հետեւյալ պրովինցիաների.

1. Ատլանտյան պրովինցիա.—Գրավում է Բրիտանական կղզիների և Ֆրանսիայի մեծ մասը: Սա իր մեզմ կլիմայական պայմանների շնորհիվ ընդգրկում է մի ամբողջ շարք շերմասեր հարավային բույսեր: Հաճարուց բացի, որը գերիշխում է այստեղ, լայն տարածված է նաև շագանակենին: Այս մարզի առավել խոնավ շրջանները շատ ավելի բնորոշ են մշտադալար մացառուտներով: Պատահում են նաև մշտադալար ծառատեսակներ (քարի կաղնի, խցանի կաղնի), բացակայում է փշատերև անտառը:

2. Բալթիական պրովինցիա.—Սրա մեջ մտնում են հարավային Շվեդիան, Դանիան, Հյուսիս-արևելյան Գերմանիան, Լեհաստանը: Այստեղ նույնպես տիրապետում են հաճարի անտառները, բայց առանց հարավային մշտադալար բույսերի: Բացակայում է նաև շագանակենին: Կլիմայի ցամաքայնության հետևանքով տրեփելքում հաճարի փոխարեն մեծ տարածում է ստանում ամառային կաղնին: Բազմաթիվ են թղկու, լորենու, հացենու տեսակները: Բացի այդ, փշատերև ծառերից հանդես են գալիս նաև եղենին ու սոճին:

3. Միջին բարձրության լեռների (հերցինյան զանգվածների) պրովինցիա.—Այստեղ առավելապես բնորոշ է եվրոպական կուենին, որը եղենու և սոճու հետ միասին գրավում է լեռների վերին գոտին: Ստորին և միջին լեռնալանջերը ծածկված են հաճարի, կաղնու, թղկու, լորենու լայնատերև անտառներով: Նշանակալից տեղ են գրավում նաև մացառուտները:

4. Իլիրա-պոնտական նախալեռնային պրովինցիա.—Սա ընդգրկում է Կարպատների հարավային ու արևմտյան և Ալպերի ծայր

արևելյան նախալեռները, ինչպես նաև Թալկանյան թերակղու հյուսիսային մասերը: Այս պրովինցիան կարծեք թե եզրավորում է Հունգարական անտառազուրկ տափաստանը: Նրանում բնորոշ են կաղնու որոշ տեսակները, սև սոճին, արծաթափայլ լորենին:

5. Ալպերի և Կարպատների լեռնային պրովինցիա.—Աշքի է ընկնում պարզ կերպով արտահայտված բուսական ուղղաձիգ զոնայականությամբ: Լեռների ցածրադիր լանջերը բռնված են կաղնու անտառներով: Բարձրում նրանք փոխարինվում են հաճարի և ապա փշատերե անտառներով, որոնցում տիրապետում են եղենին, կուենին, սոճին, ինչպես նաև եվրոպական խիժափիճին: Ավելի բարձր հանդես են գալիս ենթալպյան և ալպյան մարգագետինները, որոնցում, շնորհիվ կարճատե ամռան և երկարատե ու խիստ ձմռան, շատ բուսատեսակներ ընդհանուր են նաև տունդրայի համար: Լեռների միջև ընկած իջվածքներում և գոգավորություններում տեղ-տեղ հանդիպում են տափաստանյային ժագում ունեցող մարգագետինների ռելիկտներ, որ աճում են լլուսերի վրա:

Միջին եվրոպական անտառային գոտու մեջ արևելքից ներթափանցում է տափաստանյային բուսականության մի շերտ, որն ընդգրկում է Ստորին Դանուբյան (Վալախիայի) և Միջին Դանուբյան (կամ Հունգարական) դաշտավայրերը: Բուսականության բնույթով այդ դաշտավայրերը արևելակրոպական տափաստանյային տարածության հետ կազմում են մի ամբողջություն: Հունգարական տափաստանը կամ, ինչպես տեղում այն անվանում են, «Պուշտաները», մերթ ընդ մերթ փոխարինվում է անտառակներով:

IV. Միջերկրածովյան մարզը ընդգրկում է հարավային Եվրոպայի երեք թերակղիները: Նրանք բոլորն էլ աշքի են ընկնում բացառիկ հարուստ բուսականությամբ: Դրա պատճառը մասսամբ ռելյիֆի և կլիմայի բազմապիսի պայմաններն են, ինչպես նաև միջերկրածովյան բուսականության վաղեմությունը: Կարևոր նշանակություն ունի նաև հարավային դիրքը, հյուսիսային օդային գանգվածներից լեռներով պաշտպանվածությունը և ջորրորդական սառցապատումից քիչ վնասված լինելը:

Լեռնային ռելյիֆի տիրապետման հետևանքով միջերկրածովյան շրջանում շատ լավ արտահայտված է բուսական ուղղաձիգ զոնայականությունը, ընդ որում ցածրադիր գոտում ամենուրեք գերիշխում են մշտադար ու մասսամբ տերեաթափ լայնատերե անտառի ծառատեսակները: Դրանց թվում բնորոշ են հատկապես մշտա-

դալար կաղնին, մշտագալար կոշտատերև մացառուտները, սոճու միջերկրածովային տեսակները և այլն:

Միջերկրածովային մարզում աճում են մի ամբողջ շարք տիպական էնդեմիկ տեսակներ: Նրանցից առավելապես տիպիկ է քարե կաղնին: Այնտեղ, ուր այդ ծառը լավ է պահպանված, նա առաջցարել է խիտ պուրակներ: Միջերկրականի արևմուտքում, հատկապես Պիրենեյան թերակղզու համար, բնորոշ է խցանի կաղնին, իսկ արևելքում, Բալկանյան թերակղզում՝ Վալոնի կաղնին, մակեդոնական կաղնին և մի քանի ուրիշ տեսակներ: Դրանց հետ միասին լայն տարածում ունեն նաև ենթաարևադային սոճու միշտարք տեսակները, որոնց թվում իտալական պինիա կոչվող սոճին, հալեպի և ապա մերձծովյան սոճին: Միջերկրածովային մարզի ցածրադիր գոտում մյուս փշատերև ծառաաեսակներից հայտնի է վայրի նոճին (*Կիպարիսը*), որն ավելի շատ հանդիպում է Բալկանյան թերակղզում և Կրիտե կղզում:

Մշտագալար մացառուտների ամենաբնորոշ ֆորմացիաներից է մաքվիսը, որը փարթամորեն աճում է Միջերկրականի արևմուտքում և Հունաստանում: Հունական մաքվիսը միավորվում է մրտենու, վայրի պիստակենու (Փիստաշկայի), խնկենու, «քարային լորենու», ծառանման մորու, գիճու, վայրի ձիթենու և մի քանի այլ բուսատեսակների հետ: Գրեթե այսպիսի հիմնական կազմով է ներկայանում նաև իտալական պիրենեյան մաքվիսը:

Խսպանիայի հարավ-արևելյան մասում, ինչպես և մասամբ իտալիայում, յուրահատուկ մացառուտային համակեցություն է իրենից ներկայացնում «Պալմիտո» բույսը, որ հանդիսանում է եղբառպայում արմավենու միակ վայրի տեսակը:

Միջերկրածովային մարզի անտառային ներքին գոտու ավելի շոր և քարիքարոտ բաց լեռնալանջերում տարածված են քսերոֆիտային ցածրահասակ մացառուտային կամ կիսամացառուտային տիպի բույսեր: Նրանք սովորաբար ունեն նեղ և կոշտ տերևներ, երբեմն նաև փշեր: Թփուտային այսօրինակ բուսականությունը հայտնի է գարիգա կամ ֆրիգանա անունով: Նրա կազմում մըտնում են բուսականության բազմաթիվ տեսակներ: Այս տիպի շորասեր մացառուտներով հայտնի է նաև Բալկանյան թերակղզին, ուր այդօրինակ բուսականությունը սերբական արտահայտությամբ կոչվում է «շիրլյակ»: Նրա կազմում մտնում են նաև «բռնիր ծառ» (держидерево), յասամանը և շատ ուրիշ բույսեր:

Այսպիսին է միջերկրածովային բուսականությունը ցածրադիր գոտում, որտեղ նա հիմնականում կազմված է մշտադալար ծառատեսակներից: Վերջիններս հասնում են մինչև 500—600 մետր բարձրության: Ավելի բարձր հանդես է գալիս անցողիկ մի գոտի, որտեղ մշտադալար անտառային բուսականությանը միանում են տերևաթափ ծառատեսակներ, ինչպես, օրինակ, շագանակենին, հացին, կաղնին, թղկին:

1000—1200 մետրից վեր, օդի ջերմության անկման և խոնավության ավելացման հետևանքով, բուսականությունն արագ կերպով փոխում է իր բնույթը: Մինչև 2000 մետր բարձրություններն աշքի են ընկնում լայնատերև անտառներով, որոնցում տիրապետող ծառերը հանդիսանում են հաճարին, շագանակենին, թղկին, կաղնին, լաստենին: Չոր և ժայռոտ տեղամասերում հաճախ պատահում են նաև սև սոճու, իսկ տեղ-տեղ՝ նաև եվրոպական կուենու անտառները: 2000 մետրից վեր անտառը վերանում է և երեսան է գալիս մացառուտային, իսկ հետո՝ ենթալպյան և ալպյան մարգագետնային բուսականությունը, որը, սակայն, Միջերկրականում մեծ տեղ չի գրավում:

Արևմտյան Եվրոպայում մարդու միջամտության շնորհիվ բնական բուսածածկը խիստ փոփոխված է: Անփոփոխ մնացել է մասամբ միայն տունդրան: Մյուս զոնաներում, մանավանդ խիստ բնակեցված վայրերում, հանդիպում են շրջաններ, որոնք բոլորովին զուրկ են բնական բուսածածկից: Օրինակ՝ կենտրոնական Անգլիայի, արևմտյան Գերմանիայի, Բելգիայի շատ մասերում անտառը կտրված է և վեր է ածվել մարգագետինների կամ վարելահողերի: Շատ ավելի մեծ փոփոխությունների են ենթարկվել տափաստանները. նրանցում բնական բուսականությունը գրեթե ամբողջովին փոխարինված է կուլտուրական բուսականությամբ: Այդ տեսակետից շատ բնորոշ է հատկապես միջերկրականի մարզը, որը համարվում է մի շարք կուլտուրական բույսերի (խաղողի, ձիթենու և այլն) հայրենիք:

ԿԵՆՏԱՆԱԿԱԼՆ ԱՇԽԱՐՀԸ

Արևմտյան Եվրոպայի կենդանական աշխարհը, ինչպես և բուսականությունը, երկրաբանական վերջին ժամանակաշրջանում ենթարկվել է շատ խիստ փոփոխությունների: Երրորդականի վերջում, երբ այստեղ իշխում էին մերձարևադալին կլիման և բուսա-

կանությունը, ֆառևան նույնպես, դրանց համապատասխան, մերձարևագարձային բնույթ ուներ: Այն ժամանակ Եվրոպայում տարածված էին առյուծներ, ռնգեղջյուրներ, կապիկներ և տաք երկրներին հատուկ մի շարք չերմասեր կենդանիներ: Չորրորդականի սկզբում, սառցադաշտերի ներխուժման հետևանքով, մերձարեվադարձային շրջաններին հատուկ կենդանիներն ու թոշունները մասամբ ոչնչացան, մասամբ տեղափոխվեցին հարավ՝ Հյուսիսային և կենտրոնական Աֆրիկա: Սառցադաշտի ետքաշվելուց հետո նրանց տեղը բռնեցին դրսից (Հավանորեն՝ Ասիայից) եկած ավելի դիմացկուն տեսակները և միաժամանակ հարավից դեպի Հյուսիս սկսեցին շարժվել դեպի հարավ տեղափոխված տեսակները: Մինչեւ և Ծիսակի մեծ սառցադաշտերը այդ նոր տեսակներին կրկին քշեցին հարավ՝ դեպի Միջերկրածովային շրջանը, իսկ նրանց տեղը միջին Եվրոպայում բռնեցին տունդրայի պայմաններին հարմարված տեսակները: Սառցադաշտերի վերջնականապես ետքաշվելուց հետո, նոր ստեղծված կենդանական աշխարհը սկսեց կամաց-կամաց շարժվել դեպի Հյուսիս՝ զամավորվելով, ըստ իր կենսապայմանների, տունդրայի, փշատերև անտառների, խառն անտառների և տափաստանների գոտիներում, իսկ միջերկրածովային շրջանում բնակություն հաստատեցին նաև մի շարք հարավային տեսակներ, որոնք հատուկ են Հյուսիսային Աֆրիկային: Այս տեղաշրժերի հետեւանք է, ըստ երկույթին, նաև թոշունների շունչ (կենդանական աշխարհի միգրացիաների և շուփ ճանապարհները մոտավորապես համընկնում են): Այդ նույն տեղաշրժերով է բացատրվում նաև այն հանգամանքը, որ տունդրային և փշատերև անտառներին հատուկ մի շարք կենդանիներ և թոշուններ ապրում են նաև ալպիական շրջաններում, այսինքն՝ այս ասպարեզում ևս կատարվել է նույն երկույթը, ինչ որ բուսականության նկատմամբ:

Արևմտյան Եվրոպայի ֆառւնայի կազմի մեջ մտնում են ոչ միայն տեղական էնդեմիկ տեսակներ, այլև ուրիշ աշխարհամասերից (գլխավորապես Ասիայից և մասամբ Աֆրիկայից ու Հյուսիսային Ամերիկայից) տարրեր ժամանակներում, տարրեր ճանապարհներով միգրացիա կատարած կենդանական տիպերը: Ասիայից, կենդանիների ներթափանցումը հարավային և միջին Եվրոպա տեղի է ունեցել գլխավորապես արևմտյան Ասիայից էցեղաց ցամաքի վրայով: Ավելի խոշոր շափերով Հյուսիս-ասիական կենդանիների ներթափանցում Եվրոպա տեղի է ունենում Երրորդական ժամանակաշրջանի վերջում և Չորրորդականի սկզբում, երբ Եվրոպայում

ձեավորվում է տայգայի բուսականությունը, Վերջին սառցապատման էպոխայում Ասիայից Եվրոպա են տեղաշարժվում նաև տունդրային հատուկ կենդանիները, իսկ ետսառցադաշտային շոր կլիմայական ժամանակաշրջանում միգրացիա են կատարում տափաստանային տիպի մի շարք կենդանիները, որոնք հետագայում մեծ մասամբ ոչնչանում են: Աֆրիկայից կենդանիների ներթափանցումը Եվրոպա տեղի էր ունենում էգեիդա, Տիրենիդա և ներկայիս Զիբրալտարի նեղուցի տեղում գոյություն ունեցող ցամաքներով: Այդ կենդանիները նույնպես հետագայում գրեթե ամբողջապես ոչնչանում են: Արևմտակերպական կենդանական աշխարհի մեջ որոշակի տեղ են գրավում նաև կենդանիների այնպիսի տիպեր, որոնք ընդհանուր են Հյուսիսային Ամերիկային: Նրանք, ըստ երևույթին, Հյուսիսային Ամերիկայից այստեղ են եկել դեռևս Երրորդական ժամանակաշրջանում, երբ Եվրոպայի և Կենտրոնական Ամերիկայի միջև գոյություն ուներ այսպես կոչված Ատլանտիդա ցամաքը: Այն ժամանակ Ատլանտիդային էին միացած նաև Կանարյան և Ազորյան կղզիները: Ներթափանցման երկրորդ ճանապարհը եղել է հյուսիսային այն ցամաքը, որը Շուտանգիան, Սկանդինավիան և Իսլանդիան միացնում էր Գրենլանդիային և Հյուսիսային Ամերիկային: Երկու ցամաքների այդ կապը պահպանվել է ընդհուպ մինչև վերջին սառցադաշտային էպոխան:

Արևմտյան Եվրոպայի կենդանական աշխարհը զգալի փոփոխություն է կրել նաև մարդու հասարակական գործունեության հետեւանքով, որի շնորհիվ ոչնչացվել են որոշ կենդանիները, ընտելացվել մյուսները, բուծվել են երրորդները և սահմանափակվել է չորրորդների աճումն ու տարածումը: Օրինակ՝ արևմտակերպական մի քանի երկրներում բոլորովին ոչնչացված են մի շարք խոշոր կենդանիներ (գայլը, արջը և առհասարակ գիշատիչները, խոտակեր կենդանիներից իշայծյամբ, տուրը և այլն), այլ երկրներում, որսի և ուժեղ հետապնդման հետեւանքով, աստիճանաբար սակավանում են թանկարժեք մորթ ունեցող կենդանիները (օրինակ՝ կուզբը): Այդ ամենի հետ միասին, ընդարձակ անտառային հողամասերի փոխակերպումը վարելահողերի, որոշ տափաստանային կենդանիների հնարավորություն տվեց զարդանալ և տարածվել իրենց բնակավայրերից շատ ավելի հեռու: Ներկայումս կարեվոր նշանակություն ունի մի շարք կենդանիների պահպանումը օրենքի միջոցով (պետական արգելանոցներ կազմակերպելու ձեւով):

Արեմտյան Եվրոպայի ֆառևան ամբողջովին պատկանում է պալեարկտիկ մարզին: Նմ հիմնականում ստորաբաժանվում է երկու ենթամարզերի: Ցամաքի մեծ մասը, որն իր մեջ ընդգրկում է Հյուսիսային և Միջին Եվրոպան և Չորրորդականի ընթացքում պարբերաբար ենթարկվել է ուժեղ փոփոխումների, մտնում է Եվրոպա-Սիբիրական ենթամարզի մեջ, իսկ փոքր մասը՝ պատկանում է Միջերկրածովային մարզին, որն ընդգրկում է Հարավային երեք մեծ թիրակղղիները, Միջերկրական ծովի կղղիները և Ֆրանսիայի Հարավային մերձծովափնյա գոտին: Եվրոպա-Սիբիրական ենթամարզում տիրապետող են Հանդիսանում տայգայի տիպի էլեմենտները, որոնք ունեն Հյուսիս-ասիական ծագում, իսկ Միջերկրածովային մարզի ֆառևայում տիրապետում են էնդեմիկ ձեերը, որոնք խառնված են աֆրիկյան և լեռնային ասիական ծագում ունեցող էլեմենտներին:

Եվրոպայի արկտիկական և ենթարկտիկական զոնաների տունդրայի համար (Խոլանդիա, Հյուսիսային Սկանդինավիա և այլն) բնորոշ են բենուային երկրներին հատուկ կենդանիներ՝ Հյուսիսային եղջերուն, լեմինգը, Հյուսիսային աղվեսը, բենուային նապաստակը, սպիտակ կաքավը, բենուային բուն, ինչպես նաև բազմատեսակ ջրային և ճահճային թռչուններ (որոր, այտերուկ և այլն), որոնք Խոլանդիայի, Սկանդինավիայի, մասամբ նաև Շոտլանդիայի ափամերձ ժայռերի և կղղիների վրա ստեղծել են այսպես կոչված «թռչնային շուկաներ»:

Տունդրայից հարավ, մերձեռուային զոնայում տարածված են տայգային բնորոշ անտառային կենդանիները: Միաժամանակ այս-տեղ հանդիպում են այնպիսի կենդանիներ, որոնք կապված են մարզագետինների և ճահճների հետ: Տայգայի կենդանիները հիմնականում տարածված են Հյուսիսային և Միջին Եվրոպայի փշատերե անտառների շրջաններում, սակայն որոշ շափով թափանցել են նաև լայնատերե անտառային բուսականության զոնան և խառնրվել տեղական և հարավային ծաղում ունեցող մի շարք այլ կենդանիների հետ: Բուն տայգային պատկանող կենդանիներից հնակյուրը, անտառային լեմինգը, նապաստակը, եղագացամը, հյուսիսային եղջերուն, գորշ արջը, գայլը, աղվեսը, կզաքիսը: Թռչուններից տիպիկ են՝ ցախաքլորը, լորը, փայտփորիկը, խլահավը, բազեն, անգղը և բազմաթիվ ջրային թռչուններ: Տայգան հարուստ է նաև միջատներով, բայց խիստ աղքատ է սողուններով:

Հայնատերև անտառների կենդանական աշխարհը հայտնի է մարդու գործունեության հետևանքով կրած խոշոր փոփոխություններով: Չնայած այդ հանգամանքին, այն աշքի է ընկնում մեծ բաղմազանությամբ: Այս զոնայում նշանակալից տեղ են գրավում տեղական ձեռքը: Բնորոշ կենդանիներից են ազնիվ եղջերուն, այժյամը, վարազը, վայրի անտառային կատուն, լուսանը, փորսուղը, կուղը: Սովորական են աղվեսը, գորշուկը, ոզնին, աքիսը, ժանտաքիսը և ուրիշներ: Նշված կենդանիների մի զգալի մասը ներթափանցել է նաև տայգա: Լայնատերև անտառային գոտին շատ հարուստ է թռչուններով, բնորոշ թռչուններից են ցախաքլորը, գորշ կաքավը, կանաչ փայտփորիկը, ճայը, սոխակը, արագիլը, կարմիր ուրուրը (ցին), արծիվը, բուն, աղավնին և այլն: Համեմատաբար ավելի շատ են երկենցաղներն ու սողունները:

Միշին և մասամբ Հարավային Եվրոպայի լեռնային շրջաններն ունեն մեծ մասամբ կենդանիների այնպիսի տիպեր, որոնք ծագմամբ գերազանցապես պատկանում են Արևմտաասիական և Միշինասիական լեռներին: Այդ շրջանի կենդանիներից են՝ այծյամը, լեռնային այծը, ալպյան արջամուկը, նապաստակը, ալպյան եղջերուն, լեռնային կաքավը, արծիվը: Այդ նույն լեռների փշատերև անտառներում տիպիկ են տայգայի կենդանական աշխարհի որոշ ձեռք, ինչպես, օրինակ, գորշ արջը, սկյուռը, նապաստակը, խլահավը, փայտփորիկը և ուրիշներ:

Անհամեմատ ավելի հարուստ բազմազան և յուրահատուկ է Հարավային Եվրոպայի (կամ Միշերկրածովային մարզի) ֆառնան: Այդ տեսակետից Միշերկրածովային մարզը խիստ կերպով տարբերվում է Արևմտյան Եվրոպայի մնացած տերիտորիայից: Այստեղ բազմաթիվ են էնդեմիկ տեսակները և աֆրիկյան կենդանիները: Զափազանց Հարուստ է սողունների ֆառնան (գլխավորապես օձեր, մողեսներ և կրիաներ): Շատ են երկենցաղները (զանազան գորտեր, սալամանդրա): Խոշոր են և ավելի պայծառ գունավորված միջատները: Միշերկրածովային մարզի էնդեմիկ խոշոր կաթնասուններից են եղնիկը, մուֆլոն կոչվող լեռնային ոչխարը (որն առավելապես տարածված է Սարդինիայում և Կորսիկայում), ազնիվ եղջերուն, ինչպես նաև Աֆրիկայից հարավային խսպանիա ներթափանցած պավիանի ընտանիքին պատկանող մակակ կոչվող կապիկը և ուրիշներ: Մակակ կապիկից բացի, Պիրենեյան թերակղզին բնորոշ է Աֆրիկայից եկած նաև մի քանի մասը կենդանիներով, ինչպես, օրինակ, փարավոնամուկը, խոզուկը և այլն: Միշերկրա-

ծովային մարզի առանձին վայրերում պատահում են արջը, լուսանը, թալկանյան թերակղզում՝ շնագայլը, իսպանիայում՝ վայրի ճագարը, տեղական նապաստակը և ուրիշներ: Շատ են էնդեմիկ թըռչունները, ինչպես, օրինակ, երկնագույն կաշաղակը (իսպանիայում, նրա այլատեսակները հանդիպում են նաև Ճապոնիայում և Չինաստանում). մյուս տարածված թոշուններից են լեռնային կաքավը, կկուն, սարյակը, աղավնին, խաչկտուցը, հոպոպը, գառնանգղը և շատ ուրիշներ: Սողուններից տիպիկ են հեկկոն մողեսը, լորտուն, ինչպես նաև գունափոխմամբ միջավայրի պայմաններին հարմարվող քամելիոնը: Օձերից հոչակված է միջերկրածովային իժը (բագական): Շատ են կրիաները, միջատները, ինչպես և կարիճի էնդեմիկ տեսակները:

ԲՆԱԿՉՈՒԹՅՈՒՆԸ /

Արևմտյան Եվրոպայի ժամանակակից բնակչության գերակշռող մեծամասնությունը պատկանում է Հնդկուպատկան լեզվախմբին: Դրանց մեջ են մտնում սլավոնական, ոռմանական և գերմանական ժողովուրդները: Քիչ թվով ժողովուրդներ, ինչպես օրինակ՝ Հունդարացիները, Ֆինները, Էստոնացիներն ու լավլանդացիները, միավորվում են ուգրո-ֆիննական լեզվախմբի մեջ: Եվրոպայի հնագույն ժողովուրդներից են բասկերը, լիգուրացիք, հին էտրուսկներն ու պելասգները, որոնք պատկանում են Հաբեթական լեզվախմբին: Եվրոպայի հարավ-արևելքում, հատկապես թալկանյան թերակղզում ապրում են նաև թուրքական ժողովուրդներ:

Արևմտյան Եվրոպայում սլավոնական ժողովուրդներից են լեռները, շեխերը, սլովակները, սլովենները, սերբերը, խորվաթները, բուլղարները: Մոմանական խմբին պատկանում են իսպանացիք, իտալացիք, պորտուգալացիք, ֆրանսիացիք, գալիսիացիք, կատալոնցիք, ոռոմինացիք, վալոնները, Հույները: Գերմանական լեզվախմբի մեջ մտնում են գերմանացիք, հոլանդացիք, ֆլամանդացիք, դանիացիք, անգլիացիք, շոտլանդացիք, շվեդացիք, նորվեգացիք: Արևմտյան Եվրոպայի հնագույն բնակիչներից քիչ քանակությամբ մինչև այսօր պահպանվել են բասկերը (իսպանիայի հյուսիսում), կելտերը (հյուսիսային Շոտլանդիայում), Ուելսում և արևմտյան Իռլանդիայում), էտրուսկները (հյուսիս-արևելտյան Իտալիայում և այլն):

Արևմտյան Եվրոպայի բնակչության ընդհանուր թիվը (առանց ՍՍՌՄ Եվրոպական մասի տերիտորիայի) 1800 թ. կազմում էր 153 միլիոն մարդ, 1850 թ.՝ 210 միլիոն, 1900 թ.՝ 290 միլիոն, 1950 թ.՝ մոտ 450 միլիոն։ Ներկայումս ամբողջ Եվրոպայի (Ներառյալ ՍՍՌՄ-ի Եվրոպական մասի տերիտորիայի) բնակչությունը կազմում է մոտ 600 միլիոն մարդ։ Միջին խտությունը մոտ 55 մարդ է 1 քառ. կմ վրա, որը 2,5 անգամ ավելի է, քան ամբողջ աշխարհի միջին խտությունը։

Արևմտյան Եվրոպայում մարդիկ ապրում են ամենուրեք. ոչ միայն մերձարեադարձային կլիմա ունեցող Միջերկրածովյային մարզում և կամ թե բարեխառն ու մեղմ կլիմայական զոնաներում, այլև Հյուսիսային բարձր լայնություններում, ինչպես նաև համեմատաբար դժվարամատչելի լեռնային սարահարթերում։ Սակայն բնակչության տարածումը խիստ անհավասարաշափ է։ Ամենից խիստ բնակչության կենտրոնական և հարավային Անգլիան, Հյուսիսարևմտյան Գերմանիան, Բելգիան, Հոլանդիան, Դանիան և Հյուսիսային հոտալիան։ Բելգիայում մեկ քառ. կիլոմետրին բաժին է ընկում 290 մարդ, նիդերլանդայում՝ 270, Մեծ Բրիտանիայում՝ 209 և այլն։ Առանձին վայրերում (օրինակ՝ Ռուսի ավագանում) բնակչության խտությունը հաշվվում է մինչև 1000 մարդ։

Թվարկված երկրներում քաղաքները, ինչպես նաև գյուղերը կամ միացած են իրար և կամ միմյանցից հեռու են միայն մի քանի կիլոմետրերով։ Նրանց սահմաններում անտառը համարյա ամբողջապես ոչնչացված է, իսկ երկիրը ծածկված է ճանապարհների խիտ ցանցով։ Շատ են խոշոր քաղաքները։

Արևմտյան Եվրոպայում համեմատաբար թույլ են բնակեցված Սկանդինավիայի և Ֆինլանդիայի Հյուսիսը, Կարպատների, Պիրենեյների և Ալպերի բարձր լեռնային շրջանները, Բալկանյան թերակղու ներքին մարզերը։ Այսպես, օրինակ, նորվեգիայում յուրաքանչյուր մեկ քառ. կիլոմետրի վրա ապրում է ընդամենը 10 մարդ, Ֆինլանդիայում՝ 13, Ծվեդիայում՝ 16 մարդ։ Այս շրջաններում քիչ են խոշոր քաղաքները, եղածներն էլ գտնվում են միայն ծովափերին։ Գյուղերը նույնպես քիչ են և մեծ մասամբ տեղադրված են ծովերի, լճերի և գետերի ափերին։ Նրանց միջև սովորաբար ընկած է անտառային հոծ զանգվածը։

ՖԻԶԻԱ-ԱՇԽԱՐՀԱԳՐԱԿԱՆ ՇՐՋԱՆՆԵՐԻ.

Արևմտյան Եվրոպայի ֆիզիկա-աշխարհագրական ընդհանուր ֆոնի վրա դժվար չէ նկատել նրա առանձին մասերի միջև բնական պայմանների կարեռագույն առանձնահատկությունները, որոնք հիմք են տալիս ամբողջ մայր ցամաքը բաժանել երեք մասերի՝ Հյուսիսային, միջին և Հարավային։ Միաժամանակ նշված այդ տերիտորիալ միավորներից յուրաքանչյուրը, ընդհանուր հատկանիշների հետ միասին, հանդես է բերում լանդշաֆտային էական տարբերություններ, որոնց հիման վրա (ըստ տարբերիչ գծերի) նրանք իրենց հերթին ստորաբաժանվում են մի շարք ավելի փոքր միավորների (մարզեր, շրջաններ և այլն):

Հիմք ընդունելով պրոֆեսոր Բ. Յ. Դորրինինի ստորաբաժանումը, ստորև շարադրվելու է Արևմտյան Եվրոպայի ֆիզիկական աշխարհագրությունը՝ ըստ լանդշաֆտային շրջանացման հետևյալ սխեմայի:

I. Հյուսիսային եվրոպա

Սկանդինավյան թերակղզի

Ֆինլանդիա

Խոլանդիա

ՓՈՆԼԱԿ ԱՆԴԻ ՀԱՄԲՐԱ

II. Միջին եվրոպա

Միջին Եվրոպայի Հյուսիսային հարթություն

Բրիտանական կղզիներ

Ֆրանսիայի միջին բարձրության (Հերցինյան) լեռների և դաշտավայրերի մարզ

Կենտրոնական Եվրոպայի միջին բարձրության (Հերցինյան) լեռների մարզ

Ալպերի և մերձալպյան մարզ

Կարպատ-Դանուբյան մարզ

III. Հարավային եվրոպա

Պիրենեյան թերակղզի

Ապեննինյան թերակղզի

Բալկանյան թերակղզի

ՀՅՈՒՍԻՍԹՅԱՆ ԵՎՐՈՊԱ.

Հյուսիսային Եվրոպայի մեջ են մտնում Սկանդինավյան թերակղզին, Ֆինլանդիան և Խոլանդիա կղզին։ Նրանք թեպետ միմ-

յանցից մեկուսացած են և տարբերվում են բնական պայմանների որոշ առանձնահատկություններով, բայց միաժամանակ աշքի ևն ընկնում ծագման և զարգացման, ինչպես նաև ֆիզիկա-աշխարհագրական կարեռագույն կոմպոնենտների ընդհանուր շատ գծերով:

Հյուսիսային Եվրոպայի կորիզն է կազմում Եվրոպայի վաղեմի ցամաք Ֆեննո-Սկանդիան (Բալթյան բյուրեղային վահանը): Սկանդինավիայի կազմում ընդունված է հաշվել նաև հնագույն Կալեդոնական ծալքավորությունների (Նորվեգական լեռների) մարզոցը: Ֆեննո-Սկանդինավիան որպես ցամաք ձևավորվել է գեռես Արխեյում, այնուհետև անընդհատ ենթարկվել է պենեպլինացման: Ավելի ուշ, երրորդական և Չորրորդական ժամանակաշրջաններում, նրա սահմաններում տեղի են ունենում հնագույն ցամաքի խոշոր իջեցումներ և միաժամանակ Սկանդինավիայի կղոստատիկ բարձրացումներ: Այդ ամենին զուգակցում է երկրակեղեկի բազմաթիվ տեղերում խզվածքների և ճեղքածքների առաջացումը, ինչպես և հսլանդիայում հրաբխային հզոր գործունեությունը:

Հյուսիսային Եվրոպայի ժամանակակից ուլյեփի և լանդշաֆտի ձևավորման ասպարեզում խոշորագույն դեր է կատարել Չորրորդական սաղցապատումը, որի ազդեցության՝ տակ առաջացել են ուլյեփի ժամանակակից գլացիալ ձևերը:

Այս բոլորի հետ միասին Հյուսիսային Եվրոպան իր ցիկլոնային տիպի կլիմայական պայմաններով, լեռնային տունդրայի և գերազանցապես փշատերե անտառային բուսականությամբ, մասսամբ նաև հողերի ու կենդանական աշխարհի առանձնահատկություններով նկատելիորեն տարբերվում է մնացած Եվրոպայից և ներկայանում որպես մի ինքնատիպ տերիտորիա:

Սկանդինավյան բերակղզի

Սա Եվրոպայի ամենամեծ թերակղզին է: Տեղավորված է մայր ցամաքի Հյուսիս-արևմտյան կողմում և ողողվում է Բարենցի ծովի, Նորվեգական ծովի Սկագերակ, Կատեգատ և Զունդ նեղուցների ու Բալթիկ ծովի ջրերով: Հյուսիս-արևելքում թերակղզու սահմանը պայմանականորեն անցկացվում է Տորնե գետի ստորին ու միջին հոսանքով գեպի Հյուսիս, ապա գեպի Հյուսիս-արևելք՝ մինչև էյնարե լճի արևմտյան ափը և Վարանգեր ֆիորդը: Տեղավորված է Հյուսիսային լայնության $71^{\circ}12'$ -ի (Նորդկապ հրվանդան) ու $55^{\circ}20'$ -ի և արևելյան երկայնության $40^{\circ}56'$ -ի ու 31° -ի միջև: Նրա

Երկարությունը 1900 կմ է, ամենամեծ լայնքը՝ 750 կմ: Բռնում է և
մոտ 800 հազար քառ. կմ՝ տարածություն:

Սկանդինավյան թերակղզին մի հին ցամաք է: Նրա կառուց-
վածքում տիրապետում են Մինչկեմբրյան և ստորին Պալեոզոյան
ապարները: Ավելի երիտասարդ ժամանակաշրջանի գոյացություն-
ներ չկան, եթե միայն նկատի չունենանք առանձին դեպքերում հան-
դիպող ջորրորդականի նստվածքները: Թերակղզին համեմատա-
րար քիչ է ենթարկվել տեկտոնական խախտումների. բացառու-
թյուն են կազմում նորագույն ժամանակաշրջանում կատարված ի-
շեցումներն ու բարձրացումները:

Սկանդինավյան թերակղզին երկրաբանական կազմության
տեսակենտից բաժանվում է երկու մասի՝ արևելյան սարահարթային
և արևմտյան լեռնային: Դրանցից առաջինում տիրապետում են
Մինչկեմբրյան ժամանակաշրջանի գնեցները, գրանիտները, բյու-
րեղային թերթաքարերը, իսկ երկրորդը՝ համեմատաբար երիտա-
րար ժամանակաշրջանի գոյացություն է. այն ճեղքորվել է ստո-
րին Պալեոզոյում և պատկանում է Կալեդոնյան ծալքավորությանը:

Ամբողջությամբ վերցրած Սկանդինավյան թերակղզու ոելյեֆի
ժամանակակից ճեղքի առաջացման գործում խոշոր դեր է կատա-
րել ջորրորդական սառցադաշտը: Այստեղ շատ կան սառցադաշ-
տային նստվածքներ, լճեր, սառցադաշտային լեռնագոգ փոսեր,
խիստ խորացած գետահովիտներ, որոնց մի մասը վեր է ածվել
ֆիորդների:

Ետսառցադաշտային շրջանը Սկանդինավյան թերակղզու հա-
մար բնորոշվում է ցամաքի բարձրացմամբ: Այդ երևուցիքը շատ
պարզորեն արտահայտվում է թե՝ արևելքում՝ Բալթիկ ծովի ափե-
րին և թե՝ արևմուտքում՝ նորվեգական ծովափերին: Ենթադրվում
է, որ ներկայիս ֆիորդները հանդիսանում են անցյալի գետահո-
վիտներ, որոնք ենթարկվել են սառցադաշտերի խորացնող աշխա-
տանքին, խորասուզվել ջրի տակ և ապա սատիճանաբար բարձրա-
ցել վեր: Ներկայումս արևմտյան ծովափում յուրաքանչյուր 100 /
տարում ցամաքը բարձրանում է մոտ մեկ մետրով:

Սկանդինավյան թերակղզում ջրբաժան լեռներն անցնում են
Հյուսիս-արևմտյան ծովափին զուգահեռ, ափից ոչ մեծ հեռավորու-
թյամբ: Դեպի արևմուտք նրանք իջնում են զառիթափ լանջերով.
Դրա հետեւանքով դեպի Ալտլանտյան օվկիանոս հոսող գետերը, չնա-
յած իրենց ջրառատությանը, անհամեմատ ավելի կարճ են և արա-
գահոս, իսկ դեպի հարավ-արևելք հոսող գետերը համեմատաբար

Երկար են և կտրում են թերակղզին համարյա ամբողջ լայնությամբ: Գետերից ամենից ավելի երկար են Գլումման և Տուրնե-էլվը: Սրանցից առաջինը (թափում է Օսլոյի Ֆիորդը) ունի 41.000 քառ. կմ, իսկ երկրորդը (որը թափում է Բոթնիկական ծոցը)՝ 40.000 քառ. կմ տարածությամբ ափազան: Մյուս գետերն անհամեմատ փոքր են, թեպետ բավական ջրառատ:

Սկանդինավյան թերակղզին արտակարգ հարուստ է լճերով: Նրանցից առավել մեծերը (ինչպես, օրինակ, Վեներն, Վելարեն և ուրիշներ) կենտրոնացած են Շվեդիայում:

Սկանդինավյան թերակղզին մի երեսով ուղղված է դեպի օվկիանոս, իսկ մյուսով՝ դեպի Բալթիկ ծովը: Աշխարհագրական այսպիսի դիրքի հետևանքով այդ երկու մասերը, հատկապես կլիմայական պայմանների տեսակետից, իրարից խիստ տարրերվում են: Դեպի օվկիանոս նայող մասը տաք ծովային հոսանքների աղղեցության տակ ունի մեզմ կլիմա, իսկ արևելյան մասը, որ սահմանակցում է սառցապատվող Բալթիկ ծովին, խիստ կլիմա ունի: Արեմըտյան մերձծովափնյա մասերում ձմռան բարեխառնությունը, անգամ բարձր լայնություններում, հազիվ մի քանի աստիճան 0-ից ցած է իշնում: Ըստ որում ձմռանը նորվեգական ծովափում հունվարյան միջին ամսական բարեխառնությունը հյուսիսային մասում արտահայտվում է 0°-ից մինչև մինուս 40° չերմությամբ, միջին և հարավային մասում՝ 0°-ից մինչև 20°: Սակայն դրա փոխարեն նորվեգական ծովափում ամառը շատ զովէ: Հուկիսյան միջին բարեխառնությունը սովորաբար արտահայտվում է 10-ից 15°-ով:

Անհամեմատ խիստ է կլիման Սկանդինավյան թերակղզու արևելյան կեսում: Այստեղ ձմեռն ավելի ցուրտ է, ըստ որում օդի շերմությունը շատ ամիսների ընթացքում 0°-ից ցածը է: Հունվարյան միջին չերմությունը տեղ-տեղ հասնում է մինուս 10°-ի և ավելի ցածը: Այսպիսի կլիմայական պայմանների հետևանքով Բոթնիկական ծոցի հյուսիսային մասերը սառցապատվում են և սառուցը պահպանվում է մինչև հունիս, մինչդեռ բուն Բալթիկ ծովում՝ մինչև ապրիլի սկզբները: Սակայն ամառն ավելի տաք է. միջին հուկիսյան բարեխառնությունը 16-ից 17° է, բացառություն է կազմում միայն հյուսիսը, որտեղ չերմությունն իջնում է 15-ից մինչև 10°-ի: Տեղումները նույնպես բաշխված են շատ անհավասար: Արևմտաբում նրանց քանակը հասնում է մինչև 2000 և ավել միլիմետրի, իսկ արևելքում՝ 500-ից մինչև 1000 միլիմետրի: Զմռան տեղումները սովորաբար գալիս են ձյան ձեռք: Հարավում

ձյան ծածկոցը պահպանվում է մինչև $1\frac{1}{2}$ ամիս, Միջին Շվեդիա- }
յում՝ 3—4 ամիս, իսկ Հյուսիսում՝ 4—6 ամիս:

Սկանդինավյան թերակղզում հիմնականում տիրապետում է փշատերեա անտառային բուսականությունը: Բացառություն է կազմում թերակղզու ծայր հարավը, որտեղ անտառներում պատահում է նաև հաճարին:⁴ Թերակղզու արևմտյան կեսը, առավելապես նորվիգական լեռնային շրջանում (բացառությամբ գետահովիտների), ներկայացնում է անտառազուրկ տարածություն: Լեռների բարձրադիր մասերը ծածկված են տունդրային բուսականությամբ:

Սկանդինավյան թերակղզին ընդունված է ստորաբաժանել միշայր Փիզիկա-խշխարհագրական մարզերի: Դրանք են՝ Հյուսիսարևմտյան մերձափնյա գոտին, նորվիգական լեռնային մարզը՝ արևելյան սարահարթային մարզը և հարավի ցածրագիր, բլրահարթավայրային մարզը:

Սկանդինավյան թերակղզու Հյուսիս-արևմտյան ծովափը, թերակղզու ամբողջ երկարությամբ, խիստ կտրված բրածածկ միշարթություն է: Նեղ ծովափնյա այդ գոտին մի կողմից միանում է Նորվիգական լեռների զառիթափ լանջերին, իսկ մյուս կողմից՝ շխերային տիպի բազմաթիվ մանր կղզիներին, որոնք աշքի են ընկնում սառցադաշտային ոելյեֆի այնպիսի բնորոշ գծերով, ինչպիսիք են «խոյի ճակատները», «գանգրավոր ժայռերը» և այլն: Սկանդինավյան թերակղզու Հյուսիս-արևմուտքում շխերային բնույթով հայտնի են հատկապես կոփոտենյան և Վիստերովեն կղզիները, որոնք մայր ցամաքից բաժանված են Արևելյան Փիորդով և աշքի են ընկնում ափերի անսովոր բարդ գծագրությամբ: Նորվիգական ծովափնյա նեղ գոտին ծովից վեր բարձրացած և 30—40 մ. բարձրություն ունեցող մի դարավանդէ: Նրա ձեավորումը տեղի է ունեցել նախքան Զորրորդականի սառցապատումը: Հետագայում նա ենթարկվել է թե սառցադաշտի և թե ծովի ուժեղ մշակմանը:

Սկանդինավյան թերակղզու Հյուսիս-արևմտյան մերձափնյա գոտու ամենաբնորոշ առանձնահատկություններից մեկը նշախիստ մասնատվածությունն է բազմաթիվ նեղ ծովախորշերով, որոնք այստեղ հայտնի են Փիորդներ անունով: Ֆիորդները հավանաբար առաջացել են նախկին տեկտոնիկ գետահովիտների տեղում, որոնք հետո մշակվել են սառցադաշտերի կողմից, խորացվել և ապա ցամաքի իջեցման հետեանքով լցվել ջրով: Ֆիորդներն ունեն շատ մեծ խորություն (մինչև 1200 մետր) և խիստ ուղղորդ

պատեր: Նրանք բավական մեծ տարածությամբ խորանում են ցամաքի ներսը, հասնելով բուն լեռնաշղթային: Աշքի ընկնող ֆիորդներից ամենից մեծը համարվում է Սոգնե ֆիորդը: Սա ունի 220 կիլոմետր երկարություն, 6—8 կմ լայնություն և մինչև 1240 մետր խորություն: Այնուհետև նշանավոր են Հարդանգեր ֆիորդը՝ 185 կիլոմետր երկարությամբ, Տրոնհեյմ ֆիորդը՝ 180 կմ երկարությամբ, Նորդ ֆիորդը, հարավային մասում՝ Որսանգեր ֆիորդը, Հյուսիսային մասում՝ Պորսանգեր ֆիորդը, Վարանգեր ֆիորդը և ուրիշներ: Ֆիորդների մեջ թափվում են մանր գետեր, որոնք հաճախ հոսում են փոքր լճերի միջով և շատ հարուստ են սահանքներով և շրվեժներով:

Չնայած նորվեգական ծովափի խիստ մասնատվածությանը, անհամար քանակությամբ փոքր ու մեծ կղզիներին և թերակղզիներին, որոնք մեծ մասամբ ունեն ժայռոտ մակերեսով և 1000-ից մինչև 1200 մետր բարձրությամբ ատամնավոր կատարներ, այնուամենայնիվ այն բավարար շափով յուրացված է մարդու կողմից և բնակեցված: Այդ մասում կղզիների շղթան, որը եղրավորում է առափնյա գոտին, բարենպաստ պայմաններ է ստեղծել ծովափնյանավագնացության և ձկնորսության համար:

Մերձափնյա գոտու հյուսիսային կեսի մեծ մասը ընկած է բերվեային շրջանից հյուսիս, որտեղ նա բնորոշվում է բևեռային երկարատև գիշերներով: Այդ մասի ձմեռը, չնայած իր երկարատեսաթյանը, համեմատաբար մեղմ է. Լոֆոտենյան կղզիներում հունվարյան միջին բարեխառնությունը տատանվում է պլյուս 20-ից մինչև մինուս 40-ի միջև: Խմառը դով է, միջին հուլիսյան բարեխառնությունը 120-ից մինչև 90 է: Մեծ է ամսամածությունը և ընդհանրապես մառախլապատ օրերի թիւը: Հաճախակի են ուժեղ քամիները:

Ամրողությամբ վերցրած մերձովափնյա գոտու կլիման, շնորհիվ Գոլֆստրիմ ծովային տաք հոսանքի բարերար աղղեցության, չի համապատասխանում երկրի հյուսիսային դիրքին: Զըմուանը օդի միջին շերմաստիճանը սպասվող նորմայից բարձր է սկելի քան 150-ով: Շատ է տեղումների քանակը, այն համար է 1000—2000 միլիմետրի: Ֆիորդներով դեպի երկրի խորքը շարժվելիս բնորոշ է տեղումների աստիճանաբար նվազումը և կլիմայական պայմանների նկատելի խստացումը:

Չնայած նորվեգական ծովափնյա գոտու մեղմ կլիմայական պայմաններին (հատկապես առատորեն թափվող մթնոլորտային-

տեղումներին), բուսականությունը խիստ աղքատ է: Դրա պատճառը մեծ մասամբ պետք է համարել հողագուրկ ժայռակերպ մակերեսովիթը, որի պատճառով հողագործությունն այստեղ գրեթե լրիվ բացակայում է: Անտառը քիչ է տարածված և կազմված է հիմնականում սոճուց և կեշուց: (րշ՛)

Արևմտյան նեղ ծովափնյա գոտուց անմիջապես արևելք, թեքաղղու ամբողջ երկարությամբ տարածվում է նորվեգական լեռնային մարզը: Ծելյեֆի տեսակետից նորվեգական լեռներն իրենց բարձրադիր մասում աշքի են ընկնում բարձրավանդակային տիպի մակերեսույթով: Մեծ մասամբ իրարից մեկուսացված բարձրադիր հարթ պլատոյածե այդ տարածությունները տեղում հայտնի են ֆյելդ անունով: Վերջիններս իրենց ուլյեֆի միապաղադ ձևերով և անապատատիպ լանդշաֆտով խստորեն հակադրվում են հարևան՝ մեծ մասամբ զառիվեր լեռնալանջերի թեքություններին, որոնք խիստ կտրտված են տրոգային հովիտներով և ֆիորդներով: Սկանդինավյան ֆյելդերը Երրորդական ժամանակաշրջանի պենեպլենացված մակերեսույթի վեր բարձրացած մասերն են, որոնք որոշ շափով ենթարկվել են Չորրորդական սառցադաշտի մշակմանը: Միաժամանակ ուժեղ սառնամանիքային հողմահարման հետևանքով երկրի մակերեսը ծածկվել է քարքարուտներով:

Սկանդինավյան թերակղղու ամենից ավելի բնորոշ ֆյելդերից է Հարդանգեր սարահարթը (պլատոն): Սա ընկած է 1200—1400 մետր բարձրության վրա: Ունի ոչ խոր գետահովիտներ, բազմաթիվ լճեր և տունդրային տիպի բուսականություն: Տարվա մեծ մասը ծածկված է ձյունով: Մյուս ֆյելդերից նշանավոր է Յուտունչեյմեն սարահարթը: Սա փաստորեն ներկայացնում է լեռնազանգվածների մի ամբողջ խումբ, որոնք ունեն 2000—2400 մետր բարձրություն և կազմված են շատ պինդ բյուրեղային ապարներից:

Ֆյելդային ընդարձակ սարահարթներով առավելապես աշքի է ընկնում Սկանդինավյան լեռների հարավային մասը, մինչդեռ լեռների հյուսիսային մասում նրանք քիչ են և ընդգրկում են համեմատաբար սահմանափակ տարածություններ: Սակայն այդ մասում, չնայած հնագույն ցամաքի պենեպլենացման, շնորհիվ տեկտոնական խախտումների և սառցադաշտերի ու գետերի էրոզիոն գործունեության, լեռնային ուլյեֆը խիստ մասնատված է:

Սկանդինավյան լեռները իրենց միջին հատվածում գտնվող հմտլանդի ցածրությամբ բաժանվում են հյուսիսային և հարավային մասերի: Հյուսիսային կեսի ֆյելդային սարահարթերի վրա

տեղ-տեղ բարձրանում են մի քանի աշքի ընկնող լեռնագագաթներ. դրանցից առանձնապես հայտնի են Սուլիսելմա գագաթը, որն ունի 1853 մետր բարձրություն և կերենկայսի լեռը՝ 2135 մետր բարձրությամբ: Հյուսիսային կեսում միաժամանակ հայտնի է ֆինմարկեն սարահարթը (պլատոն), որի վրա բարձրանում են մի շարք մնացորդային լեռներ:

Սկանդինավյան լեռների հարավային կեսի խոշորագույն բարձրություններից է Սնինետա գագաթը՝ մինչև 2300 մետր բարձրությամբ: Սակայն Սկանդինավյան լեռների ամենաբարձր գագաթն է հարավային մասում գտնվող Գալիսնափառեն լեռը, որն ունի 2467 մետր բարձրություն: Հարավի բոլոր բարձր գագաթները կազմված են հնագույն բյուրեղացած ապարներից (տիրապետում են գնեյն լեռն ու գրանիտները): Ցածրադիր շրջանները լցված են փուխր ապարներով: Նրանցում մեծ տեղ են գրավում սառցադաշտային կուտակումները:

Ամբողջությամբ վերցրած նորվեգական լեռներն ունեն Կալեդոնական ծագում: Բացառություն է կազմում ծայր հարավային շրջանը, որ կազմում է Ֆեննո-Սկանդինավյան վահանի անմիջական մասը: Կալեդոնիտները կազմված են գլխավորապես կեմրի և Սիլուրի կրաքարերից, թերթաքարերից և ավազաքարերից: Տեղադրությունը նրանց վրա նստած են Դեննի ցամաքային նստվածքներու: Վերին Պալեոզոյի և նրան հաջորդող դարաշրջանների նստվածքները լրիվ բացակայում են:

Զեավորվելով Սիլուրում և Դեննում, նորվեգական լեռները այնուհետև շարունակ ենթարկվել են էրոզիայի, իսկ հետագայում նաև խզումների (Յուրայութ): Չորրորդականի սկզբներում նորվեգիան վերտիկալ տատանումների հետևանքով վեր է բարձրացել մինչև 1000 մետր: Հետագայում նա ընդհանրապես իջել է, իսկ վերջին սառցադաշտային էպոխայից հետո բարձրացել է կրկին անգամ. այսպիսով պայմանավորելով ուլյեֆի մի շարք առանձնահատկություններ (ֆիորդների առաջացումն ու խորացումը և այլն): Կալեդոնական լեռնակազմական պրոցեսներին զուգընթաց կատարվել են նաև ուժեղ հրաբխային երևույթներ, որոնց հետևանքով նկատվում է ապարների շատ ուժեղ մետամորֆիզմ: Հնագույն ապարներից կազմված և խիստ մաշված այս երկիրը շափաղանց հարուստ է օգտակար հանածոներով, հատկապես երկաթով, նիկելով, պղընչառով, մոլիբդենով, կորալտով և արծաթով:

Նորվեգական լեռնային մարզի համար շափաղանց բնորոշ են երիտասարդ լճերն ու գետերը, ըստ որում վերջիններիս համար սովորական են սահանքները, ջրվեժները, անորոշ ջրբաժանները, հաճախակի բիֆուրկացիան: Բազմաթիվ գետերը ջրառատ են, արագահոս և հիդրոէներգիայի մեծ պաշար ունեն: Ամենամեծ գետը Գլոմմա (կամ Գլոմմե) գետն է, որը մոտ 580 կիլոմետր երկարություն ունի և որի ավազանը կազմում է 41400 քառ. կմ: Սրա Վորվիլտակը հոսում է Նորվեգիայի ամենամեծ լճից, որը կոչվում է Մյուսեն: Վերջինս գրավում է 400 քառ. կմ տարածություն և ունի մինչև 425 մետր խորություն:

Շատ լճեր ներկայացնում են երկարածզված գոգավորություններ: Նրանք հիմնականում ձգվում են այնպիսի ուղղությամբ, որով մի ժամանակ Զորրորդական սառցադաշտն է շարժվելու Մի շարք տեղերում նրանք ամբողջովին կտրում են լինեների առանցքալին դոտին և սովորաբար վերջանում են գետերով: Հենց այս գետերի միջոցով կապվելով միմյանց հետ, նրանք հաճախ ստեղծում են լճերի ամբողջական շղթաներ: Ամենացուրտ շրջանը Ֆինմարկենի արևելյան մասն է, որտեղ հունվարյան միջին ջերմաստիճանը մինուս 14° է, իսկ մինիմալ ջերմաստիճանը՝ մինչև մինուս 30°: Ներքին շրջանի համար ևս հատուկ են ցածր ջերմաստիճանները և փոքրաքանակ տեղումները (մինչև 500 և նույնիսկ մինչև 244 մմ), բայց բարձրադիր վայրերը դարձյալ 1000—2000 մմ տեղումներ են ստանում, մի հանգամանք, որ բացատրվում է արևմտյան խոնավքամիներով:

Արևմտյան Նորվեգիայի մերձափնյա շրջանի համեմատությամբ, կլիմայական պայմանները մի փոքր անվելի խիստ են Նորվեգական լեռների հարավ-արևելյան մասում: Այստեղ հունվարյան միջին ջերմաստիճանը տատանվում է, մինուս 2-ից մինչև մինուս 4°, իսկ հունիսյան միջինը՝ պլյուս 16-ից մինչև պլյուս 17°-ի միջև:

Սկանդինավյան լեռները մեծ տարածությամբ ծածկված են ֆիրնայիշ-պաշտերով, որտեղից սկիզբ են առնում շատ սառցադաշտեր: Նրանց թվում իր մեծությամբ առանձնապես հոչակված է Յուստենդալը սառցադաշտը, որը գրավում է մոտ 1000 քառակուսի կիլոմետր տարածություն: Մյուս սառցադաշտերը համեմատաբար ավելի փոքր են: Նրանք բոլորը միասին գրավում են մոտ 5000 քառ. կիլոմետր տարածություն:

Սառցադաշտերից զերծ ֆյելդերը մեծ մասամբ իրենցից ներկայացնում են անտառազուրկ տունդրա, ծածկված քարաքոսներով, մամուռներով, ցածրահասակ մացառուտներով: Հյուսիսային մա-

առում այդպիսի վայրերը լապլանդացիները սովորաբար օգտագործում են իրենց ընտանի եղջերուներին արածացնելու համար: Երբեմն պատահում են նաև անտառներ, կազմված փշատերեւ ծառնորից (եղևնի, սոճի): Սկանդինավյան լեռների արևելյան մասում մասնակի տարածում ունի կեշին: Ֆյելդերի սահմաններում 500-ից մինչև 1100 մետր, իսկ երբեմն 1200 մետրից էլ բարձր վայրերը ծածկված են ալպիական բուսականությամբ: Ալպիական գոտու որոշ վայրերում տարածված են ցախաստանները (Վերեշտինկի):

❖ Մեծ տեղ են բոնում ճահիճները:

Յ Սկանդինավյան թերակղզու արևելյան սարահարթային մարզի մակերևույթը հիմնականում հարթ է: Այդ տեսակետից այստեղ հայտնի է Նորլանդական բարձրավանդակը, որն իր մեջ ընդգրկում է համարյա ամբողջ հյուսիսային Շվեդիան: Վերջինս թույլ թեքությամբ աստիճանաբար ցածրանում է հյուսիս-արևմուտքից դեպի հարավ-արևելք: Հենց այդ ուղղությամբ էլ հոսում են նրա բոլոր գետերը: Արևմուտքում հայտնի են մի շարք գագաթներ, որոնք տեղ-տեղ ծածկված են հավերժական ձյունով: Սարահարթի միջին բարձրությունը տատանվում է 400-ից մինչև 600 մետրի միջև: Մինչև երրորդական ժամանակաշրջանը Նորլանդական սարահարթը իրենից ներկայացնում էր պենեպլենացված հարթություն: Երրորդականի ընթացքում և դրանից հետո այն ենթարկվել է ուղղաձիգ տատանումների, որոնց հետևանքով նրա մակերեսույթը ներկայումն հայտնի է բավական շատ անհարթություններով: Այստեղ առկա են մեծ թվով իջվածքներ և ոչ մեծ բարձրության բլրաթմբեր՝ թույլ արտահայտված լանջերով և ճահիճներով:

Նորլանդիան կազմում է Ֆեննո-Սկանդինավյան վահանի մի հատվածը: Այստեղ, ինչպես նաև ամբողջ վահանում, Մինչկեմբը ըստ հիմքի մետամորֆային ապարների՝ գնեյսների, գրանիտների, թերթաքարերի վրա նստած են ստորին Պալեոզոյի և Զորրորդականի նստվածքային ապարների բարակ շերտերը: Առանձին շրջաններում, դիպունկտիվ դիմոկացիաների հետևանքով առաջացած ճեղքերից վեր բարձրացած լավաները առաջացրել են խոշոր ինտրուզիաներ, որոնք ուժեղ էրոզիայի և ողողումների հետևանքով՝ մերկացված են և կազմում են առանձին բարձր գագաթներ: Այլ վայրերում, օրինակ, Եմտլանդի իջվածքային շրջանում, նշանակալից տեղ են գրավում Սիլուրի թերթաքարերը, ավագաքարերն ու կրաքարային ապարները: Սրանք, ի տարբերություն բյուրեղային ապարների, հեշտությամբ ենթարկվում են ողողումների: Հենց այդ

պատճառով էլ նրանց տարածման շրջանում ռելյեֆը առավել մհծ շափով կրում է բլրային բնույթը: Այդտեղ հողը համեմատաբար ավելի արգավանդ է, կլիման՝ մեղմ:

Ընդհանուր առմամբ նորլանդական սարահարթում մեծ տարածում ունեն Չորրորդական սառցադաշտային բերվածքները: Ամենուրեք պահպանված են մորենները և հսկայական մեծության հասնող վալունները: Սառցադաշտային նստվածքների հետևանքով հիմքի ապարները քիչ տեղերում են դուրս գալիս երկրի մակերես: Այդ տեսակետից բացառություն են կազմում միայն գետահովիտների զարիթափ լանջերը:

Նորլանդական սարահարթի շրջանում սառցադաշտերը փորել-հերկել են երկրի մակերեսը, խորացրել ու լայնացրել գետահովիտները և նրանց տվել տաշտերի (տրոգների) ձև: Երկրի այլ մասերում, հղկելով ու մաշելով լեռները, նրանք առաջացրել են ռելյեֆի յուրահատուկ ձևեր՝ «խոյի ճակատներ» և «գանգուր ժայռեր»: Այդ միևնույն ժամանակ հարավային Շվեդիայում սառցադաշտերի բերած նյութերի (վալունների, ավազների, կավերի, խճաքարերի) կուտակումների հետևանքով առաջացել են ակումուլյատիվ ձևեր՝ մորեննային թմբեր, օգեր, կամեր, գանդրեր: Հարավային Շվեդիայում սառցադաշտային էպոխան, ըստ որոշ գիտնականների հաշվումների, վերջացել է ընդամենը 12000 տարի սրանից առաջ, իսկ հյուսիսային Շվեդիայում սառցադաշտը մնացել է ավելի երկար: Ետսառցադաշտային ժամանակաշրջանում ամբողջ Սկանդինավյան թերակղզին զգալի շափով վար է իշել, նրա հարավային ու արևելյան ծովափերը և միջին Շվեդիայի ցածրադիր շրջանը բռնվել հն ժողով, որը հետագայում թողել է երիտասարդ նստվածքների մի բարակ շերտ: Այդ ժամանակաշրջանից հետո թերակղզին զգալի շափով բարձրացել է և շարունակում է բարձրանալ նաև այժմս: Բարձրացումը կրում է կամարածե բնույթ և այդ պատճառով ամեն տեղ հավասարաշափ չի կատարվել ու չի կատարվում:

Սկանդինավյան թերակղզու արևելյան սարահարթային մարզի սահմաններում մի առանձին ենթաշրջան կարելի է համարել Բոթնիկական մերձծովափնյա գոտին, որը մի համեմատաբար հարթ նդաշտավայր է, Այն ձեալորվել է ետսառցադաշտային ժամանակաշրջանում, Սկանդինավյան թերակղզու բարձրացման հետևանքով այդ մասի ծովի հատակի մերկացման շնորհիվ: Դաշտավայրի միջին լայնությունը տատանվում է 50-ից մինչև 70 կիլոմետրի միջև: Նրանում նշանակալից տեղ են գրավում ալյուվիալ, ինչպես

նաև սաոցադաշտային ակումբովատիվ ձեռքը: Թոթնիկական մերձ-
ծովափնյա գոտին զուրկ է Սկանդինավյան թերակղզու արևմտյան ա-
փերին բնորոշ նեղ ու երկար ծովածոցերից կամ ֆիորդներից, բայց
ունի ժայռոտ ափեր, մանր, երբեմն ծովի մակերեսույթից հազիվ
վեր բարձրացող բազմաթիվ շխերային կղզիներ: Շխերների առու-
ցացմանը մեծապես նպաստում է ցամաքի աստիճանական բարձ-
րացումը: Կան անտառներ, սակայն ավելի մեծ տարածություն են
գրավում մարգագետիններն ու վարելահողերը:

Ամբողջությամբ վերցրած Սկանդինավյան թերակղզու արևել-
յան սարահարթային մարզն ունի բավական խիստ կլիմա: Ծնոր-
հիվ Սկանդինավյան լեռների, նաև համեմատաբար քիչ շափով է
օգտվում Ատլանտյան օվկիանոսի բարերար աղդեցությունից: Արե-
վելքից նրան սահմանակից է Թոթնիկական ծոցը, որը տարվա-
մեծ մասը մնում է սաոցապատված: Այդ պատճառով նկարագր-
վող շրջանն աշքի է ընկնում ցամաքային տիպի կլիմայով: Զմռանն
այսուեղ ցրտերը երբեմն հասնում են մինչև մինու 30—40°-ի, իսկ
հունվարյան միջին ամսական բարեխառնությունը՝ մինու 90°-ից
մինչև մինու 120°-ի: Տեղումների տարեկան քանակը սովորաբար
կազմում է 500 միլիմետր: Նրանց ժամանակաշրջանը մեծ մա-
սամբ համապատասխանում է ամռան և աշնան ամիսներին: Տե-
ղումների 36 %-ը կազմում է ձյունը: Զնածածկի տեղությունը
5—7 ամիս է: Այս մարզի համար նշանակալից երեսույթ են երկա-
րատեկ ցերեկներն ու «սպիտակ գիշերները»:

Արեւլյան Սկանդինավյան գետերով ու լճերով շափականց հա-
րուստ երկիր է: Լճերը Շվեդիայի լանդշաֆտի ամենաբնորոշ հատ-
կանիշն են կազմում (ինչպես ֆիորդները՝ նորվեգիայում): Նրանք
բոնում են ընդհանուր առմամբ մոտ 37.000 քառ. կմ տարածու-
թյուն կամ երկրի (Շվեդիայի) ամբողջ տերիտորայի մոտ 8 %-ը:
Նորվանդական սարահարթի մի շարք խոշոր լճեր, որոնք ձգված են
սաոցադաշտերի շարժման ուղղությամբ, ունեն սաոցադաշտային
ժագում: Դրանցից են Ստուր-Լուլե-Տրեակ, Ստուր-Ռուման, Ստուր-
Ավան, Սիլյան և այլն: Արեւլյան Սկանդինավյայի բոլոր լճերը մեծ
նշանակություն ունեն իբրև հաղորդակցության ճանապարհներ: Ինչ
վերաբերում է գետերին, ապա նրանք մեծ մասամբ հոսում են
լճերի միջով, շատ երիտասարդ են, հուները դեռ վերջնականացես
մշակված չեն, հարուստ են սահմանքներով ու ջրվեժներով, հաճա-
խակի են բիֆուրկացիայի դեպքերը, արագահոս են և նավարկու-
թյան համար մեծ մասամբ պիտանի չեն, սակայն շատ հարուստ

Են հիդրոէներգիայի պաշարներով: Տրանսպորտային նշանակության տեսակետից շատ ավելի կարևոր են հարավ-շվեդական գետերը, որոնք մեծ մասամբ նավարկելի են և մեծ լճերը կապում են ծովի հետ: Դրանցից են Մոտալա (հոսում է Վետերն լճից դեպի Բալթիկ ծովը), Գետա (հոսում է Վեներն լճից դեպի Կատեգատ) և այլն: Մի շարք գետեր աչքի են ընկնում խոշոր ջըրվեժներով, ինչպես, օրինակ, Լուկեռ գետի վրա էտնա-Մուորկի-Կա՞րայի ջրվեժը՝ 40 մետր բարձրությամբ: Հյուսիսային Շվեդիայի մեծ գետերը սկսվում են Սկանդինավյան լեռներում և հոսում են դեպի Բալթիկ ծով: դրանցից են Տորնե, Կալիկ, Ռոնե, Լուկեռ Շելլեֆտե, Ոլմե և այլն:

Սկանդինավյան թերակղզու արևելյան սարահարթերի բուսականությունը կազմված է հիմնականում փշատերև անտառներից: Նրանցում գերիշխում են սոճին և սպիտակ եղևնին, պատահում են չնաև կեշին, բարդին և լաստենին: Ենթանտառը կազմված է ցախիից (հավամրգի) և հատապտուղների թփուտներից: Անտառը բռնում է Շվեդիայի ամբողջ տերիտորիայի մոտ 50 %-ը: Նրա մեջ շատ տեղերում հանդիպում են տորֆային և բոշխային ճահճներ, որոնց բռնած տարածությունը դեպի Հյուսիս մեծանում է: Հյուսիսում ծառատեսակները հետզհետե գաճաճանում են, անտառը նոսրանում է և տեղի է տալիս տունդրային: Բարձր լայնություններում անտառը վերջանում է 350 մետրի վրա, դրանց վեր ալպիական և տունդրային բուսականություն է (մինչև 1000 մետր):

Արևելյան Սկանդինավյայի անտառներում մինչև օրս դեռ գիշատիչներից պահպանվել են արշը, գայլը, աղվեսը, կղաքիսը, և փորսուղը: Հյուսիսում ընտանի կենդանիներից կարևոր է Հյուսիսային եղերուն, պատահում են նաև արկտիկական զոնային հատուկ կենդանիներ (լեմմինգ, սպիտակ աղվես): Մոլափերում ապրում է փոկը: Չափազանց հարուստ է թոշունների աշխարհը (ցախաքլորներ, թուփկատարներ, սպիտակ լորեր և այլն): Սողուններ և երկկենցաղներ շատ քիչ են պատահում: Գետերն ու լճերը շատ հարուստ են ձկներով, հատկապես սաղմոնի զանազան տիսակներով:

Թերակղզու սահմաններում բնական լանդշաֆտի յուրօրինակ պատկերություննեցած վայրերից խիստ կերպով տարբերվում է հարավային Սկանդինավյայի բրահարթավայրային մարզը: Վերջինս ընդգրկում է հիմնականում Շվեդական մեծ լճերի շրջանը և նրանից հարավ ընկած տերիտորիան: Ի տարբերություն հյուսիսի, որտեղ մեծ մասամբ տիրապետում է լեռնային տեղանքը, այստեղ

գերիշխում են հարթությունները։ Կլիման անհամեմատ մեղմ է, բուսականությունը հիմնականում կազմված է խառը և մասամբ լայնատերև ծառերից։ Ֆաունայի համար բնորոշ են աղվեսը, փոր-սուղը, այծյամը, թոշուններից՝ լորը, բաղը և այլն։

Հարավ Սկանդինավյան բլրահարթավայրային մարզը հյուսի-սից հարավ ստորաբաժանվում է երեք գլխավոր շրջանների։ 1. Շվե-դական մեծ լճերի և դաշտավայրային շրջան, 2. Սմոլանդի կամա-քաձե բարձրություն, 3. Սկոնե թերակղզու շրջան։

1. Շվեդական մեծ լճերի և դաշտավայրային շրջանը մակե-րեսութիւն տեսակետից բնորոշվում է ընդարձակ հարթությամբ, որը մեջ ընդ մեջ փոխարինվում է խոշոր լճային գոգավորություննե-րով և ոչ շատ բարձր, սապցադաշտային ծագումի բլրաթմբերով։ Յածրադիր մասերը ծածկված են ալյուվիֆալ նստվածքներով։ Երկ-րակնդեմ ուղղաձիգ շարժումների հետևանքով նկարագրվող շրջանը աշքի է ընկնում մի շարք դեպքեսիաներով, որոնք ներկայումն բունված են լճերով։ Ամենամեծ լճերն են Վեներնը՝ մոտ 5568 քառ. կիլոմետր տարածությամբ, Վելարեն՝ 1170 քառ. կմ մակերեսով, էլմարեն և այլն։ Նշված լճերը բոլորն էլ ետսապցադաշտային ժամանակաշրջանի ծովային ավագանի մնացորդներ են։

Ետսապցադաշտային ժամանակաշրջանում շվեդական մեծ լճե-րի տերիսորիան և նրանց հարակից ամբողջ հարթությունը են-թարկվել է ծովի տրանսգրեսիայի և ապա ռեգրեսիայի։ Դրանց հե-տևանքով տեղանքը ծածկվել է փուլար նստվածքներով, որոնց վրա առաջացել են այս շրջանի համեմատաբար արգավանդ հողերը։

Բլրահարթավայրային այս շրջանի ցածրություններում սառ-ցադաշտային նյութերը (վալունները, մորենները, ընդհանուր առ-ժամբ խճաքարային մակերեսութիւնը) քողարկված են ծովային նըստ-վածքներով, բայց պահպանված են բարձրություններում։ Այս միե-նույն շրջանում հնագույն ծագում ունեցող սարահարթաձև որոշ վայրեր, խիստ կերպով քայլայլելով, այժմ տեղ-տեղ ներկայա-նում են որպես «սեղանաձեռ» բարձրություններ (սարեր)։ Հնագույն ռելիքտի բարձրադիր այդ շրջանները, հատկապես Վեներն լից հա-րավ և Վետերնից արևելք, հայտնի են մետաղների հարուստ պա-շարներով։

Շվեդական մեծ լճերի և նրանց հարակից հարթավայրային շրջանը բնորոշվում է ատլանտյան և մասամբ ցամաքային տիպի կլիմայի փոխազդեցությամբ։ Այստեղ հունվարյան միջին բարե-

խառնությունը մինուս 30-ից մինչև մինուս 3,50 է: Հուլիսյան միջին բարեխառնությունը մոտ 16,50 է, իսկ տեղումների տարեկան միջին քանակը՝ 500 միլիմետր: Բուսականությունը կրում է խառնությութիւն: Փշատերք ծառերի հետ միասին այստեղ լայնատերք ծառերից լայն տարածում են ստացել կաղնին, հացին, լորենին, թղկին / և այլն, որոնք տարածվում են մինչև հյուսիսային լայնության, 60°: Պատահում են նաև մրգատու ծառեր:

Բնական պայմանների տեսակետից այս շրջանի արևմտյան շարունակությունը կարելի է համարել հարավ-նորվեգական մերձծովափնյա գոտին: Այս հատվածը Սկագերակ նեղուցի շարունակությունը կազմող Օսլո-ֆիորդով փաստորեն բաժանվում է արևմտյան և արեւելյան մասերի: Նրանցում կարենոր տեղ են գրավում արտավիժած ապարները: Տեղ-տեղ պատահում են կրաքարեր: Ի տարրերություն նորլանդական սարահարթի, այստեղ կլիմայական պայմանները անհամեմատ ավելի մեղմ են, իսկ բուսականությունը՝ հարուստ ու բազմատեսակ: Շովափնյա մասում տարածված են հաճարի անտառները, որոնք դեպի վեր փոխարինվում են խառը անտառներով: Ավելի բարձր աճում է փշատերք անտառը:

2. Հարավ Սկանդինավյան մարզի կարենորագույն շրջաններից մեկը համարվում է Մոլդանդի բարձրությունը: Նա գրավում է 45.000 քառ. կմ տարածություն: Ունի պլատոյածե հարթված մակերևույթ. բացառություն են կազմում պլատոյի ծայրամասերը, որոնք գետերի և սառցադաշտերի էրոզիոն աշխատանքի հետեւանքով խիստ մասնատված են: Մոլդանդի բարձրության արևմուտքը աշքի է ընկնում զառիվեր լանջերով: Հենց այդ պատճառով այդ մասի գետերը արագանու են և բնորոշ սահանքներով ու ջրվեժներով:

Մոլդանդի բարձրությունը ծածկված է մորենային, ֆլյուվիոգլացիալ և լճասաւոցադաշտային նստվածքներով: Պլատոյի կենտրոնական մասում մակերեսույթը նշանակալից շափով ճահճացած է: Կան շատ լճեր: Լայն տարածում ունեն խճաքարերը: Այդ բոլորի, ինչպես նաև թույլ զարգացած հողերի և համեմատաբար ցուրտ ու խոնավ կլիմայի պայմաններում պլատոն քիչ է յուրացված:

3. Սկանդինավյան թերակղզու ծայր հարավում գտնվում է Սկոնե թերակղզին: Կառուցվածքով, ինչպես նաև լանդշաֆտային հատկանիշներով նա լրիվ տարրերվում է Սկանդինավյան թերակղզու ամբողջ տերիտորիայից և որոշ շափով մոտենում Դանիական կղզիներին, որոնցից բաժանված է տեկտոնական ծագում ունեցող ջունդ, Մեծ Բելտ և Փոքր Բելտ նեղուցներով:

Սկզնե թերակղու հնագույն ապարատեսակներն են գրանիտ-ները, գնեյսները, ինչպես և Կեմբրի ու Սիլուրի ավազաքարերը, թերթաքարերն ու կրաքարերը: Որոշ տարածում ունեն նաև վերին Կավճի նստվածքները, որոնք ավելի շատ պահպանված են տեկտոնական իջվածքներում: Հարթավայրերը բռնված են երիտասարդ ծովային և մասամբ ալյուվիալ նստվածքներով: Ծովափնյա գիծը քիչ է մասնատված, որի հետևանքով այստեղ շկան Սկանդինավյան թերակղուն բնորոշ ֆիորդներ ու շխերներ: Կլիման ավելի մեղմ է, հունվարյան միջին բարեխառնությունը 0° է, իսկ հուլիսյան միջինը՝ մոտ 17° . տեղումների տարեկան միջին քանակը $600-700$ միլիմետր է: Անտառային բուսականության տիրապետող ծառատեսակներն են հաճարին ու կաղնին:

Լանդշաֆտային ընդհանուր հատկանիշներով հարավ-սկանդինավյան մարզի մեջ ընդունված է հաշվել նաև էլանդ և Գոտլանդ կղզիները: Գոտլանդ կղզում մասնակի տարածում ունի կարստային լանդշաֆտը:

Ֆինլանդիա

Ֆինլանդիայի տերիտորիան մոտ 350 հազար քառ. կմ է, որի մի զգալի մասը կազմում են ճահիճներն ու լճերը:

Ֆինլանդիայի ժամանակակից ունի լեռներ իրենից ներկայացնում է մի բրազատ հարթություն, որն առաջացել է հնագույն բարձրավանդակի խիստ քայլքայումից: Մակերեսույթի միջին բարձրությունը մոտ 150 մետր է: Տեղանքը մեծ մասամբ ընկած է $80-ից$ մինչև 300 մետր բարձրության միջև, իսկ արևմտյան և հարավային ծովափնյա շրջանները դրանից $էլ$ ցածր են ($50-100$ մետր): Զնայած ուլյեֆի խիստ կտրտվածությանը (մորենային թմբեր, օգեր, լճային ավազաններ, ճահիճներ), այնուամենայնիվ, ամբողջ երկիրը, մինչև հյուսիսային լայնության $60-րդ$ զուգահեռականը, ներկայացնում է մի ընդարձակ հարթավայր:

Ֆինլանդիան առավելագույն բարձրության է հասնում հյուսիսարեւելքում, ՍՍԻՄ սահմանի մոտակայքում, որտեղ հյուսիսից-հարավ ձգվում է Բալթիկ և Սպիտակ ծովերի ջրբաժանը հանդիսացող Մանսելկա բարձրությունը: Վերջինս հյուսիսային մասում տեղադրել հասնում է մինչև $500-600$ մետր բարձրության (նրա առավելագույնը 744 մետր է): Մանսելկյալի հարավային շարունակությունն է կազմում Սուոմենսելկյալ բարձրությունը ($250-ից$ մինչեւ 350 մետր): Հյուսիսային լայնության $670-ից$ հյուսիս ընկած է

Հապլանդիա բւժապատ բարձրավանդակը, որի սահմաններում հարթավայրային տեսքով առանձնանում է էնարե (ինարի) լճի շրջակայքը:

Ֆինլանդիան բռնում է Բալթիական վահանի արևելյան մասը և կազմված է Մինչկեմբրյան բյուրեղացած ապարներից. (գրանիտ-ներից, գնեյսներից և բյուրեղացած թերթաքարերից), որոնք շատ խիստ մետամորֆացված են և ենթարկված ուժեղ դիսլոկացիաների: Հաճախ հանդիպում են նաև քվարցիտներ և կոնգլոմերատներ, քիչ դեպքում նաև ավազաքարեր, դոլոմիտներ և մարմար: Հիմքի ապարները շատ տեղերում մերկացված են և նշանակալից ազգեցություն են թողնում ուլյեֆի վրա: Կարծր գրանիտները հաճախ առաջացնում են զառիվեր լանջերով մերկ ժայռեր ոչ միայն երկրի կենտրոնական մասերում, այլև լճերի ու ծովափնյա շրջաններում:

Ֆինլանդիայի տերիտորիան ընդհուպ մինչև Չորրորդական ժամանակաշրջանը եղել է ցամաք և անընդհատ ենթարկվել է քայլքայման: Երկարատև էրոզիայի և դենուղացման հետևանքով պենապլինի ենթարկված երկիրը Չորրորդականի ընթացքում ծածկվել է հզոր սաղցադաշտերով: Հենց այդ սաղցադաշտերի գործունեությամբ էլ գլխավորապես պայմանավորված է Ֆինլանդիայի ժամանակակից ուլյեֆը, որը բնորոշվում է մերկ տարածություններով, «խոյի ճակատներով», «գանգուր ժայռերով», ֆլյուվիոգրացիալ նստվածքներով: Վերջինները՝ առավելագույն շափերի են հասնում հարավային Ֆինլանդիայում՝ Այստեղ սաղցադաշտային նյութերն առաջացրել են տասնյակ կիլոմետրերով ձգվող մորենալին թմբեր, որոնք տարածվում են սովորաբար հյուսիս-արևմուտքից դեպի հարավ-արևեք, սաղցադաշտերի շարժման ուղղությամբ: Սաղցադաշտի գործունեության հետ են կապված նաև Ֆինլանդիայի հազարավոր մանր ու խոշոր լճերն ու ճահճները: Սաղցադաշտերի ետ քաշվելուց հետո երկրի էպիլորգենետիկ տատանումների հետևանքով ձևակերպվել է Բալթիկ ծովի ավազանը, որը մերթ ընդ մերթ կապվել է մի կողմից Սպիտակ ծովի, մյուս կողմից՝ Հյուսիսային ծովի հետ: Այսպես, նախկին Խոլդյան ծովը կապված է եղել թե՛ Սպիտակ և թե՛ Հյուսիսային ծովերի հետ, սակայն հետագայում այն փոխարինվել է Անցիլյան փակ լճով, իսկ նրանից հետո առաջացել է Լիթորինյան ծովը, որը նեղուցներով կրկին կապված էր հյուսիսային ծովի հետ: Լիթորինյան ծովից հետո ամբողջ Ֆինլանդիան (ինչպես նաև Սկանդինավյան թերակղզին) կըրկին անգամ վեր է բարձրացել: Բարձրացումը շարունակվում է նաև

ներկայումս, ըստ որում Բոթնիկական ծոցափին ցամաքի բարձրացումը 100 տարվա ընթացքում հասնում է 1,5 մետրի, և անկու թերակղզում՝ 60 սմ, Հելսինկի մոտ՝ 9 սմ։ Ամենից ավելի նշանակալից բարձրացում նկատվում է երկրի հյուսիսային և հյուսիսարևմտյան մասում։ Այդ տեսակնետից բնորոշ է հատկապես Բոթնիկական ծոցի հյուսիսային ծովափնյա շրջանը, որը ներկայացնում է ոչ վաղուցված ծովի հատակի բարձրացման մի ընդարձակ տարածություն։ Յամաքի նորագույն ժամանակաշրջանի բարձրացումով է պայմանավորված Ֆինլանդիայի ափերի խիստ կտրտվածությունը և շաբարային տիպի կղզիների առկայությունը։

Ֆինլանդիայի ներկայիս մակերեսությունը գերիշխում են սառցադաշտային նստվածքները։ Թեպետ ետսառցադաշտային ժամանակաշրջանում Ֆինլանդիայի տերիտորիայի մի զգալի մասը ծածկվել է ծովով, բայց այն քիչ շափով է փոխել սառցադաշտային ռելյեֆը։

Ֆինլանդիայի հարավում սառցադաշտային ակումուլյատիվ ձևերից առավելապես բնորոշ են դրումլիները, որոնք ձգվում են 200 մետրից մինչև 2 կիլոմետր երկարությամբ և 3-ից մինչև 25 մետր բարձրությամբ։ Լայն տարածում ունեն նաև օգերը, որոնք ներկայացնում են նեղ թմբեր, քիչ թե շատ հարթ մակերեսներով և տեղադրությամբ։ Նրանք սովորաբար ունեն 10-ից մինչև 50 մետր բարձրություն, կազմված են սառցադաշտային նստվածքներից (հիմնականում ավազներից)։

Ֆինլանդիայում վերջնամորենային թմբերի կլասիկ օրինակ են հանդիսանում հարավային և հյուսիսային Սալպաուսելկյա շղթաները, որոնք ձգվում են միմյանց զուգահեռ, 20—25 կիլոմետր հեռավորությամբ։ Հարավային Սալպաուսելկյա լրաթումը ունի 500 մետրից մինչև 3,5 կմ լայնություն և 30-ից մինչև 150 մետր բարձրություն, իսկ հյուսիսային լրաշարը՝ 750 մետրից մինչև 4 կիլոմետր լայնություն և 100-ից մինչև 160 մետր բարձրություն։

Սառցադաշտային գործունեությունը Ֆինլանդիայում միաժամանակ առաջացրել է շատ խորդուքորդություններ, գոգավորություններ, փոսեր, որոնք ներկայումս բռնված են մեծ ու փոքր լճերով և բնդարձակ ճահճուտներով։ Լճերի և ճահճների առատությունը կազմում է երկրի լանդշաֆտի ամենաբնորոշ գծերից մեկը։ Լճերով շատ հարուստ է հատկապես երկրի հարավային կեսի կենտրոնական շրջանը։ Այն ներկայացնում է լճերի իսկական լարիրինթոս։ Այսեղ է գտնվում «Կենտրոնական լճերի պլատոն»։ Լճերի առա-

տության պատճառով Ֆինլանդիան հաճախ անվանում են «Հազար լճերի երկիր», բայց իրականում այստեղ կա ոչ թե հազար, այլ **40.000** լիճ, որոնք բոլորն էլ շատ հարուստ են ձկներով: Լճերը բռնում են երկող տերիտորիայի 12 տոկոսը: Նրանցից շատերը իրար հետ միացած են կարճ, բայց հաճախ արագահոս գետերով: Ամենամեծ լճերից են Սալմա, ինարի և Օուլույարվի լճերը: Գետերը շափազանց երիտասարդ են: Նրանց մի մասը աշքի է ընկնում հիդրոէներգիայի մեջ պաշարով: Ամենամեծ գետերն են Վուոկսա (թափվում է լաղոգա լիճը), Կյումմենե (թափվում է Ֆիննական ծոցը), Կեմի: Ընդհանուր առմամբ Ֆինլանդիայում գետերը սահանքավոր են ու ջրվեժներով հարուստ: Այստեղ հաշվում են մոտ 2000 սահանք ու ջրվեժ, որոնցից ամենամեծը իմաստրա սահանքն է Վուոկսա գետի վրա, որը մեկ կիլոմետրի վրա 19 մետր անկում է տալիս:

Ֆինլանդիան ունի բարեխառն-ցուրտ կլիմա: Առավել ցուրտ են երկրի կենտրոնական շրջանները և համեմատաբար մեղմ՝ ծովափնյա վայրերը, որոնց վրա որոշ շափով դրական ազդեցություն են թողնում Բալթիկ և Բարենցի ծովերը: Ֆինլանդիայի ներքին շրջաններում տարեկան միջին ջերմությունը $+5^{\circ}$ է, իսկ լապլանդիայում մինուս 2 աստիճան է: Ամենատաք կլիմա ունեն Ալանյան կղզիները, իսկ ամենից ցուրտ՝ լապլանդիայի հյուսիս-արևմտյան մասը, որտեղ հունվարի միջին ջերմաստիճանը տատանվում է մինուս 12° -ից մինչև մինուս 16 աստիճան: Երկրի մնացած մասերում հունվարյան միջին ջերմաստիճանը տատանվում է մինուս 5° -ից մինչև մինուս 10 աստիճան: Բարենցի ծովափին հունվարի միջին ջերմաստիճանը -6° է, իսկ երկրի հարավ-արևմտյան ծովափին՝ -5 աստիճան: Զմռան ուժեղ ցրտերի հետևանքով Բոթնիկական ծոցը, ինչպես և Ֆինլանդիայի մեծ լճերը, մինչև մայիսի վերջը սառած են: Ամառը բավական ցուրտ է, հատկապես Բոթնիկական ծոցից արևելք և լաղոգա լճի շրջանում: Այստեղ նույնիսկ ամռանը գիշերները երբեմն թույլ սառնամանիքներ են լինում: Երկրի հարավային կեսում, օրինակ Հելսինկիում, հուլիսյան միջին ջերմաստիճանը մոտավորապես պլյուս 17° է, երկրի հյուսիսային կեսում՝ պլյուս 13° — 15° , Բարենցի ծովի ափին՝ պլյուս 11° — 12° : Ֆինլանդիայում բավականին մեծ ուժի են հասնում քամիները: Նրանք մեծ մասամբ փշում են հարավ-արևմուտքից, գլխավորապես աշնանն ու ձմռանը և ընդհանրապես խոնավաբեր են: Տարվա մյուս եղանակներին երկրի կենտրոնական և արևելյան մասերում գերազող են դառ-

նում արևելյան, համեմատաբար շոր քամիները: Տեղումների տարեկան միջին քանակը Ֆինլանդիայի հարավում հասնում է մինչև 600 մմ, կենտրոնական շրջաններում՝ 400—600 մմ, իսկ հյուսիսում՝ մոտ 400 մմ:

Ֆինլանդիայի տերիտորիայի մեծ մասը բռնված է փշատերև անտառներով: Նրանցում տիրապետող ծառատեսակներն են սոճին ու եղնին: Հաճախ հանդիպում են նաև կեշին, գիճին, լաստենին, կաղամախին և այլն: Ենթանտառը կազմված է ցախաստաններից և հատապտուղների թփերից: Մեծ տարածում ունի նույնպես ճահճային բուսականությունը: Ֆինլանդիայի հարավում գերակշռում է խառը անտառը: Այստեղ փշատերև ծառերի հետ միասին հանդիս են գալիս կաղնին, տիսը, հաճարին, լորենին և այլն: Լորենին հանդիպում է անգամ Ֆինլանդիայի կենտրոնական մասի անտառներում: Դեպի հյուսիս անտառն աստիճանաբար նոսրանում է և ծայր հյուսիսում վերափոխվում անտառատունդրայի, իսկ բարձրադիր շրջաններում՝ տունդրայի: Ֆինլանդիայում մշակում են վարսակ, տարեկան, կարտոֆիլ, իսկ մինչև հյուս. լայն. 62 աստիճանը՝ աշնանացան ցորեն ու պտղատու ծառեր: Երկրում տիրապետում են պողողային հողերը, որոնք շատ մասերում խիստ ճահճացած են:

Ֆինլանդիայի ֆաունան այնքան էլ հարուստ չէ: Այստեղ գերազանցապես տարածված քն պնտառային կենդանիները: Սրանց ներկայացուցիչներից են իշայժյամը, արջը, գայլը, լուսանը, որոնք ավելի շատ պատահում են երկրի հյուսիս-արևելյան անտառներում: Այդ նույն շրջաններում շատ տարածված են նաև ալվիսը, սկյուռը, սպիտակ ճագարը, ջրասամուլը (վայրա): Շայր հյուսիսում մերձեռուային երկրների բնորոշ կենդանիներից հանդիպում են հյուսիսային եղջերուն, սպիտակ աղվեսը, լեմինգը և այլն: Երկրի հարավում հանդիպում են նաև այնպիսի կենդանիներ, որոնք տիպիկ են միջին Եվրոպային, ինչպես, օրինակ, խլուրդը, մոխրագույն ճագարը և այլն: Մեծ տարածում ունեն ջրաթոշուները:

Լանդշաֆտային բնորոշ հատկանիշների հիման վրա, Ֆինլանդիայում թ. Ֆ. Դորբինինը առանձնացնում է հետեւյալ ֆիզիկա-աշխարհագրական շրջանները:

1. Հարավային առափնյա գոտի.— Արևմուտքում և հարավում սա խիստ կտրատված է և աշքի է ընկնում մի ամբողջ շարք մանր ու մեծ կղզիներով (շխերներով): Նշանակալից են հատկապես Ալանդյան և Արո կղզիների արշիպելագները: Կան շատ ծովախորշեր և թերակղզիներ: Մովագինյա շրջանի հարթավայրային ռելյեֆը ներ-

ցամաքային մասում փոխարինվում է մի շարք բլրաթմբերով։ Դրանցից են Հարավային և Հյուսիսային Սալպառուսելկյա մորենացին թմբերը։ Հարավային Սալպառուսելկյա բլրաթմբի արևմտյան շարունակությունն է կազմում եանկո թերակղզին։ Հարավային առափնյա գոտին, առանձնապես արևմուտքում, աչքի է ընկնում ամենից ավելի մեղմ, ծովային տիպի կլիմայով։ Դրան համապատասխան այստեղ երևան են գալիս միջին եվրոպական օրգանական աշխարհի մի շարք ձեեր և լայնատերև անտառի շատ ծառատեսակներ։ Այս գոտին երկրի առավել խիտ բնակեցված մասն է։

2. Արևմտյան առափնյա գոտի.—Զգվում է Բոթնիկական ծոցի երկարությամբ՝ 100—150 կիլոմետր լայնության մի շերտով։ Ռելյեֆը հարթավայրային է։ Դրան առանձնապես նպաստել են հտառցադաշտային ծովային նստվածքները։ Լճեր քիչ կան, սակայն ճահիճներն անհամեմատ շատ են։ Ամբողջ գոտին ծածկված է անտառներով։ Հյուսիսում փշատերև անտառն է, իսկ հարավում փշատերևների հետ միասին, աճում են նաև լայնատերև ծառեր։ Հարավում հողագործության զարգացման կապակցությամբ անտառը նշանակալից շափով ոչնչացված է։

3. Կենտրոնական լեռային պլատո։—Զնայած մակերևույթի անշան բարձրությանը, նախորդ շրջանների համեմատությամբ սահայտնի է ունիեթի բավական մեծ մասնատվածությամբ։ Կան մորենային շատ թմբեր ու բլուրներ, օգեր և գրումիններ, որոնք բոլոր կողմերից շրջապատված են լճերով բռնված տեկտոնական իջվածքներով՝ գոգավորություններով։ Շրջանի համար ամենից ավելի քնորոշը հսկայական քանակությամբ մեծ ու փոքր լճերն են, որոնք մերթ ընդ մերթ փոխարինվում են ոչ բարձր բլուրներով, թմբերով ու ճահճուտներով։ Այստեղ նույնպես մեծ տարածում ունի անտառը, որում տիրապետում է սոճին։

4. Հյուսիսային շրջան։—Այս շրջանը Ֆինլանդիայի մնացած վայրերից տարբերվում է ոչ միայն իր ունիեթի համեմատաբար մեծ քարձրությամբ, այլև տեսական ցուրտ կլիմայով։ Շրջանի ծայր հյուսիսը բռնված է մասամբ անտառունդրայով, իսկ բարձրությունները՝ տեղ-տեղ նաև լեռնային տունդրայով, որտեղ որպես բնորոշ բույսեր հանդես են գալիս գաճաճ կեշին և եղջերուի մամուռը։ Մնացած տարածությունները ծածկված են փշատերև անտառներով և տորֆային ճահճներով։

Խոլանդիան Եվրոպայի երկրորդ մեծ կղզին է՝ Մեծ Բրիտանիա-յից հետո: Նա տեղավորված է Ամլանտյան օվկիանոսի հյուսիսում, հյուսիսային լայնության $63^{\circ}25'$ -ի և հյուսիսային բևեռային շրջագծի միջև: Կղզին ունի մոտ 490 կմ երկարություն և մինչև 320 կմ լայնություն: Գրավում է 103.300 քառ. կմ տարածություն:

Խոլանդիայի ափերը խիստ կորտված են և ունեն ֆիորդանման մի շարք ծովածոցեր, որոնք տարածված են կղզու հյուսիսային և արևմտյան ափերին: Այստեղ նրանք բավականին երկար տարածության վրա խրվում են ցամաքի մեջ և երբեմն իրենց մեծ լայնության պատճառով կոշվում է ծոց: Նրանցից ամենամեծերն են Ֆակսաֆլոռ ծոցը և Բրեյդի-ֆիորդը արևմտյան ծովափին և Խունաֆլուին՝ հյուսիսային ծովափին: Վերջին երկուսը այնքան խորն են մտնում ցամաքի մեջ, որ կղզուց համարյա անջատում են իրենց արանքում ընկած եռանկյունաձև մեծ թերակղզին: Խոլանդական ֆիորդները հիմնականում տեկտոնական ծագում ունեն. նրանց խորացման և մեծացման գործում գգալի դեր են կատարել նաև Զորրորդականի սառցադաշտը և ետսառցադաշտային շրջանի գետային աշխատանքը:

Տեկտոնական (դիսլոկացիոն բնույթի) խախտումների հետեւանքով, Խոլանդիան երրորդականի վերջում և Զորրորդականի սկզբում ենթարկվում է կամարաձև բարձրացման: Գրա շնորհիվ, առանձնապես Խոլանդիայի արևմտատքում, առաջանում են կիսաշրջանաձև ճեղքածքներ, որոնց ուղղությամբ ցամաքը որոշ տեղերում իջնում է և տեղիք տալիս ֆիորդանման ծովածոցերի առաջացմանը: Այդ ձևով են առաջացել Ֆակսաֆլոռ և Բրեյդի-ֆիորդ ծովածոցերը և նրանց եղրավորող թերակղզիները:

Պլիոցենի վերջում գգալի շափերի է հասնում հրարիսային գործունեությունը, որ անընդմեջ շարունակվում է մինչ ժամանակակից դարաշրջանը: Հատկապես կղզու հարավ-արևելքում առաջ են գալիս ճեղքային բազմաթիվ գծեր, որոնք տեղիք են տալիս հսկայական քանակությամբ լավայի արտահոսման և փոփոք էրուպտիվ նյութերի դուրս նետման: Այս ձևով Խոլանդիայում ստեղծվում է նրա երիտասարդ հրարիսային ուելբֆը: Դրան նպաստում են ոչ միայն սև բազալտային կամ ավելի բաց գույնի դոլերիտային և տրախիտային լավաները, այլև ուժեղ պայմանական ուղեկցող հրարիսային մոխիրն ու բրեկշիաները:

Խոլանդիան ընդհանրապես լեռնային երկիր է: Նրանում ցած-

բությունները շատ աննշան տարածություն են բռնում և հանդիպում են Հիմնականում կղզու հարավային և հարավ-արևմտյան ծայրամասերում: Կղզու ներքին մասը բարձրավանդակի տեսք ունի: Նրա միջին բարձրությունը մոտ 600 մետր է: Առանձին վայրերում հանդիպում են հարթակատար լեռնային զանգվածներ, որոնք հասնում են մինչև 1200—1300 մետր բարձրության: Դեպի ծովը նրանք սղվորաբար իշխում են դարավանդանման աստիճաններով: Կղզու բարձրավանդակային մասը գրեթե ամբողջապես կազմված է հրաբխային ապարներից, գլխավորապես բազալտներից, որոնք երրորդականի և Չորրորդականի ժագում ունեն: Չորրորդականի հրային ապարները (լավաներն ու մոխիրները) շատ տեղերում բոլորովին ծածկում են կղզու հին հիմքը: Խոլանդիայում հրաբխային երեսովին նաև ներկայումս և այն էլ բավական ինտենսիվ կերպով. այս տեսակետից Խոլանդիան հանդիսանում է երկրագնդի ակտիվ հրաբխային գործունեության խոշորագույն օջախներից մեկը: Ներկայումս Խոլանդիայում հաշվում են տարբերտիքերի պատկանող 100-ից ավելի հանգած ու գործող հրաբուխներ: Վերջիններիս ժայթքումները շատ մեծ ուժի են հասնում, նրանք արտավիժում են հսկայական քանակությամբ լավա: Երբեմն լավաներն արտավիժում են ուղղակի ճեղքերից, առաջացնելով լավային գմբեթներ ու թմբեր և ընդարձակ լավային ծածկոցներ: Այդպիսի բնույթ ունի, օրինակ, Լակի ճեղքային հրաբուխը, որը մոտ 21 կմ երկարություն ունի: Խոլանդիայում լավային ծածկոցներով բռնված տարածությունը կազմում է մոտ 6700 քառ. կմ, այսինքն՝ կղզու տերիտորիայի համարյա 6 %-ը: Այդպիսի ծածկոցներից մեկը, որը կոչվում է Օդադախրառուն, գտնվում է կղզու հյուսիս-արևելքում: Նա բռնում է 3400 քառ. կմ տարածություն: Բավական մեծ տարածություն է գրավում նաև Վատնա-Յոկով հրաբխից հյուսիս ընկած լավային ծածկոցը: Հրաբուխների մեծ մասը տեղավորված է կղզու կենտրոնական մասում: Նրանցից ամենանշանավորներն են՝ Խմաննադախսնուկը (2119 մետր), որ կղզու ամենաբարձր կետն է և տեղավորված է նրա հարավ-արևելյան մասում, Ասկիան (1447 մետր), որ տեղավորված է կղզու կենտրոնում, Օդադախրառունից քիչ արևելք և հայտնի է իր մեծ խառնարանով, և Հեկլան (կղզու հարավային մասում, 1558 մետր), որ շրջապատված է միշտ արագիտացած կոներով և գործող հրաբուխներից ամենահայտնին է: Նրա վերջին ժայթքումը եղել է 1845 թ.: Հրաբխային երեսույթների հետ կապված են նաև Խոլանդիայի բազմաթիվ

ԶԱՐԴԱՐԱԿԱՆ ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

առաք աղբյուրներն ու գեյզերները։ Վերջիններից ամենահայտնին է Գեյզերը (որի անոնով կոչվում են այդ տիպի տաք ջրերը), որն ընկած է կղզու հարավ-արևմտյան մասում։ Բազմաթիվ են նաև ցեխի հրաբուխները։ Խոլանդիան աշքի է ընկնում նաև հաճախակի երկրաշարժերով։

Խոլանդիան ընկած է մերձեռուային գոնայում, ուստի ունի ծովային ցուրտ կլիմա։ Ամենատաք ամսվա միջին ջերմաստիճանը կազմում է պլյուս $8^{\circ}-10^{\circ}$, ամենացուրտ ամսվանը՝ մինուս 4° -ից մինչև 0° ։ Համեմատաբար տաք կլիմա ունեն կղզու հարավային և հարավ-արևելյան ափերը, որոնք գտնվում են Գոլֆստրիմի ազդեցության տակ։ Ցուրտ են հյուսիսային և հյուսիս-արևելյան ափերը, որոնք ողողվում են արևելագրենլանդական ցուրտ հոսանքով։ Օդի ջերմաստիճանները և տեղումների քանակը, որպես կանոն, պակասում են հարավից-հյուսիս։ Տեղումների քանակը հյուսիսում կազմում է 400 -ից մինչև 600 մմ, իսկ հարավային ծովափում՝ 1000 -ից մինչև 2000 մմ։ Հարավային ծովափում, խոնավ ու տաք քամիների շնորհիվ, ձյունը երկար շի մնում, բայց տեղում է համարյա ամբողջ տարին։ Բացառություն են կազմում ամառային երեք ամիսները։ Համեմատաբար շոր և ցուրտ հյուսիսում հալերժական ձյան գիծը ընկած է $1100-1300$ մետր բարձրության վրա, մինչդեռ խոնավ և համեմատաբար տաք հարավում հավերժական ձյունը սկսվում է արդեն $600-800$ մետր բարձրությունից, իսկ ներքին շոր շրջաններում՝ 1400 մետրից։ Հավերժական ձյուները, ֆիոներն ու սառուցները բռնում են 13.460 քառ. կմ տարածություն։ Այդ մոտ երեք անգամ ավելի շատ է, քան Ալպերում։ Ամենաընդարձակ սառցապատ գագաթը, որ գտնվում է Խվաննադալսխանուկ հրաբխից քիչ հյուսիս, կղզու հարավ-արևելյան ծայրամասում, կոչվում է Վատնա-Յոկուլ (կամ՝ Կլոֆա)։ Այդ գագաթից իշխող սառուցի առանձին լեզվակները հասնում են մինչև ծով։ Չորրորդականի և ժամանակակից սառցադաշտերի ֆլյուվիոգլացիալ նստվածքները փուլած են կղզու ծայրամասերում։ Բազմաթիվ հիմանք գետերն ու լճերը, որոնք սնվում են գլխավորապես սառցադաշտային ջրերով։

Խոլանդիայի բուսական ծածկոցում տիրապետում է տունդրան և լեռնատունդրան։ Տունդրայի գլխավոր բույսերից են մամուռները և քարաքոսները։ Կղզու հարավային կեսում պատահում է հիմնականում կեշուց կազմված անտառը։ Թփուտային (մացառուտային) քույսերից բնորոշ են բնեռային ուսենին և գաճաճ կեշին։ Կուտու-

բական բուլսերից տարածված են կարտոֆիլն ու բանջարեղենները։ Շատ աղքատ է կենդանական աշխարհը։ Պատահում են տունդրա-յին տիպի որոշ կենդանիներ՝ սպիտակ աղվեսը և բազմապիսի-ջրային թռչուններ։ Կողու ափերի մոտ ծովը հարուստ է ձկներով (փրփրուկ, տառեխ)։

ՄԻԶԻՆ ԵԳՐՈՂՅ.

Միջին Եվրոպա անվան տակ վերցվում է այն ամբողջ տարա-ծությունը, որն ընկած է մի կողմից Սկանդինավյան, իսկ մյուս կողմից՝ միշերկրածովյան երեք խոշոր (Պիրենեյան, Ապեննինյան և Բալկանյան) թերակղզիների միջև։ Արևմուտքում նա իր մեջ է առ-նում Ֆրանսիան և Բրիտանական կղզիները, իսկ արևելքում՝ տա-րածվում է մինչև ՍՍՌՄ տերիտորիան։

Միջին Եվրոպան ամբողջովին ընկած է մեկ լայնական գոտում, որտեղ կլիմայական պայմանները որոշ օրինաշափությամբ աստի-ճանաբար խստանում են արևմուտքից-արևելք ուղղությամբ։ Ֆիզի-կա-աշխարհագրական լանդշաֆտի տեսակետից չնայած միջին Եվ-րոպան այնքան էլ միասնական չէ, բայց ավելի մեծ տարրերու-թյուններ է տալիս հյուսիսի (Սկանդինավյան) և հարավի (միջերկ-րածովյան) երկրների նկատմամբ և նրանց համեմատությամբ հանդես է բերում բնական պայմանների որոշ ընդհանություն։

Հիմնականում հաշվի առնելով բնական պայմանների (կլիմա-յի, ռելյեֆի և այլն) կարևորագույն առանձնահատկությունները, Միջին Եվրոպայում կարելի է առանձնացնել հետևյալ ֆիզիկա-աշ-խարհագրական մարզերը։ Հյուսիսային հարթություն, Բրիտանա-կան կղզիներ, Ֆրանսիայի միջին բարձրության (Հերցինյան) լեռ-ների և դաշտավայրերի մարզ, կենտրոնական Եվրոպայի միջին-բարձրության (Հերցինյան) լեռների մարզ, Ալպերի և մերձալպյան մարզ, Կարպատ-Դանուբյան մարզ։

Հյուսիսային եարբություն

Միջին Եվրոպայի հյուսիսային հարթությունը գեպի արևելք-տարածվում է մինչև Սովետական Միության սահմանները, իսկ գե-պի արևմուտք՝ մինչև Հռենոս գետի ստորին հոսանքը։ Հարավից սահմանափակված է կենտրոնական Եվրոպայի միջին բարձրության լեռներով, իսկ հյուսիսից ողողվում է Հյուսիսային և Բալթիկ ծա-

վերի ջրերով: Սովագերը հարթ են և համեմատաբար թույլ կտըրտված, կազմված են մեծ մասամբ դյուներից:

Տեկտոնական տեսակետից հյուսիսային հարթությունը ներկայացնում է դեռևս Պերմում ձևավորված մի ընդարձակ կքվածք (պրօցիբ) Բալթյան վահանի և պալեոգոյան ծալքավորությունների միջև: Հարթության կառուցվածքում մասնակցում են Պերմի, Կավճի և Երրորդականի ծովալին նստվածքները: Երրորդականի վերջում հարթությունը վեր է ածվում ցամաքի, որից հետո նրա ձևավորումը սերտորեն կապվում է Չորրորդականի սաղցադաշտի գործունեության հետ: Հարթության մակերեսույթում որոշակի են երկու սաղցապատման (Ոիսյան և Վյուրմյան) հետքերը: Ոիսյան սաղցապատման ժամանակաշրջանում ամբողջ հարթությունը, ընդհանուր մինչև Կարպատյան լեռները, ծածկված է եղել սառուցով: Վերջին (Վյուրմյան) սաղցապատման ժամանակ սաղցադաշտը ծածկել է հարթության միայն հյուսիս-արևելյան մասը, սակայն նրա հետքերը ժամանակակից ուղղվում պահպանված են անհամեմատ ավելի լավ: Ետսաղցադաշտային ժամանակաշրջանում տեղի են ունենում նոր իջեցումներ և տրանսգրեսիաներ, որոնց հետեւանքով առաջանում են Հյուսիսային և Բալթիկ ծովերը: Ներկայումս նրանց ափերը մասնակի շափով (առանձնապես արևմուտքում) ենթակա են իջեցումների, իսկ մի քանի այլ շրջաններում՝ ընդհակառակն, բարձրացման:

Հյուսիսային հարթության մեջ են մտնում նիդեռլանդները, Յուտլանդիա թերակղին՝ Դանիական կղզիների հետ միասին և Գերմանա-լեհական դաշտավայրը:

ՆԻԴԵՐԼԱՆԴՆԵՐ

Ցածրադիր այս երկիրը հիմնականում իր մեջ ընդգրկում է Հոլանդիայի տերիտորիան: Նրա հիմքը հերցինյան ծագում ունի և ոչ մի տեղ չի մերկանում: Երկրի մակերեսը ծածկված է Երրորդականի և Չորրորդականի, ինչպես նաև հստացադաշտային ժամանակաշրջանի երիտասարդ նստվածքներով: Սովագերը ավագոտ են, հարթ, ուժեղ կտրտված, շատ մասերում առաջացել են բավական մեծ ծովախորշեր (ինչպես, օրինակ՝ Զեյզերգե, Դոլարդ, Լաուզերսգե) ու ձագարածե գետաբերաններ (հատկապես Հոլենուի, Մասսի և Շելդայի գետաբերաններում): Երկրի արևմտյան հարթավայրային մասը մեծ մասամբ ծովի մակերեսից ցածր է և ծովից բաժանված է դյուների շարաններով: Նիդեռլանդներում դյուներն

ունեն սովորաբար 4—5 կմ երկարություն և մինչև 60 մ բարձրություն։ Երկրի առանձին մասերում, օրինակ, Զելանդիայում, դյուները կտրտված են գետաբերաններով, իսկ Ֆրիսլանդիայում, շնորհիվ այդ մասի ցամաքի իջեցման և ծովի քայլայիշ աշխատանքի, առաջացել են Արեմտյան Ֆրիսլանդական (կամ Ֆրիզյան) կղզիները։ Սրանց հարակից մայր ցամաքի առափնյա մասում ծովը շափակած ծանծաղ է և տեղատվության ժամանակ մերկանում է։ Տեղատվությունից մերկացվող վայրերը այստեղ կոչվում են «վատաեր»։ Դյուների շրջանը բուսականությունից համարյա զուրկ է և անապատային տեսք ունի, տեղ-տեղ միայն հանդիպում են թփուտներ։ Դյուների գոտու երկարությամբ, նրանցից դեպի հարավ, ընկած է այսպես կոչված մարշերի շրջանը։ Վերջինս իրենից ներկայացնում է մեծ մասամբ ծովի մակերեսութից ցածր մի տերիտորիա, որը կազմված է երիտասարդ ծովային ու գետային նըստվածքներից և ծովի ներխուժումից պաշտպանված է դյուների և արհեստական պատնեշների միջոցով։ Մարշերի շրջանն ամբողջովին ծածկված է մարզագետնային հարուստ բուսականությամբ։ Մարշերի մի զգալի մասը տեխնիկական կառուցումների շնորհիվ նվաճված է ծովից։ Այս ձեռվ առաջացել է այսպես կոչված պոլդյերների շրջանը, որը համարվում է Հոլանդիայի ամենաարգավանդ մասը։ Երկրի այս ցածրադիր շրջանները անձրևաջրերի ավելորդ կուտակումներից պահպանելու համար, քամու շարժիչների միջոցով ջուրը դուրս են մղում դեպի ծով։

Մարշերից արևելք տարածվում է այսպես կոչված հեստերի շրջանը, որը իրենից ներկայացնում է մի բլրոտ հարթավայր, կազմված հիմնականում սաղցաղտային ֆլյուվիոգլացիալ նըստվածքներից։ Այստեղ շատ կան վալուններ և մանր լճեր։ Արևմուտքում նշանակալից տեղ են գրավում ավագները, որոնք հաճախ ներկայանում են դյուներ ձեռվ։ Այդ մասում տեղանքը բռնված է մեծ մասամբ ցախաստաններով, տեղ-տեղ էլ՝ սոճու արհեստական անտառներով։ Արևելյան մասում գերակշռում են տորֆային ճահիճները։ Սաղցաղտի ազդեցությունը բավական լավ զգացվում է նաև Մասս գետից հարավ, որտեղ մեծ տարածություն են գրավում ընդարձակ ճահիճները։ Երկրի ծայր հարավ-արևելյան մասը ներկայացնում է երրորդականի ապարներով ծածկված մի կավճային պլատո, որը կտրտված է հիմնականում Մասսի վտակների խոր հովիտներով։ Սա ունի թույլ ալիքավոր ռելլեֆ և կազմում է

Արդենների հյուսիս-արևելյան շարունակությունը: Նա ծածկված է սաղարթախիտ անտառներով և ընդարձակ մարգագետիններով:

Կլիմայական տեսակետից նիդեռլանդները մտնում են բարեխառն-տաք գոտու հյուսիսային ենթագոնայի մեջ: Այստեղ ամենուրեք իշխում է ծովային մեղմ կլիման: Տարեկան միջին ջերմաստիճանը մոտ + 10° է: Զմեռը ընդհանրապես մեղմ է, ըստ որում հունվարյան միջին ջերմաստիճանը մինուա 10-ից + 10 է: ~~Բայց~~ երբեմն լինում են նաև ավելի ցածր ջերմաստիճաններ, որի հետեւ վանքով հյուսիսում ջրանցքներն ու ֆրիսլանդական փոքր լճերը սառչում են: Հուլիսյան միջին ջերմաստիճանը 18° է: Տեղումների տարեկան միջին քանակը մոտավորապես 700—800 մմ է: Տեղումները համեմատարար ավելի շատ թափվում են ձմռանը և մասամբ աշնանը: Նիդեռլանդներում արևմտյան խոնավաբեր քամիների գերակշռության շնորհիվ շատ հաճախակի են մառախուղները և ամպամած օբրերը: Ֆառունան բնական վիճակում համարյա չի պահպանված: Խոշոր կենդանիներ, այդ թվում գիշատիչներ, բնաշընջման հետեւանքով չկան: Բազմազան է թոշունների աշխարհը, շատ են հատկապես ջրային թոշունները: Հանդիպում են նաև որոշ կըրծողներ ու փորող կենդանիներ:

ՅՈՒՖԱՆԴԻԱ

Այս թերակղզին ընկած է Հյուսիսային և Բալթիկ ծովերի արանքում: Նրա մոտակայքում տեղավորված է Դանիական կղզիների արշիպելագը, որոնց թվում հայտնի են Զելանդիա, Ֆյուն, Լոլանդ, Ֆալստեր և մի շարք այլ կղզիներ: Նրանց ափերը ողողվում են Սկագերակ, Կատեգատ, Մեծ Բելտ, Փոքր Բելտ և Գունդ նեղուցների շրերով: Նշված նեղուցների մի մասը (*Մեծ Բելտ, Փոքր Բելտ*) ներկայացնում են ծովով ծածկված գետահովիտներ, իսկ մյուս մասը (*օրինակ, Գունդը*)՝ տեկտոնիկ հովիտներ: Գունդ նեղուցը գտնվում է խզումային ճեղքերի այն վայրում, որը Սկանդինավյան թերակղզին բաժանում է եվրոպական ցամաքից: Հավանորեն տեկտոնիկ հովիտներ են նաև Սկագերակ ու Կատեգատ նեղուցները: Յուտլանդիա թերակղզու հյուսիս-արևմտյան ծովափը ընդհանրապես հարթ է և քիչ կտրտված: Այստեղ քիչ գետպում միայն հանդիպում են լայնացած գետաբերաններ, որոնք կոշվում են հաֆեր: Նրանք սովորաբար ծովի կողմից սահմանափակված են՝ ավազաթմբերով (ներունգներով): Թերակղզու արևմտյան ծովափի երկարությամբ

Ճգվում է մարշերի գոտին: Երկրի ցածրադիր այդ նեղ շերտը ծովի ներխուժումից պաշտպանված է բնական ավազաթմբերով (դյուներով), որոնք, սակայն, առանձին վայրերում տեղիք են տվել ծովի քայքայիչ աշխատանքին և վերածվել շղթայաձև կղզիների: Այս ձևով է առաջացել Հյուսիս-Ֆրիսլանդական կղզիների խումբը: Թերակղզու արևելյան մասը նույնպես խիստ մասնատված է. դա հետեւանք է մասամբ այն բանի, որ հին գետահովիտները կամ ժամանակակից գետերի գետաբերանները բռնվել են ծովով: Այս ձևով է առաջացել թերակղզու Հյուսիսում Լիմ-Ֆիորդը: Վերջինս, սկսած 1825 թ., կապվել է նաև Հյուսիսային ծովի հետ և դրա հետեւանքով թերակղզու Հյուսիսային հատվածը դառնել է կղզի:

Երկրաբանական առումով Յուտլանդիա թերակղզին Դանիական կղզիների հետ միասին մտնում են Ռուսական պլատֆորմի մեջ: Այստեղ Մինչկեմբրիյան հիմքը արտաքինից ծածկված է Կավճի և Երրորդականի ապարներով: Երրորդականի ապարների մեջ հանդիպում են նաև միոցենի ածխատար շերտեր, որոնք պարունակում են որոշ քանակությամբ գորշ ածուխ:

Ուելյեֆի տեսակետից Յուտլանդիան հանդիսանում է Գերմանա-Լեհական դաշտավայրի անմիջական շարունակությունը: Այստեղ ամենուրեք տարածված են սաղցաղտային և ետսաղցաղտային նստվածքները, որոնք հասնում են 50, տեղ-տեղ մինչև 200 մետր հաստության:

Սաղցաղտային և ետսաղցաղտային երիտասարդ նրսավածքները երկրի տերիտորիայում առաջացրել են մի շարք մորենային թմբեր: Դրանցից ամենամեծը սկսվում է Հյուսիսային ծովի ափին, Լիմ-Ֆիորդից քիչ հարավ և ապա ճգվում է դեպի արևելք, մինչև թերակղզու կեսը: Այնուհետև այն տարածվում է դեպի հարավ և մտնում Գերմանիայի տերիտորիան: Բացի գլխավոր այս թմբից, երկրում ճգվում են էլի մի քանի մորենային թմբեր, որոնք համապատասխանում են վերցին (Վյուրմի) սաղցաղտի նահանջի փուլերին: Մորենային այդ թմբերի շրջանումն էլ ընկած են թերակղզու ամենաբարձր կետերը, որոնք հասնում են մինչև 170 մ բարձրության: Մորենային այդ թմբերի հետևանքով երկրի ուլյեֆը, հատկապես արևելքում, ունի բլրոտ տեսք: Մակերևույթի մոտավորապես այդպիսի ձևերով են բնութագրվում նաև Դանիական կղզիները:

Յուտլանդիա թերակղզին, ինչպես նաև նրա մերձակա կղզիները, ծածկված է գլխավորապես մոխրագույն վալունային կավաճո-

զերով, որոնցում տեղ-տեղ պատահում են լճային ու ծովային նստվածքներ: Նշանակալից տարածում ունեն ավագապատ տարածությունները, որոնք առաջացել են ֆլուովիոգլացիալ նստվածքներից: Նրանք ընդհանուր առմամբ հարթ մակերես ունեն, բայց առանձին վայրերում ուժեղ քամիների հետևանքով մասամբ ալիքավորված են:

Յուտլանդիայի գետերը շատ կարճ են և մեծ մասամբ հոսում են փոքրիկ լճերի միջով, երբեմն էլ՝ հին գետերի լայն հովիտներով: Ամենամեծ գետը կոչվում է Գուղեն-0: Սա ունի 139 կմ երկարություն: Թափվում է Բալթիկ ծովը:

Թերակղզին, ինչպես և կղզիները, կլիմայական տեսակետից գտնվում է մի կողմից Հյուսիսային և միջին Եվրոպայի, իսկ մյուս կողմից՝ արևմտյան ու արևելյան Եվրոպայի փոխազդեցուիչան ոլորտում, հավասարաշափ իր վրա կրելով ինչպես արևմուտքի, այնպես էլ Հյուսիսի և արևելքի ազդեցությունը: Թերակղզու վրա ամենից ավելի շատ ազդում են արևմտյան քամիները, որոնք իրենց հետ բերում են թե՛ խոնավություն և թե՛ շերմություն (ձրմանը): Երկրի ամենախոնավ սեզոնը աշունն է, ամենաշորը՝ գարունը: Տեղումների տարեկան միջին քանակը Մեծ Բելտի շրջակայքում կազմում է ընդամենը 480 մմ, Կոպենհագենում՝ 550 մմ, արևմտյան ծովափին՝ 720 մմ: Արևելքում տեղումների պակասումը բացատրվում է Ատլանտյան օվկիանոսի ազդեցության աստիճանական թուլացմամբ: Թերակղզու կլիման ընդհանրապես մեղմ է, ամառ՝ զով, իսկ ձմեռ՝ ոչ շատ ցուրտ: Աշունը համեմատաբար տաք է, գարունը՝ ընդհակառակը, ցուրտ: Կոպենհագենում (ծովի մակերևույթից 5 մետր բարձրության վրա) հունվարյան միջին շերմությունը 0,1⁰ է, իսկ հունիսյան միջինը՝ 16,6⁰:

Յուտլանդիան և կից կղզիները ընկած են անտառների զոնայում, բայց անտառներ երկրում շատ քիչ կան: Նախկինում եղած անտառային հարուստ բուսականությունը համարյա ամրացնովին ոչնչացված է: Ներկայումս տերիտորիայի մեծ մասը բռնված է մարգագետիններով և վարելահողերով: Թերակղզու հարավ-արևմուտքը, որտեղ գերիշխում են ավագապատ տարածությունները, ծածկված է ցախաստաններով և մասամբ սոնձու արհեստական անտառներով: Տեղ-տեղ պատահում են նաև հաճարից կաղուկած անտառի փոքրիկ հատվածներ և ճահիճներ: Ֆառանան նույնն է, ինչ Նիդեռլանդներում, բայց այն իր նախնական ձեռվ այստեղ նույնպես շատ վատ է պահպանված: Բնակչությունը կազմված է հա-

մարյա բացառապես դանիացիներից: Երկրի ամենից խիտ ընակեցված մասերն են Դանիական կղզիները և թերակղզու արևելյան մասը:

ԳԵՐՄԱՆԱ-ԼԵՀԱԿԱՆ ՀԱՐԹՈՒԹՅՈՒՆ

Այս շրջանի բնական պայմաններն աշքի են ընկնում բավական մեծ միօրինակությամբ: Հարթության արևմտյան մասը չհիգայացնում է մինչև 100 մետր բարձրության գրեթե միօրինակ դաշտավայր: Տեղ-տեղ այդ դաշտավայրը նիդեռլանդիայի նման գտնվում է ծովի մակերևույթից ցած:

Էլբա գետի ներքին հոսանքից արևելք հարթությունն ընդարձակվում է և ուղյեֆի բնույթը նկատելիորեն փոխվում է: Հարթության հյուսիս-արևելքը, որը ժամկետ է վերջին սառցապատումով, այժմ, ի տարբերություն արևմուտքի, աշքի է ընկնում բլրային ուղիքով և նկատելի բարձրություններով: Այստեղ կան մեծ քանակությամբ մորենալին բլուրներ, թմբաշարեր և նրանցով արգելափակված բազմաթիվ լճեր: Լճերի շատության պատճառով այդ ամբողջ տերիտորիան հայտնի է դարձել որպես լճերի շրջան: Այդ տեսակետից ԳԴՌ-ի տերիտորիայում նշանավոր է Մեկլենբուրգյան լճերի պլատոն, իսկ Լեհաստանում՝ Պոմորյեն:

Գերմանա-Լեհական դաշտավայրի մորենալին լանդշաֆտի բնորոշ ձևերից հյուսիսում հայտնի է Բալթիական բլրաշարը, որը գեղի արևմուտք թեպետև հետզհետե ցածրանում է, բայց ամենուրեք պահպանում է իր բլրոտ և անտառապատ, լճերով հարուստ տեղանքի բնույթը: Բալթիական բլրաշարի կազմում մտնում են Պոմերանի բարձրությունը, որի ամենաբարձր մասը Տուրմբերգ զանգվածն է (մինչև 331 մետր) և Մեկլենբուրգյան բարձրությունը: Ավելի հարավ լայնակի ուղղությամբ ձգվում է Սիլեզա-Բրանդենբուրգյան բարձրությունը:

Էլբայից արևմուտք բարձրությունների անընդհատ շղթան վերածվում է առանձին բլուրների, որոնք միմյանցից բաժանված են իշվածքներով (դրանցից են Լյուբեկի և Քիլի ջրանցքի իշվածքները): Բալթիական բլրաշարից հյուսիս ընկած է ծովափնյա շերտը, որը արևմուտքում, հոլանդական ծովափի նման, բռնված է դյուներով: Աստերով ու մարշերով: Բալթիկ ծովի ափը մի քիչ ավելի կտրրտված է և արևմուտքում առաջացնում է Լյուբեկի ու Պոմերանյան ծովախորշերը, որոնց միջև, ծովափից քիչ հեռու, ընկած է Ռյուգեն կղզին, իսկ արևելքում՝ Գդանսկի ծովախորշը: Ընդհանուր առմամբ

գերմանական ու լեհական ծովափերը շատ նման են հոլանդական
և դանիական ծովափերին:

Հյուսիսային հարթավայրի կլիման աստիճանաբար փոխվում է
արևմուտքից-արևելք ուղղությամբ: Արևմտյան մասում գերակըշ-
ռում է մեղմ, խոնավ կլիման, իսկ արևելքում, որտեղ արևելյան
Եվրոպայի ցամաքային ազդեցությունը բավական ուժեղ է, կլիման
համեմատաբար ավելի խիստ է, ձմեռ՝ ցուրտ, իսկ ամառ՝ շատ
ավելի տաք:

Արևմուտքում քիչ գեպքում միայն, արևելքից կամ Արկտիկա-
յից ցուրտ օդային զանգվածների ներթափանցման ժամանակ, լի-
նում են ուժեղ սառնամանիքներ: Այդ մասում ամառն անհամեմատ
զով է: Հունվարյան միջին ջերմությունը $+10^{\circ}$ -ից մինուս 10° է, իսկ
ամառվա ամենատաք ամսվա միջինը՝ $17^{\circ}-18^{\circ}$: Տեղումների տա-
րեկան քանակը հասնում է $700-800$ միլիմետրի: Տիրապետում
են անձրևային տեղումները: Դեպի արևելք տեղումների քանակը
նկատելիորեն պակասում է: Միաժամանակ տեղումների առավել-
լագույն քանակը աստիճանաբար տեղափոխվում է գարնան և ամ-
ռան ժամանակաշրջանը: Արևելքում շատ որոշակի են ձմեռային
սառնամանիքները, ինչպես նաև գետերի սառցապատումը: Վար-
շավայում հունվարի միջին ջերմությունը մինուս 40° է, իսկ հունիս-
յան միջինը՝ 20° , տարեկան տեղումների քանակը՝ 500 միլիմետր:

Հյուսիսային հարթության կարևորագույն գետերն են Էմսը,
Վեզերը, Էլբան, Օդրան (Օդերը), Վիսլան: Ընդհանուր առմամբ
արևմտյան մասի գետերը, ի տարբերություն արևելյանի, աչքի են
ընկնում միօրինակ ուժիմով և կարճատև սառցապատումով: Նրանք
ունեն գերազանցապես անձրեային պնամ: Սնման լրացուցիչ աղ-
բյուր են ծառայում լճերն ու ճահիճները: Խոշորագույն գետերից
էլբան հարթավայրի սահմաններում ամենից բարձր մակարդակի է
հասնում գարնանը, շնորհիվ ձյան հալոցքի: Մակարդակի երկրագործ
բարձրացումը տեղի է ունենում աշնան անձրևների հետևանքով:
Սառցապատվում է կարճ ժամանակով (երկուսից չորս շաբաթ) և
այն էլ ոչ ամեն տարի: Գրեթե այս նույն ուժիմն ունի նաև Օդրան:
Մի փոքր նրանցից տարբերվում է Վիսլան: Սա համարյա իր ամ-
բողջ երկարությամբ անցնում է հարթավայրով, ըստ ուժիմի մո-
տենում է ՍՍՌՄ-ի եվրոպական մասի գետերի ցամաքային տիպին:
Մակարդակը տարվա եղանակներին համապատասխան ուժեղ կեր-
պով տատանվում է: Վարարում է գարնանը, մասամբ նաև ամռա-
նը՝ ուժեղ տեղատարափ անձրևների հետևանքով, սակայն ամռան

վերջում սովորաբար ծանծաղում է: Վիսլան սառցապատվում է միշին հաշվով 2—2^{1/2} ամիս:

Հյուսիսային հարթավայրի գրեթե բոլոր գետերը միմյանց հետ կապված են զրանցքներով: Վիսլան միացած է Օդրայի վտակ Վարտային, Օդրան (Եպրեե վտակով): Էլբային, Էլբան՝ զրանցքային մի ամբողջ սիստեմով՝ Վեզերին և էմսին: Նշանավոր է նաև Քիլը շրանցքը, որն անցնում է Յուտլանդիա թերակղզու հարավային մասով և Հյուսիսային ծովը միացնում է Բալթիկ ծովի հետ:

Նկարգրվող ամբողջ տերիտորիան բռնված է հիմնականում անտառային զոնայի թույլ պողողային կամ ճիմապողողային հողերով: Հողերի այս տիպը ընդգրկում է Գերմանա-Լեհական դաշտավայրի ծովափնյա շրջանների մեծ մասը. արևելքում այն փոխարինվում է տորֆա-ճահճային հողերով: Հյուսիս-արևմուտքում մասնակի տարածում ունեն նաև մարշային հողերը:

Բուսականությունը պատկանում է Հոլարկտիկ մարզի եվրոպական ենթամարզին: Այդ ենթամարզի պրովինցիաներից Գերմանա-Լեհական դաշտավայրում ներկայացված են Ատլանտյան պրովինցիան, որը բռնում է Գերմանա-Լեհական դաշտավայրի արևմերտյան կեսը մինչև Էլբա գետը, և Բալթիական պրովինցիան, որն ընդգրկում է դաշտավայրի մնացած մասը: Ընդհանուր առմամբ ամբողջ տերիտորիան առավելապես բնորոշ է խառը և սաղարթավոր անտառների տարածմամբ: Սակայն բնական անտառը, հատկապես արևմուտքում, մեծ մասամբ կտրուված է և վերածված վարելահողերի, թեպետ որոշ տեղերում տնկված են նաև արհեստական անտառներ:

Արևմուտքում տիրապետում են մարդագետիններն ու մշակելի հողերը: Առանձին դեպքերում հանդիպում են անտառազուրկ տարածություններ՝ մեկուսացված ծառերով: Մովափնյա մասում, դյուների շրջանում, որոշ տարածում ունեն սոճու պուրակները և ավելի շատ՝ ցախաստանները: Դեպի արևելք անտառային բուսականությունն աստիճանաբար ավելանում է: Լեհաստանում կան անտառային հոծ գանգվածներ, որոնք մինչ այժմ շատ քիչ շափով են ենթարկվել փոփոխման: Մեծ տարածում ունեն հատկապես խառը անտառները: Նրանցում եղենու և սոճու հետ միասին հանդիս են գալիս լայնատերև բազմապիսի ծառատեսակներ, ինչպես, օրինակ, լորենին, կաղնին, հաճարին, թղկին և այլն: Հաճարին արեվելքում քիչ է երևում, շնորհիվ ցամաքային կլիմայի ուժեղացման:

հառն անտառային բուսականությունը համարյա իր նախնական վիճակում պահպանված է հատկապես թելովեժյան թափուտում (արգիլաֆակոցում): Վերջինս իր մեջ ընդգրկում է կեհաստանի և Սովետական Միության սահմանամերձ տերիտորիան: Այստեղ որոշակի պատկերացում կարելի է կազմել ոչ միայն տվյալ մարդիք բնական բուսածածկի, այլև կենդանական աշխարհի մասին:

Հյուսիսային հարթավայրի կենդանական աշխարհը մարդու միջամտության հետևանքով ենթարկվել է խիստ փոփոխման: Վայրի շատ կենդանիներ ոչնչացված են: Նրանց որոշ մասը անհետացել է շնորհիվ անտառահատման և վարելահողերի ընդարձակման: Միաժամանակ այդ ամենի հետևանքով նպաստավոր պայմաններ են ստեղծվել մի շարք ավելի մանր, վնասատու տափաստանային տիպի կենդանիների՝ հիմնականում կրծողների տարածման համար: Այստեղ հանդիպում են ազնիվ եղբերուն, լուր, այծյամը, վայրի խոզը (վարազը), երբեմն գուրը, կզաքիսը, բարսուկը և այլն: Շատ են թոշունները, հատկապես խլահավը, անտառաքլորը (տեսերեսը) և այլն:

Թրիտանական կղզիներ

Թրիտանական կղզիները ընկած են Եվրոպայի հյուսիս-արևմրտյան մասում: Մայր ցամաքից նրանք բաժանված են Լամանշ և Պա-դե-Կալե նեղուցներով: Թրիտանական կղզիները ունեն ցամաքային ծագում, ըստ որում նրանց անցատումը մայր ցամաքից տեղի է ունեցել ոչ շատ վաղ անցյալում: Ետսառցադաշտային ժամանակաշրջանի սկզբում նրանք դեռևս միացած էին Եվրոպային: Այդ ժամանակ Հյուսիսային ծովը, ինչպես նաև ցամաքը բաժանող կամանշ և Պա-դե-Կալե նեղուցները ներկայացնում էին ցամաքային տարածություններ: Որ իրոք թրիտանական կղզիներն առաջացել են մայր ցամաքի անշատումից, դրա ապացույցներ են հանդիսանում Մեծ Թրիտանիայի հարավային հատվածի ոելլեֆի և երկրաբանական կառուցվածքի խիստ մեծ նմանությունը Ֆրանսիայի արևմտյան շրջանների հետ: Իրականում այդ տեսակետից Մեծ Թրիտանիայում Կորնուելը ամբողջովին հիշեցնում է ֆրանսիական Թրետանին, Լոնդոնի ավագանը՝ Փարիզի ավագանին, հարավ արևմրտյան Անգլիայի ուվալները՝ արևմտյան Ֆրանսիայում Արտօւս թմբին և այլն:

Բրիտանական կղզիները կազմված են երկու մեծ և մի քանի
ավելի փոքր կղզիների խմբերից: Նրանց ընդհանուր տարածու-
թյունը հավասար է մոտ 314000 քառ. կիլոմետրի: Այդ թվում Մեծ
Բրիտանիան գրավում է 230000 քառ. կմ տարածություն, իսկ Իռ-
լանդիան՝ 84000 քառ կմ: Այդ երկու կղզիները միմյանցից բա-
ժանված են Իռլանդական ծովով, որի սահմաններում գտնվում են
Սուրբ Գևորգի և Հյուսիսային ջրանցք նեղուցները: Մեծ Բրիտա-
նիան, մասսամբ նաև Իռլանդիան աշքի են ընկնում ափերի խիստ
կորուզավածությամբ և բազմաթիվ մեծ ու փոքր կղզիներով: Նրան-
ցից Մեծ Բրիտանիայի հյուսիս-արևմուտքում հայտնի են Հերթին-
յան կղզիները, որոնք բաժանված են Արտաքին և Ներքին խմբերի:
Հիբրիդյան կղզիների խմբում առավել խոշոր կղզիներից են Լուի-
սը, Հյուսիսային և Հարավային Ուիստը, Սկայը, Մալը և այլն:
Նրանք բոլորը միասին գրավում են մոտ 3000 քառ. կմ տարա-
ծություն:

Մեծ Բրիտանիայի հյուսիսային շարունակությունն են կազ-
մում Օրկնեյան և ապա Շետլանդական կղզիները, որոնք գրավում
են մոտ 2400 քառ. կմ տարածություն: Իռլանդական ծովի կղզինե-
րից հայտնի են Մեն և Էնգլսի (Էնգլեզի), իսկ Անգլիայի հարավ ծո-
վափի մոտ՝ Ուայտ կղզին:

Բրիտանական կղզիների տեկտոնական կառուցվածքում կարե-
վոր դեր են կատարում կալկօնյան և հերցինյան ծալքավլորու-
թյունները, իսկ Հիբրիդյան ու Շետլանդական կղզիներում՝ Մինչ-
կեմբրյան գնեյսների, ինչպես նաև բյուրեղային և մետամորֆիկ
այլ ավարների մերկացումները, որոնք ներկայացնում են հյուսիս-
ատլանտյան ցամաքի աննշան մնացորդներ:

Կալեդոնյան կառուցվածքն ընդգրկում է ամբողջ Շոտլանդիան,
հյուսիս-արևմտյան Անգլիան և Իռլանդիայի մեծ մասը, իսկ Հեր-
ցինյան ծալքավլորությունները՝ առավելապես Անգլիայի տերիտո-
րիան և Իռլանդիայի հարավ-արեմուտքը: Անգլիայում Հերցինյան
ծալքավլորություններից առավելապես կարեոր են Պեննինյան լեռ-
ները, որոնք կազմված են կարբոնի ժամանակաշրջանի կրաքա-
րերից ու ավագաքարերից:

Պեննինյան լեռներից հարավ ու արևելք և Ուելսից ու Կորնու-
ելսից արևելք բուն Անգլիայի տերիտորիան, մասսամբ նաև կեն-
տրոնական Իռլանդիան, ներկայացնում են թույլ բլրապատ հար-
թություններ: Նրանք հիմնականում կազմված են Յուրայի, Կավճի

և մասամբ Երրորդականի կրաքարերից, ավագաքարերից, կավճից ու կավերից:

Թրիտանական կղզիների ժամանակակից լեռներն ունեն միջին բարձրություն: Նրանք սովորաբար մըսյանցից բաժանված են խողումնային հովիտներով և գոգավորություններով: Ամենից ավելի բարձր լեռնային շրջան է Հյուսիս-Շոտլանդական լեռնաստանը: Այդտեղ են գտնվում Գրամպյան լեռները, որոնց վրա Բեն-Նիվիս գագաթը հասնում է առավելագույն բարձրության (1343 մետր): Մի փոքր հարավ գտնվում է Հարավ-Շոտլանդական լեռնաստանը: Այդ երկու լեռնային շրջանները միմյանցից բաժանված են Շոտլանդական դաշտավայրով:

Բուն Անգլիայի հյուսիսում աշքի ընկնող բարձրություններից՝ են՝ Կամբերլենդի զանգվածը (1070 մետր) և Պենինյան լեռները՝ մինչև 890 մետր բարձրությամբ: Լեռնային մակերեսույթով հայտնի են նաև Ուելսի և մասամբ Կորնուելսի թերակղզիները: Դրանցից առաջինում Սնոուդոն լեռը հասնում է մինչև 1085 մետր բարձրության: Մոտավորապես այս նույն բարձրությամբ հարավ-արևմերտյան հոլանդիայում հայտնի են Կերրի լեռները:

Ցածրադիր հարթություններով աշքի են ընկնում Անգլիայի հարավ-արևելքը և հոլանդիայի կենտրոնական շրջանը: Այդտեղ նրանք սովորաբար հերթափոխվում են 200—300 մետր բարձրության հասնող կուսատային թմբերով ու բլուրներով:

Թրիտանական կղզիների հնագույն զանգվածները հիմնականում ունեն հղկված, սարահարթաձև մակերեսույթ: Նրանց վրա տեղ-տեղ բարձրանում են ժայռոտ կատարներ, որոնք հանդիսանում են ավելի կարծր ապարների մնացորդներ:

Թրիտանական կղզիների ուլյեֆի ժամանակակից մի շարք ձևեր՝ («խոյի ճակատներ», ֆիորդային ափեր, տրոգային հովիտներ, մորենային թմբեր և այլն), առաջացել են Զորրորդական սառցադաշտի աշխատանքի հետեւանքով: Սառցադաշտային ուլյեֆի բնորոշ այդ ձևերը առանձնապես մեծ տարածում ունեն Շոտլանդիայում և Հյուսիսային հոլանդիայում:

Թրիտանական կղզիների ափերը արտակարգ խիստ կտրտված են բազմաթիվ մեծ ու փոքր ծովածոցերով և խորշերով: Այդ պայմանավորված է նախ ուլյեֆի՝ տեկտոնական բնույթի ուժեղ մասնատումով և ապա ետսառցադաշտային ժամանակաշրջանում մակերեսույթի իջեցումով: Ցամաքի ընկղման հետևանքով խզումային իջվածքները, ինչպես նաև ցածրադիր հովիտները ծածկվել են ծո-

վով և այդ կերպ առաջացրել թրիտանական կղզիներին այնքան բնորոշ ինգրեսսիոն ամփերի ձեռ:

Պլիյստոցենում և ետսառցադաշտային ժամանակաշրջանում տեղի է ունեցել ցամաքի բարձրացում: Դրա հետևանքով թրիտանական կղզիների հյուսիսային ափերի երկարությամբ առաջացել են լավ արտահայտված ջորրոդական ծագումի ծովային հրեթ դարավանդներ: Նրանցից վերին երկուար վերաբերում են պլիյստոցին, իսկ ներքին դարավանդը՝ ետսառցադաշտային ժամանակաշրջանին:

Թրիտանական կղզիները, շնորհիվ իրենց աշխարհագրական քարենպաստ դիրքին, ունեն ցայտուն կերպով արտահայտված օվկիանոսային տիպի խոնավ ու մեղմ կերպ: Նրանք ենթակա են օվկիանոսից վչող արևմտյան քամիների ազդեցությանը, որոնք ձըմունը բերում են ոչ միայն խոնավություն, այլ չերմություն, իսկ ամռանը՝ զովություն: Կլիմայական այս հատկանիշներով առավելապես աշքի են ընկնում Շոտլանդիան և Հյուսիսային Իռլանդիան, ինչպես նաև առհասարակ երկու կղզիների արևմտյան շրջանները:

Թրիտանական կղզիների վրա հաճախ ներգործում են ցիկլոնները, որոնք մեծ մասամբ սկզբնավորվում են իռլանդական ցածր ծնշման շրջանից: Ցիկլոններն առավել տիրապետող են Շոտլանդիայում և Իռլանդիայում, որի հետևանքով այստեղ շատ փոքր է արևափայլի ժամերի քանակը, մեծ է ամպամածությունը և ուժեղ՝ քամիների հաճախականությունը: Այսպես, օրինակ, արևմտյան Շոտլանդիայում 7 օրից 5-ում լինում են տեղումներ: Զմեռ ժամանակ, անգամ եթե չկան տեղումներ, թանձր մառախուղը նստում է ցամաքի և ծովի վրա: Սովային խիտ մառախուղները նկատելիորեն դժվարացնում են նավագնացությունը: Առանձնապես խիտ մառախուղներով ծածկվում են արդյունաբերական քաղաքները, որտեղ մառախուղը միանում է գործարանային ծխնելույզներից վեր բարձրացող ծխի հետ և դժվարացնում տեսանելիությունը:

Թրիտանական կղզիների արևմտյան, առավելապես լեռնային շրջանները, որոնք մշտապես իրենց վրա են կրում ծովային օդի զանգվածների ազդեցությունը, ստանում են առավելագույն տեղումներ: Լեռներով պաշտպանված արևելյան շրջանները, առանձնապես Անգլիայի հարավ-արևելքը, ստանում են նվազագույն տեղումներ՝ տարեկան ոչ ավել քան 620 միլիմետր: Սակայն դրա փոխարեն այստեղ, շնորհիվ հարավից ցամաքային օդի ներթափանցմանը, մեծ թիվ են կազմում արևափայլի ժամերը:

Մթնոլորտային տեղումների քանակով և հաճախականությամբ
թրիտանական կղզիները համարվում են Եվրոպայի առավել խո-
նագ երկիրը: Տեղումները բաշխված են տարվա ամիսների վրա
հավասարաշափ, քիչ շափով միայն տարբերվելով աշնան առավե-
լագույն և գարնան նվազագույն քանակի միջև: Ամենից շատ տե-
ղումներ թափվում են Շոտլանդիայի արևմտյան կեսում: Այդտեղ
ամենուրեք տեղումների տարեկան միջին քանակը հասնում է ոչ
պակաս 1000 միլիմետրի, իսկ մի շարք շրջաններում 2000 միլի-
մետրից ավելի է: 1000-ից մինչև 2000 միլիմետր աեղումներ են
ստանում Անգլիայի արևմտյան լեռնային շրջանները և հովանդիա-
յի ամբողջ արևմտյան գոտին: Ամենից քիչ տեղումներ (մինչև
600 միլիմետր) թափվում են հարավ-արևելյան Անգլիայում և տեղ-
տեղ Շոտլանդիայի ու հովանդիայի արևելյան ծովագիծերում:

Ծնորհիվ օվկիանոսի մեղմացուցիչ ազդեցության, բարեխառ-
նության տարբերություններն ըստ տարվա եղանակների այնքան էլ
մեծ չեն: Զմեռը համեմատաբար տաք է, իսկ ամառը՝ զով: Հուն-
վար ամսվա միջին ջերմությունը տատանվում է պլյուս 30-ից
պլյուս 60-ի, իսկ հովիսյան միջինը՝ 130-ից 16,50-ի միջև:

Թրիտանական կղզիները փոքր տարածության պատճառով
գուրկ են խոշոր գետերից: Գետերից ամենից ավելի խոշորներն են
թեմզան ու Սեվերնը՝ Անգլիայում և Շաննոնը՝ Իռլանդիայում:
Մյուս գետերը կարճ են, բայց ջրառատ: Գետերի ջրածանները մեծ
մասամբ աննշան բարձրություններ են, այդ պատճառով էլ մեծ
դժվարություն չեն ներկայացնում գետերը ջրանցքներով միմյանց
հետ կապելու համար: Հենց այդ պատճառով թրիտանիայի գետերի
մեծագույն մասը միմյանց հետ կապված են ջրանցքներով:

Թրիտանական կղզիներում լայն տարածում ստացած ճահճա-
յին հողերը, հաճախակի փշող ուժեղ քամիները և ցածր բարեխառ-
նության պայմաններում արտակարգ խոնավությունը բացասական
ազդեցություն են ունեցել անտառային բուսականության վրա: Ան-
տառը Մեծ Թրիտանիայում բռնում է երկրի ամբողջ տարածություն
6,5 %-ը, իսկ հովանդիայում՝ ընդամենը 2 %-ը: Անտառի սակա-
վության պատճառը մասամբ եղել է մարգու միջամտությունը: Հը-
կայական տարածությունների վրա հատելով անտառը, մարդիկ
այն վեր են ածել վարելահողերի և արոտավայրերի: Թրիտանական
կղզիներում ծառատեսակներից բնորոշ են ամառային և ձմեռային
կաղնին, հաճարին և բոխին: Մեղմ կլիմայական պայման-
ների շնորհիվ կղզիների հարավային մասում աճում են նաև

մշտառալար բուսականության մի շարք տեսակներ, որոնք ունեն միշերկրածովային ծագում:

Ի տարրերություն միջին Եվրոպայի մյուս մարզերի, որտեղ անտառները տարածված են երկրի միայն խոնավ շրջաններում, այստեղ նրանք ընդգրկում են նաև երկրի համեմատաբար շոր վայրերը: Բրիտանական կղզիներում մեծ տեղ է գրավում մարգագետնային բուսականությունը:

Բրիտանական կղզիները հյուսիսում ծածկված են հիմնականում պոդգոլային, իսկ հարավում՝ մուգ շագանակագույն տիպի հողերով: Լայն տարածում ունեն կիսաճաճային և ճաճային տորֆահողերը:

ՄԵԾ ԲՐԻՏԱՆԻԱ

Մեծ Բրիտանիան Եվրոպայի ամենամեծ կղզին է: Նա բոնում է (230000) քառ. կմ տարածություն, հյուսիսից հարավ ձգվելով 962 կմ, իսկ արևմուտքից արևելք՝ 510 կմ: Ողողվում է Ս. Գեորգի շրանցքի, Խոլանդական ծովի, Հյուսիսային Զրանցքի, Հյուսիսային ծովի և Լա-Մանշի ու Պա-դե-Կալեի շրերով:

Երկրաբանական կառուցվածքի տեսակետից Մեծ Բրիտանիան պատկանում է կալեգոնիդների և Տերցինիդների շրջանին: Կալեգոնական լեռնակազմության շնորհիվ Մեծ Բրիտանիան կապված է ը Հյուսիսային Ամերիկայի հետ մինչև Երրորդականի վերջը: Եվրոպայի ցամաքից նա բաժանվել է Չորրորդականի ընթացքում:

Ռելյեֆի համար բնորոշ են ինչպես նրա խիստ կտրտվածությունը, այնպես էլ կղզու աննշան միջին բարձրությունը. նրա ամենաբարձր կետերը 1350 մետրից չեն անցնում: Գերակշռության հակված, հարթ մակերեսները և լայն հարթավայրերը, որոնցում առանձին բարձրությունները մեղմ գծագրություն ունեն: Ռելյեֆի ավելի խիստ կտրտված, երիտասարդ ձևեր պատահում են միայն արագահոս գետերի մոտակայքում, գլխավորապես կղզու հյուսիսում:

Մեծ Բրիտանիայի ժամանակակից մակերեսութիւնը հիմնական տիպերը մեծ մասամբ իրենց ձևավորումն ստացել են Չորրորդականի սառցադաշտի ազդեցության տակ: Եվ թեպետ այստեղ Սկանդինավյան սառցադաշտը լիովին իր տիրապետությունը չի հաստատել, բայց իր գոյության ժամանակ մեծ զարգացում է ստացել: Բացի այդ, այստեղի լեռները թեպետ ժամանակի գործո-

Նի, ինչպես նաև խոնավ կլիմայական պայմանների ազդեցության տակ մեծ բարձրություն չեն ունեցել, բայց ծածկված են եղել հզոր սառցադաշտերով. սառցադաշտերը հղկել, հարթեցրել են լեռները, իսկ առանձին դեպքերում քայլքայելով խորացրել են հովիտները: Այդ ամենի հետևանքով առանձին վայրերում, հատկապես Շոտլանդիայում, ժամանակակից ուելլսֆն աշքի է ընկնում վայրի բնույթով:

Չորրորդականի սառցադաշտերը, որ դեպի հարավ հասնում էին Ֆիննական թեմզա գետը, առաջացրել են տրոգածեն երկար հովիտներ (որոնք հետո մասամբ վեր են ածվել լճերի), «խոյի ճակատներ», մորենային թմբեր և ֆլյուվիոգլացիալ նստվածքների մինչեւ 30 մետր հաստության հասնող շերտեր: Սառցադաշտի գործունեության հետևանք է նաև Շոտլանդիայի, Ուելսի և Հյուսիս-արևմրտյան Անգլիայի համեմատարար ուժեղ կտրտված ժայռոտ ուելլյեֆը, այնտեղ տարածված բազմաթիվ լճերով: Երկրաբանական յուրահատուկ կառուցվածքի և սառցադաշտերի գործունեության հետևանք են նաև կղզու խիստ կտրտված ափերը: Փափուկ (փուխը) ապարների լվացման շրջանները համապատասխանում են գլխավորապես ծոցերին ու խորշերին (Կլայդի, Ֆորտ, Սոլուեյի, Լի-Աբրապուկի, Բրիստոլի, Ուոշի ծոցերը և այլն): Մովածոցերից մի քանիսը տեղադրության ծագում ունեն, նրանք առաջացել են երկրի կեղեկի էպելյոդենետիկ շարժումների հետևանքով: Կղզու հյուսիսում գերակշռում են ֆիորդային տիպի ափերը, որոնք մեծ մասամբ ունեն սառցադաշտային ծագում, իսկ հարավում, որտեղ սառցադաշտերի գործունեությունը բացակայել է կամ թույլ է եղել, գերակշռում են ոհասային տիպի ափերը: Մովափի ուժեղ կտրտվածության հետևանքով կղզու ոչ մի կետը ծովից 120 կմ-ից ավելի հեռու չէ: Մովի աշխատանքի շնորհիվ կղզու ափերը նոր մշակման են ենթարկվել, առաջացել են բազմաթիվ նոր կղզիներ, ծովածոցեր և խորշեր: Կղզու արևմուտքում կարևորագույն ծովածոցերից են՝ Բրիստոլի, Կարդիգանի, Սալուեյի, Կլայդի ծոցերը, իսկ արևվելքում՝ Թեմզայի, Հուլի և մի շարք այլ ծովածոցեր: Մեծ Բրիտանիայի ծովածոցերն իրենցից ներկայացնում են շափազանց հարմար նավահանգստային վայրեր, նրանց ափերին ստեղծված յուրաքանչյուր խոշոր քաղաք միաժամանակ խոշոր նավահանգիստ է:

Մեծ Բրիտանիան հարավ-արևմտյան տաք ու խոնավ քամիների ազդեցության շնորհիվ ունի ծովային մեղմ կլիմա: Կլիմայական այդպիսի բնույթով շատ ավելի տիպիկ է արևմտյան Շոտլան-

դիան: Ամառն այստեղ բավարար չերմության պակասության՝ պատճառով երբեմն հացահատիկները չեն հասունանում, իսկ ձըմոնը, ձյան ու սառնամնիքների բացակայության պատճառով՝ մարգագետինները մնում են կանաչ: Երկրի այս մասում տիրապետում են անընդհատ մառախուզներն ու մանրամաղ անձրեները: Երբեմն նաև ձյուն է գալիս, որը շատ կարճ ժամանակ նստելուց հետո հալլում է:

Մի փոքր ավելի ցամաքային է կլիման Անգլիայի հարավ-արեւակելիան մասում: Այստեղ եղել են դեպքեր, երբ ամռան ջնրմաստիճանը ստվերի տակ բարձրացել է մինչև 30° , իսկ ձմռան ուժեղ ցրտերի հետևանքով սառցապատճել է թեմպան: Սակայն ընդհանուր առմամբ Մեծ Բրիտանիայի կլիմայական պայմանները բնորոշվում են ոչ ցուրտ ձմեռով և զով ամառով: Այսպես, օրինակ, Գրինվիչի ամենացուրտ ամսվա միջին ջերմաստիճանը պլյուս $3,6^{\circ}$ է, իսկ ամենատաք ամսվա միջինը՝ $17,0^{\circ}$: Լիվերպուլում ամենացուրտ ամսվա միջինը՝ $4,1^{\circ}$ է, իսկ ամենատաք ամսվա միջինը՝ $15,4^{\circ}$: Հերբիջան կղզիներում ամենացուրտ ամսվա միջինը՝ 5° է, իսկ ամենատաք ամսվա միջինը՝ $12,8^{\circ}$ և այլն:

Մեծ Բրիտանիան ծածկված է հիգրոգրաֆիկ խիտ ցանցով: Կան բազմաթիվ դետեր և լճեր, որոնք իբրև հաղորդակցության բնական ճանապարհներ երկրի համար ունեն բացառիկ կարևոր նշանակություն: Գետերի գլխավոր ջրաժանը անցնում է կղզու երկարությամբ հյուսիսից հարավ, երկու ափերից մոտավորապես հավասար հեռավորությամբ: Ջրաժանից դեպի արևմուտք և արևելք հոսող գետերը իրենց ակունքներով իրար շափաղանց մոտ են: Այդ հանգամանքը մեծ հնարավորություններ է ստեղծում նրանց միջյանց հետ ջրանցքներով կապելու համար, մանավանդ, որ նրանց վրա (բացառությամբ Շոտլանդական գետերի) չկան ջըր՝ վեժներ և սահանքներ: Գետաբերանները մեծ մասամբ ներկայացնում են էստուարներ, դրա հետևանքով մակրնթացության շնորհիվ ջրի մակերեսույթն այստեղ բարձրանում է և դրանով իսկ շատ գետեր իրենց ստորին հոսանքում մատշելի են դառնում անգամ ծովային նավերի համար: Գետային նավարկությունը, հատկապես Անգլիայում, կատարվում է ամբողջ տարին:

Մեծ Բրիտանիայի կարևորագույն ջրային տրանսպորտային արտերիան թեմպան է: Սա ունի 332 կիլոմետր երկարություն, որից 295 կիլոմետրը նավարկելի է: Թեմպան գետաբերանի մոտ ունի 7–8 կիլոմետր լայնություն, իսկ լոնդոնյան կամուրջների մոտ

Նրա լայնությունը հասնում է մինչև 243 մետրի: Լոնդոն են հասնում օվկիանոսային նավերը՝ լոնդոնից մինչև Օքսֆորդ թեմզան նավարկելի է միջին մածության նավերի համար, իսկ այնուահան փոքր նավերի համար: Նավարկելի մյուս (համեմատաբար խոշոր) գետերից նշանավոր է Սեվերնը: Սա ունի 355 կիլոմետր երկարություն և հոսում է գեղակի Բրիստոլի ծոցը: Մյուս գետերից (որոնք հոսում են գեղակի արևելք) կարելի է նշել Ուզ, Տրենտ, Տիս և այլն: Գեղակի արևմուտք են հոսում Իդենը, Կլայդը և այլն:

Մեծ Բրիտանիայի լճեր գերազանցապես սառցադաշտային ծագում ունեն: Նրանք առանձնապես շատ են Շոտլանդիայում, ինչպես նաև Անգլիայի Հյուսիսային մասում: Լճերից մի քանիսը ունեն նեղ ու երկար գծագրություն, ծայրամասերով միանում են գետերի և գետակների հետ և դրանով իսկ ելք ստանում դեղակի օվկիանոս: Մերձափնյա շատ լճեր, որոնք իրենց ափերի գծագրությամբ շատ նման են ֆիորդային բնույթի ծովածոցերին, Շոտլանդիայում կոչվում են «լինս»-եր: Նշանավոր է Լին-Նեսը, որը գրավում է 50 կմ տարածություն, ունի մոտ 40 կիլոմետր երկարություն և $1\frac{1}{2}$ կիլոմետր լայնություն: Նա ամբողջ երկարությամբ ընկած է Գլենմորի խոր հովտում: Մյուս լճերից հայտնի է Լին-Լոմոնդը, որը գտնվում է Կլայդ ծովածոցից անմիջապես հյուսիս և հանդիսանում է Մեծ Բրիտանիայի ամենամեծ լիճը: Նա գրավում է մոտ 71 քառ. կմ տարածություն, գգվում է միջօրեականի ուղղությամբ, մոտ 33 կմ երկարությամբ, հյուսիսում նեղ է և ծանծաղ, հարավում նրա լայնությունը հասնում է մինչև 7 կիլոմետրի, իսկ խորությունը՝ 200 մետրի:

Մեծ Բրիտանիայի անտառային բուականությունը հիմնականում կազմված է սաղարթավոր ծառատեսակներից, սակայն բնական անտառային տարածություններն այստեղ շատ քիչ են: Անտառներում հիմնական ծառատեսակներն են կաղնին և հաճարին: Նրանցում պատահում են նաև ավելի տաք կլիմային հատուկ տեսակներ (օրինակ՝ մայրի, արառկարիաներ, ագավաներ, մրտենի): Անգլիայի ու Շոտլանդիայի լեռնոտ ու բարձրադիր շրջանները բռնված են ցախաստաններով և տորֆաճահիճներով: Ամենաբարձր լեռնային շրջաններում տեղ-տեղ պատահում են ալպիական բուսականության պատառներ: Կուլտուրական բույսերից առում են ցորենը, գարին, մասամբ վարսակը, կարտոֆիլը, կտավատը (վուշը), սլուղատու ծառերը, բանջարանոցային բույսերը: Հսկայական տարածություն են բռնում արդարավայրերը, որ արևմտյան Անգլիա-

յի (և հոլանդիայի) լանդշաֆտի ամենաբնորոշ հատկանիշն է, ինչպես ֆիորդները՝ նորվեգիայում և մանր ու խոշոր լճերը՝ Ֆինլանդիայում:

Մեծ թրիտանիայի ֆառւնան բնական վիճակում համարյա բոլորովին չի պահպանված: Խոշոր գիշատիչները ամբողջովին ուղնչացված են: Պատահում են մի շարք էնդեմիկ տիպեր՝ ճաղարների ու մկների տեսակներից: Հայտնի են ազնիվ եղջերուն, վայրի այծը, անտառային կզաքիսը, փորսուղը, ջրասամույրը, աղվեսը, վայրի կատուն: Շատ հարուստ է թոշունների աշխարհը: Սողուններ չկան: Տնտեսական հսկայական նշանակություն ունեն ձկներից տառեխը, փրփրուկը և կամբալան:

Հիմք ընդունելով ոելյեփի առաջացման պայմանները, տեկտոնիկան, ինչպես նաև լանդշաֆտային բնորոշ գծերը, Մեծ թրիտանիան կարելի է բաժանել երկու մասի՝ Շոտլանդիայի և Անգլիայի: Շոտլանդիան գերազանցապես լեռնային երկիր է, բուն Անգլիան՝ առավելապես հարթավայրային: Առանձնացված այս շրջաններից յուրաքանչյուրն իր հերթին ստորաբաժանվում է մի շարք ավելի մանր միավորների:

Եռալանդիայում կարելի է առանձնացնել հյուսիսային Շոտլանդիական լեռնաստանները Շոտլանդական դաշտավայրը և Հարավային Շոտլանդական լեռնաստանը:

Վշյուսիսային Շոտլանդիայում տիրապետում են կալեդոնիտները. սրանք կազմված են մինչկեմբրյան գնեյսներից, որոնք միացած են հրային ապարների (գրանիտների, դիորիտների և այլն) հետ և խիստ դիսլոկացված են: Հյուսիսային Շոտլանդական լեռնաստանի արևմտյան ծովափն ալզի է ընկնում բացառիկ մասնատվածությամբ: Այդտեղ անհամար քանակությամբ կղզիները, թերակղզիները, մերկ ժայռային ցցվածքները, նեղուցներն ու ծովածոցերը ստեղծել են իսկական քառական երկրի արևմուտքում ընկած են Հերթիդյան կղզիները, իսկ հյուսիսում՝ Որկնելան և Շետլանդական կղզիները: Նրանք բոլորը եղրավորում են հյուսիսատլանտյան իջվածքը, որի առաջացումը տեղի է ունեցել վերին երրորդականի և Չորրորդականի ընթացքում: Այս իջվածքի առաջացման ժամանակ տեղի է ունեցել առավինյա ցամաքի մասնատումը, մեծ քանակությամբ ճեղքերի առաջացումն ու հրաբխային արտավիժումները: Այս կերպ առաջացել են արևմտյան Շոտլանդիայի ֆիորդային ձևի ափերը (Մենյի նեղուցը, Լորնի, Մարի, Ֆերտի ծոցերը և այլն): Հյուսիսային Շոտլանդական լեռնաստանն ամենուրեք աշքի է ընկնում ոելյեփի գլացիալ ձեհրով. բնորոշ հն

Հատկապես սառցադաշտի էրոզիոն ձևերը, որոնց տիրապետման շրջանների ու լյեֆն ստացել է տիպիկ պայման քնություն: Կան սառցադաշտային շատ լճեր, տաշտածն հովիտներ, տորֆաճաճային քնդարձակ տարածություններ: Հյուսիսային Շոտլանդական լեռներով անցնում են մի շարք տեկտոնական ճեղքեր, որոնց ուղղությամբ տեղի են ունեցել խոշոր իջեցումներ: Նշանավոր է Գլեն-Մոր իջվածքը, որով անցնում է Կալեդոնյան զրանցքը: Նրա երկարությամբ ձգվում են Գրամպիան լեռները, որոնց վրա է գտնվում Մեծ Բրիտանիայի ամենաբարձր կետը՝ Բեն-Նեվիս սարը (1343 մետր բարձրությամբ):

« Շոտլանդական դաշտավայրը բնդգրկում է Շոտլանդիայի միջին մասը: Այն արևմուտքից սահմանափակված է Ֆերտ-օֆ-Կլայդի, իսկ արևելքից՝ Ֆերտ-օֆ-Ֆորտի ծոցերով: Դրանք ծովի տակը ընկղմված դաշտավայրի մասեր են: Ներքին մասերում ու լյեֆը բնորոշվում է բազմաթիվ մանր խզումային գծերի առկայությամբ: Այդ խզումների ճեղքերով Պալեոզոյում և Երրորդականում վեր են բարձրացել բազալտներն ու անդիգիտները: Դրանց, ինչպես նաև մասամբ մորենային կուտակումների հետևանքով, Շոտլանդական դաշտավայրում առկա են մի շարք բլրաթմբեր: Շոտլանդական դաշտավայրն ունի մեղմ կլիմա, արգավանդ հողեր, լավագույն մարգագետնային և անտառային տեղամասեր: Արևմուտքում՝ Կլայդ գետի ավազանում կան քարածխի խոշոր հանքեր: Այստեղ է կենտրոնացած Շոտլանդիայի բնակչության գլխավոր մասսան, որն զբաղվում է գյուղատնտեսությամբ և առավել մեծ շափով արդյունաբերությամբ: Արդյունաբերական խոշոր կենտրոններից է Գլազգոն, որը բնակչությամբ կոնցոնիգ հետո Մեծ Բրիտանիայում երկրորդ քաղաքն է: Նշանավոր է նաև Շոտլանդիայի նախկին մայրաքաղաք Էդինբուրգը, որ գտնվում է Ֆերտ-օֆ-Ֆորտ ծոցի ափին:

Հարավային Շոտլանդական լեռնաստանը ընկած է Շոտլանդիայի ծայր հարավում: Հիմնականում ունի պլատոյածն մակերեսություն, 600 մետր միջին բարձրությամբ: Առավելագույն բարձրությունը (Մերրիկ լեռնագագաթում) հասնում է 842 մետրի: Հարավային Շոտլանդական լեռնաստանի մեջ են մտնում նույնպես Չիվիտի լեռները, որոնցով անցնում է Անգլիայի և Շոտլանդիայի քաղաքական սահմանը: Հարավային Շոտլանդական լեռնաստանի բարձրադիր մասերը հիմնականում կազմված են Սիլվրի մետամորֆային ապարներից: Հովիտներում տիրապետում են Պերմի, Տրիասի և Կարբոնի թերթաքարերը, Մակերեսությունը հիմնականում

ծածկված է տորֆաճահճային, մարգագետնային և մասամբ անտառային բուսականությամբ: Կան տրավանդ լայն հովիտներ: Բնակչությունը այստեղ ավելի խիտ է, քան հյուսիսային Շոտլանդիայում:

Անգլիան գրավում է մոտ 150 հազար քառակուսի կիլոմետր տարածություն: Արևմուտքից ողողվում է հոլանդական ծովով և Բրիտոնի ծոցով, իսկ արևելքից՝ հյուսիսային ծովով և նրա մասը կազմող ֆենլանդիա, Հովի և մի շարք այլ ծովածցերով (խորշերով): Հարավում Լա-Մանշ և Պա-դե-Կալե նեղուցով բաժանված է մայր ցամաքից:

Բուն Անգլիայի տերիտորիան աշբի է ընկնում մակերևույթի բազմապիսի ձեռովով՝ լեռներ, ըլուրներ, դաշտավայրեր: Լեռնաբլրային տարածություններն առավելապես ընդգրկում են Անգլիայի հյուսիս-արևմուտքը, իսկ դաշտավայրերը՝ հարավ-արևելքը: Այս երկու շրջանները միաժամանակ միմյանցից տարբերվում են երկրաբանական կառուցվածքով և կլիմայական պայմաններով: Անգլիայի հյուսիս-արևմուտքը ավելի շատ բնորոշվում է երկրաբանական կառուցվածքի հնագույն զանգվածներով, ինչպես նաև ծայրահեղ խոնավ կլիմայական պայմաններով, իսկ հարավ-արևելյան Անգլիան՝ քիչ շափով խախտված համեմատաբար երիտասարդ Մեզոզոյան և Երրորդական շերտերով և արեստ, ավելի տաք, մասամբ ցամաքային տիպի կլիմայով:

Անգլիայի ֆիզիկա-աշխարհագրական կարևորագույն մասերն են հանդիսանում՝ Կամբրիենդի լեռները, Պեննինյան լեռնաշղթան, Ուելսի զանգվածը, Կորնուելսի թերակղզին, Միդլենդսի դաշտավայրը, Լոնդոնի ավաղանը, հարավ-արևելյան Անգլիայի կավճային բլուրների շրջանը:

Կամբրիենդի լեռներն ընկած են Անգլիայի ծայր հյուսիսարևմուտքում, ունեն մինչև 950 մետր բարձրություն: Չնայած փոքրը բարձրությանը, դժվարամատչելի են: Պատճառը հնագույն արտավիժած ապարների հզոր ելքերն են, որոնք ուղիղ փում առաջացրել են մեծ քանակությամբ ժայռակերպ գագաթներ: Նշանակալից տեղ են գրավում նաև սաղցադաշտային ձևերը: Կան մի շարք մեծ և խոր լճեր: Լեռներում տարածված են մացառուտները և մարգագետինները: Գետահովիտներում պատահում են անտառային տեղամասեր:

Պեննինյան լեռները ձգվում են Անգլիայի հյուսիսային կեսի կենտրոնական մասով: Առավելագույն բարձրության հասնում են

Հյուսիսային մասում, որտեղ առանձին գագաթներ հասնում են 950-ից 978 մետր բարձրության: Նրանք ունեն հարթված պլատոյածն մակերևույթ, որոնք սովորաբար այստեղ կոչվում են ֆելլ. Դրանք իրականում ներկայացնում են Երրորդական հասակի պենեապլենի մնացորդներ:

Պենինյան լեռնաշղթան հիմնականում կազմված է Կարբոնի ապարներից, առավելապես կրաքարերից, կարծրացած ավազաքարերից և քարածուխ պարունակող կավավազային շերտերից: Այնտեղ, ուր տիրապետում են կրաքարերը, հաճախ կարելի է հանդիպել քարաբեկորային կույտերի, խոշոր ճեղքերի, կարստային լանջաֆոտի մի շարք բնորոշ ճեղքերի, ինչպես, օրինակ, ձագարածն միոսեր, փլվածքներ, քարայրներ, շորացած գետահովիտներ, ստորերկրյա գետեր և այլն: Ուելլեֆի այսօրինակ ճեղքով աշբի են ընկառում Պենինյան լեռների հյուսիսային և հարավային շրջանները: Պենինյան լեռների կենտրոնական մասը կազմված է ավելի կարծըր՝ դիմացկուն ապարներից, որոնք տեղ-տեղ առաջացրել են ժայռակերպ մակերևույթ: Գետերն այստեղ շատ մասերում առաջացրել են նեղ, վայրի բնույթի կիրճեր: Ընդհանուր առմամբ շըղթայի լանջերը կտրտված են գետային խիտ ցանցով: Կան գեղատեսիլ շատ հովիտներ, որոնք մեծ մասամբ ծածկված են մարգագետիններով, իսկ տեղ-տեղ նաև անտառային բուսականությամբ:

Պենինյան լեռներից դեպի արևմուտք ընկած է մերձովյան դաշտավայրային շրջանը: Վերջինս ունի բավական խոնակ կիմա և որոշ շափով ճահճացած հողեր: Կան ոչ մեծ լճեր: Նրանցով դեպի հովանդական ծովն է հոսում Մերսեյ գետը, որի գետաբերանային մասում գտնվում է Անգլիայի խոշորագույն նավահանգիստներից մեկը՝ Լիվերպուր: Այդ միննույն շրջանում է գտնվում Մեծ Բրիտանիայի արդյունաբերության խոշորագույն կենտրոն Մանչեստերը, որը ջրանցքով կապված է Մերսեյ գետի հետ:

Դաշտավայրային տարածությամբ հայտնի է նաև Պենինյան լեռներից դեպի արևելք ընկած հարթությունը: Սա իր ուելլեֆի և հողերի բնույթով ավելի բազմազան է: Մրա. արևելյան մասով հյուսիսից-հարավ ձգվում են մոնոկինալ ոչ մեծ բարձրություններ: Այս մասով դեպի Հյուսիսային ծովն են հոսում Տրենտ, Ուզ և Նրանց սիստեմին պատկանող շատ վտակներ:

Հարավային Անգլիայի արևմուտքում լեռնային մակերևույթով առանձնանում են 2 թերակղզիներ՝ Ուելսը և Կորնուելը, որոնք միմյանցից բաժանված են Բրիստոլի ծովով: Ուելսի թերակղզին

ընկած է հոլանգական ծովի մասը կազմող կիվերպուլի, Կարդիգանի և Բրիստոլի ծովածոցերի միջև։ Մակերևույթի առումով Ուելսը ներկայացնում է ոչ շատ բարձր, բայց խիստ մասնատված լեռնային երկիր։ Աշքի ընկնող բարձրություններից հայտնի են Սնոուդոնի գանգվածը՝ 1085 մետր բարձրությամբ և Կեմբրյան լեռները՝ նրանք երկուսն էլ, չնայած ոչ մեծ բարձրության, բնորոշվում են լավ արտահայտված ալպյան տիպի ուղյեֆի ձևերով (սաոցադաշտային կրկեսներ, տաշտաձև հովիտներ և այլն)։

Ուելսի գանգվածը Երրորդականի մի պենեպլեն է, որի վրա ավելի ուշ իր կնիքն է գրել Չորրորդականի սաոցադաշտը, Ուելսի բարձր մասերը մեծ մասամբ ներկայացնում են արոտավայրային տարածություններ։ Գետահովիտներն ու նախալեռնային շրջանները բռնված են լայնատերև անտառներով։ Ուելսում տիրապետում են լեռնանտառային պողովային հողերը։

Ուելս թերակղզու հարավային, Բրիստոլի ծոցի առափնյա գոտին մակերևույթի տեսակետից ներկայացնում է դաշտավայր։ Վերջինս աշքի է ընկնում իր մեղմ կլիմայով և արգավանդ հողերով։ Բնակչությունն այդտեղ խիտ է։ Դրան միաժամանակ նպաստել է այդ մասի հարուստ և բարձրորակ քարածխի և մասամբ երկաթահանքի առկայությունը։ Այդ մասում, որպես խոշոր արդյունաբերական և նավահանգստային քաղաք, հոշակված է Կարդիֆը։

Ուելս թերակղզուց անմիջապես հարավ, մեծ ձգվածությամբ տարածվում է Կորնուելս թերակղզին։ Սա մի հին լեռնային երկիր է, ուր ծալքավորությունները հիմնականում տեղի են ունեցել վերին Պալեոզոյում։ Այժմ մակերևույթի տեսակետից այն մեծ մասամբ ներկայանում է որպես բլրածածկ պլատոյաձև տարածություն։ Նրանում աշքի ընկնող գանգվածներ են Էքսմուրը (520 մետր) և Դաբտմուր-Ֆորեստը՝ 620 մետր բարձրությամբ։ Բարձրությունների այդ շրջանը, որ ընդգրկում է թերակղզու միջին (ավելի ընդարձակ) մասը, կոչվում է Դևոն կամ Դևոնշիր։

Ուելյեֆի կառուցվածքում հիմնականում մասնակցում են թերթաքարերը, ավազաքարերն ու գրանիտները։ Առածճին դեպքերում հանդիպում են Կարբոնի կրաքարեր, իսկ հարավ-արևելքում՝ Մեզոզոյան կավեր ու կրակավեր։

Կորնուելսի կլիման մեղմ է և հարավային դիրքի պատճառով բավականին տաք, որի հետևանքով այստեղ աճում են սնգամ մշտադաշտաքար որոշ բույսեր։

Ուելս թերակղզուց արևելք և Պեննինյան լեռներից հարավ տարածվում է Միջենդ կոչվող դաշտավայրային շրջանը: Հանդշտիտի տեսակետից այն իրենից ներկայացնում է ալիքավոր մի հարթություն, կազմված հիմնականում Մեզոպոյան կրակավերից և կավերից: Չատ տարածված են մարգագետիններ, կան նաև անտառներ: Տեղ-տեղ կղզիների ձևով առանձնանում են ավելի հին մնացորդային բարձրություններ, որոնց վրա պահպանված են լայնատերև անտառային տեղամասեր: Արևելքում և հարավում հանդիպում են կրաքարերից կազմված երկար բլրաշարեր: Դրանցից Կոտոսուլդ բլուրներն ունեն մինչև 350 մետր բարձրություն: Սովորաբար դրանք ունեն քարքարոտ մակերևույթ և ծածկված են մացառուտներով, թիերով ու խոտերով: Դեպի հարավ-արևելք նրանք աստիճանաբար ցածրանալով ձուլվում են մերձակա ցածրադիր գոնային, որն ընդարձակվելով մոտենում է Հյուսիսային ծովին և ապա անցնում նրա ջրերի տակ, առաջացնելով ծանծաղ Ռուշի ծոցը: Վերջինս այժմ աստիճանաբար լցվում է ալյուվիալ բերվածքներով և հավանաբար, եթե այսպես շարունակվի, շատ չանցած կվերածվի ցամաքի:

Միջենդ դաշտավայրը մասսամբ իր մեջ է ընդգրկում Պեննինյան լեռների հարավային ցածրադիր լանջերը, որոնք այսուել հոչակված են երկաթի և քարածուխի հարուստ պաշարներով: Հենց այդ պատճառով այս շրջանը հայտնի է որպես արդյունաբերական շրջան, չնայած որ բնական պայմանները շատ ավելի նպաստավոր են գյուղատնտեսության համար:

Միջենդսի դաշտավայրը հարավից եղրավորված է կավճալին ապարներից կազմված մի շարք բլրամբերավ: Դրանց թվում հայտնի են Զիլտերնի բլուրները և այլն:

Հարավ-արևելյան Անգլիայում ֆիզիկա-աշխարհագրական մի առանձին շրջան է համարվում Լոնդոնի ավագանություն, Սա իրենից ներկայացնում է մի ընդարձակ իջվածք, որը ձգվում է արևմուտքից-արևելք և գրեթե ամբողջապես ծածկված է Երրորդականի ծովային նստվածքներով, գլխավորապես ավազներով ու կավերով: Ավելի հին են համարվում պալեոգենի «Լոնդոնյան կավերը», որոնց հզորությունը հասնում է մինչև 100 մետրի: Մասնակի տարածում ունեն ալյուվիալ բերվածքները: Լոնդոնի ավագանությունը երիտասարդ փուլիր նստվածքներով է ծածկված Հյուսիսային ծովի առափնյա գոտին: Լոնդոնի ավագանությունը նշանակալից տեղ են գրավում մարգագետինները, քիչ շափով նաև անտառային պուրակները: Լոն-

դոնի ավագանով է հոսում թեմզան, որը չնայած մեծ գետ չէ, բայց մակընթացության ալիքի շնորհիվ նրանով անգամ ~~ռավերանոսային~~ նավերը կարողանում են շարժվել մինչև Լոնդոն: Երա հետևանքով Լոնդոնը, թեպետև գտնվում է ծովափից տասնյակ կիլոմետրերով հեռու, այնուամենայնիվ դարձել է աշխարհի խոշորագույն ծովային նավահանգիստներից մեկը:

‘Ֆիզիկա-աշխարհագրական տեսակետից մի յուրօրինակ լանդ-շաբտային շրջան է ներկայացնում Անգլիայի ծայր հարավ-արևելյան մասը: Այստեղ տիրապետում են Մեզոպոյան ապարներից կազմված կավճային շերտերը, որոնք ընդարձակ լայն թմբերով ձգվում են արևմուտքից-արևելք: Նրանցից են Ուիլդի բլուրները, որոնք ունեն մինչև 265 մետր բարձրություն և տեղ-տեղ ծածկված են կաղնու և հաճարի խիտ անտառներով: Այս միևնույն շրջանում հայտնի են նաև Հյուսիսային և Հարավային Դառնուս թմբաշարերը: Սրանք նույնպես կազմված են կավճային ապարներից, և հենց այդ պատճառով նրանց մակերեսույթը խիստ աղքամ է շրերով, մինչդեռ նրանց ստորոտներում, որտեղ կենտրոնացած է բնակչությունը, բազմաթիվ ջրառատ աղբյուրներ կան: Այդտեղ անտառային բուսականության հետ միասին մեծ զարգացման է հասել գյուղատնտեսական զանազան կուլտուրաների մշակությունը:

Հարավ-արևելյան Անգլիայի բնորոշ առանձնահատկություններից մեկը պետք է համարել համեմատաբար տաք, հյուսիսային ֆրանսիայինին մոտիկ կլիմայի առկայությունը: Այդտեղ առանձնապես բարձր է արևոտ օրերի թիվը: Այդ մասի հարավային ծովափը հոշակված է մի ամբողջ շարք կուրորտային քաղաքներով, որոնք ամեն կողմից շրջապատված են կանաչ ~~այգիներով~~, պուրակներով և աշքի են ընկնում հիանալի լողափերով: Նրանք բոլորն էլ լոնդոնի հետ կապված են երկաթուղային և ավտո-խճուղային ճանապարհների խիտ ցանցով:

Ի՞ՌԱՆԴԻԱ

Իոլանդիան բռնում է մոտ 84.000 քառ. կմ տարածությունունա Մեծ Բրիտանիա կղզուց բաժանված է Հյուսիսային շրանցքով (որն ունի մոտ 21 կմ լայնություն), իոլանդական ծովով և Ս. Գեորգի ջրանցքով: Կղզու ձգվածությունը հյուսիսից-հարավ հասնում է մոտ 480 կմ, արևմուտքից-արևելք՝ 180 կմ: Իոլանդիայի տերիտորիայի մեծ մասը ներկայացնում է Հարավային ա-

միայն ծայրամասերում բարձրանում են ոչ մեծ բարձրության հին լեռնային զանգվածներ: Նրա կառուցվածքում տիրապետում են գլխավորապես Կեմբրի ու Սիլուրի նստվածքները, որոնց հզորությունը հարթության կենտրոնական մասում հասնում է 30—40 մետրի, իսկ ծայրամասերում՝ 80—100 մետրի: Կղզու հյուսիսային մեծագույն մասը ունի կալեդոնական ծագում, իսկ հարավ-արևմրտյան մասը՝ հերցինյան: Կղզու ծայրամասային լեռները կազմված են մասամբ Դենի ավազաքարերից և մասամբ հրային ապարներից՝ բազալտներից, սիենիտներից, անդեզիտաներից ու քվարցիտներից: Փոքր տարածում ունեն Տրիասի ապարները: Վերը հիշատակված ապարներից կազմված են կղզու հյուսիսային մասում՝ Դոնեցոյ և Նոնտրիմ լեռները: Էնտրիմ լեռները, առանձնապես ծովագինյա մասում, աշքի են ընկնում շատ լավ արտահայտված բազալտասյուներով:

Դուչյանփի բնույթ ունեն նաև կղզու արևմուտքում Կոննեմարե, հակ արևելքում՝ Ուփկլոու լեռները: Կղզու հարավ-արևմտյան մասումն է գտնվում Կարրենտալել գանգվածը, որն ունի 1140 մետրը բարձրություն և հանդիսանում է Իռլանդիայի ամենաբարձր կետը: Հիշված լեռների ծալքավորումը ունի հարավ-արևելուտքից դեպի հյուսիս-արևելք ուղղություն, իսկ կղզու հարավային մասում ծալքերը ձգվում են հիմնականում հյուսիս-արևմուտքից դեպի հարավ-արևելք: Այս վերջինները հանդիսանում են եվրոպական հերցինիդների Արմորիկյան աղեղի մի ճյուղը:

Իռլանդիան հերցինյան տեկտոնական էտապից հետո անընդհատ ենթարկվել է մասնատման: Նրա վրա խոշոր շափով ազդել է էրոզիան և մասամբ խզումները: Չոքքորդականում երկու անգամ ենթարկվել է սաոցապատման: Սաոցապատումների հետեանքով կղզու վրա առաջացել են մեծ քանակությամբ տաշտանման հովիտներ, սաոցադաշտային կրկեսներ՝ մորենային լճերով, հղկված ժայռեր և այլն: Հարթավայրերում մեծ տարածում ունեն ֆլյուվիոգլացիալ նստվածքները, սիվազային և խճաքարային կուտակումները և այլն: Հարթավայրերում մեծ տարածում ունեն ֆլյուվիոգլացիալ նստվածքները, սիվազային և խճաքարային կուտակումները և այլն: Սաոցադաշտային ժամանակաշրջանից հետո հոլանդիան ենթարկվել է տեկտոնական բնույթի տեղաշարժերի և ապա անջատվել է Մեծ Բրիտանիայից: Այդ ժամանակ ցամաքը շատ մասերում իջել է: Դրա շնորհիվ, ինչպես նաև սաոցադաշտերի գործունեության հետևանքով, կղզու ափերը խիստ կտրտվել են: Այդ տեսակետից աշքի են ընկնում կղզու հատկապես հյուսիսային և արևմտյան ծովագերը, որոնք ունեն ֆիորդների տեսք: Միանգա-

մայն այլ են կղզու հարավային և արևելյան ափերը, որտեղ իշեցում չի կատարվել կամ շատ թույլ է կատարվել: Երկրի այս մասերը առավելապես բնորոշ են ոփասային տիպի ափերով: Այս տեսակետից իոլանդիան շափազանց նման է Մեծ Բրիտանիային:

Իոլանդիայի ջրագրական ցանցը բավականին հարուստ է: Երկրում շատ կան մանր գետեր, լճեր ու ճահճներ: Գետերը կարծեն, ու դանդաղահոս: Նրանք շատ դեպքերում հոսում են լճեղի միջով: Ընդհանուր առմամբ իոլանդիայի գետերն ունեն ցածրագիր և շատ անորոշ ջրբաժաններ: Ամենաերկար գետը Շաննոնն է, որն ունի ընդամենը 350 կմ երկարություն: Նա անցնում է Շաննոն և մի քանի այլ լճերի միջով և թափվում համանուն ծոցը: Իոլանդիայի լճերը մեծ մասամբ սաղաղաշտային ծագում ունեն: Կան նաև կարստային ու տեկտոնական ծագումի լճեր: Տեկտոնական ծագման պատկանող լճերից է Լոկ-Նեյր, որ գտնվում է կղզու հյուսիսարևելյան մասում և գրավում է մոտ 396 քառ. կմ տարածություն: Իոլանդիայի գետերը ջրառատության և դանդաղահոսության պատճառով մեծ նշանակություն ունեն նավագնացության համար, սակայն խիստ փոքր է նրանց հիդրոէներգետիկ նշանակությունը:

Իոլանդիան ունի օվկիանոսային կլիմա, հատկապես արեմուտքում: Այս տեսակետից նա մտնում է կլիմայական նույն մարդագի մեջ, ինչ որ Մեծ Բրիտանիան: Իոլանդիայի ձմեռը շափազանց մեղմ է, Այսպես, օրինակ՝ Դուրլինում ամենացուրտ ամսվա միջին ջերմաստիճանը պլյուս 4,70 °է: Ամռանը բավականին զով է, բայց որում հովիս ամսվա միջին ջերմաստիճանը Դուրլինում կազմում է 15,40: Գարունը համեմատաբար ցուրտ է, պատահում են դեպքեր, երբ մարտի միջին ջերմաստիճանը հունվարի միջին ջերմաստիճանից ցածր է լինում: Զափազանց հաճախակի են մառախուղներն ու անձրևները: Շատ է տեղումների քանակը, կղզու արևմբռտյան ծովափին այն հասնում է մինչև 1500 մմ, հարավ-արևմբռտյան ծովափին՝ մինչև 2000 մմ, իսկ Դուրլինում՝ 740 մմ: Ջուրնը հազվադեպ է և երկար չի նպաստում: Տեղումները բաշխված են համեմատաբար հավասարաշափ, մի փոքր միայն նրանք ավել են աշնանն ու ձմռանը: Կղզու կլիմայական պայմանները համեմատաբար չոր ու ցուրտ են հյուսիս-արևելքում: Իոլանդիայում գերակռում են արևմտյան քամիները, որոնք հաճախ մեծ ուժի են հասնում:

Կղզու բուսականությունը շատ նման է Մեծ Բրիտանիային, բայց այստեղ անտառներն ավելի փոքր տարածություն են քոնում (տերիտորիայի մոտ 2 տոկոսը): Երկրի բուսական լանդշաֆտը

աշքի է ընկնում ամբողջ տարին (ամառ թե ձմեռ) կանաչ մարգագետիններով։ Հենց այդ պատճառով հոլանդիան հաճախ անվան-
✓ վում է «Կանաչ կղզի»։ Իոլանդիայի կենտրոնական մասերում զգալի տեղ են գրավում տորֆաճահիճները, որոնք բռնում են երկրի մոտ ^{1/7}-րդ մասը։

Իոլանդիայի առանձին վայրերում, շնորհիվ ձմեռվա մեղմ կլիմայի, աճում են մերձարևադարձային որոշ բույսեր, ինչպես, օրինակ՝ դափնին, բայց ամառվա ցածր ջերմության պատճառով չեն աճում խաղողը, եղիպտացորենը, պտղատու ծառերից՝ տանձենին, խնձորենին և բազմաթիվ այլ ծառեր։ Իոլանդիայում կուլտուրական բույսերից ամենից շատ մշակում են կարտոֆիլ, վուշ, գարի և վարսակ։ Ցորենն ու լոբազգիները վատ են աճում։

Իոլանդիայի կենդանական աշխարհը տեսակներով աղքատ է։ Մասնավորապես սողունները բոլորովին բացակայում են։ Խոշոր կենդանիներից շատերը (օրինակ՝ գայլը) ոչնչացված են։ Գետերն ու ծովերը շատ հարուստ են ձկներով։ Նրանցից տարածված են հատկապես տառեխը, մակրելը և սաղմոնազգիները։

Իոլանդիայում կարելի է առանձնացնել ֆիզիկա-աշխարհագրական մի շարք շրջաններ։ Դրանցից արևմտյան ծովափը աշքի է ընկնում ծովափնյա գծի, ինչպես նաև լեռնային ուղիղեթի իջևած մեծ մասնատվածությամբ։ Առափնյա գոտին հայտնի է բազմաթիվ ծովածոցերով, խորշերով և կղզիներով։ Կլիման ծայրաստիճան խոնավ է, ամպուտ։ Կենտրոնական ցածրագիր հարթությունը նշանավոր է բազմաթիվ լճերով, ճահիճներով և տորֆաճահիճներով։ Հյուսիսի լեռնային շրջանը բնորոշվում է լավ արտահայտված ջորրորդական սաղացաղտային ուղիղեթի մշակվածությամբ, ինչպես նաև շատ խոնավ և զով կլիմայով, լճերով և տորֆաճահիճներով։ Հարավ-արևելյան ծովափի համար տիպիկ է մասամբ ցածրագիր և մասամբ ոչ բարձր լեռնային ուղիղեթի։ Սովորաբ քիչ է մասնատված։ Ունի համեմատաբար ոչ շատ խոնավ կլիմա և արգավանդ հողեր։ Վերջապես, հարավային լեռնոտ ծովափը բնորոշվում է հիմնականում մեղմ ու տաք կլիմայական պայմաններով։

Թրամափայի միջին բարձրության (Հերցիթյան) լեռների և գաղտավարերի մարզ

Միջին եվրոպայի արևմուտքում ընկած է հերցինյան լեռնային սիստեմների մի ընդարձակ մարզ, որը Մելոպոյում և նրանից

Հետո լեռնակազմական պրոցեսների հետևանքով ենթարկվել է ուժեղ կոտրատման, ջրաբխականության, երբեմն ծովային տրանսպորտայի և պենսպիենացման: Այդ մարզի ժամանակակից ռելյեֆի ստեղծման գործում կարևոր դեր են կատարել դիզյունկտիվ դիսլոկացիաներն ու հրաբխալին պրոցեսները, որոնք տեղի են ունեցել Մեղողոյում և շարունակվել երրորդականում: Այս ամենի հետևանքով հերցինյան ծալքավորությունների ժամանակակից ռելյեֆը բնորոշվում է միջին բարձրության բեկորային և կամարաձև զանգվածներով, կուեստային թմբերով, բլուրներով ու հարթություններով:

Ռելյեֆի հենց այսպիսի ձևերով է բնորոշվում այս շրջանը, որ հաճախ անվանվում է նաև հերցինյան Ֆրանսիա:

Հերցինյան Ֆրանսիայի բնական սահմաններն են կազմում օվկիանոսը, Լա-Մանշ և Պա-դե-Կալե նեղուցները, Միջերկրական ծովը, Պիրենեյան ու Ալպյան լեռները և Հունոսյան գրաբենը:

Երրորդականի ընթացքում հերցինյան Ֆրանսիայի առանձին մասերը ենթարկվել են ուղղաձիգ (տեղ-տեղ՝ կամարաձև) բարձրացման: Այդ ամենի հետևանքով առաջացել են առանձին զանգվածներ, որոնք միմյանցից բաժանված են ընդարձակ իջվածքներով ու հարթավայրերով: Դրանցից իր գրաված տարածությամբ ու բարձրությամբ ամենախոշորը Կենտրոնական Ֆրանսիական բարձրավանդակն է: Սա անհամեմատ բարձր է հարավային կեսում և ցածր՝ հյուսիս-արևմուտքում:

Նրա հարավ-արևելյան բարձրադիր մասը կոչվում է Սեվիեն: Զանգվածի բարձր գագաթներից հայտնի է Պյուի-դե-Սանսի հանգած հրաբուխը: Կենտրոնական Ֆրանսիական բարձրավանդակը բոլոր կողմերից շրջապատված է հարթություններով: Նրանից դեպի արևմուտք ընկած է Գարոննայի ընդարձակ դաշտավայրը, իսկ դեպի արևելք՝ հյուսիսից-հարավ ձգվում է Բոնայի և Սոնայի հովիտը, որն ունի տեկտոնական ծագում: Զանգվածից հյուսիս տարածվում է Հյուսիսային Ֆրանսիական ավազան: Հյուսիս-արևմուտքում ձգվում է Պուատու իջվածքը, որը Կենտրոնական Ֆրանսիական բարձրավանդակը բաժանում է հերցինյան ծագում ունեցող Բրետան և Նորմանդական (Արմորիկյան) զանգվածներից: Նույն ծագումն ունի նաև կոտանտեն թերակղզու բարձրությունը: Նրանք բոլորն էլ հիմնականում կազմված են գրանիտներից, Պալեոզոյի ավաղաքարերից ու թերթաքարերից և հրային ապարներից: Ունեն չնշին

բարձրություն, որի հետևանքով նրանց գրաված տարածությունն ստացել է բլրածածկ հարթության տեսք: Համեմատաբար ավելի բարձր են Արդենները (մինչև 500 մետր բարձրությամբ) և Վագենները (մինչև 1426 մետր): Սրանց արանքում տեղափոխված է լոռաբինդյան պլատոն, որը հոչակված է երկաթի հարուստ հանքերով: Վոգեզներից արևելք ընկած է Վերին Հովենոյան իջվածքը, որի մի մասը հայտնի է Էպասի հարթություն անվամբ:

Հերցինյան Ֆրանսիայի մնացած տարածությունները, առավելապես հարթավայրերը, մեծ մասամբ կազմված են Մեզոզոյի և Երրորդականի շերտերից: Համեմատաբար փոքր տեղ են գրավում նեղենի և Չորրորդականի նստվածքները: Ընդհանրապես Ֆրանսիայում հարթավայրերը մեծ մասամբ ծածկված են գետային նստվածքներով, որոնց տակից հաճախ մերկանում է Կավճի և Երրորդականի մերգելներից, կավերից, կրաքարերից, կավճից ու ավազաքարերից կազմված հիմքը:

Ֆրանսիան ամբողջովին ընկած է հյուսիսային լայնության $42^{\circ}20'$ -ի $51^{\circ}05'$ -ի միջև: Այն մշտակես ենթակա է Ատլանտյան օվկիանոսից դեպի արևելք շարժվող օդային զանգվածների ուժեղ ազդեցությանը: Հիմնականում ունի բարեխառն-տաք և մեղմ կիմա: Տիպիկ օվկիանոսային կլիմայով առանձնանում են՝ Լա-Մանշի ծովափը, Կոտանտեն և Բրետան թերակղզիները և նրանցից հարավ՝ մինչև Լուարայի գետաբերանն ընկած մասը: Ֆրանսիայի հարավային ծովափն ունի միջերկրածովային տիպի կլիմա: Ամառը շոր է ու ջոգ, իսկ ձմեռը, տաք ու խոնավ: Համեմատաբար ավելի խիստ կլիմայական պայմաններում են գտնվում բարձր լեռնային շրջանները, որտեղ որոշ չափով նկատվում է ուղղաձիգ զոնալությունը (Կենտրոնական Ֆրանսիական զանգվածի և Վոգեզների շրջաններում):

Հերցինյան Ֆրանսիայի սահմաններում հունվար ամսվա միջին ջերմաստիճանները հարավում և արևմուտքում կազմում են $+5^{\circ}$ — $+8^{\circ}$, իսկ հյուսիս-արևելքում՝ $+20^{\circ}$ և պակաս: Հուլիս ամսվա միջին ջերմաստիճանները հարավում հասնում են 23 — 24° -ի, իսկ հյուսիսում՝ 17 — 18° -ի: Մեղմ ձմեռը հատուկ է առանձնապես հարավային և արևմտյան Ֆրանսիային, իսկ տիպիկ ծովային կլիման՝ արևմտյան շրջաններին: Արևելյան Ֆրանսիայում տարեկան միջին ամպլիտուդը կազմում է մոտ 18° , իսկ ծայր հյուսիս-արևելքում՝ նույնիսկ մինչև 20° : Այստեղ արդեն զգացվում է կլիմայի որոշ կոնտինենտալություն:

Հերցինյան Ֆրանսիան ընկած է աշխարհագրական այն լույսության տակ, որտեղ գերիշխում են արևմտյան խոնավաքեր քամիները: Ամենից շատ տեղումներ թափվում են արևմտյան ծովափին և բարձր լեռնային շրջաններում: Այդ մասերում տեղումների տարեկան միջին քանակը երրեմն 1000 սմ-ից ավելի: Էնհամեմատ ավելի չոր են ներքին շրջանները, ինչպես նաև Ֆրանսիայի միջերկրական ծովափը: Օրինակ, Հյուսիս-ֆրանսիական դաշտավայրում տեղումների տարեկան միջին քանակը կազմում է 500—600 մմ., Գարոննայի հովտում՝ 600—750 մմ, իսկ Ֆրանսիայի հարավ-արևելյան ծովափին՝ 500—600 մմ: Տեղումների առավելագույնը բաժին է ընկնում հիմնականում աշնան ու երրիմն գարնան ամիսներին, սակայն Հյուսիս-արևելքում, ինչպես նաև լեռներում ավելի շատ տեղումներ թափվում են ամառվա, իսկ հարավային ծովափին՝ ձմռան ամիսներին: Տիրապետում են անձրևային տեղումները. ձյուն գալիս է, սակայն բացառությամբ լեռնային շրջանների, հաստատուն ծածկ չի կազմում: Կլիմայի տեղական առանձնահատկություններից կմիացրած կոչվող ցուրտ քամին, որը սովորաբար փշում է լեռներից դեպի նոնայի հովիտրք:

Ֆրանսիայի բուսականությունը բնորոշվում է պալեարկտիկ մարդի ատլանտյան ենթամարդին պատկանող տեսակներով: Երկրում տարածված են լայնատերեկ անտառները, որտեղ գերակշռում են հաճարին, շագանակենին, մշտադալար կաղնիները և թփուտները (դափնի, փշարմավ): Հարավային ծովափը բռնված է առավելապես միջերկրածովային տիպի բուսականությամբ: Այստեղ տարածված է մաքվիսը, ծառերից՝ մշտադալար կաղնին, ձիթենին և այլն: Կենտրոնական Ֆրանսիական բարձրավանդակում և Վոգեզներում լայնատերեկ անտառները դեպի վեր փոխարինվում են փշատերեկ անտառներով, որոնցում գերակշռում է եղնինին իր մի քանի տեսակներով, սոճին և խիժափիծին:

Ֆրանսիայի հյուսիս-արևելքում տարածված են անտառային մոխրագույն և գորշ հողեր: Պոդկողային և տորֆաճահճային հողերը մեծ տարածում ունեն հիմնականում Բրետանում, Կենտրոնական Ֆրանսիական բարձրավանդակում, մասամբ նաև Բիսկայան ծովափին: Ֆրանսիայի այն շրջանները, որոնք ընկած են լուարայի, Գարոննայի, մասամբ նաև նոնայի ավագաններում, բռնված են դեղնազոգերով: Կարմրահողերով են ծածկված Միջերկրականի ծովափնյա շրջանները:

Հերցինյան Ֆրանսիայի հիդրոգրաֆիկ ցանցը բավական խիտէ. դրան նպաստում է տեղումների բավարար քանակը: Գետերը մեծ մասամբ հոսում են գելի Ատլանտյան օվկիանոս, որի ավազանին պատկանող խոշոր գետերից են Դարոննան, Լուարան, Սենան, Մասսը, Մողելը և ուրիշները: Միջերկրական ծովի ավազանին պատկանող միակ խոշոր գետը Ռոնան է: Վերը թվարկած գետերից Լուարան իր ձախակողմյան խոշոր վտակներով (Ալյե, Շեր, Վենն) սնվում է անմիջականորեն Կենտրոնական Ֆրանսիական զանգվածից, Դարոննան մեծ մասամբ Պիրենեյներից է սնվում, սակայն նրա աջ վտակները իրենց ջրերը հավաքում են Կենտրոնական Ֆրանսիական զանգվածի հարավ-արևմտյան լանջերից: Սենան իր վտակներով (Էնա, Մառնա և այլն) իր մեջ է հավաքում Փարիզյան ավազանի ջրերը, Ռոնան և նրա ձախ վտակները (Իզեր, Դյուրանս և այլն) սնվում են հիմնականում Ալյեթից բայց Ռոնայի աջ վտակ Սոնան՝ Վոգեզների հարավային լանջերից: Ռեժիմի տեսակետից Վերին Ռոնան և մասամբ Դարոննան պատկանում են ալպիական տիպին, նրանց մակարդակի առավելագույն բարձրացում լինում է ամռանը: Սենան և Լուարան պատկանում են արևմտաեվրոպական (մերձատլանտյան) տիպի գետերին: Նրանց ջրերի նվազագույն մակարդակը լինում է ամռանը, իսկ առավելագույնը՝ ձմռան վերջում և գարնան սկզբում: Ֆրանսիայի բոլոր մեծ գետերը ընդհանրապես ջրառապատճեն են իբրև կանոն չեն սառչում: Նրանց շատերը, որոնք հոսում են գելի Ատլանտյան օվկիանոս, դրիթե բոլորն էլ ունեն էստուարներ, իսկ Ռոնան՝ բավական ընդարձակ ու ցածրադիր գելտա:

Ֆրանսիայի, ինչպես նաև առհասարակ կենտրոնական Եվրոպայի, Փառանան պատկանում է պալեարկտիկ մարզի եվրոպական և միջերկրածովային ենթամարզերին: Դրանցից առաջինի համար բնորոշ են գեռես տեղ-տեղ հանդիպող գայլը, այնուհետև՝ եղջերուն, այծյամը, խլուրդը, ողնին, երգեցիկ թոշունները, իսկ երկրորդի (միջերկրածովային ենթամարզի) համար սվելի բնորոշ են վիթը, լեռնային ողխարը (մուֆլոնը) սողուններն ու երկկենցաղները:

Ֆիզիկա-աշխարհագրական պայմանների բազմազանության շնորհիվ հերցինյան Ֆրանսիայում կարելի է առանձնացնել լանդշաֆտային մի շարք շրջաններ: Դրանք են՝ Փարիզյան ավազանը, Հյուսիս-արևելյան շրջանը, Բրետանի շրջանը, Կենտրոնական Ֆրանսիական զանգվածը, Ակվիտանյան դաշտավայրը և միջերկրածովային շրջանը:

ՓԱՐԻԶՅԱՆ ԱՎԱՋԱՆ

Սա Ֆրանսիայի ամենաընդարձակ դաշտավայրային, մասամբ՝ բլրութ շրջանն է, որ մեծ մասամբ բռնված է Սենալի սիստեմով: Սենան և նրա բազմաթիվ վտակները հովհարած ձգվում են դեպի Ֆրանսիայի կենտրոնը, դեպի Փարիզ, և այդ պատճառով էլ այս դաշտավայրը ստացել է Փարիզյան ավազան անունը: Փարիզյան ավազանը տեղավորված է Արդենների, Վոգեզների, Բրետանի և Կենտրոնական Ֆրանսիական բարձրավանդակի միջև և բռնում է Ֆրանսիայի $\frac{1}{4}$ -ը: Գետերի ջրաժանների աննշան բարձրությունը և ուղյեթի ընդհանրապես թույլ բլրապատ հարթավայրային ընույթը մեծ հարմարություններ են ստեղծում ջրանցքային ցանց ստեղծելու համար: Ավազանի մի զգալի մասը կազմված է Երրորդական հասակի նստվածքային ապարներից: Այս շրջանում առաջացել են մի կողմից ընդարձակ, հարթ կամ շատ թույլ կտրտված շոր պլատոններ, մյուս կողմից՝ այդ պլատոնների արանքում ընկած դեպքերոն հարթություններ, որոնք ավելի հարուստ են աղբյուրներով ու հոսող ջրերով: Ավազանի արևմտյան մասը՝ Պիկարդիայի հարթությունն ու արևելյան Նորմանդիան կազմված են զիխավորապես կավճից: Այդ մասն ունի պլատոյած թույլ ալիքալոր ուղյեթ: Նրանով հոսող գետերն ունեն բավականին լայն հովիտներ: Ավազանի արևելյան մասում տեղանքը հետզհետե բարձրանում է, թեպետ համեմատաբար թեք լանջի ձևով: Այդ թեքության վրա գետերը առաջացրել են մի շարք աղեղնաձև կուսատային թմբեր, որոնց զարիթափ լանջերը նայում են դեպի արեւելք: Այսպիսի կառուցվածք ունի Շամպայնի նահանգը, որի մի մասը «չոր Շամպայն» անվամբ իրենից ներկայացնում է քիչ պտղաբեր, համեմատաբար թույլ բնակեցված, կազմային ապարներից կազմված ոչ բարձր մի պլատո: Նրանից դեպի արևմուտք ձգվում է կուսատային թմբերի առաջին խումբը, որը հայտնի է Ի-դր-Ֆրանս անունով: Շամպայն նահանգի հարավ-արևելյան ծայրամասը հայտնի է «խոնավ Շամպայն» անունով: Վերջինս իրենից ներկայացնում է մի դեպքեսիա, որը դեպի հյուսիս հետզհետե նեղանում և ապա սահմանափակվում է Արդենների անտառապատ բլրաշարով: «Խոնավ շամպայնը» անհամեմատ խիտ է բնակեցված: Այն ունի բավականին արգավանդ հողեր, որոնք լավագույն կերպով օգտագործվում են այզեգործական և բանջարանոցային կուտուրաների մշակության համար: Շամպայն նահանգում մեծ զարգացում ունի հատկապես խաղողա-

մշակությունը, որի բազայի վրա՝ նաև գինեգործությունը։ Հայտնի են այդ նահանգի անունը կրող «Նամպայն» գինիները։ Փարիզի ավազանի ամենահյուսիսային մասում ընկած է Վրտուայի բլրոտքարձրությունը, իսկ նրանից հյուսիս տարածվում է ֆրանսիական Ֆլանդրիան, որն իրենից ներկայացնում է մի հարթ դաշտավայր։ Վերջինիս մակերևույթը, ի տարբերություն Փարիզյան ավազանի, հնագույն սառցադաշտի թողած ազդեցության հետևանքով բավականին քարքարոտ է և քիչ պտղաբեր։ Փարիզյան ավազանի հյուսիս-արևմտյան մասում ընկած է Նորմանդական բարձրավանդակը, որը հերցինյան ժագում ունի և իրենից ներկայացնում է մի բլրոտքարձր շրջան։ Նրա ամենաբարձր կետը ընդամենը 417 մետր է։

ՀՅՈՒՍԻՍ-ԱՐԵՎԵԼՅԱՆ ՇՐՋԱՆ

Սա իր մեջ ընդգրկում է Վոգեզները, Լոթարինգիայի պլատոն և Էլզասի հարթությունը։ Վոգեզները, որ կազմում են այս շրջանի օրոգրաֆիայի գլխավոր էլեմենտներից մեկը, իրենցից ներկայացնում են կամարածե բարձրացած Վերին Հոկենուան շրջանի խզումային զոնայի արևմտյան բարձրադիր թեր։ Նրանցից արևելք ընկած է Վերին-Հոկենուան գրաբենը, իսկ ավելի արևելք՝ Նվարդվալդը։ Վոգեզները, որ ձգվում են Հոկենուի ձախ ափին զուգահեռ, մոտ 160 կմ երկարություն և մինչև 40 կմ լայնություն ունեն։ Նրանց առավելագույն բարձրությունը 1432 մետր է, Վոգեզները ցածրադիր մասում ծածկված են լայնատերևն (գլխավորապես հաճարի), իսկ բարձրադիր մասում՝ փշատերև անտառներով։ Անտառը սովորաբար հասնում է մինչև 1200 մետր բարձրության։ Վոգեզներում տարվա ցուրտ շրջանում տեղումները թափվում են ձյան ձևով, որը և առաջացնում է կայուն ծածկ։ Լեռնակատարային մասում ձյունը պահպանվում է 4—5 ամիս։

Վոգեզներից հյուսիս և հյուսիս-արևմտութք, մինչև Հոկենուան թերթաբարային լեռները, տեղավորված է Լոթարինգիան պլատոն։ Սա ունի մինչև 200 մետր (և մի փոքր ավելի) բարձրություն։ Անդյանի համար բնորոշ են կուեստային թմբերը, որոնք բարձր մասերում ծածկված են լայնատերևն անտառներով։ Նրջանի կլիման Փարիզյան ավազանի համեմատությամբ մի փոքր ավելի խոնավ է և ցուրտ։ Զմռանը տեղումները հաճախ թափվում են ձյան ձևով և երբեմն կարճատե ժամանակով նստում։ Երբեմն լինում են նաև սառնամանիներ, որոնք սովորաբար գարնանը վնասում են այգիներին։

Ամառը շափավոր տաք է, հուլիս ամսվա միջին շերմությունը մոտ +18° է: Վոգեզներից արևելք, Հունոսի ձախ ափի երկարությամբ ձգվում է էլզասի հարթությունը, որը ծածկված է ալյուվիալ նստվածքներով և մարգագետիններով: Հարթության արևմտյան կեսը բռնված է այգիներով և վարելահողերով:

ԲՐԵՏԱՆ

Բռնում է համանուն թերակղզին: Հերցինյան ծագումի այս բարձրավանդակը, որ ենթարկված է եղել պենեպլենացման, Երրորդականում համեմատաբար փոքր շափով կամարածն բարձրացել է: Որի հետևանքով թերակղզու ծայրամասերը որոշ շափով իջել են և ծովը ներխուժել է գետաբերանները, առաջացնելով բազմաթիվ թերակղզիներ, ծոցեր ու խորշեր: Այս ձևով է առաջացել Բրետանի խորշը, որի ափին գտնվում է Բրետանի ռազմական նավահանգիստը: Բարձրացումները առավել ինտենսիվ բնույթ են կրել Բրետանի կենտրոնական մասում, որտեղ գտնվում է այս շրջանի ամենաբարձր հատվածը՝ Սեն-Միշել գուգաթը (391 մետր բարձրությամբ): Բրետանի այս մասը Ալլանտյան օվկիանոսի մոտիկության պատճառով շատ խոնավ է: Առաջներում Բրետանը ծածկված է եղել խիտ անտառներով, սակայն մարդու անխնա վերաբերմունքի հետևանքով նրանք մեծ մասամբ ոչնչացված են: Նրանց տեղում այժմ ավելի շատ տարածված են թփուտներն ու ցախաստանները: Երկրաբանության, ինչպես նաև գեոմորֆոլոգիական առանձնահատկություններով Բրետանից գրեթե ոչնչով չեն տարբերվում նորմանդական և Պուատուի բարձրությունները:

ԿԵՆՏՐՈՆԱԿԱՆ ՖՐԱՆՇԻԱԿԱՆ ԶԱՆԳՎԱԾ

Սա իրենից ներկայացնում է հերցինյան Ֆրանսիայի ամենաընդարձակ և ամենաբարձր լեռնային շրջանը, որից հովհարածն ցած են հոսում Լուարայի, Գարոննայի, Սենայի ու Ռոնայի սիստեմներին պատկանող բազմաթիվ վտակներ: Զանգվածի բարձր մասերից նրա հարավ-արևելյան մասում հայտնի է Սեվիննը, որը զառիթափ լանջերով իջնում է դեպի Ռոնային հովիտը: Զանգվածի այս լանջը առաջացել է Ռոնայի հովտի սահմաններում երկրակեղեկի իշեցման հետևանքով: Գեոմորֆոլոգիական տեսակետից կենտրոնական Ֆրանսիական զանգվածում կարելի է առանձնացնել մի շարք շրջաններ:

Ա. Լիմուզեն պլատո.—ընկած է կենտրոնական գանգվածի հյուսիս-արևմտյան մասում: Ներկայացնում է հին պենեպլենի արահարթածե բարձրություն: Կազմված է գրանիտներից և ունի **200—500** մետր միջին բարձրություն: Այսաեղ առավել մեծ բարձրություններով (**մինչև 984 մետր**) առանձնանում է **Միլիվաշ** պլատոն: Լիմուզենի **մակերեսույթը** ժամանակակից գետերի էրո-զիայի շնորհվ աչքի է ընկնում մի շարք խոր հովիտներով: Պլա-տոյի մինչև **500** մ բարձրությունները ծածկված են կուլտուրական բուսականությամբ, դրանից վեր հաճարի անտառներ են և ապա ցախաստաններ: Ցածրադիր գոգհովիտները մեծ մասամբ բռնված են ճահճներով:

Բ. Օվերն.—սա Կենտրոնական ֆրանսիական գանգվածի ամենաբարձր մասն է: **Աշրի է ընկնում գրաբենների և հորսոտերի տարածումով:** Ուժեղ զարգացման են հասել հրաբխային ձևերը, որոնք այս կամ այն չափով քայլայված են: Հրաբխային աշքի ընկնող գագաթներից է **Պուլի-դե-Դոմը** (**մոտ 1463 մե բարձրու-թյամբ**): Հրաբխային լանդզաֆտի բնորոշ ձևերով շատ ավելի տի-պիկ է **Մոնդոր զանգվածը**, որը գետային էրոզայի ազդեցության հետևանքով խիստ կերպարանափոխված է: Նրա վրա է գտնվում **Պուլի-դե-Սանսի գագաթը** (1886 մ), որը համարվում է ամբողջ հերցինյան ֆրանսիայի, ինչպես նաև կենտրոնական Եվրոպայի **միջին բարձրության լեռների ամենաբարձր կատարը**: Օվերնի կա-րեռը մասերից է **Կանտալ հրաբխային զանգվածը**, որը նույնպիս խիստ մասնատված է: Նրա լանդզերին առաջացել են գետահովիտնե-րով խոր կտրտված ու առանձնացած պլատոններ, որոնք կոչվում են «պլանեզ»: Սրանց ցածրադիր մասերը ծածկված են անտառնե-րով, իսկ բարձր մասերը՝ արոտավայրերով: Ընդհանուր առմամբ պլանեզներն աշքի են ընկնում արգավանդ հողերով և հորդառատ աղբյուրներով:

Գ. Կենտրոնական ֆրանսիական լեռնազանգվածում մի տուան-ձին շրջան է իրենից ներկայացնում **Սևենները**: Սրանք ընկած են կենտրոնական զանգվածի հարավ-արևելյան ծայրամասում: Կազ-մրված են **Պալեոզոյի գրանիտներից** և զանաղան հրային ապարնե-րից: Դեպի **հարավ-արևելք** **Սևեններն իջնում են խիստ զառիթափ** լանջերով, առաջացնելով խոր գետահովիտներ, դժվարամատչե-լի **կիրճեր** ու ձորակներ: Սևեններում շատ լավ արտահայտված են բուսականության ուղղածիգ զոնաները, ըստ որում ստորոտում

աճում են միջերկրածովային բույսեր, այնուհետև տարածվում են լայնատերև անտառները, իսկ բարձրում՝ մարգագետինները:

Դ. Կենտրոնական Ֆրանսիական զանգվածում երկրաբանական, ինչպես նաև գեոմորֆոլոգիական առումով մի ինքնուրուց շրջան է ներկայացնում Կոսս պլատոն: Այս տնունով կոչվում է Կենտրոնական Ֆրանսիական բարձրավանդակի հարավային ծայրամասը, մի տիպիկ կարտային երկիր, որ կազմված է Յուրայի կրաքարերի հաստ շերտերից: Նրա հարավ-արևելքում Գոան-Կոսս զանգվածը հասնում է 1000 մետր բարձրության և բռնված է կարստային լանդշաֆտի բնորոշ ձևերով: Ավելի ցածրադիր է հարավ-արևմուտքում ընկած կրաքարային Պտի-Կոսս պլատոն, որը գրավում է Գոանը և Լո գետերի հովիտները և ծածկված է մարգագետիններով:

Կենտրոնական Ֆրանսիական զանգվածից մի փոքր Հյուսիսական գտնվում է Մորվան զանգվածը: Սա կենտրոնական սարահարթից բաժանված է Լուարա գետը Ռոնայի սիստեմին միացնող Կենտրոնական ջրանցքով: Մորվան զանգվածն ունի մոտ 850 մետր բարձրություն: Ռելիեֆը բնորոշ է սեղանաձև բարձրություններով: Այն կտրված է խզվածքներով և էրոզիոն բնույթի աստիճաններով: Փոքր բարձրությունների պատճառով Մորվան զանգվածն ունի ավելի մեղմ կլիմա. որի հետևանքով այն գրեթե ամբողջապես յուրացված է և ավելի խիտ բնակեցված: Կան անտառային մեծ զանգվածներ, որոնք ավելի լավ պահպանված են Մորվանի բարձրադիր շրջաններում, զառիթափ լանջերին և առանձին լեռնագագաթների վրա: Մորվան զանգվածի հյուսիսային շարունակությունն է կազմում Լանդր պլատոն:

ԱԿՎԻՏԱՆՅԱՆ ԴԱՇՏԱՎԱՅՐ (*Գալլուստի*)

Ակվիտանյան դաշտավայրը այլ կերպ կոչվում է Գարոննայի գաշտավայր: Այն տեղակարգված է Կենտրոնական Ֆրանսիական զանգվածի, Պիրենեյների և Բիսկայան ծոցի միջև: Նրա արտաքին ծածկում մեծ տեղ են գրավում երրորդականի և Չորրորդականի նստվածքները, որոնք հիշեցնում են Ալպան մոլասները (կավեր, ավազաքարեր և կրաքարի բարակ շերտեր): Դրանք առաջացել են հիմնականում Պիրենեյան լեռների ողողման հնթակա նյութերի տեղափոխման շնորհիվ: Ակվիտանիայի հարավում ընկած են Լաննեմեղեն և Արմանյան պլատոնները, որոնք իրենցից ներկա-

յացնում են Պիրենեյներից հոսող բազմաթիվ գետերի արտածման կոները:

Ակվիտանիայում բնական պայմանների յուրահատկությումը ✓ միանգամայն առանձնանում է ծովափնյա հարթությունը, որը հայտնի է լանդեր անվամբ: Ալստեղ բնորոշ են ափագծի երկարությամբ ճգվող մի ամբողջ շարք բարձր ավազաթմբեր (գլուներ), Դյունային ավազները նախկինում, շնորհիվ արևմտյան ուժեղ քամիների ներգործության, հաճախ շարժվում էին դեպի հրկրի ներսը և իրենց ծածկի տակ առնում ցանքատարածությունները: Նրանց առաջինադասումը կասեցվեց միայն XIX դարում, շնորհիվ արհեստական անտառատնկման: Ներկայում լանդերի դյունային լանդշաֆտը համարյա ամբողջապես ծածկված է մերձծովյան սոճու անտառներով: Լանդերում մակերեսովը, շնորհիվ առատ տեղումների և միանգամայն հարթ տեղանքի, բռնված է բազմաթիվ ճահիճնեցով, լագունաներով ու լճերով:

Ակվիտանիան ունի տաք և խոնավ կլիմա: բարձր է հատկապես ամռան բարեխառնությունը, որը շատ է նպաստում հատկապես խաղողի և եգիպտացորենի մշակմանը: Գարոննայի հովիտը հրոշակված է ամբողջ Ֆրանսիայում, որպես խաղողամշակության ամենակարևոր շրջաններից՝ մեծքը: Խոնավությունը դեպի հարավ հետզհետե պակասում է, մոտենալով միջերկրածովային նորմային: Հարավային դիրքի պատճառով զերմաստիճաններն ավելի բարձր են, քան Բրետանում:

Ակվիտանիայում նշանակալից տարածում ունեն լայնատերեանտառները: Բնորոշ ծառերից են կաղնին (մի քանի տեսակներով) ու հաճարին: Աճում են նաև մշտադալար մացառուտներ (մաքվիս և այլն):

Ակվիտանիայի ավազանին հյուսիսից միանում է Պուատու բարձրությունը, իսկ նրանից էլ հյուսիս՝ Լուարայի գաշտավայրը, որի մի մասը կազմում է Վանդեյան հարթությունը: Լուարայի դաշտավայրը կապող օղակ է հանդիսանում Գարոննայի և Սինայի գաշտավայրերի միջև,

ՄԻԶԵՐԿՐԱԿԱՆ ՇՐՋԱՆ

Թռնում է լիոնի ծոցի մերձափնյա գոտին՝ լանգեդոկը և Պրովանսը: Նրա հյուսիսում գտնվեմ է Կենտրոնական Ֆրանսիան զանգվածը, արևմուտքում՝ Պիրենեյան, իսկ արևելքում՝ Ալպեր

յան յեռները: Սա նման է մի հսկայական ամֆիթատրոնի, որը աստիճանաձև իջնում է գեղի ծովը: Այդ աստիճանները կազմում են Կենտրոնական Ֆրանսիական բարձրավանդակի և Ալպերի հարավային եզրերը, որոնք ուռուցիկ կողմերով դեպի հարավ նայող երկու աղեղների ձև ունեն: Նրանց միջև տարածվում է Ռոնայի հովիտը: Երջանի արևմուտքում ընկած է ստորին կանգեղուկը, որը մի դաշտավայր է, իսկ արևելքում՝ բլրապատ ստորին Պրովանսը: Պրովանսից արևելքը, Ալպյան յեռների ցածրադիր լանջերի և Միջերկրական ծովի միջև, ընկած է ֆրանսիական Ռիվյերան, որը չոչակված է մի շարք խոշոր առողջարաններով (Նիցցա և այլն): Այս բոլոր շրջանների համար բնորոշ է միջերկրածովային տիպի կլիման: Ամառը չոր է և չոգ, ձմեռը՝ մեղմ, թեպետ երբեմն լեռներից փլող միստրայ կոչվող քամիների պատճառով լինում է ցուրտ: Բուսականությունը կազմված է մշտադալար կոշտատերև ծառերից: Այստեղ մեծ տարածում ունի մաքվիսը, ինչպես նաև մշտադալար կաղնին:

Կենտրոնական Եվրոպայի միջին բարձրության (Հերցիեյան) լեռների մարզ

Միջին բարձրության լեռների և մասամբ բարձրավանդակների այս երկիրը հյուսիսից սահմանափակված է Գերմանա-Լեհական դաշտավայրով, իսկ հարավից՝ Ալպ-Կարպատյան ծալքավորություններով: Երկրաբանական ժամանակաշրջանի տեսակետից մարզի լեռներն ունեն հին ժագում: Նրանք առաջացել են հերցինյան ժագավայրության շրջանում: Հենց այդ պատճառով միջին բարձրության այս լեռների և բարձրավանդակների համար բնորոշ են գագաթների կլորացած, հղկված ձևերը, երբեմն տորֆյան հիճներով բռնված տեղամասերը, լայն հովիտները, որոնց շրջապատող լեռները հաճախ ամբողջովին պատած են անտառներով և դեպի հովիտներն են իջնում սովորաբար հարթ լանջերով: Իրեն բացառություն հանդիպում են նաև նեղ կիրճեր և սրածայր գագաթներ: Այս ամենի հետ միասին արևմտյան Զեխոսլովակիայում, հարավային Գերմանիայում, ինչպես նաև մասամբ հարավային Լեհաստանում որոշակի տեղ են գրավում հարթված ցածրադիր տարածությունները, որոնք արդեն պլատոների կերպարանք ունեն:

Կենտրոնական Եվրոպայի միջին բարձրության լեռների մարզը

կազմված է բազմաթիվ առանձին գանգվածներից, որոնց շնորհիվ ուղևիքը շափազանց խճճված տեսք ունի: Այստեղ մեծ մասամբ տիրապետում են մնացորդային լեռնազանգվածները, որոնք միմյանցից բաժանված են քիչ թե շատ ընդարձակ գրաբեններով կամ իշվածքներով: Կենտրոնական ծվրոպայի միջին բարձրության լեռները կարելի է բաժանել չորս խոշոր խմբերի: Դրանցից առաջին խումբը, որ սկսվում է Ալպերի ու Յուրայի շրջանից և Հոկենոսի երկու կողմերով տարածվում է դեպի Հյուսիս՝ մինչև Ռուրի շրջանը, մի ընդհանուր անունով հաճախ անվանվում է Հոկենոսյան լեռների խումբը: Երկրորդ մեծ խումբը տեղավորված է Ալպերի և Կարպատների միացման վայրից հյուսիս, հիմնականում էլբայի և Օդերի վերին հոսանքների շրջանում և մի ընդհանուր անունով երբեմն կոչվում է Էլբս-Օդերյան լեռների խումբը: Լեռների երրորդ խումբը տեղավորված է նախորդ երկուսի արանքում, Մայն գետի հովտից հյուսիս, առավելապես Վեզերի վերնազավառում: Այս ճիշտ կինի անվանել Վեզերի լեռների խումբը: Չորրորդ խմբին պատկանում են հարավային Լեհաստանի Կելց-Սանդոմիրյան լեռները: Այժմ մի փոքր ավելի հանգամանորեն քննության առնենք այդ խմբերն առանձին-առանձին:

Ա) ՀՐԵՆՈՒՑԱՆ ԼԵՌՆԵՐԻ ԽՈՒՄԲԸ

Այս խմբի լեռներից ֆրանս-գերմանական սահմանի մոտ Հոկենոսի երկու ափերով ձգվում են՝ արևմուտքում Վոգեզներն ու Գարդտը և արևելքում՝ Շվարցվալդն ու Օդենվալդը: Այս շորս լեռնազանգվածները փաստորեն մի ամբողջություն են կազմում, որը մասնատված է Վերին Հոկենոսյան բավական խոր գրաբենով: Զորս զանգվածներն էլ իրար շափազանց նման են և իրենց ուղղություններով, և՝ դեպի Հոկենոս նայող լանջերի զառիթափությամբ, և՝ բարձրություններով: Նրանցից համեմատարար առավել բարձրության են հասնում Շվարցվալդի լեռները: Սրանց վրա է գտնվում Ֆելդերգ գագաթը, որն ունի 1423 մ բարձրություն:

Նշված լեռներից հյուսիս, Հոկենոսի երկու կողմերում ընկած են Հոկենոսյան Թերթաքարային լեռները, որոնք նույնպես միմյանցից բաժանված են Հոկենոսի ու նրա վտակների հովիտներով: Այս հատվածի աշքի ընկնող լեռներից են հարավային մասում Տառնուսը և Հունսուցուկը: Այս զույգից հյուսիս տեղավորված է Վեսսերվալդը և Էյֆելը: Ավելի հյուսիս տեղավորված են Զաուերլանդ և Բարձր

Յենն լեռները: Հոենոսյան Թերթաքարային լեռները իրենցից ներկայացնում են բարձրավանդակների տեսք ունեցող բլրոտ շըրջաններ (հատկապես հյուսիսում): Գետերը այստեղ հոսում են խոր հովիտներով:

Հոենոսյան լեռների խմբի մեջ ընդունված է հաշվել նաև Շվարցվալդից և Օդենվալդից արևելք ընկած Միջին Գերմանական բարձրավանդակը, որն այլ կերպ անվանում են Շվաբ-Ֆրանկոնյան ավազան կամ Շվաբ-Ֆրանկոնյան աստիճանավոր երկիր: Մակագմած է կորագագաթ բլուրներից և կրաքարային ցածրադիր պլատոններից, որոնք մասնատված են բազմաթիվ խզումներով: Այդ խզումների ճեղքերով տեղ-տեղ դուրս են հոսել լավաներ, որոնցից առաջացել են այդ մասի հրային ապարները: Ավազանի մակերևույթը շատ մասերում աչքի է ընկնում աստիճանաձև բարձրություններով: Այս նույն ձևով Միջին գերմանական բարձրավանդակի հարավ-արևմտյան մասում վեր է բարձրանում Շվարական Յուրան (մոտ 1015 մ բարձրությամբ): Նրա անմիջական հյուսիսարեւելյան շարունակությունն է կազմում Ֆրանկոնյան Յուրան, որն ունի մինչև 657 մ բարձրություն: Շվաբ-Ֆրանկոնյան ավազանը հյուսիսից սահմանափակվում է մի շարք ոչ շատ բարձր լեռնաշղթաներով, ինչպիսիք են Շպեսսարտը (կամ Սպեսարտը), Ֆոփելսբերգը և Ռյոն դանգվածը:

թ) Էլբաթի ՈՒ ՕԴԵՐԻ ԼԵՌՆԵՐԻ ԽՈՒՄԲ

Լեռների այս խմբի մեջ մտնում են Գեխական անտառը (որի ամենաբարձր գագաթն է Արրեր սարը՝ 1457 մ բարձրությամբ), Շումագալի լեռները, Բավարական անտառը, Ֆիխտել լեռները, Ֆրանկոնյան անտառը, Հանքային լեռները և Սուդենները, որոնց արևմտյան ամենաբարձր հատվածը կոչվում է Հակաների լեռները: Սուդետների վրա է գտնվում Սնեժկա կամ Շնեկոպե գագաթը, որը հանդիսանում է կենտրոնական Եվրոպայի միջին բարձրության լեռների ամենաբարձր կատարը (1603 մ): Սուդետները իրենց մորֆոլոգիական հատկանիշներով շատ նման են Գեխական անտառին: Նրանցում հողմնահարման, Գորրորդականի սաղցաղաշտի ազգեցության և էրողիայի շնորհիվ առաջացել են մերթ երկար, խոր, ակոսանման ճեղքեր (կառեր), մերթ՝ կլոր գոգավորություններ (կրկեսներ), որոնց հետևանքով տեղանքը շատ մասերում ստացել է ալպիական ռելլեֆի բնորոշ ձևեր: Այս խմբի լեռնա-

գանգվածների համարյա բոլոր գլխավոր գագաթները ընկած. և նրանց ներքին մասերում և նայում են դեպի լեռնաշղթաների մեջ պարփակված Զեխ-Մորավական բարձրավանդակը: Հանքային լեռներից արևելք, էլբայի հովտում ընկած է ավագաքարերից կազմված մի հարթ պլատո, որի մակերեսույթը աչքի է ընկնում շատ խիստ մասնատված նեղ հովհանքներով: Այստեղ ավագաքարերի հողմնահարման հետևանքով առաջացած ուլյեֆի բազմազան ձեւերը—ուղղահայաց պատերով վեր բարձրացած ժայռերը, սյունանման ցցվածքները, քարայրերը, խոր կիրճերը—յուրօրինակ գեղեցկություն են տալիս այդ ամբողջ շրջանին, որը հաճախ կոչվում է Սաքսոնական Շվեյցարիա:

Կենտրոնական Եվրոպայի միջին բարձրության լեռները մեծ մասամբ բնորոշ են ուլյեֆի հղկված ձևերով, կլորացած գագաթներով, լայն հովհանքներով և երբեմն տորֆաճահիճներով բռնված ջրաժաններով: Նրանք փոքր բացառությամբ գրեթե ամբողջապես ծածկված են անտառներով:

Զեխական անտառի, Հանքային լեռների և Սուլետների արանքում էլբայի (Լաբայի) և նրա վտակ Վլտավայի ավագանում տեղափորված է Զեխական բարձրավանդակը: Այն դեպի արևելք ձրգվում է մինչև Կարպատների արևմտյան փեշերը: Զեխական բարձրավանդակն ունի բլրոտ մակերեսույթ: Նրա հիմքը կազմված է գրիխավորապես Արխայան գրանիտներից, որոնց վրա տեղադրված են Պալեոզոյի և ապա վերին Կավճի ու երրորդականի ապարները: Զեխական բարձրավանդակը արևելքում միանում է Մորավական պլատոյին: Վերջինս դեպի հարավ-արևելք հետզհետե ցածրանում է և ապա միանում Մորավական հարթությանը: Ընդհանրապես Զեխ-Մորավական բարձրավանդակը այնքան էլ բարձր չէ. նրա միջին բարձրությունը 500-ից մինչև 600 մետր է, ըստ որում դեպի հյուսիս (էլբայի ուղղությամբ) և դեպի հարավ-արևելք Մորավայի ուղղությամբ) բարձրությունները հետզհետե փոքրանում են և ուլյեֆը ստանում է դաշտավայրի բնույթ: Զեխական և Մորավական պլատոների միջև ընկած է Զեխ-Մորավական բարձրությունը:

Վեցերի լեռների և ուսումնական անտառ

Այս խմբի մեջ մտնում են Թյուրինգիան անտառը և դաշտավայրի մեջ միայնակ տեղավորված Հարց գանգվածը: Թյուրինգիան անտառի ամենաբարձր կետը՝ Բերբերդ գագաթը ընդամենը 984 մետր բարձրություն ունի, բայց քանի որ նա բոլոր կողմերից շրջապատ-

ված է իշվածքներով և ընդհանրապես հարթ տարածություններով, այդ պատճառով բարձր լեռնան տպավորություն է թողնում: Նույնպիսի տպավորություն են թողնում նաև Հարցի լեռները, որոնց ամենաբարձր գագաթը (Բրոկեն) ունի 1142 մ բարձրություն: Հարցի լեռները տարածվում են մոտ 100 կմ երկարությամբ և 30 կմ լայնությամբ: Սրանց հյուսիս-արևմտյան շարունակության վրա գտնվում են Վեցեռի լեռները, իսկ նրանց դիմաց, Վեզերի ձախ ափին ընկած է Տեղավորության անտառը (առավելագույն բարձրությունը՝ 468 մետր):

ԿԵԼԵՑ-ՍԱՆԴՈՒՄԻՐՅԱՆ ԼԵՌՆԵՐ (Հիմք Հօնամեռ)

Լեհաստանի հարավում, Կարպատների հյուսիսային լանջերի երկայնությամբ հյուսիս-արևմուտքից դեպի հարավ-արևելք ձգվում է Միջին-լեհական կամ Կելեց-Սանդումիրյան բարձրությունը: Սա ունի հերցինյան ծագում և իր երկրաբանական կառուցվածքով, ինչպես նաև գեոմորֆոլոգիական ձևերով ոչնչով չի տարրերվում Ֆրանսիայի և Գերմանիայի միջին բարձրության լեռներից: Նրա ամենաբարձր կետը կիսայա Գորա գագաթն է, որն ունի 611 մ բարձրություն:

Կենտրոնական Եվրոպայի վերեռում նշված միջին բարձրության բոլոր լեռները ձևավորվել են գեոև Պայենգոյում, որից հետո նրանք ենթարկվել են անընդհատ քայլայման: Ըստ որում խաղաղօվկիանոսյան էտապի Հին-կիմերիական ֆազայի և մանավանդ ալպիական տեկտոնական էտապի ընթացքում այդ հին լեռնաշղթաները, որոնք մինչ այդ էրոզիայի և հողմահարման հետեւանքով դառնել էին պենեպլեններ, կրկին անգամ լեռնակազմության ազդեցության տակ կոտրատվում են տարրեր ուղղություններով և միմյանց նկատմամբ ուղղաձիգ տեղաշարժեր կատարելով առաջնում ընդարձակ իշվածքներ: Այս ձևով են առաջացել Շվարմանկոնյան գոգավորությունը, Մայն գետի հովիտը, Հոենոսի գրաբենը և այլն: Նրանք միմյանցից բաժանված են ավելի բարձր մնացած կամ վեր բարձրացած լեռնային զանգվածներով (օրինակ՝ Վոգեզեր-Գարդտ-Շվարցվալդ-Օդենվալդ խումբը, Հոենոսի թերթաքարային լեռների խումբը, Էլբայի, Օդերի ու Վեզերի լեռները և այլն): Այս ամենի հետևանքով նկարագրվող մարզում ոելյեֆի ամենաբնորոշ գիծը բարձրադիր լեռնային զանգվածների և նրանց միջև ընկած իշվածքների փոխադարձ հերթափոխությունն է:

Կենտրոնական Եվրոպայի միջին բարձրության լեռնային շըրջանը հարուստ է օգտակար հանածոներով: Այսպես, օրինակ, ցինկի և կապարի հանքերով՝ հոչակված են Հանքային լեռները, բազմամետաղներով՝ Սուլետները, երկաթի հանքերով՝ Լոթարինգիան, քարածուինով՝ Ռուրի ավագանը և Վերին Սիլեզիան, կալիական աղերով՝ և նավթով՝ Վերին Հռենոսյան հարթությունը և այլն: Շատ շրջաններ աշքի են ընկնում հանքային բուժիչ ջրերով: Այդ տեսակետից առանձնապես ճանաչված է Գեխոսուլովակիան, առավելապես Հանքային լեռների և Սուլետների շրջանում: Հանքային կարևոր ջրերի շրջան է իրենից ներկայացնում Շվարցվալդը:

Կենտրոնական Եվրոպայի միջին բարձրության լեռնային շըրջանը բնորոշվում է արևելուտքից գետի արևելք կլիմայական պայմանների աստիճանական խառնումամբ: Արևելուտքան շրջաններն առավելապես ունեն բարեխառն ծովային կլիմա, իսկ արևելյանը՝ բարեխառն ցամաքային: Մարզում ամենուրեք լեռների արևելուտքան լանջերն ավելի խոնավ են, քան արևելյան: Արևելուտքում, Վոգենների շրջանում սովորաբար ձմռան սառնամանիքները ձյան տեղումներով շարունակվում են մինչև երեք ամիս: Ամռանն այդ շրջանը շատ տաք է և բնորոշ ամպրոպային անձրևներով: Գյուղատնտեսական բոլոր տեսակի կուկտուրաների մշակման համար միանգամայն բարենպաստ մեղմ և տաք կլիմայով աշքի է ընկնում Վերին-Հռենոսյան հարթությունը: Այստեղ ձմեռը համեմատաբար ավելի մեղմ է. ամենացուրտ ամսվա միջին ջերմությունը 0° է: Բայց պատահում են սառնամանիքներ, երբ ջերմությունն իշնում է մինչև մինուս 20° : Ամռան ամենատաք ամսվա միջին ջերմությունը $+20^{\circ}$ է: Տեղումների քանակը 600 միլիմետր է: Դրանք թափվում են գերազանցապես գարնանը և ամռան առաջին կեսին, որը շատ օգտակար է առանձնապես երկրագործության համար:

Միջին բարձրության լեռնային մարզում համեմատաբար ցամաքային կլիմա ունեն Զեխիական զանգվածի կենտրոնական մասը և Թյուրինգյան ավագանը: Պրագայում ամենացուրտ ամսվա միջին ջերմությունը 0° -ից ցածր է, իսկ ամենատաք ամսվանը՝ $+19^{\circ}$: Տեղումների տարեկան քանակը 500 միլիմետր է: Զմռան տեղումները մասամբ թափվում են ձյան ձեռվ:

Ընդհանուր առմամբ բոլոր լեռնազանգվածների արևմտյան լանջերը տարեկան ստանում են մոտ 1000 միլիմետր տեղումներ, իսկ որոշ գեպքերում՝ ավելի շատ: Լեռներում ամռան և ձմռան բարեխառնությունն ավելի ցածր է: Սովորաբար լեռնազագաթային շրջանները ձմռանն ստանում են առատ ձյան տեղումներ, որոնք

Հարցի, Սուդետների և Շվարցվալդի լեռնազանգվածներում պահպանված են 4–6 ամիս:

Կենտրոնական Եվրոպայի միջին բարձրության լեռնային մարզի գետային ցանցը բավական խիտ է: Այստեղ համարյա բոլոր մեծ գետերը, ուելյեֆի ընդհանուր թեքությանը համապատասխան, հոսում են դեպի Հյուսիս և այդպիսով ջրային հարմար ուղիներով երկրի ներքին շրջանները կապում Հյուսիսային ծովերի հետ: Ավելի թույլ է արևմուտքի և արևելքի գետային կապը, որը մասամբ կոմպենսացվում է այդ ուղղություններով կառուցված ջրանցքների միջոցով: Ընդհանրապես Հերցինյան լեռների շրջանում գետերի անկումը միջին և ստորին հոսանքներում շատ փոքր է: Այդ պատճառով նրանք գրեթե բոլորն էլ նավարկելի են: Միջին բարձրության լեռներից են սկիզբ առնում Հյուսիսային հարթության բազմաթիվ գետեր: Սուդետների հարավային լանջերից սկզբնավորվում է Էլբան (Լաբա), իսկ Զեխիական զանգվածից՝ նրա ամենամեծ վտակ Վլտավան: Միջին գերմանական (կամ Շվաբ-Ֆրանկոնյան) սարահարթից սկիզբ են առնում Հոենուսի աջափնյա վտակներ Նեկարն ու Մայնը, ինչպես նաև վերին Դանուբի մի քանի վտակները: Թյուրինգիան լեռներից սկիզբ է առնում Վեզերը, Սուդետների հարավարևելյան ծայրամասից՝ Օդերը և այլն: Նշված գետերի ջրի ամենամեծ ծախսը բաժին է ընկնում գարնանը՝ շնորհիվ ձնհալքի:

Գետերի մեծագույն մասը ջրանցքներով կապված է միմյանց հետ: Նշանակալից է հատկապես Հոենուսի ջրային կապը (Մայնի միջոցով) Դանուբի հետ:

Ուսումնասիրվող մարզի տերիտորիան հիմնականում բռնված է անտառային զոնայի ձևողությին հողերով, մեծ մասամբ անտառային գորշ, թույլ պողպոլացած հողերով, որոնք զարգացել են կարրոնատներով հարուստ ենթահողերի, գլխավորապես լյուսանման ապարների վրա և իրենց կառուցվածքով որոշ շափով հիշեցնում են ՍՍՌ եվրոպական մասի անտառատափաստանի դեգրադացված հողերը: Զեխ-Մորավական պլատոն ծածկված է լոսերի վրա զարգացած հողերով:

Նկարագրվող մարզի ամբողջ տերիտորիան ամենից ավելի բնորոշ է անտառային բուսականությամբ, սակայն անտառն իր բնական վիճակում վատ է պահպանված: Անտառները մեծ մասամբ կտրված են և վերածված վարելահողերի, որոշ տեղերում տնկված են արհեստական անտառներ: Ներկայումս անտառը գերազանցապես տեղադրված է լեռնային դանգվածների ստորոտնե-

Ծրում և լեռների վրա: Սովորաբար անտառի վերին սահմանը համրնկնում է 1200—1300 մետր բարձրությունների հետ, որից ավելի վեր հանդես է գալիս լեռնամարգագետնային և ճահճային բուսականությունը: Անտառի հիմնական ծառատեսակներն են կաղնին և հաճարին, որոնք բարձրության համապատասխան փոխարինվում են փշատերև ծառերով (եղենի, սոճի և այլն): Նկատվում է նաև արևմուտքի որոշ բուսատեսակների խառնուրդ (օրինակ՝ սամշշիտ, ընկուզենի, շագանակենի և այլն): Գետափերին տարածված են լաստենու ճահճոտ անտառները: Կուտուրական բույսերից մեծ տարածում ունեն մրգատու ծառերը:

✓ Կենդանական աշխարհը նախկինի համեմատ խիստ աղքատացել է և փոխվել: Նախկինում մարզի համար հատուկ էին անտառային ֆաունայի համար բնորոշ ձեռք, սակայն անտառների աստիճանաբար կրծատման հետևանքով խիստ փոխվել է նրանց կազմը: Վայրի շատ կենդանիներ համարյա ամբողջովին ոչնչացվել են (զուրր, տուրը, իշայծյամը), իսկ որոշ ձեռք այժմ պահպանվում են միայն արգելանոցներում: Ներկայումս մարզում համարյա ոչ մի տեղ չեն հանդիպում գայլը, լուսանը, անտառային կատուն, արջը: Արգելանոցներում հանդիպում են եղջերուն, այծյամը, ազնիվ եղջերուն, վարազը: Անտառի ոչնչացման հետևանքով շատացել են կրծողները: Թոշուններից հանդիպում են եվրոպական անտառի գրեթե բոլոր ներկայացուցիչները՝ կաքավը, կտցարը, խլահավը բազմաթիվ երգեցիկ և ջրային թոշունները:

Ալպերի և մերձալպյան մարգ

Ալպյան մարգը, բացի բուն Ալպյան լեռներից, իր մեջ ընդգրկում է նաև նրանց կից նախալեռնային պլատոնները, Յուրայի լեռները և Պադանյան (Լոմբարդական) դաշտավայրը: Այդ բոլոր շրջանները իրենց ծագմամբ սերտորեն կապված են միմյանց հետ և հենց այդ պատճառով, չնայած բնական պայմանների էական տարրերություններին, նրանք միավորվում են մեկ ամբողջական ֆիզիկա-աշխարհագրական մարզի մեջ:

ԱԼՊԵՐ — 7

Բուն Ալպերը աղեղնաձև ձգվում են Ռուսայի գետաբերանից մինչև Դանուբ գետի հովիտը՝ Վիեննայի իշվածքի մոտ: Արևմուտ-

Քից դեպի արևելք նրանց լայնությունը հետզհետե մեծանում էր. Մոնթանի մոտ հասնելով 130, իսկ Վերոնա քաղաքի (հտալիա) միջօրեականի երկարությամբ՝ մոտ 240 կիլոմետրի: Հյուսիսից Ալպերին են մերձենում Շվեյցարական ու Բավարական բարձրավանդակները, հյուսիս-արևմուտքից՝ Ցուրայի լեռները, իսկ հարավից՝ Պաղանյան (Լոմբարդական) դաշտավայրը: Արևմուտքում Ալպերը սահմանափակված են ստորին Ռոնայի հովտով:

Ալպյան լեռները չնայած ունեն երիտասարդ ժագում, բայց խիստ մասնատված են լայնակի ու երկայնակի խոր հովհանքներով, որոնցով հոսում են Ռոնան, Հունոսը, Իննը, Էնսը, Աղջեն և մի շարք այլ գետեր: Այդ ամենի հետևանքով Ալպյան լեռներն իրենցից ներկայացնում են բարձրադիր լեռնաշղթաների մի շարք խըմբեր, որոնք միմյանցից անջատված են համեմատաբար ոչ շատ բարձր լեռնանցքներով: Այս հանգամանքը հնարավորություն է տալիս Ալպերի սիստեմը բաժանել մորֆոլոգիապես իրարից տարբեր մի շարք մասերի: Հարավ-արևմուտքում, Միջերկրական ծովափից սկսած դեպի հյուսիս՝ մինչև Ժնևի լիճը, ձգվում են մի ամբողջ շարք լեռներ, որոնք միմյանցից բաժանված են էրոզիոն հովհանքներով և ցածրադիր լեռնանցքներով: Նրանցից նշանավոր են Լիսուրական, Ռուսական, Կոստանդնուպոլիսի և Սավոյան Ալպերը: Դեպի հյուսիս այդ լեռները հետզհետե բարձրանում են և առավելագույն բարձրության հասնում Սավոյան Ալպերում: Այստեղ է գտնվում ոչ միայն Ալպերի, այլև ամբողջ Եվրոպայի ամենաբարձր լեռնագագաթ՝ Մոնթանը՝ 4800 մ բարձրությամբ: Մոնթանից սկսած դեպի արեւելք՝ հյուսիս-արևելք ընկած է Ալպերի կենտրոնական հատվածը, որը բաժանվում է երկու գուգահեռ ճյուղերի: Դրանց միջև ընկած են Ռոնայի և Հունոսի վերին հովհանքները: Հյուսիսային ճյուղը Հունոսի սիստեմին պատկանող Աար և Ռեյս գետերի հովհանքներով բաժանվում է երեք մասի՝ որոնք կոչվում են Բենյան, Ռուտերվալդենյան և Գլարնյան Ալպեր: Սրանք ձյունապատ, սառցադաշտերով հարուստ շղթաներ են, որոնց վրա բարձրանում են բազմաթիվ սրածայր գագաթներ: Օրինակ՝ Բենյան ալպերում Յունգֆրաու, Ալեշհորն և Ֆինստերաբհորն՝ գագաթները ունեն 4000 մետրից ավելի բարձրություն: Արևմուտքից-արևելք լեռների բարձրությունն աստիճանաբար պակասում է, որի հետեւ վանքով Ռուտերվալդենյան ալպերում միայն առանձին գագաթներ են ծածկված հավերժական ճյուղով: Գլարնյան Ալպերը անհամեմատ ավելի ցածրադիր են և ավելի քիչ են ճյունապատ:

Կենտրոնական Ալպերի հարավային ճյուղը կազմված է լեռնաշղթաների երկու սիստեմներով. դրանք են Պեննինյան և Լեպոնտինյան Ալպերը, որոնք միմյանցից բաժանված են Սիմպոնի-լեռնանցքով (2010 մ): Այս լեռներից են սկիզբ առնում Պոգհատի բազմաթիվ վտակներ (Դորա-Բալթեա, Տոշե և այլն), որոնք կտրատելով Պեննինյան և Լեպոնտինյան Ալպերը՝ առաջացրել են բազմաթիվ կիրճեր, ձորեր, առանձին դեպքերում նաև ընդարձակ հովիտներ: Այդ երկու շղթաներից ավելի բարձր են Պեննինյան Ալպերը: Սրանց վրա են գտնվում Մոնտե-Ռոզա, Վելսորն, Մատտերհորն լեռնագագաթները, որոնք հասնում են 4500 մ և ավելի բարձրության: Դյուֆուր կատարը ունի 4638 մ բարձրություն: Լեպոնտինյան Ալպերը համեմատաբար ավելի ցածր են և կտրտված են մի շարք լեռնանցքներով, որոնցից նշանավոր է Սին-Գոթարդի լեռնանցքը (2114 մ բարձրությամբ), որով անցնում են Հյուսիսային և Հարավային Եվրոպան իրար միացնող կարևորագույն խճուղային և երկաթուղային ճանապարհները:

Կենտրոնական Ալպերը ձգվում է մինչև Բոդենի լճի միջօրեականը: Այդտեղից արևելք ընկած են Արևելյան Ալպերը: Սրանք Կենտրոնական Ալպերից ավելի ցածրադիր են և երանց նման բաժանված են առանձին հատվածների, որոնք կազմում են իրար զուգահեռ, արևմուտքից-արևելք ձգվող լեռնաշղթաների երեք խմբեր: Նրանցից առավել բարձրության է հասնում միջին լեռնախումբը, որ կազմված է հետեւյալ մասերից: Էցտայլան Ալպերը Բարձր Տառերն, Ցածր Տառերն և Շտիրիական Ալպերը: Ալպերի այս շղթաները միմյանցից բաժանված են Դանուբի ձախ վտակների ճյուղերով, ունեն փոքրաթիվ ձյունածածկ կատարներ, որոնք առանձին դեպքերում միայն հասնում են մինչև 3800 մ բարձրության:

Այս շղթաներից անմիջապես հյուսիս ձգվում է Արևելյան Ալպերի հյուսիսային ճյուղը, որի մեջ մտնում են Հյուսիսային Տիրոյան Ալպերը, Զալցբուրգյան Ալպերը և Ավստրիական Կրաքարային Ալպերը: Վիեննայի գոգավորության մոտ այդ շղթաները հետրգ-հետեւ վերածվում են անտառապատ բլրաշրթերի, որոնց վրա տեղ-տեղ միայն հանդիպում են մինչև 2000 մ բարձրության կատարներ:

Արևելյան Ալպերի հարավային ճյուղի մեջ մտնում են Հարավային Տիրոյան Ալպերը, Դոլոմիտային Ալպերը և Յուլիական Ալպերը: Յուլիական Ալպերից հյուսիս-արևմուտք ընկած են Կարնիական Ալպերը, իսկ հյուսիս-արևելք՝ Կարավանկայի լեռները, որոնք

Հետզհետե ցածրանալով վեր ևն ածվում բլուրների ու մտնում Բալկանյան թերակղզու սահմանները: Ալպերի և Բալկանյան թերակղզու անցման շրջանում գտնվում է Կարստի երկիրը, որն ունի պլատոյաձև ռելլեֆ: Մակերևույթի, ինչպես նաև երկրանական կառուցվածքի այդ նույն ձևերով աշքի է ընկում նաև հարևան հստրիա թերակղզին:

Ալպերում հավերժական ձյան գիծը ամենից բարձր է կենտրոնական հատվածում, որից դեպի արևմուտք և արևելք այն հետզհետե իջնում է: Արևելյան Ալպերի հյուսիսում հավերժական ձյան գիծը գտնվում է 2500 մետր բարձրության վրա, Բարձր Տառը՝ 2700 մ, էցտալյան Ալպերի հյուսիսային լանջերում՝ 2900 մ, իսկ հարավային լանջերում՝ 3000 մետրից ավելի: Հավերժական ձյան ծածկոցով ավելի շատ աշքի են ընկնում կենտրոնական և Արևմտյան Ալպերը: Հենց այդ պատճառով այդտեղ են կենտրոնացած ամենախոշոր սառցադաշտերը: Նրանցից Մոնթլանի վրա հըռչակված է Մեր-դը-Գլյաս սառցադաշտը, որն իջնում է ցած մինչև 1150 մ բարձրությունը: Բեռնյան Ալպերում գտնվող Ֆինստերաարհորն գագաթի շրջանում կան բազմաթիվ սառցադաշտեր: Ալպերում ամենաերկարը Ալեքս սառցադաշտն է, որն ունի 28,8 կմ երկարություն և բոլում է 115 քառ. կմ տարածություն: Սառցադաշտեր կան նաև Արևելյան Ալպերում, բայց նրանք անհամեմատ փոքր են և բացառիկ դեպքում միայն գրավում են 20 քառ. կմ-ից ավելի մակերես:

Հնագույն սառցապատման դարաշրջանում Ալպերում ձնագիծը ընկած էր ներկայիս գծից մոտ 1200 մետրով ցած: Այդ ժամանակ սառցադաշտերը իջնում էին մինչև նախալեռնային գետահովտները. դրանց թողած հետքերն են հանդիսանում վերջնամորենները, որոնք շատ լավ պահպանված են Ալպերի հյուսիսային և արեմբայան բոլոր նախալեռներում: Հյուսիսում սառցադաշտերը իշել են մինչև Մյունիխեն, իսկ արևմուտքում՝ մինչև Լիոն: Վերջնամորեններ դիտվում են նաև Ալպերի հարավային լանջերին ու նախալեռներում, բայց այստեղ նրանք պահպանվել են ավելի վատ: Այնուամենայնիվ այդ հետքերը ցույց են տալիս, որ Ալպերի հարավում սառցադաշտերը իշել են մինչև Թուրին և Վերոնա: Այդ սառցադաշտերի հետևանք են այս մասի լճերը (Գարդա, Կոմո, Լազու-Մացիորե և այլն), ինչպես նաև սառցադաշտային ռելլեֆի բազմապիսի ձևերը, որոնք ընդհանրապես շատ բնորոշ են Ալպերի համար:

Ալպերում լեռնակազմական պրոցեսներն սկսվել են դեռևս վերին Պալեոգոյում, բայց լեռների վերջնական ձևավորումը տեղի է ունեցել միայն Նեոգենում, ալպիական տեկտոնական էտապի ֆագերի հետևանքով:

Ալպերի կլիման խիստ բազմադան է: Լեռնաշղթաներում տեղումներով առավել հարուստ են հարավային լանջերը: Կուգանոյում (Կոմո և Լագո-Մաջիորե լճերի արանքում) տեղումների տարեկան միջին քանակը կազմում է 1570 մմ: Ավելի արևելք (հարավային լանջերում) այն հասնում է մինչև 2420 մմ: Ամենաշոր վայրը Ռուսայի վերին Հովիտն է (570—630 մմ): Ընդհանրապես Ալպերի ներքին հովիտները համեմատաբար չոր են, այդ պատճառով էլ կենտրոնական լեռներում հավերժական ձյան սահմանը ավելի բարձր է, քան ծայրամասերում: Ալպյան լեռների շատ մասերում սովորաբար 1500—2000 մետրից վեր տեղումների քանակը աստիճանաբար պակասում է, որի հետևանքով իսկական ալպյան զոնան համեմատաբար չոր է, աշքի է ընկնում պարզկա եղանակով (հատկապես ձմռանը): Ձերմային պայմանները նույնպես բազմազան են: Հովիտներում, ծանր ու ցուրտ օդի կուտակման հետևանքով, ձմռանը հաճախ ավելի ցուրտ է լինում, քան լեռնալանջերին: Օրինակ, ինն գետի վերնագավառում, 1711 մետր բարձրության վրա, հունվարյան միջին ջերմաստիճանը կազմում է —9,9°, իսկ Յուլիական լեռնանցքում, 2244 մետր բարձրության վրա՝ —7,3°: Ալպերում շատ խոշոր նշանակություն ունեն ֆլոն քամիները, ըստ որում այն հովիտները, որ ենթակա են ֆլոն քամիներին, ընդհանուր առմամբ աշքի են ընկնում մեղմ ձեղուով ու աշնանային տաք եղանակներով: Ֆլոնի ժամանակ ձմռանը տեղ-տեղ ջերմաստիճանը բարձրանում է մինչև +15—19°: Ամառվա ջերմաստիճանները դեպի լեռների բարձունքները ամենուրեք նորմալ կերպով իջնում են: Ալպերում մեծ դագացում ունեն նաև տեղական լեռնահովտային քամիները, որոնք ցերեկները փշում են ներքեցից դեպի լեռները, իսկ երեկոները՝ լեռներից—հովիտները:

Ընդհանուր առմամբ ալպյան լեռները հայտնի են որպես բարձր խոնավության շրջան: Առատ տեղումները, հավերժական ձյունը և սաղցաղաշտերը պայմանավորել են Ալպերի խիտ գետային ցանցի և բազմաթիվ փոքր ու մեծ լճերի առաջացումը: Ալպյան գետերի աշքի են ընկնում հոսքի մեծ արագությամբ: Առանձին դնաքերում գետերի հոսքի գործակիցը հաշվվում է 60—90 %, մինչեռ մերձ-

ատլանտյան ռեժիմի որոշ գետերի (օրինակ՝ Սենայի) հոսքի գործակիցը հասնում է մոտ 20 %-ի:

Սովորաբար ալպյան գետերի մեծագույն մասը սնվում է սառցադաշտերից. այդ պատճառով նրանք ամռանը ոչ միայն վարարում են, այլև երբեմն հեղեղումների տեղիք են տալիս։ Շատ վտակներ նախալեռնային մասերում սնվում են անձրևաջրերով և ձյունով, ուստի գետերի մի մասի վարարումը համբենում է գարնան ժամանակաշրջանի հետ։

Մի փոքր այլ բնույթ ունեն Ալպյան լեռների հարավային մասի գետերը, որոնք մեծ մասամբ ունեն միջերկրածովային ռեժիմ։ Հստորում նրանց սնումը թեպետ հիմնականում կատարվում է սառցադաշտերից, բայց ամենամեծ գոլորշացում նրանք տալիս են ամռան ամիսներին։

Ալպերի խոշորագույն գետերից են Ռոնան և Հոնդուր՝ իրենց վերին հոսանքում։ Նրանք երկուսն էլ սկիզբ են առում Սեն-Գոթարդի լեռնազանգվածից և հակառակ ուղղություններով հոսում են մեկը՝ դեպի Ժնևի լիճը, իսկ մյուսը՝ Բոդենի։ Մյուս գետերից նշանավոր են Պոյի վտակները (Դորա-Ռիպարիա, Դորա-Բալթեա, Տիշինո, Աղդա և այլն), ինչպես նաև Աղիշեն։ Նրանք բոլորն էլ սկիզբ են առնում հարավային Ալպերից և հաճախ անցնում լճերով։ Ալպերից են սկիզբ առնում նաև Պանուրի և Հոնդոսի շատ վտակներ։ Խիստ մեծ է ալպյան գետերի էլեկտրաէներգետիկ նշանակությունը։

Ալպերը լճերով ամենահարուստ լեռնային երկրներից են։ Ալպյան լճերը գերազանցապես ունեն սառցադաշտային ծագում։ Կարեռագույն լճերից են Լագո-Մաջիորեն, Կոմոն և Գարդան։

Ալպերն ունեն տեսակներով հարուստ բազմազան բուսականություն։ Բուսականությունը տարբերություններ է տալիս հիմնականում ըստ ուղղաձիգ գոնայականության, ըստ որում լեռների հարավային և արևմտյան լանջերին զոնաները հասնում են համեմատաբար ավելի մեծ բարձրության, քան հյուսիսում ու արևելքում։ Ալպերում կարելի է առանձնացնել բուսականության հետեւյալ ուղղաձիգ դռնաները։

1. Նախալպյան լայնատերև անտառային զոնա.—սա հասնում է 600, տեղ-տեղ մինչև 1200 մ բարձրության։ Բնական բուսականությունը սաղարթավոր անտառներն են, կազմված գլխավորապես կաղնուց և հաճարից, իսկ հարավային լանջերին՝ նաև շագանակենուց։ Այս գոտում լայն տարածում է ստացել խաղողի և պտղատուայգիների մշակությունը։

2. Փշատերև անտառների գոնա.—ընդգրկում է մինչև 1900 մբարձրությունները, առանձին վայրերում հասնում է մինչև 2300 մբարձրության: Սա փաստորեն ենթալպյան գոնան է, որը բնորոշվում է փշատերև անտառներով, որոնցում տիրապետող ծառատեսակներն են հանդիսանում եղենին, սոճին, սպիտակ եղենին: Այստեղ մասնակի տարածում ունեն մարգագետիններն ու արոտավայրերը:

3. Ալպիական գոնա.—ընդգրկում է մինչև 2300, տեղ-տեղ՝ մինչև 3200 մետր բարձրությունները: Այստեղ հազվադեպ են պատահում միայնակ ծառեր (լեռնային սոճի, եղենի) և հատապտուղների թփուտներ, որոնք դեպի վեր հետզհետե անհետանում են: Սա տիպիկ ալպյան բուսականության շրջան է, որտեղ բազմերանգ ծաղիկներով արտահայտված մարգագետինային ճոխ բուսականությունը ստացել է «ալպյան գորգեր» անունը:

4. 2500 մետրից վեր (առանձին վայրերում՝ 3200 մետրից բարձր) բուսականությունը համատարած ծածկոց չի առաջացնում, այլ հանդիպում է որոշ տեղերում, ձյունից և սառուցներից ազատ տարածություններում, կազմված լինելով մամուռներից, բարաքուներից ու առանձին ցրտադիմացկուն խոտաբույսերից:

Ալպերի կենդանական աշխարհը հարուստ է ու բազմազան: Այստեղ, բացի միջին ծվրոպայի անտառային շրջաններին բնորոշ կենդանիներից, հանդիպում են նաև մի շարք էնդեմիկ տեսակներ (օրինակ՝ ալպիական նապաստակը): Ալպերի ձյունապատ բարձր լեռներում ապրում են ալպիական այծը, վիթը, ալպիական սկյուռը, ալպիական հողափորը, արջամուկը, ալպիական կաքավը, լեռնային արծիվը և այլն:

Զնայած իրենց գրաված հսկայական տարածությանը և մեծ բարձրությանը, Ալպյան լեռները լուրջ գժվաբություններ չեն ստեղծում անցումների համար: Դրան մեծապես նպաստում են տեկտոնական և էրոզիոն խիստ մասնատվածությունը և բազմաթիվ հարմար լեռնանցքները: Այդ ամենի հետեւանքով գեռ հսագույն ժամանակներից միջին ծվրոպայի ժողովուրդները Ալպերի վրայով կապվում էին Միջերկրականի հետ: Ներկայումս Ալպերով անցնում են բազմաթիվ ավտոխճուղային և երկաթուղային ճանապարհներ:

Ելպերի կարևորագույն լեռնանցքներից են՝ Սեն-Բեռնարի լեռնանցքը՝ մոտ 2400 մետր բարձրության վրա, Մոնթլանի և Պեննինյան Ալպերի միջև: Այդ լեռնանցքով Շվեյցարիան կապվում է Խոտալիայի հետ: Միմայլոնի լեռնանցքը գտնվում է 2009 մետր բարձրությունից մեջ:

թյան վրա, Պենինյան և Լեպոնտինյան Ալպերի միջև։ Իր երկարությամբ աշխարհում հայտնի է Սիմպոնյան թունելը, որով անցնող երկաթուղին հտալիան կապում է կենտրոնական Եվրոպայի մյուս երկրներին։ Ալպերի մոտավորապես կենտրոնական մասում է գտնվում Սեն-Գոթարդի լեռնանցքը՝ 2114 մետր բարձրության վրա։ Արևելյան Ալպերում նշանավոր է Բրենների լեռնանցքը՝ 1370 մետր բարձրության վրա, որով անցնում է ալպյան առաջին երկաթուղային ճանապարհը (ավարտված 1867 թվականին)։

ՅՈՒՐԱՅԻ ԼԵՌՆԵՐ

Յուրայի լեռներն ընկած են Ալպերից անմիջապես Հյուսիսարևելուտք Դրանք երիտասարդ ծալքավոր լեռներ են։ Առաջացել են Երրորդական ժամանակաշրջանի երկրորդ կեսում։ Ալպերից բաժանվել են՝ շնորհիվ Ալպերի էպերրոգենետիկ բարձրացումների։ Այդ բարձրացումը միաժամանակ պայմանավորել է Ալպյան լեռների քայլքաված, ինչպես նաև Զորրորդական ժամանակաշրջանի մորենա-ֆլյուվիովացիալ նյութերի տեղափոխումը դեպի Յուրա։

Յուրայի լեռները հիմնականում կազմված են Յուրայի հզոր նստվածքներից, մերգելներից ու կրաքարեկղից։ Հենց այդ պատճառով մի շարք վայրեր աշքի են դեկնում ուլյեֆի կարստային ձևերով, ինչպես նաև էրոզիոն խոր հովիտներով։ Շատ մասերում տիրապետում է պլատոյածն մակերևույթը, այլ մասերում, հատկապես հերցինյան ժագման պատկանող տեղամասերում՝ սեղանաձև բարձրությունները։ Յուրայի լեռները Ալպերից առանձնացված են Շվեյցարական բարձրավանդակով։ Յուրայի լեռներն ունեն մոտ 320 կմ երկարություն և մինչև 80 կմ լայնություն։

Յուրայի սիստեմում առանձնացնում են Ֆրանս-Շվեյցարական Յուրան և Սեղանանման Յուրան։ Ֆրանս-Շվեյցարական Յուրան մի ծալքավոր լեռնաշխարհ է, որ բռնում է Շվեյցարիայի ու Ֆրանսիայի հարակից մասերը։ Ուսուցիկ կողմով ուղղված է դեպի Հյուսիսարևելուտք։ Յուրայի ծալքավոր լեռները կազմված են Մեզոզոյի և Երրորդականի նստվածքային ապարներից, որոնցում տիրապետում են կրաքարերն ու մերգելները։ Դրանց վրա տեղ-տեղ, մեծ մասամբ գոգավորություններում, հանդիպում են նաև Զորրորդականի լճային և սաղցադաշտային նստվածքներ։ Մորֆոլոգիական տեսակետից Ֆրանս-Շվեյցարական Յուրայի արևելքում կարելի է առանձնացնել լեռնային Յուրան, որն իրենից ներկայացնում է մի շարք գուգահեռ շղթաների փունջ։ Նրանից հյուսիս-արևելուտք ըն-

կած է Պլատոյանման Յուրան, որը նախորդից բաժանված է. Դու գետի հովտով: Լեռնային Յուրան շնայած կազմված է կրաքարերից, բայց համեմատաբար երիտասարդ ծալքավորության հետևանքով քիչ է քայլայված: Յուրայի միջին բարձրության շղթաներն իրենցից ներկայացնում են մեծ մասամբ կամարածե բարձրացած անտիկլինալ ծալքեր, իսկ նրանց միջև ընկած հովտները՝ սինկլինալներ, որոնց միջով հոսում են բազմաթիվ մանր գետեր, որոնք կիրճերի տեսք ունեցող լեռնանցքներով մի հովտից անցնում են մյուսը: Այդ նույն լեռնանցքներով անցնում են նաև Ֆրանսիայից գեպի Շվեյցարիա տանող գլխավոր ճանապարհները:

Պլատոյանման Յուրան նույնպես հիմքում ծալքավոր է, բայց նրա ծալքերը թույլ թեքություն ունեն: Այստեղ անտիկլինալները անհամեմատ ավելի ուժեղ են քայլայված և վերածված են պլատոների: Պլատոյանման Յուրայի մակերեսույթը մասնատված է էնն, Դու և մի շարք այլ գետերի խոր հովտներով: Արևելքում նրանք մեծ մասամբ ծածկված են անտառներով, իսկ արևմուտքում՝ արոտավայրերով, որոնցում հաճախ պատահում են մերկ, կարստային երկույթներով հարուստ կրաքարային տարածություններ:

Ֆրանս-Շվեյցարական Յուրայում կլիման մեղմ է լեռների ստորոտներում և հյուսիս-արևմտյան նախալեռներում և համեմատաբար խիստ՝ 500—900 մ բարձրությունների գոտում: Այս նույն գոտում տեղումները բավական շատ են, նրանց տարեկան քանակը հասնում է 660-ից մինչև 1400 մմ-ի: Բուսական ծածկոցում 500—900 մ բարձրությունների գոտում տիրապետում է սաղարթավոր անտառը, կազմված հաճարից և կաղնուց: Ավելի բարձր ընկած է փշատերև անտառի զոնան, որը կազմված է գլխավորապես եղենուց, շամից և սոճուց: Բարձրադիր գոտու հարթավայրերում հաճախ հանդիպում են տորֆային ճահճներ, սառցադաշտային բուսականության ռելիկտներով: Ֆրանս-Շվեյցարական Յուրայի բարձրադիր զոնայում հաճախ փշատերև անտառը փոխարինվում է ալպիական արոտավայրերով:

Սեղանանման Յուրան ընկած է Ֆրանս-Շվեյցարական Յուրայից հյուսիս և հյուսիս-արևելք, Շվեյցարիայի, Գերմանիայի ու Ֆրանսիայի տերիտորիաներում: Կազմված է նույն ապարներից, ինչ որ նախորդ շրջանը, սակայն որովհետև Սեղանանման Յուրայի հիմքում ընկած են ավելի հին, կարծրացած ապարներ, ուստի Յուրայի այս մասը ծալքավորման շի ենթարկվել: Սեղանանման Յուրան շատ տեղերում կտրտված է խզումներով և

ուղղաձիգ տեղաշարժերի հետևանքով բաժանվել է առանձին հատվածների: Այս ձևով է առաջացել նրա համար շատ բնորոշ մակերնույթը:

ԵՎԵՅՅԱՐԱԿԱՆ ԲԱՐՁՐԱՎԱՆԴԱԿ

Եվեյցարական բարձրավանդակը տեղավորված է Ալպերի և Յուրայի լեռների միջև: Նա տարածվում է Հարավ-արևմուտքից դեպի Հյուսիս-արևելք, սկսած Ժնևի լճից մինչև Բոդենի լիճը: Նրա տերիտորիան ունի 250 կմ երկարություն և 50 կմ լայնություն: Մակերևույթի տեսակետից Եվեյցարական բարձրավանդակը ներկայացնում է 400—600 մետր միջին բարձրությամբ մի բլրածածկ երկիր: Նրանում տեղ-տեղ հանդիպում են ոչ շատ բարձր լեռնաշարքեր՝ 700—1300 մետր բարձրությամբ: Դրանցից ամենաբարձրը նապատակ լեռնաշարն է՝ Բերնի և Լյուցերնի միջև: Բարձրավանդակը հիմնականում կազմված է միջին երրորդականի մոլասսներից: Դրանք փաստորեն հանդիսանում են Ալպերի մոլասսների շարունակությունը: Դեռևս Զորրորդականի ընթացքում Եվեյցարական բարձրավանդակը իրենից ներկայացնում էր մի հարթ տարածություն, որը թույլ կերպով թեքված էր դեպի Հյուսիս-արևմուտք: Նրանում տեղ-տեղ բարձրանում էին լայնադիր լեռնաշարեր: Մինչև Զորրորդականի սաոցապատումը Եվեյցարական բարձրավանդակը գետերի էրոզիոն աշխատանքի հետևանքով արդեն մասնատվել էր և բաժանվել իրարից անջատված սեղանաձև հատվածների: Զորրորդականի վերջում Եվեյցարական բարձրավանդակը գրեթե ամբողջովին բռնված էր սաոցադաշտերով: Սաոցադաշտերի թողած հետքերն են հանդիսանում վերջնամորենները, որոնցով ծածկված է բարձրավանդակի ամբողջ տերիտորիան: Բացի այդ, սաոցադաշտերի գործունեության հետևանք են նաև բազմաթիվ գոգհովիտները, որոնք մասամբ վեր են ածվել լճերի: Ետսաոցադաշտային շըրջանում Եվեյցարական բարձրավանդակի ույլեֆը ուժեղ կերպով վերամշակման է ենթարկվել գետերի կողմից, որոնք այստեղ առաջացել են բազմաթիվ խոր, նեղ ու երկար հովիտներ: Նրանք հիմնականում ձգվում են Ալպերին ու Յուրային գուգահեռ՝ Հյուսիսարևելքից դեպի հարավ-արևմուտք, իսկ մի մասն էլ՝ միջօրեականի ուղղությամբ:

Տեղումների տարեկան քանակը Եվեյցարական բարձրավանդակում հասնում է 800-1000 մմ-ի: Համեմատաբար պակաս են տեղումները ցածրադիր գոգհովիտներում (մինչև 600 մմ): Ընդ-

Հանուր առմամբ Եվեյցարական բարձրավանդակը բնորոշվում է բարեխառն լափավոր ցուրտ կլիմայով: Ընկում տարեկան միջին ջերմաս թանը կազմում է 9,7°, թերնում՝ 8,1°: Դեպի Յուրայի լեռներն ու Ալպերը տարեկան միջին ջերմաստիճանը իջնում է, սակայն տեղումների քանակը աստիճանաբար ավելանում է:

Եվեյցարական բարձրավանդակը մեծ մասամբ բռնված է լայնատերև անտառներով: Նրանցում տիրապետող ծառատեսակներն են կաղնին ու հաճարին:

ՊԱՇԱՆՅԱՆ ԴԱՇՏԱՎԱՅՐ

Ալպերից անմիջապես հարավ ընկած է Պաղանյան (Լոմբարդական) դաշտավայրը, որի սահմաններում Ալպյան լեռնային սիստեմի հարավային մասը երրորդականի ընթացքում իջել է: Այնուհետև այն բռնվել է Աղրիատիկի ջրերով, որը հետագայում աստիճանաբար լցվել է Ալպերից և Ապեննիններից բերված նյութերով և ապա աստիճանաբար վերածվել ցամաքի: Պաղանյան դաշտավայրի մեծ մասն ունի ընդամենը 100 մետր բարձրություն և միայն ծայրամասերում նա հասնում է մինչև 500 մետր բարձրության: Լեռների ստորոտների մոտ դաշտավայրն ունի բլրային ուելյեֆ: Այդ մասերում մեծ տեղ են գրավում վերջնամորենային կուտակումները և զանդրային ավագները: Դեպի Պուլիա գետի հովիտը ուելյեֆը աստիճանաբար դառնում է ավելի հարթ: Այդտեղ տիրապետող են արյուվիալ նստվածքները: Նշանակալից տարածում ունեն նաև նահիճները, որոնք դրենաժի են ենթարկվում ջրանցքների միջոցով:

Պուլիա և նրա շատ վտակները, ինչպես նաև Աղիջեն, իրենց ստորին հոսանքում հոսում են արհեստականորեն կառուցված պատնեշների միջով: Այդ միջոցառումները նրա համար են, որպեսզի կանխվեն հեղեղումները, որովհետև նրանց մակերեսությունը ստորին հոսանքում ավելի բարձր է, քան շրջապատող հարթությունը: Դաշտավայրի ամենամեծ գետը Պոն է, որն ունի 652 կմ երկարություն:

Պաղանյան դաշտավայրի հյուսիսային՝ միանգամայն հարբ ծովափնյա մասը պատկանում է լագունային տիպին: Այն ուղեկըցվում է ավագային լեզվակներով և բազմաթիվ կղզիներով: Լագունաներից մեկի սահմաններում կղզիների վրա կառուցված է վենետիկը, որի փողոցները մեծ մասամբ կղզիների միջև ընկած նեղուցների կերպարանք ունեն: Նրանցով երթևեկում են շատ մակույկ-

ներ: Վենետիկն այն տպավորությունն է թողնում, որ այն կարծեք թե ծովից բարձրացած քաղաք լինի:

Պաղանյան դաշտավայրն աչքի է ընկնում բարեխառն-ցամաքային տիպի կլիմայով և համեմատաբար ցուրտ ձմեռով: Հունվարյան միջին ջերմությունը 0° է, Զրու գալիս է գրեթե ամեն տարի և երբեմն կազմում է ծածկ, որը տևում է 2—3 շաբաթ: Հուլիսյան միջին բարեխառնությունը $20-24^{\circ}$ է, տեղումների տարեկան քանակը՝ 500 -ից 800 մինչև 1200 միլիմետր (դաշտավայրի բարձրադիր ծայրա-լասերում):

Դաշտավայրի նախնական անտառային բուսականությունը (կազմված հիմնականում հաճարից) համարյա ամբողջովին: Աչքն-ցացված է: Քիչ գեպքերում միայն գետահովիտների երկարությամբ պահպանված են գեռես կաղնիներն ու բարդիները: Դաշտավայրի բնական պայմանները շափաղանց նպաստավոր են երկրտպերծական կուլտուրաների մշակման համար: Մեծ տարածում ունեն այգիները, խաղողի մշակությունը: Բնակավայրերի մոտ անենուրեք հանդիպում են դափնին, նոռնին, նոճին: Մշակում են ոչ միայն հացահատիկային (ցորեն, եգիպտացորեն) կուլտուրաներ, այլև պտղատու ձառեր:

Կարպատ-Դանուբյան մարզ



Կարպատ-Դանուբյան մարզ անվան տակ միավորվում են այն շրջանները, որոնք տեղավորված են Կարպատյան լեռների և Դանուբի շրջանում, մի կողմից՝ Բալկանյան թերակղզու և մյուս կողմից՝ Ալպերի, միջին Եվրոպայի ու Սև ծովի միջև: Այս մարզի ժամանակակից ռելյեֆը ձևավորվել է հիմնականում ալպիական տեկտոնական էտապում: Կարպատ-Դանուբյան մարզի մեջ մտնում են Միջին Դանուբյան դաշտավայրը, Կարպատները և Ստորին Դանուբյան դաշտավայրը: Նրանցից երկուսը Մեզոպոլյան (մասամբ և Հերցինյան) հասակ ունեն, իսկ Կարպատները, որ տեղավորված են այդ երկու դաշտավայրերի և մասամբ Ռուսական պլատֆորմի արանքում, ալպիական հասակի են. Նրանք կազմում են ալպիական օրոգենի հյուսիսային ճյուղի (ալպիդների) մի մասը: Հերցինյան օրոգեններից հետո որպես բարձրադիր ցամաքներ գոյացել են ներկայիս Միջին Դանուբյան և Ստորին Դանուբյան հարթավայրերը: Խաղաղօվկիանոսյան տեկտոնական էտապում այդ դաշտավայրերը վեր են ածվել իջվածքների և բռնվել է պիկոնտինենտալ ժովերով:

որոնցից նրանք ազատվել են միայն Երրորդականի վերջում։ Խաղաղօվկիանոսյան տեկտոնական էտապի շնորհիվ նկարագրվող մարզի արևելյան մասում առաջանում են նաև Դորրուցայիլ լեռներ։ Սրանք Եվրոպայում միակ լեռներն են, որ պատկանում են խաղաղօվկիանոսյան տեկտոնական էտապին։ Դեռ նախքան ծրբորդական ժամանակաշրջանը Կարպատ-Դանուբյան մարզի, Ռուսական պլատֆորմի ու Կելեց-Սանդոմիրյան լեռների արանքում ընկած տեղամասը ներկայացնում էր մի նեղ գեոսինկրինալ որը միաժամանակ շրջապատված էր Հերցինյան Հասակի Միջին և Ստորին Դանուբյան կողացած զանգվածներով։ Նրանում, շնորհիվ ալպիական տեկտոնական էտապի, ձևավորվում են Կարպատները։

ԿԱՐՊԱՏՆԵՐԸ

Կարպատյան լեռները աղեղնաձև ձգվում են Վիեննայի իջվածքից մինչև Երկաթյա դոները։ Նրանք ունեն մոտ 1500 կմ երկարություն։ Կարպատների արտաքին գոտու լեռները կազմված են ետպեճի և Երրորդականի ֆլիշից, իսկ ներքին գոտին՝ նաև Հրային ու բյուրեղացած ապարներից։ Կարպատների ծալքավորումը սկսվել է դեռևս սոսորին Կավճում, սակայն նրանց վերջնական ձևավորումը տեղի է ունեցել Նեոգենում։ Նեոգենի լեռնակազմական պրոցեսներին ու ծալքավորմանը զուգընթաց առաջացել են բազմաթիվ ճեղքեր, որոնցից արտահոսել է լավան։

Մակերեսույթի կազմության տեսակետից ժամանակակից Կարպատները կարելի է բաժանել երեք մասի. արևմտյան Կարպատներ, արևելյան Կարպատներ և Հարավային կամ Տրանսիլվանյան Ալպեր։

Արևմտյան Կարպատները սկսվում են Վիեննայի մոտից, ներքին գոտու լեռներով. որոնք կշգչում են Փոքր Կարպատներ։ Նրանց շարունակությունն է կազմում Սպիտակ Կարպատները։ Ավելի հյուսիս, Մորավայի աջ ափին ընկած են կրաքարերից կազմված Մարզի լեռները, իսկ Մորավայից արևելք տարածվում են արևմտյան Բեսկիդները, որոնց վրա գտնվում է անտառներով ծածկված Բաբյանքորա գագաթը՝ 1725 մ 'բարձրությամբ։ Արևմտյան Կարպատների կարեռը լեռներից են Բարձր Տավրան և մի շարք այլ շղթաներ։ Բարձր Տավրայումն է գտնվում Կարպատների ամենաբարձր գագաթ Գերլախովկա սուրբ, որն ունի 2663 մ բարձրություն։ Բարձր Տավրայում լավ եւ սղանակած Զորրորդականի սաղցապատման հետքերը։ Արևմտյան Կարպատների ներքին զոնայի լեռները կազմված

Են մի քանի փոքր շղթաներից, որոնք ձգվում են Հյուսիս-արևելք ու արևելք և հասնում մոտավորապես 1500 մ բարձրության: Այդ լեռներից են Մեծ Ֆատրան, Ցածր Տապան և այլն: Նրանք կազմված են հիմնականում բյուրեղացած ապարներից: Դրանցից հարավ ընկած են Սլովակյան Հանքային լեռները: Արևմտյան Կարպատները դեպի արևելք ձգվում են մինչև Վիսլայի սիստեմին պատկանող Պոպրատ գետը:

Պոպրատ գետի հովտից արևելք տարածվում են Սրելյան Կարպատները: Դրանց այն մասը, որ ընկած է Պոպրատ և Տիսա գետերի ակունքների միջև, կոչվում է Անտառոտ Կարպատներ, Նրանց մեծ մասը տեղադրված է ՍՍՌՄ սահմաններում: Սրանք միշտ շարք անտառապատ լեռնաշղթաներ են, որոնք արևմուտքում կոչվում են Արևելյան Բեսկիդներ: Նրանց բարձրությունը հասնում է մինչև 1000 մետրի: Անտառոտ Կարպատները կազմված են միայն ֆլիշից: Նրանցից հարավ բյուրեղացած ապարներից կազմված զունան համարյա բացակայում է: Տիսայի ակունքներից մինչև Բրաշով քաղաքը ձգվում են Սեմիգրադյան Կարպատները: Նրանց ներքին մասում ընկած է Բերթաքարերից կազմված մի լեռնաշխարհ, որը կազմում է արևմտյան Կարպատների ադրտաքին (ֆլիշային) դոնայի շարունակությունը: Այսաեկան բարձրությունները 2300 մետրից չեն անցնում:

Անտառոտ Կարպատներից հարավ լեռնային սիստեմը կրկին ընդարձակվում է և իր առավելագույն լայնությանն է հասնում Ռումինիայում: Այստեղ լեռնաշղթաներն ու լեռնազանգվածները դասավորված են եռանկյունաձևերում: Նրանց միջև ընկած է ընդարձակ Տրանսիլվանյան պլատոն, որից դեպի արևելք տարածվում են արեվելյան կամ Մոլդավական Կարպատները: Նրանք կազմված են հիմնականում ֆլիշային ապարներից: Տեղ-տեղ վեր են բարձրանում բյուրեղացած ապարներից կազմված լեռնազանգվածները: Արևելյան Կարպատների ներքին շրջաններով ձգվում է հանգած հրաբուխներից կազմված մի շղթա, իսկ արտաքին եզրամասով՝ նախալեռնային Մոլդավական պլատոն կամ այսպես կոչված Մոլդավական բարձրությունը, որը կազմված է կրաքարերից և մակերեսից ծածկված է լցուով: Պլատոնը ունի 400—500 մետր բարձրություն:

Տրանսիլվանյան գոգավորությունից դեպի արևմուտք ձգվում են եռանկյան մասը կազմող Սեմիգրադյան լեռները: Այստեղ կան

մի ամբողջ շարք լեռներ, որոնցից հայտնի են Հանքային, Թիւորյան լեռները և այլն:

Տրանսիլվանյան պլատոն (կամ գոգավորությունը) համեմատաբար ավելի ցածր է, քան իր շրջապատի լեռները: Նրա բարձրությունը սովորաբար հասնում է 250-ից մինչև 800 մ: Ամենացածր մասը ընկած է Մուրեշ գետի հովտի երկարությամբ: Գոգավորության մակերեսութը կազմված է ծրբորդականի ծովային նստվածքներից, որոնք ծածկված են լլոսով: Սա մի իշվածք է, որը ծրբորդականում բռնված է եղել ծովով: Նա բարձրադիր պլատոնի տեսք ունի, որովհետև ավելի բարձր է, քան Սիցին և Ստորին Դանուբյան դաշտավայրերը: Կարպատներից իջնող գետերը (Տիսայի ձախ վտակները) խիստ մասնատել են այդ պլատոն, առաջացնելով լայն ու խոր հովհաններ, որի հետևանքով նա բլրուտ երկրի տեսք է ստացել: Բլուրները 600—700 մետր բարձրություն ունեն և ծածկված են անտառներով:

Հարավային Կարպատները, կամ Տրանսիլվանյան Ալպերը ձգվում են հյուսիսային լայնության 46°-ից հարավ, Բրաչով քաղաքի մոտից մինչև Երկաթլա դարպասները: Սա իրենից ներկայացնում է լեռնաշխարհ, որտեղ արևմուտքից-արևելք ձգվում են մի ամբողջ շարք շղթաներ: Նրանք կազմված են բյուրեղացած պարներից և երբեմն հասնում են բավական մեծ բարձրության: Այդ շղթաներից նշանավոր են Բուզաուի և Ֆոգարաշի (կամ Ֆագարաշի) շղթաները, որոնք միմյանցից բաժանված են Տեղեշ լեռնանցքով (որով անցնում է Բրաչով-Պուեշտի երկաթուղին): Ֆոգարաշի շղթան ձգվում է մինչև Օլտով գետի հովիտը: Այդտեղից դեպի արևմուտք ընկած են հին սաղցապատման հետքեր կրող մի շարք այլ լեռնաշղթաներ, որոնք արևմուտքում աստիճանաբար ձուլվում են Բանատի լեռների հետ:

Կարպատյան լեռները ամենից մեծ բարձրություն և լայնություն ստանում են հյուսիս-արևմուտքում, որտեղ գտնվում է բարձր Տատրան, և հարավային մասում՝ Ֆագարաշյան լեռների շրջանում:

Կարպատյան լեռների հյուսիս-արևմուտքը երրեմն կոչվում է նաև Սլովակո-Լեհական Կարպատներ, իսկ հարավը՝ Ուումինական Կարպատներ: Այս Երկուսի միջն ընկած է Կարպատյան լեռների ամենանեղ մասը, որը կոչվում է Սովետական Կարպատներ:

X Կարպատյան լեռները Զորրորդականում ենթարկվել են տեղական բնույթ կրող ոչ մեծ սաղցապատման: Սաղցապատման կենտրոններ են եղել Բարձր Տատրան և Տրանսիլվանյան Ալպերը: Կար-

պատյան լեռների ոելյեֆը այդ վայրերում ամենուրեք աշքի է ընկնում սաղցադաշտային բնորոշ ձևերով:

Կարպատների շրջանում կլիման բազմազան է և փոփոխվում է շրջան վայրի աշխարհագրական լայնության ու բարձրության: Այստեղ պարզ կերպով արտահայտված է կլիմայի կոնտինենտալությունը, որը բացատրվում է Ատլանտյան օվկիանոսից ունեցած բավականին մեծ հեռավորությամբ: Կարպատյան լեռների հյուսիսում և հյուսիս-արևելքում տարեկան թափվում են $800-1000$ միջիմետր տեղումներ: Չմեռային տեղումներն ամենուրեք կրում են ձյան բնույթ: Չնածածկի տևողությունը մեծ մասամբ հաշվվում է 5 ամիս, սակայն լեռնագագաթային մասերում հաճախ այն մնում է մինչև ամռան վերջը: Ամենից քիչ տեղումներ ստանում են լեռների արեվելյան և հարավ-արևելյան լանջերը, ինչպես նաև լեռնահովիտներն ու գոգավորությունները (մոտ 600 միջիմետր և ավելի պակաս): Ամենացուրտ ամսվա միջին բարեխառնությունը նախալեռներում սովորաբար մինուս 2° ից մինուս 4° է, բարձր լեռներում՝ ամենուրեք մինուս 10° -ից ցած, Տրանսիլվանյան գոգավորությունում՝ 6° , Հովիսի միջին ջերմությունը նախալեռներում՝ $20-22^{\circ}$ է, Տրանսիլվանյան գոգավորությունում՝ 18° , իսկ բարձր լեռներում՝ $10^{\circ}-12^{\circ}$:

Կարպատյան գետերի մեծագույն մասը պատկանում է Դանուրի, մասամբ նաև Վիսլայի և Դնեստրի ավազաններին: Կարեռագույն գետերից են Վագ, Օլտ, Սերետ, Պրուտ, Մուրեշ, Տիսա (վերին հոսանքում) և այլն: Կան բավական շատ ոչ մեծ լճեր, որոնք գերազանցապես սաղցադաշտային ծագում ունեն:

Լեռները մեծ մասամբ բռնված են անտառներով, ըստ որում մինչև 1000 մետր բարձրությունը կաղնու, հաճարի և թղկու անտառներ են, որոնք դեպի վեր փոխարինվում են փշատերև անտառով, իսկ ավելի վեր (սկսած 2200 մետրից) սկսվում է ենթալյան մարգագետնային զոնան:

Կարպատյան լեռներում դեռ մինչև այժմ էլ գիշատիչներից պահպանված են գայլը, արջը, հաճախ են պատահում լուսանը, աղվեսը, վայրի կատուն, կզաքիսը: Մյուս կենդանիներից բնորոշ են վայրի խոզը, վայրի այծը, այծյամը: Շատ են թռչուսները, դրանց թվում՝ արծիվը, բազեն, խլահավը, անտառաքլորը, կաքավը:

ՄԻԶԻՆ ԴԱՆՈՒԹՅԱՆ (ՀՈԽՎԱՐԱԿԱՆ) ԴԱՇՏԱՎԱՅՐ

Միջին Դանության դաշտավայրը տեղափորփած է Կարպատների և Արևելյան Ալպերի միջև։ Դաշտավայրի միջին բարձրությունը 108 մետր է։ Սա իրենից ներկայացնում է Մեզոպոլիան և մասսամբ հերցինյան ծագումի ծալքավոր լեռնային կառուցվածքի միջվածք, որ, ինչպես ասվել է, առաջացել է խաղաղօվկիանոսյան տեկտոնական էտապի հին-կիմերիական ֆազի ժամանակ։ Նրա հերցինյան և Մեզոպոլիան հիմքի վրա նստած են Նեոգենի ծովային և ապա հին ալյուվիալ նստվածքներ, որոնք բոլորն էլ հորիզոնական տեղադրություն ունեն։ Հունգարական դաշտավայրում Նեոգենի ծովի (լագունայի) մնացորդներն են Հանդիսանում Նելգիդյեր և Բալաթոն ծանծաղ լճերը։ Դաշտավայրի արտաքին ծածկում նշանակալից տեղ են գրավում լոսերը, որոնց հզորությունը հասնում է 60—80 մետրի։ Լյոսով են ծածկված նաև Հունգարական դաշտավայրի ջրբաժան բարձունքները։ Դաշտավայրի առանձին մասերում հանդիպում են ավագուտներ, իսկ տեղ-տեղ՝ նաև ճահճեներ։ Դաշտավայրով հոսում են մի շարք դանդաղահոս գետեր, որոնց լայն հովիտները ամբողջովին ծածկված են ալյուվիալ բերվածքներով։ Հունգարական դաշտավայրի միջին մասում պահպանվել են մի շարք հորստածեն բարձրություններ, որոնք հանդիսանում են Պաննոնյան հնագույն ցամաքի բեկորները։ Նրանք մի ընդհանուր անունով կոչվում են Միջին Հունգարական լեռներ կամ Բակոնյան անտառ։ Կազմված են կրաքարերից ու դոլոմիտներից և ունեն 400—750 մետր բարձրություն։ Դանութ գետով և Բակոնյան լեռների հյուսիս-արևելյան բլրաշարերով Միջին Դանության հարթությունը բաժանվում է արևմտյան և արևելյան մասերի։ Դրանցից առաջինը կոչվում է Վերին Հունգարական հարթություն, իսկ երկրորդը՝ Միջին-Դանության Մեծ դաշտավայր։ Վերին Հունգարական հարթությունը, որ ավելի փոքր է և արևմտյան մասերի։ Դրանցից առաջինը կոչվում է Վերին Հունգարական հարթություն, ունի պլատոյածեն մակերեսույթ, նրա եզրերը մի փոքր բլրապատ են։ Նրա սահմաններում, Բակոնյան անտառից բացի, հայտնի են նաև քարածուխով հարուստ Մեցեկե լեռները (682 մետր բարձրությամբ), որոնք հանդիսանում են մնացորդային լեռներ։ Միանգամայն հարթաշրածություն է Միջին-Դանության Փոքր դաշտավայրը։

Միջին Դանության դաշտավայրը (այլ կերպ սա կոչվում է նաև Ստորին Հունգարական հարթություն) եզրերից դեպի կենտրոն հետրզեսե իջնում է, հակված լինելով ընդհանրապես հյուսիսից դե-

պի հարավ: Նրա ծայրամասերում ամենուրեք տարածված են լյուսացին հողեր, իսկ կենտրոնական մասում գտնվում է սրսուռ ավազների մի ընդարձակ շրջան, ծածկված բազմաթիվ դյուներով, մանր լճերով ու ճահճներով:

Միջին Դանուրյան դաշտավայրը բոլոր կողմերից լեռներով շրջապատված լինելու պատճառով ունի ցամաքային չոր կլիմա: Կլիմայի ցամաքայնությունն ավելի մեծանում է արևմուտքից-արեվելք: Արևմուտքում շերմության տարեկան ամպիտուդը մոտ 22° է, իսկ արևելքում՝ 26° և ավելի: Բուդապեշտի ամենացուրտ ամսվա միջին շերմությունը մինու 2° է, արևմուտքում տեղումների տարեկան միջին քանակը 800 միլիմետր է, իսկ Տիսայից արևելք՝ 600 միլիմետր: Կարեռագույն գետերից է Դանուրի ձախափնյա վտակ Տիսա: Վերջինս համարյա ամբողջովին անցնում է Միջին Դանուրյան դաշտավայրով: Մնվում է մեծ մասամբ անձրեային և ձյան շրերով: Տարվա մեջ վարարում է մի քանի անգամ, հիմնականում ձյան հալոցքի և ամառային տեղատարափ անձրեների պատճառով: Առավել վտանգավոր են ամառային վարարումները, որոնց ժամանակ Տիսան սովորաբար դուրս է գալիս իր ափերից և հսկայական տարածություններ առնում ջրի տակ: Միջին Դանուրյան դաշտավայրի մնացորդային լճերից են Բալաթոնը և Նեյզիդլերը:

Միջին Դանուրյան դաշտավայրը բուսականության տեսակետից հիմնականում ներկայանում է որպես տափասթան, ուր երբեմն պատահում են անտառներ և մացառուտներ: Անտառն ընդգրկում է դաշտավայրի արևմտյան նախալեռնային շրջանները, որտեղ հանդիպում են հիմնականում հաճարին և կաղնին, ինչպես նաև շիրյակային տիպի որոշ թփուտներ: Դաշտավայրի արևելյան կեսում գերիշխում է տիպիկ տափաստանը, որը կազմում է արևելյան առողջական տափաստանի արևմտյան շարունակությունը: Զոր տափաստաններն այստեղ կոչվում են «պուշտա»:

Միջին Դանուրյան դաշտավայրում տիրապետում են սևահողերը: Իսկ գետահովիտներում՝ ալյուվիալ հողերի ընդարձակ գոտին: Դաշտավայրում հիմնականում մշակում են պտղատու զանազան ծառեր, խաղող, ծխախոտ, եգիպտացորեն և հացահատիկային այլ կուլտուրաներ:

Տափաստանի բնորոշ շատ կենդանիներ (սայգան, գրոֆը և մյուսները) համարյա ամբողջովին ոչնչացվել են: Այժմ ավելի շատ հանդիպում են կրծողները և տափաստանային թոշունները: Ճահճների չորացման կապակցությամբ իսկստ կրծատվել են նաև մի

շարք ջրաճահճային թոշուններ՝ սագերը, բադերը և այլն: Այստեղ ավելի մեծ տեղ են գրավում շվող թոշունները, որոնք հատկապես գարնանը արտակարգ աշխուժություն են ստեղծում Դանուբի ամքողջ երկարությամբ:

ՍՏՈՐԻՆ ԴԱՆՈՒԲՅԱՆ ԴԱՇՏԱՎԱՅՐ

Կարպատներից հարավ և արևելք տեղավորված է Ստորին Դանուբյան դաշտավայրը: Նա հիմնականում իր մեջ է ընդգրկում Տրանսիլվանյան լեռների ու Դանուբի միջև ընկած մասը, որը կոչվում է Վալախիա: Կարպատների և Պրուտ գետի միջև ընկած է Մոլդավիան, իսկ Դանուբի գետայից հարավ, Վալախիայի և Սև ծովի միջև տեղավորված է Դոբրուջան: Ստորին Դանուբյան դաշտավայրը առաջացել է Կարպատների և Բալկանների միջև մի ժամանակ գոյություն ունեցող Մեզոպոլյան ծալքավոր լեռնազանգվածի (Վալախիայի) իջեցման հետևանքով: Վալախիայի հյուսիսային մասը, որ ընկած է Տրանսիլվանյան լեռների ստորոտում, բլրոտ է և մասամբ ծալքավորված: Դեպի հարավ և արևելք այն հետզհետեցածրանում է, բլրուները աստիճանաբար փոքրանում են և ռելիեֆը ստանում է հարթ դաշտավայրի բնույթ: Ստորին Դանուբյան դաշտավայրը արևմտյան մասում ունի մոտ 300 մ միջին բարձրություն, որը սակայն դեպի հարավ և արևելք հնագհետեցածրանալով հասնում է մինչև 50 մ և ավելի պակաս բարձրության: Ընդհանուր առմամբ դաշտավայրը հարթ է, մասամբ միայն մասնատված է գետահովիտներով: Դանուբի ողողատի մոտ դաշտավայրը ստանում է մոտ 25 մետր բարձրություն և վերջանում խիստ թեք կտրվածք ունեցող լոսային դարավանդով:: Դանուբի ստորին հովիտը շատ ցածրադիր, լճերով և ճահճներով հարուստ մի տեղամաս է, որը կոչվում է Բալտա:

Կարպատների և Պրուտի միջև տեղավորված է Մոլդավական բարձրությունը, որն ունի ավելի խայտաբղետ ռելիեֆ: Նրա հյուսիս-արևմտյան հատվածը ալիքավորված հարթության տեսք ունի, կենտրոնական մասը բլրապատ է և ծածկված լոսով, իսկ հարավային մասը ներկայացնում է սկահողերով բռնված տափաստանային հարթություն:

Դանուբի գետայից հարավ տեղավորված է Դոբրուջան: Նրա հյուսիսային մասը անտառածածկ է և մասամբ լեռնային բնույթ ունի: Լեռները հասնում են մինչև 456 մետր բարձրության: Հարավային Դոբրուջան ցածրադիր է և անտառազուրկ, նա գրեթե

ամբողջովին ծածկված է տափաստանային բուսականությամբ, որի պատճառով հաճախ անվանվում է Տափաստանային Դոբրուչա: Վերջինիս ծովափնյա հատվածը կտրտված է մի շարք լիմաներով, որոնցից առանձնապես հայտնի է Կապույտ լիմանը:

Ստորին Դանուբյան դաշտավայրի կիման ընդհանրապես ցամաքային է: Այն աշքի է ընկնում շոր ու շոգ ամառով և ցուրտ ձմեռով: Գետերը սառչում են, ձյունը նստած է մնում մոտ երկու ամիս: Տեղումները շատ քիչ են, Սև ծովի ափին նրանց քանակը չի անցնում 300 մմ.-ից, սակայն նախալեռներում նրանց քանակն անհամեմատ շատ է: Տեղումները մեծ մասամբ թափվում են մայիսին, որոշ շափով՝ նաև հունիսին: Ընդհանրապես շոր ամառվա ընթացքում մանր գետերը ցամաքում են: Դրան մեծապես նպաստում են նաև հյուսիս-արևելյան շոր քամիները, որոնց շնորհիվ ամառը բարձրանում է օդի ջերմաստիճանը և փոքրանում խոնավությունը: Վալախիայի կենտրոնական մասում տարեկան միջին ջերմաստիճանը $14,4^{\circ}$ է, հունիսիան միջինը՝ $22,8^{\circ}$, հունվարյան միջինը՝ $-4,3^{\circ}$: Ամռանը առավելագույն ջերմությունը երբեմն հասնում է 40° -ի, իսկ ձմռանը ընկնում է մինչև -26° : Մթնոլորտային տեղումները թափվում են գլխավորապես գարնանը, նրանց տարեկան միջին քանակը հավասար է $380-760$ մմ:

Միջին և ստորին Դանուբյան դաշտավայրերի ամենախոշոր ջրային արտերիան Դանուբն է: Նա հանդիսանում է Արևմտյան Եվրոպայի ամենամեծ գետը, ունի 2860 կմ երկարություն և 817 հազար քառ. կմ ջրհավաք ավազան: Դանուբն սկսվում է Շվարցվալդի արևելյան լանջերից: Մինչև Ուկմ քաղաքը, որտեղ նա աջ կողմից ընդունում է իլլեր գետը, Դանուբը նավարկելի չէ: Իլլերի գետախառնուրդից սկսած Դանուբը դառնում է նավարկելի ընդհուպ մինչև Սև ծով: Դանուբը ջրառատ գետ է: Վերին հոսանքում նա ունի ալպյան տիպի ռեժիմ, իսկ մնացած շրջաններում՝ հարթավայրային գետի բնույթ, բացառությամբ այն վայրերի, որտեղ կտրում է լեռնաշղթաները (Վիեննայի դոների, Երկաթյա դարպասների, մասսամբ նաև Դոբրուչայի լեռների մոտ): Մինչև Հունգարական դաշտավայրը ջրի առավելագույն քանակը բաժին է ընկնում ամռանը, իսկ նվազագույնը՝ ձմռանը, այնուհետև առավելագույնը համընկնում է գարնանը, նվազագույնը՝ ամռանը: Զմեռները երբեմն սառչում է (մինչև 40 օր): Լեռնային վտակների բերած ջրերի մեծ քանակության շնորհիվ հաճախակի են վարարումները:

Ստորին Դանուբյան դաշտավայրը գերազանցապես տափառ-
տանային շրջան է: Այստեղ մշակում են ցորեն, եգիպտացորեն, գա-
րի, տարեկան, վուշ, արևածաղիկ, ծխախոտ: Մեծ տեղ է գրավում
այգեգործությունը:

Կենդանիներից առավելապես տարածված են կրծողները և
թռչունները (առանձնապես Դանուբի դելտայում):

ՀԱՐԱՎԱՅԻՆ ԵՎ ՐՈՊԵ.

Եվրոպայի հարավային երեք մեծ թերակղզիների և բազմաթիվ
կղզիների ֆիզիկա-աշխարհագրական պայմանները մեծ շափով ի-
րար նման են: Նրանց միավորում է Միջերկրական ծովը և Կիմա-
յական այն յուրահատուկ տիպը, որը կոչվում է միջերկրածովային
կլիմա: Ամբողջ միջերկրածովային շրջանի համար բնորոշ է տե-
ղումների խիստ անհավասար բաշխումը ամառվա և ձմեռվա միջև,
բայց որում ամենուրեք ամառը շոր է ու շոգ, հաճախ՝ երաշտային,
իսկ ձմեռային եղանակը մեղմ է ու խոնավ: Միջին հաշվով մի-
ջերկրածովային շրջանը ստանում է տարեկան 760 միջիմետր տե-
ղումներ, որոնցից ամունը բաժին է ընկնում Մալթայում՝ 2 տո-
կոս, Սիցիլիայում՝ 3 տոկոս, Միջին հտալիայում՝ 17 տոկոս, Հա-
րավային հտալիայում՝ 11 տոկոս, մինչդեռ տարեկան տեղումների
գումարը տարվա ամիսների վրա (հավասար) բաշխման դեպքում
ամառային 3 ամիսների բաժինը պետք է լիներ 25 տոկոս: Կան նույ-
նիսկ այնպիսի վայրեր, որտեղ ամունը տեղումները բոլորովին
բացակայում են կամ շափազանց քիչ են (3 ամսվա ընթացքում՝
մինչև 50 մմ). այդպիսի վայրերից են հարավային Պորտուգալիան,
Հարավ-արևելյան հսկանիան, Բալկարյան կղզիները, Կորսիկան,
Սարդինիան, Սիցիլիան, Կալաբրիան, Մալթան, Միջին Հունաստա-
նը: Այդ երկրներում և նորմանրապես միջերկրածովյան ավազա-
նում ամուն ամիսներին շափազանց ցածր են օդի հարաբերական
խոնավությունը և ամպամածությունը: Նրանցում տարեկան տե-
ղումների մեծագույն մասը բաժին է ընկնում տարվա ցորտ ժա-
մանակաշրջանին, ձմռանը: Միաժամանակ որպես կանոն նկատելի
է, որ թերակղզիների արևելյան մասերը ավելի ցամաքալին են,
քան արևմտյան մասերը, բայց որում արևմուտքից գեղի արևելք
ամառվա և ձմեռվա ջերմաստիճանների տարրերությունը մեծանում
է: Դա հետևանք է մի կողմից արևմտյան քամիների ազդեցության,
մյուս կողմից՝ թերակղզիների լեռնոտ ռելյեֆի, որի շնորհիվ ծովերի

ազդեցությունը քիչ է տարածվում դեպի արևելք: Բացի դրանից, նշանակություն ունի և այն, որ, ի տարբերություն արևմուտքի ընդարձակ ջրային ավազանի, արևելքում տիրապետող են դառնում ցամաքային տարածությունները:

Հարավային Եվրոպայի միջերկրածովային կլիման հետևանք է այն բանի, որ մերձտրոպիկական մթնոլորտային բարձր ճնշման գոտին ամառվա և ձմեռվա ընթացքում մերթ տեղաշարժվում է դեպի հյուսիս և մերթ՝ դեպի հարավ: Մերձտրոպիկական բարձր ճնշման գոտու տեղաշարժերի շնորհիվ միջերկրածովային շրջանը ձմռանը գտնվում է խոնավաբեր քամիների ազդեցության տակ, իսկ ամռանը՝ չոր ու տաք քամիների: Վերջիններս հաճախ պատճառ են դառնում մինչև +35° զերմություն ունեցող տեղական քամիների առաջացման: Տեղի աշխարհագրական լայնության և Միջերկրական ծովի ազդեցության շնորհիվ հարավային Եվրոպայում բավական բարձր են տարեկան ջերմաստիճանները:

Միջերկրածովային Եվրոպան բնորոշվում է խիստ մասնատված լեռնային ուղղեֆով: Այստեղ ամենուրեք հին ծալքավոր լեռնազանգվածներին ուղեկցում են ալպյան գեոսինկլինալի լեռնային կառուցվածքները, ինպես նաև երկրաբանական նորագույն ժամանակաշրջանում երկրակեղեկի ուժեղ խախտման տեղամասերը, որոնց հետեանքով առաջացել են հարավային Եվրոպայի շատ բնորոշ մասնատված ափագծերը և մինչև այժմ դեռ շարունակվող հրաբխականությունը:

Հարավային Եվրոպայի կարեռագույն առանձնահատկություններից է նույնպես բուսականության միջերկրածովային տիպը, ինչպես նաև յուրահատուկ կենցանական աշխարհը, որն իր զարգացման առանձնահատկություններով և ժամանակակից ձեերով խիստ տարրերվում է Եվրոպայի մնացած մասերից: Վերջապես, որպես ընդհանուր օրինաշափություն, կարեոր է նշել վառ կերպով արտահայտված կլիմայական և լանդշաֆտային ուղղաձիգ գոնայականությունը, որը ուշ մի տեղ Եվրոպայում այնքան լավ չի արաւահայտված (բացառությամբ Ալպերից): ինչպես միջերկրածովյան երկրներում:

Պիրենեյան բերակղզի

Պիրենեյան թերակղզին, որ երբեմն կոչվում է նաև Իբերա՛ան կամ Իսպանական թերակղզի, գտնվում է Եվրոպայի հարավ արևմբռտյան մասում: Հյուսիսից (ցամաքային մասում) նրա սահմանն

են կազմում Պիրենեյան լեռները, իսկ արևմուտքից, հարավից և արևելքից՝ Ատլանտյան օվկիանոսն ու Միջերկրական ծովը։ Հարածությունը մոտ 580 հազար քառ. կիլոմետր է։ Թերակղզու մեծ մասը բռնված է Մեզետա բարձրավանդակով, որը համարյա բոլոր կողմերից շրջապատված է լեռնաշղթաներով։ Թերակղզու ամենաբարձր կետը Սիերրա-Նեվադա շղթայի Մայումասին գագաթն է (3481 մետր)։ Դաշտավայրերն ու ցածրադիր շրջանները համեմատարար փոքր տարածություն են բռնում։

Ուելյեֆի և երկրաբանական կառուցվածքի տեսակետից Պիրենեյան թերակղզին ընդունված է բաժանել երեք մասերի։ Կենտրոնական բարձրավանդակ (Մեզետա), ծայրամասային երիտասարդ ծալքավոր լեռներ և արևմտյան (Պորտուգալական) հարթություն։

ԿԵՆՏՐՈՆԱԿԱՆ ԲԱՐՁՐԱՎԱՆԴԻԿ

Կենտրոնական բարձրավանդակը կամ հսպանական Մեղետան բռնում է թերակղզու մեծ մասը։ Նա գրեթե բոլոր կողմերից շրջապատված է երիտասարդ ծալքավոր լեռներով, այդ թվում Կանտարրյան, Իբերական, Անդալուզյան։ Մեզետայի հարավ-արևմտյան կողմում ընկած է Անդալուզյան գաշտավայրը, իսկ Հյուսիս-արեվելյան մասում՝ Արագոնյան գոգհովիտը։ Դրանք ունեն տեկտոնիկ ծագում և հանդիսանում են Մեզետայի ցած իջած հատվածները։ Մեզետայի կենտրոնում հյուսիս-արևելքից հարավ-արևմուտք ուղղությամբ ձգվում են այսպես կոչված Կաստիլյան կամ հսպանական Կենտրոնական Կորդիլլերները, որոնք կազմված են մի քանի առանձին ոչ բարձր լեռնաշղթաներից։ Դրանցից են Սիերրա-դե-Գվադարրամա, Սիերրա-դե-Գրեդոս, Սիերրա-դե-Գատա և այլն։ Դրանցով Մեզետան բաժանվում է 2 հատվածների։ Հյուսիսայինը, որ կոչվում է Հին Կաստիլիա (մինչև 700 մ բարձրությամբ) և Հարավայինը, որ կոչվում է Նոր Կաստիլիա։ Այս վերջինը ունի մինչև 650 մ բարձրություն։ Մեզետայի հյուսիս-արևմտյան անկյունում բարձրանում են Գալիսիակի լեռները, իսկ հարավային մասում՝ Սիերրա-Մորենա լեռնաշղթան։ Վերջինս մինչև 1100 մ բարձրություն ունի և զառիթափ լանջերով իջնում է դեպի Անդալուզյան գաշտավայրը։

Մեզետայի հիմքը կազմված է հնագույն գրանիտներից, գնեսիտներից և բյուրեղացած թերթաքարերից, որոնք մի շարք վայրերում մերկացած են (օրինակ՝ Գալիսիայում, Կենտրոնական Կորդիլլերներում, Տոլեդոյի լեռներում և այլն)։ Վերոհիշյալ հնագույն զանգ-

վածները շրջապատված են Հերցինյան ծագումի մնացորդային լեռներով: Նրանք բռնում են Մեզետայի մեծագույն մասը: Մինչմեզողոյան ապարներից կազմված հսպանական Մեզետան Մեզողոյի ընթացքում ենթարկվել է ուժեղ կոտրատումների և լվացման, վերածվելով պենեպլենի: Երրորդականի վերջում այդ պենեպլենը կրկին ենթարկվել է ընդհանուր բարձրացման ու կոտրատումների, բայց որում դրանց հետքերը շատ լավ դիտվում են Սիերրա-Մորենա լեռներում և բարձրավանդակի հյուսիս-արևմտյան ու արևմտյան սահմաններում ընկած բարձրություններում: Հենց այդ նույն պրոցեսների հետևանքով վեր են բարձրացել Կենտրոնական Կորդիլերները և իշել են Անդալուզյան ու Արագոնյան դաշտավայրերը, որոնք Երրորդականում մասսամբ բռնված են եղել լճերով, մասսամբ էլ լցվել են Կոնտինենտալ բերվածքներով: Մեզետայի մեծագույն մասը, մանավանդ նրա արևելքը, ծածկված է Երրորդականի գետացին ու լճացին նստվածքներով:

ՍԱՅՐԱՄԱՍԱՅԻՆ ԼԵՌՆԵՐ

Պիրենեյան թերակղու ծայրամասային երիտասարդ լեռների թվին պատկանում են Կանտաբրյան, Պիրենեյան, Իբերական, Կատալոնյան և Անդալուզյան լեռները: Սրանք ըստ ծագման բաժանվում են ալպիդների և իբերիդների: Ալպիդների թվին պատկանում են Անդալուզյան լեռները, որոնք շարունակվում են դեպի Բալեարյան կղզիները: Իբերիդների խմբին պատկանում են Կանտաբրյան, Պիրենեյան, Իբերական և Կատալոնյան լեռները: Ալպիդները առաջացել են ալպիական տեկտոնական էտապի ժամանակ, ձևավորվել են ալպիական գեոսինկլինալում, հին թետիսի արևմտյան հատվածում: Մի փոքր այլ է եղել իբերիդների առաջացումը. սրանք վեր են բարձրացել էպիկոնտինենտալ պլատֆորմի (Հերցինյան հիմքի) վրա: Այն գեոսինկլինալը, որում առաջացել են նրանք, եղել է ավելի ծանծաղ, նա իր մեջ պարունակել է ավելի ծանծաղ ծովային նստվածքներ: Բացի այդ, իբերիդների կազմում որոշ մասնակցություն են հանդես բերել նսե հերցինյան հին հիմքի բեկորները, նրանց ծալքավորումը այնքան ուժեղ չի եղել, ինչքան ալպիդներում:

Պիրենեյան թերակղու լեռնագրության մեջ աշքի են ընկնում Անդալուզյան լեռները: Սրանք այլ կերպ կոչվում են Բետական Կորդիլերներ, գգվում են թերակղու հարավ-արևելյան մասի ծովափի երկարությամբ, տարածվելով հարավ-արևմուտքից դեպի

Հյուսիս-արևելք: Նրանց երկարությունը մոտ 600 կմ է, լայնություն՝ 100—160 կմ: Դեպի արևելք նրանց շարունակությունն են կազմում Պիտիուզյան և Բալեարյան կղզիները:

Անդալուզյան լեռները կազմված են իրար զուգահեռ ընթացող մի շարք շղթաներից, որոնք միմյանցից բաժանված են խոր գոգհովիտներով ու ցածրություններով: Նրանց թվում առանձնանում են հատկապես Սիերրա-Նեվադայի լեռները, որոնք իշխող դիրք ունեն Անդալուզյան լեռների սիստեմում: Սիերրա-Նեվադայում է գտնվում Պիրենեյան թերակղզու ամենաբարձր գագաթը՝ Մոլյասեն կամ Մյուլհասեն, որը 3481 մ բարձրություն ունի:

Թերակղզու մյուս լեռնաշղթաներից կարեռ են Պիրենեյան լեռները, որ ձգվում են Բիսկայան ծոցից մինչև Միջերկրական ծով: Նրանք ունեն մոտավորապես 450 կմ երկարություն և մոտ 120 կմ լայնություն: Լեռները առավելագույն բարձրության են հասնում Մալգետա զանգվածում, որտեղ գտնվում է Պիկ-դը-Անետգագաթը, 3404 մ բարձրությամբ: Պիրենեյան լեռները քիչ են մասնաւութած, հենց այդ պատճառով էլ դժվարամատչելի են: Լեռնալանջերը ավելի զարդարակի են հյուսիսային կողմում, քան հարավում՝ դեպի Արագոնյան դաշտավայրը: Պիրենեյան լեռներում հավերժական ձյան գիծն սկսվում է 2400—2800 մ բարձրությունից: Կան սակավաթիվ սառցադաշտեր, որոնք կենտրոնացած են հիմնականում հյուսիսային լեռնալանջերում:

Պիրենեյները անհամեմատ ցածր են արևմուտքում և շատ ավելի բարձր՝ կենտրոնական հատվածում: Այստեղ են գտնվում Մալգետա զանգվածը և Պիրենեյան լեռների ամենաբարձր գագաթները (Պիկ-դը-Անետ և այլն): Մալգետա զանգվածում են կենտրոնացած նաև Պիրենեյների համարյա բոլոր սառցադաշտերը: Այստեղ լավ են արտահայտված նույնպես Զորրորդականի սառցապատման հետքերը, հատկապես ակնառու են գետերի վերնագագափառների բնդարձակ սահմանագծային կրկեսները: Գետերը կենտրոնական Պիրենեյներում առաջացրել են բազմաթիվ նեղ կիրճեր և մեծ բարձրության ջրվեժներ: Պիրենեյների կենտրոնական հատվածը միաժամանակ հայտնի է իր շատ բարձր լեռնանցքներով: Այսպես, օրինակ, «Ռուանդի ճեղք» լեռնանցքը ընկած է 2804 մ բարձրության վրա:

Աբենյան Պիրենեյները համեմատաբար ավելի ցածր են, նրանց միջին բարձրությունը 2000—2300 մ է, բայց սրանք ավելի ամբողջական են և ընդուազ մինչեւ Միջերկրական ծովը պահպա-

նում են իրենց սկզբնական միևնույն բարձրությունը։ Մայր արեելքում միայն, ծովափի մոտ (Լել Ալբեր լեռները) խիստ ցածրանալով հասնում են 650 մ բարձրության։ Արեելյան Պիրենեյները ձյունապատ չեն, բացառություն են կազմում միայն մի քանի գագաթներ։

Ամբողջությամբ վերցրած, Պիրենեյները պատկանում են ալպիական ծագման, բայց սրանք ձեւվորվել են մի փոքր ավելի վաղ, քան Ալպերը։ Լեռնակազմական պրոցեսներն այստեղ հիմնականում կատարվել են էոցեն-Պլիոցենում, այսինքն նրանք վերջացել են նախքան ալպիական տեկտոնական էտափի հիմնական ֆազերի սկսվելը։ Քանի որ շրջապատող հերցինյան զանգվածների կողմից (Հյուսիսից և Հարավից) եկող ճնշումը հավասար է եղել, ուստի Պիրենեյները սիմետրիկ կառուցվածք ունեն։ Պիրենեյների տեկտոնիկան շատ բարդ է, նրանցում մեծ տարածություններ են բըռնում վրաշարժերն ու խզումները։

Կանտարյան լեռները կազմում են Պիրենեյների արևմտյան շարունակությունը։ Նրանք ձգվում են արեելքից դեպի արևմուտք՝ մինչև Մինյո գետը, ունեն մոտ 450 կմ երկարություն։ Դեպի ծովք լանջերը խիստ զառիթափ են իջնում, իսկ դեպի Հարավ անհամեմատ ավելի հարթ են։ Նրանց արեելյան մասը, որ կոչվում է Բիսկայայի լեռներ, կազմված է գլխավորապես Կամճի դարաշրջանի կրաքարերից, իսկ արևմտյան մասը, որը մերձենում է Գալիսիային, կազմված է գլխավորապես կրաքարերից, քվարցիտներից, կոնգլոմերատներից և ավազքարերից։ Կանտարյան լեռների կենտրոնական մասում գտնվում է շղթայի ամենաբարձր գագաթը (Պիկ-դը-Եվրոպա, 2665 մ)։ Լեռների այս մասում աշքի են ընկնում հարթված լեռնակատարները։ Կանտարյան լեռներում խիստ տարածված են դիզունկտիվ երեսությները։ Շատ տեղերում հանդիպում են կարստային ձկեր։

Իրերական լեռները ձգվում են Կենտրոնական բարձրավանդակի (Մեզետայի) Հյուսիս-արեելյան սահմանի երկայնությամբ, երրոր գետի վերնազավառից մինչև Միջերկրական ծովը։ Նրանց երկարությունը մոտ 440 կմ է։ Դժվարանցանելի են։ Հաղորդակցությունը ծովափի և ներքին շրջանների միջև հիմնականում կատարվում է էրրոյի վտակ հալունա գետի հովտով, որով անցնում է Մադրիդ-Սարագոսա երկաթուղին։

Կատալոնյան լեռները սկսվում են Պիրենեյների արեելյան ծայրամասից և ծովափի երկարությամբ տարածվում մինչև էրրոյի դելտան։ Կազմված են մի քանի զուգահեռ շղթաներից, որոնք ներ-

կայացնում են հին հերցինյան հիմքի կոտրատումների և դիզունի-
տիվ տեղաշարժերի հետևանքով վեր բարձրացած բեկորները Կա-
տալոնյան լեռներում հիմնականում կարելի է առանձնացնել երկու
գլխավոր շղթաներ, որոնցից մեկը ձգվում է ծովափի մոտով, իսկ
մյուսը՝ նրանից արևմուտքը: Այս վերջինը ավելի բարձր է, սրա վրա
է գտնվում Մոն-Սենի զանգվածը, որն ունի 1734 մ բարձրություն,
մինչդեռ ծովափնյա շղթան 600 մետրից բարձր չէ: Այդ երկու շղ-
թաների միջև տեղավորված է Կատալոնյան հովիտը: Մովափնյա
շղթան երիտասարդ խզումների շնորհիվ վերածվել է մի շարք
զանգվածների, որոնք միմյանցից բաժանված են իշվածքներով:
Այդ իշվածքները հնարավորություն են տալիս հարմար ճանապարհ-
ներով Կատալոնիայի ներքին շրջանները կապել ծովափնյա վայ-
րերի հետ:

ԱՐԵՎՄՏՅԱՆ (ՊՈՐՏՈՒԳԱԼԻԱԿԱՆ) ՀԱՐԹՈՒԹՅՈՒՆ

Մեզետայից արևմուտք ընկած այս հարթությունը բռնում է
Մինլո, Դուերո, Տախո և Գվադիանա գետերի ստորին հոսանքների
շրջանը: Հարթության առավելագույն բարձրությունը հասնում է
500 մ: Նրանում տեղ-տեղ հանդիպում են նաև առանձին բլրաշ-
րեր, որոնք կազմում են Կենտրոնական Կորդիլյերների շարունա-
կությունը: Դրանցից են Սիերրա-դա-Էստրելլա և Սիերրա-դե-Սինտ-
րա շղթաները: Վերջինս ձգվում է ընդհուպ մինչև Ռոկա հրվանդա-
նը: Պորտուգալական հարթության արելյան մասը մի իշվածք է,
որը բռնված է վերին Մեզոպոյի ու Երրորդականի ապարներից
կազմված բլուրներով: Դրանք առանձին վայրերում հասնում են
մինչև 900 մ բարձրության: Ի հակագլու այդ բարձրությունների,
հարթության արևմտյան (ծովափնյա) մասը շափազանց ցածրադիր
է, տեղ-տեղ ճահճակալված: Այդ մասում տիրապետում են ծովային
և ալյուվիալ նստվածքները: Հարթության տերիտորիայում հածա-
խակի են երկրաշարժները, որոնք վկայում են, որ դեռևս շարու-
նակվում են տեկտոնական պրոցեսները:

Պիրենեյան թերակղզու կլիման, ոելյեֆի և տարբեր տիպի-
օդային հոսանքների ազդեցության շնորհիվ, խիստ բազմազան է:
Այստեղ կարելի է միմյանցից տարբերել հետևյալ կլիմայական
շրջանները:

Ա. Հյուսիսի մերձօվկիանոսյան շրջան.—Սա հիմնականում իր
մեջ է ընդգրկում Գալիսիան, Աստուրիան և Բիսկայան: Այդ ամրող
հատվածում իշխում է ծովային միապաղաղ կլիման, որն արտա-

Հայտվում է մեղմ ձմեռով և ոչ շատ շոգ ամառով: Այստեղ տարեկան միջին ջերմաստիճանը կազմում է $13-14^{\circ}$, հունվարյան միջինը՝ $+8-8,7^{\circ}$, հունվարյան միջինը՝ $18-20^{\circ}$: Տեղումները ընդհանրապես բաշխված են հավասարաշափ, սակայն մի փոքր միջնիմում նկատվում է ամռանը: Տեղումների տարեկան միջին քանակը հասնում է $1000-1500$ մմ, իսկ որոշ տեղերում 2000 մմ և ավելի բարձր է:

2. Պիրենեյան լեռների շրջան.— Այստեղ տեղումները առատ են և բաշխված են նույնպես հավասարաշափ: Սակայն նրանց քանակը դեպի հարավ և արևելք խիստ նվազում է. այսպես, օրինակ, հյուսիս-արևմուտքում տեղումների տարեկան միջին քանակը հավասար է $1500-1800$ մմ, իսկ հարավ-արևելքում՝ ընդհանը $500-300$ մմ: Պիրենեյան լեռներում շատ լավ արտահայտված է կլիմայի ուղղաձիգ գոտիականությունը:

3. Հարավ-արևմտյան շրջան.— Բոնում է Անդալուզյան լեռների և դաշտավայրային մասը: Կլիման տիպիկ միջերկրածովային է, ամառը շոգ է և չոր, իսկ ձմեռը՝ մեղմ ու խոնավ: Դաշտավայրային մասում տարեկան միջին ջերմաստիճանը կազմում է $17-19^{\circ}$, հունվարյան միջինը՝ $+11-12,5^{\circ}$, հունվարյան միջինը՝ $23-26^{\circ}$, իսկ Սևիլիայում՝ անգամ 29° : Տեղումների տարեկան միջին քանակը կազմում է $500-1000$ մմ, սակայն լեռնային շրջաններում 1000 մմ-ից ավելի է: Լեռներում շատ լավ նկատվում են կլիմայական ուղղաձիգ գոտիները:

4. Հարավ-արևելյան շրջան.— Բոնում է թերակղզու հարավարևելյան ծովափը մինչև էքրո գետը: Սա իսպանիայի ամենաշոր շրջաններից մեկն է: Չորությունը մեծանում է հյուսիս-արևելքից հարավ-արևմուտք ուղղությամբ: Վալենսիայում տեղումների տարեկան միջին քանակը 472 մմ է, Կարթախենում՝ 340 մմ, իսկ Մուրսիայում՝ էլ ավելի պակաս: Խիստ չորային լինելու հետևանքով այստեղ երկրագործական կուտուրաների մշակությունը առանց արհեստական ոռոգման անհնար է: Ջերմային պայմանների տեսակետից սա որոշ շափով նման է նախորդ շրջանին, սակայն նրանից տարբերվում է համեմատաբար ավելի ցուրտ ձմեռով:

5. Մեզետայի շրջան.— Իսպանիայի կենտրոնական բարձրավանդակային այս շրջանը, լեռնաշղթաներով շրջափակված լինելու հետևանքով, ընդհանրապես ունի ցամաքային կլիմա: Մեծ են նրանում օրվա, ինչպես և տարվա ամպլիտուդները: Մադրիդում տարեկան միջին ջերմաստիճանը 14° է, հունվարյան միջինը՝ $4,8^{\circ}$,

Հովհաննես միջինը՝ 24,9⁰: Մեզետայում տեղումների տարեկան միջին քանակը մեծ մասամբ 500 մմ.-ից պակաս է, մի փոքր ավելի խոնավ են Կինտրոնական Կորդիլյերները:

Հ 2. Արագոնյան դաշտավայր.—Ընդգրկում է էրրո գետի հովիտը: Բնորոշվում է առավել չոր կլիմայով, ըստ որում նախորդ շրջանի համեմատությամբ ամառն այստեղ ավելի չոր է, զերմությունը՝ բարձր, ձմեռը մի փոքր ավելի տաք, իսկ տեղումների քանակը՝ ավելի պակաս: Այսպես, օրինակ, Սարագոսայում տեղումների տարեկան միջին քանակը կազմում է ընդամենը 295 մմ:

Ե. Պորտուգալական շրջան.—Սա նույնպես ունի միջերկրածովային տիպի կլիմա, բայց համեմատաբար մի փոքր ավելի մեղմ արտահայտված: Այստեղ կլիման նկատելի տարբերություններ է տալիս հյուսիսից-հարավ ուղղությամբ: Այսպես, օրինակ, հյուսիսում հունվարյան միջին ջերմությունը՝ 7⁰ է, իսկ հարավ-արևմտյան մասում՝ 11⁰, հովհանների միջին ջերմությունը սովորաբար հասնում է 20—24⁰-ի: Պորտուգալական հարթավայրում բացասական ջերմաստիճանները հազվագեց են, սակայն լեռնային շրջանների համար դրանք սովորական երեսույթ են: Լեռնային շրջաններն ստանում են առավելագույն տեղումները՝ մինչև 2000 մմ և ավելի: Որպես կանոն, դեպի հարավ տեղումների քանակը աստիճանաբար պակասում է: Այսպես, օրինակ, Պորտո քաղաքում նրանց քանակը հասնում է 1226 մմ-ի, իսկ Լիսաբոնում՝ 726 մմ:

Չնայած կլիմայական տիպերի այս բազմազանությանը, ամբողջությամբ վերցրած թերակղզին ունի հիմնականում մերձարևադարձային միջերկրածովային տիպի կլիմա, որն անհամեմատ մեղմ է ու խոնավ հյուսիս-արևմուտքում և ավելի խիստ ու չոր՝ հարավ-արևելքում:

Պիրենեյան թերակղզու ջրագրական ցանցն աշքի է ընկնում հինգ խոշոր գետերով, որոնցից չորսը՝ (Պուերոն, Տախոն, Գվադիանան և Գվադալկվիդիրը) հոսում են գեպի Ատլանտյան օվկիանոս, իսկ հինգերորդը, էրրոն՝ գեպի Միջերկրական ծով: Պրանցից անհամեմատ արգահոս են Պուերոն, Գվադիանան և Տախոն: Նրանք անցնում են կենտրոնական սարահարթով, այդ մասում առաջացնելով խոր կանիոններ՝ և բազմաթիվ սահանքներ: Էրրոն և Գվադալկվիդիրը ընդհանուր առմամբ գանդաղահոս են, իսկ ստորին հոսանքներում՝ նաև նավարկելի: Թերակղզու կարևոր գետերից են նաև Գալիսիայում՝ Մինյոն, որ թափվում է Ատլանտյան օվկիանոս, և ապա Խուկարը, որը թափվում է Միջերկրական ծով:

Նշված բոլոր գետերն էլ ունեն տիպիկ միջերկրածովային ռեժիմ. ամռանը նրանք խիստ ծանծաղում են, իսկ ձմռանը՝ վարաբռնւմ: Բացառիկ կարեռ է այդ գետերի նշանակությունը՝ ոռոգման համար: Նրանք խիստ արժեքավոր են նաև էներգետիկայի տեսակետից:

Թերակղզու հողային ծածկոցը նույնպես բնորոշվում է բազմապիսությամբ: Այստեղ հարավային անտառային գորշ հողերի հետ միասին հանդիպում են նաև կարմրահողեր և հումուսով հարուստ կարբոնատային սեահողեր: Երկրի բարձրադիր քարքարոտ շրջանները մեծ մասամբ բռնված են կմախքային, ինչպես նաև դեղրադացիայի ենթարկված հողերով: Թերակղզու որոշ վայրերում մասնակի տարածում ունեն կիսաճահճային տիպի հողերը:

Պիրենեյան թերակղզու բուսականությունը հիմնականում կրում է միջերկրածովային րնուկթ: Այստեղ շատ հարուստ են էնդեմիկ տեսակները: Համեմատաբար աղքատ է անտառային բուսականությունը, հատկապես իսպանիայում, որտեղ անտառները գրավում են երկրի ամբողջ տերիտորիայի մոտ 10 տոկոսը (իսկ Պորտուգալիայում՝ մոտ 25 տոկոսը): Թերակղզու հյուսիսային մասում (Բիսկայան ծովափնյա գոտում) տիրապետում են լայնատերև անտառները: Այս մասի բնորոշ ծառերից են կաղնին, շագանակենին, հաճարին և այլն: Հաճարին լայն տարածում ունի նաև հարավում, ինչպես նաև երկրի մյուս մասերում, որտեղ որպես տիրապետող ծառեր հանդիս են գալիս մշտադալար կաղնին (իր մի շարք տեսակներով), հալեպի սոճին, պինիան, սկ սոճին և այլն. Թերակղզում մեծ տարածում ունեն մաքվիսը և մաքվիսի տիպի մշտադալար թփուտները: Սրանք ավելի շատ տարածված են քարքարոտ ու շոր լեռնալանջերին ու քարձրավանդակային շրջաններում: Հարավային իսպանիայում աճող բնորոշ ծառատեսակներից է նույնպես «Պալմիտո» կոչվող վայրի արմավենին: Պիրենեյան թերակղզու կենտրոնական բարձրավանդակային շրջանը, ինչպես նաև հարավարկելյան միջերկրածովային հատվածը, բռնված են հիմնականում տափաստանային բռնսականությամբ: Ցեղ-տեղ հանդիպում է նաև կիսաանապատային բուսականություն: Բավական զգալի է աֆրիկական բուսատեսակների խառնուրդը թերակղզու հարավ-արևելյան շրջանում: Կուլտուրական բուսականության մեջ կարեռ տեղ են գրավում կոկոսյան արմավենին, շաքարեղեգնը և սուրճը:

Պիրենեյան թերակղզու կենդանական աշխարհը պատկանում է միջերկրածովային մարզին: Կան նաև բավական շատ էնդեմիկ և

աֆրիկական տեսակներ: Բնորոշ կենդանիներից են եղջերուն, եղնիկը, քարայծը, վիթը, լեռնային այծը, վայրի խոզը, արջը, գայլը, փորսուղը, աղվեսը և բազմաթիվ կրծողներ: Աֆրիկական տեսակներից թերակղզու ծայրը հարավում տիպիկ են շիրալթարի կապիկը, վիվերան, ալժիրի ողնին: Սողուններից տարածված են ձողեսները, օձերը և ցամաքային կրիաները: Հարավում պատահում է նաև քամելիոնը: Թոշուններից էնդեմիկ տեսակներ են կապույտ կաշաղակն ու կարմիր լորը:

Թերակղզու բնակչությունը հիմնականում կազմված է իսպանացիներից և պորտուգալացիներից: Փոքր թվով ապրում են նաև կատալանցիներ, բառկեր և ֆրանսիացիներ: Ամենից խիտ բնակեցված են հարավային շրջանները, դաշտավայրերը և թիսկայան ծովափը: Անհամեմատ թույլ է բնակեցված Կորդիլյերների և Պիրենեյների շրջանը:

Ապերեիթիան թերակղզի

Ապեննինյան թերակղզին բռնում է մոտ 150 հազար քառ. կմ² տարածություն: Հյուսիսում նրա սահմանը պայմանականորեն անցկացվում է Պադանյան (Լոմբարդական) դաշտավայրի հարավային եզրերով՝ Ձենովակի ծոցից մինչև Վենետիկ: Թերակղզուն հյուսիսից միանում է Լոմբարդական դաշտավայրը, իսկ նրանից դեպի հարավ-արևմուտք և արևմուտք գտնվում են Սիցիլիա, Կորսիկա և Սարդինիա խոշոր ու մի շարք այլ մանր կղզիներ, որոնք սովորաբար միացվում են այս թերակղզուն:

Ապեննինյան թերակղզու ամբողջ երկարությամբ անցնում են Ապեննինյան լեռները, որոնք հետո մուտք են գործում Սիցիլիա: Հյուսիսում նրանք միանում են Մերձծովյան Ալպերին, որոնց հետ ժամանակագրական և օրոգրաֆիկ տեսակետից ներկայացնում են մի ամբողջություն: Ալպերի և Ապեննինների միջև պայմանական սահմանագիծը մոտավորապես կարելի է անցկացնել Սավոնա և Թուրին քաղաքներն իրար միացնող գծով: Ապեննինյան լեռներից դեպի արևմուտք և արևելք, լեռների և ծովափերի միջև, ընկած են ընդհատվող հարթություններ և բլրավոր տարածություններ, որոնք իրենց կառուցվածքով չեն կապվում Ապեննինների հետ:

Ապեննիններն առաջացել են ալպիական տեկտոնական էտապում: Նրանք տարածվում են դեպի հարավ մոտ 500 կիլոմետր

Ֆրկարությամբ: Ապեննիններում լեռնակազմական պրոցեսները հիմնականում ավարտվել են նեղոգնի սկզբում: Պլիոցենում և Չորրորդականում այստեղ կատրվել են բավական ուժեղ էսթերոգենետիկ պրոցեսներ, որոնց հետևանքով խզման գծերի շրջանում մինչև օրս էլ դեռ շարունակվում են երկրաշարժներն ու հրաբխային երեսույթները: Հրաբխային երեսույթները առանձնապես ուժեղ կերպով կատարվել են Չորրորդականի սկզբում, հատկապես թերակղզու արևմտյան և արևելյան ափերին: Թերակղզու առանձին մասերը ներակայացնում են հին (հերցինյան) ցամաքների մնացորդներ: Այդպիսի վայրերից են, օրինակ, Կալաբրիան, արևմտյան Տոսկանան, Ապուլիան և այլն: Բուն Ապեննինները կազմված են գրեխավորապես Պալեոգենի (մասամբ նաև վերին Մեզոզոյի) նրսավածքային ապարներից, որոնք ուժեղ ծալքավորված են:

Ենթաքի տեսակետից Ապեննինները ընդունված է բաժանել երեք մասի՝ Հյուսիսային, կենտրոնական և Հարավային: Հյուսիսայինի մեջ են մտնում Լիգուրական և Տոսկանական Ապեննինները: Նրանք կազմված են էոցենի, Օլիգոցենի և նեոգենի նստվածքային ապարներից: 2000 մետրից բարձր շրջաններում գերիշխում են ամուր ավազաքարերը, իսկ ավելի ցածրադիր շրջաններում՝ փխրուն կավերն ու ավազները, որոնցում խիստ տարածված են սողանքները: Հյուսիսային Ապեննինները դեպի հարավ և հարավ-արևմուտք առաջացնում են խիստ զարիթափ լանջեր, ինչպես, օրինակ, Լիգուրական ծովափին, որտեղ գտնվում է հտալական Ռիվյերան: Հյուսիսային Ապեննինները ցածրադիր լեռներ են, նրանց ամենաբարձր գագաթը Մոնտե-Զիմոնե սարն է, որն ունի ընդամենը 2163 մ բարձրություն:

Կենտրոնական Ապեննինները կազմված են գլխավորապես Մեզոզոյի կրաքարերից: Նրանք տեկտոնական իշլամֆներով բաժանված են մի շարք զանգվածներից: Նշանավոր է Գրան-Սասսո լեռնազանգվածը, որի վրա գտնվում է Ապեննինների ամենաբարձր լեռնազագաթ Կորնո-Գրանդե սարը (2914 մ): Կենտրոնական Ապեննինների համար բնորոշ են մասամբ տեկտոնական և մասամակարստյան ծագումի գոգ հովիտները: Կարևորագույն լեռնաշղթաներից է Աբրուցի մետները, որոնք Չորրորդական դարաշրջանում ենթարկվել են սառցապատման ըստ որում սառցապատման հետքերն այստեղ ավելի լավ են պահպանված, քան հյուսիսային Ապեննիններում:

Հյուսիսային և կենտրոնական Ապեննիններից դեպի արևմուտք ընկած է Տիրրենյան նախապեննինների գոնան: Սա բաժանվում է 2 մասի. հյուսիսային, որը կոչվում է Տոսկանական շրջան և հարավային, որը կոչվում է Հռոմի շրջան: Դրանցից առաջինը հիմնականում ունի պլատոյածն հարթ ուղիղ, որի վրա տեղ-տեղ բարձրանում են Պալեոզոյի և Մեզոզոյի ապարներից կազմված, հերցինյան ծագումի մնացորդային փոքրիկ շղթաներ: Այս շրջանի հարավում ընկած է Մոնտե-Ամիատա հանգած հրաբուխը, որն ունի 1734 մ բարձրություն: Տոսկանայից հարավ գտնվում է Հռոմի շրջանը: Վերջինս ծածկված է գլխավորապես լավաներավ, որոնք արտավիժել են Հռոմի շուրջը գտնվող, ներկայումս հանգած, չորս հրաբխային կոներից: Այդ հրաբուխները շարունակել են գործել ընդհուպ մինչև Չորրորդական դարաշրջանի սկիզբը: Առանձնապես Հռոմի շրջանում շատ տարածված են խառնարանային լճերը, որոնք սովորաբար շրջապատված են տուֆալավաների ընդարձակ տեղամասերով: Տիրրենյան ծովափի երկարությամբ ձգվում է մի նեղ հարթություն, որը այլուվիալ ծագում ունի և խիստ ճահճակուլված է: Նրա առանձին մասերը հյուսիսից հարավ կոչվում են Մարենմասա, Պոնտական ցածրություն և Կամպանյա:

Հարավային Ապեննինները բավական խիստ տարրերվում են հյուսիսային և կենտրոնական (միջին) Ապեննիններից: Մեզոզոյի կրաքարերը այստեղ շատ քիչ են արտահայտված: Նրանցով կազմված են Տիրրենյան ծովափին ընկած փոքր ու ցածրադիր զանգվածները, հատկապես Սորրենտոյի թերակղզու, Կապրի կղզու և Պայերմոյի խորշի շուրջը ընկած տեղամասերը: Հարավային Ապեննինները համեմատաբար մեծ բարձրության են հասնում նեապոլի Ապեննինների հարավային մասում, որտեղ գտնվում են Լուկայի լեռները: Այստեղ Մոնտե-Պապա գագաթը 2005 մ բարձրություն ունի: Բավական բարձր է նաև Կալաբրիայի սահմանակից շրջանը: Հարավային Ապեննինները հարթ ու լայնանիստ լանջեր ունեն, որոնք խիստ քայլայված են և բավական խախտված՝ էրողիայի և շատ տարածված սողանքների հետևանքով: Ապեննինների այս հատվածում ուժեղ կերպով արտահայտված են ժամանակակից հրաբխային երկութիւնները: Հրաբխային գործունեության կարևորագույն օջախներն են համարվում Վեզուվը, Ֆլեգրեյան դաշտերը (որտեղ շատ կան ֆումարոլներ), Լիպարյան կղզիներում՝ Ստրոմբոլի և Վոլֆանգ հրաբուխները: Հրաբխային տուֆերի քայլայումից առաջացած արգավանդ հողերով ծածկված Վեզովի շրջանը, չնայած

Հրաբխային գործուննության սպառնալիքին, հտալիայի ամենախիտ բնակեցված տեղամասերից մեկն է:

Հարավային Ապեննիններից արեւելք ընկած շրջանը ընդունված է բաժանել մի շարք հատվածների: Դրանցից Գարգանո կամ Մոնտե-Գարգանո թերակղզին կազմված է Կավճի և Յուրայի կրաքարերից, որի պատճառով այստեղ շատ տարածված են ոելլեֆի կարստային ձեռքները: Գարգանոն ներկայացնում է Հերցինյան ծագումի մի մեջ գմբեթած զանգված, մինչև 1058 մ բարձրությամբ: Սրանից հարավ տարածվում է Տավոլյերա հարթությունը, որը կազմված է ալյուվիալ նստվածքներից և հնում եղել է ծովածոց: Տավոլյերա հարթությանը սահմանակից է Մուրջիա պլատոն, որն ընկած է նրանից հարավ և կազմված է գլխավորապես Կավճի դարաշրջանի կրաքարերից: Մակերևույթի տեսակետից դա ներկայացնում է ոչ մեծ բարձրության մի սարահարթ: Մուրջիա պլատուից հարավ ընկած է Ապուչիա թերակղզին: Սա ներկայացնում է մի ցածրադիր հարթություն, ուր տիրապետում են Կավճի դարաշրջանի կրաքարերը և Երրորդականի նստվածքային ապարները, որոնք հորիզոնական տեղադրություն ունեն: Թե՛ Մուրջիայում և թե՛ Ապուչիայում խիստ տարածված են կարստային երևույթները: Նրանցում համարյա բացակայում են հոսող ջրերը:

Ապեննիննյան թերակղզու հարավ-արևմտյան ծայրամասում ընկած է Կալաբրիա թերակղզին: Սա իրենից ներկայացնում է մի հին զանգված, որը գտնված է գլխավորապես գրանիտներից, դնեյսներից և բյուրեղացած թերթաքարերից: Երկրաբանների մի մասը գտնում է, որ նա հավանորեն հերցինյան ծագում ունեցող Տիրրենյան ցամաքի մի բեկորն է: Դեպի շրջապատի ծովերը այս զանգվածը հջոնում է բավական զարդարական լավ նկատվում են հին պենեպլանի հետքերը, որոնք ներկայանում են առանձին կանգնած ոչ բարձր հարթակատար բարձրություններով: Այդպիսի ձեռքով են հանդես գալիս Սիլա շղթան՝ հյուսիսում (մինչև 1930 մ) և Ասպրոմոնտե զանգվածը՝ հարավում (1956 մ):

Ապեննինյան թերակղզու հարավային մասին շատ նման են նաև Սարդինիա և Կորսիկա կղզիները: Դրանցից առաջինը, Սարդինիան գրավում է 24 հազ. քառ. կմ տարածություն: Ներկայացնում է մի հին զանգված, որը հերցինյան ծագում ունի և կազմված է Պալեոզոյի նստվածքային և բյուրեղացած հրային ապարներից: Նա խիստ կտրտված է, տեղ-տեղ հանդիպում են երիտասարդ հորսոտա-

լին լեռներ, որոնց միջև ընկած են հարթ ու ցածրադիր գրաբեններ. Կղզու Հյուսիս-արևմտյան մասում գտնվում է Մոնտե-Ֆերրու Հրաբխային փոքրիկ գագաթը, որ ընդամենը 1050 մ բարձրություն ունի: Այստեղ ամենուրեք լայն տարածում ունեն հրաբխային ապարները: Կղզու արևելյան ափը աշքի է ընկնում շատ որոշակի արտահայտված խզումային գծերով: Այդ ամենը ցույց է տալիս Տիրրենյան ցամաքի հետ մի ժամանակ նրա ունեցած կապն ու անշատումը:

Սարդինիայից անմիջապես Հյուսիս ընկած է Կորսիկա կղզին: Սա Սարդինիայից բաժանված է Բոնիֆաչո նեղուցով՝ որն ունի ընդամենը 12 կմ լայնություն: Կորսիկան գրավում է մոտավորապես 8720 քառ. կմ տարածություն: Նրա միջին մասում Հյուսիսից դեպի հարավ ձգվում է Կենտրոնական լեռնաշղթան, որը կազմված է քյուրեղացած հին ապարներից, գլխավորապես գրանիտներից: Երդթայի ամենաբարձր գագաթն է Մոնտե-Զինտո սարը, որ 2710 մ բարձրություն ունի: Իր կառուցվածքով Կորսիկան շատ նման է Սարդինիային, թեպետ այստեղ բավական շատ զգացվում է ալպիական տեկտոնական էտապի ազդեցությունը:

Ապեննինյան թերակղզուց հարավ ընկած խոշորագույն կղզիներից է Սիցիլիան: Վերջինս գրավում է մոտ 25 հազ. քառ. կմ տարածություն: Մայր ցամաքից բաժանված է Մեսինայի՝ ընդամենը 3 կիլոմետր լայնություն ունեցող նեղուցով: Ակռոնագրությամբ Սիցիլիան կապված է Ապեննինների հետ: Կղզու կարևորագույն լեռներից են Սիցիլիական Ապեննինները, որոնք տարածվում են Հյուսիսային ափերով: Նրանցից Պելորիտանյան լեռները կազմում են Կալարրյան զանգվածի շարունակությունը, որոնցից բաժանվել են երկրաբանական երիտասարդ ժամանակաշրջանում: Սիցիլիայում առավել բարձր են Լե-Մազոնեի լեռները: Աշքի են ընկնում նաև Իրշեի լեռները, որոնք ընկած են կղզու հարավային մասում: Սրանք ենթարկվել են կամարածե բարձրացման և հետո առանձին մասերում առաջացրել են իջվածքներ, որոնցից մի քանիսը ձևավորվել են որպես ծովածոցեր (կամ խորշեր): Դրանցից է օրինակ, Սիրակուզի ծովախորշը, որի ափին գտնվում է համանուն քաղաքը: Իրշեի լեռներից մի փոքր հյուսիս ընկած է Սիցիլիայում ամենից ընդգարձակ Կատանիայի ալյուվիալ հարթությունը, որի հյուսիսային մասում գտնվում է ժամանակակից ակտիվ գործող հրաբուխներից կտնան (3200 մետր բարձրությամբ): Էտնայի գործունեության համար բնորոշ է ոչ այնքան լավաների արտավիժումը, որքան տաք

գազերի, մոխրի և ռումբերի: Էտնան հայտնի է բազմաթիվ պարագիտային կոնսերվ, որոնց թիվը հասնում է մոտ 200-ի: Էտնայի լանջերը ծածկված են արգավանդ հողերով. Հենց այդ պատճառով, շնայած էտնայի սպառնալից գործունեությանը, նրա լանջերը խիտ են բնակեցված:

Ապեննինյան թերակղզու հարավում ժամանակակից գործող հրաբուխներից են նաև կիպարյան կղզիները: Նրանցից առանձնապես ակտիվ գործունեությամբ հոչակղել են Վոլկանո և Ստրոմբոլի կղզիները:

Ապեննինյան թերակղզու մեծ մասը, ներառյալ հարակից կղզիները, միջերկրածովային կղմա ունեն: Դա ամենից լավ արտահայտվում է հարավային հտալիհայում և առհասարակ թերակղզու ծովափնյա գոտում: Բարձրության համապատասխան նշանակություն է ստանում կիմայի ուղղաձիգ գոտիականությունը: Թերակղզու կիմայի վրա մեծ ազդեցություն է թողնում լեռնագրությունը: Դրա հետևանքով արևմուտքն ավելի տաք է ու խոնավ, քանարեկելքը:

Ավելի մեղմ կիմայական պայմաններով առանձնանում է լիգուրական ծովափը՝ հտալական Բիվյերան: Վերջինս հյուսիսային ցուրո օդային զանգվածներից պաշտպանված է լեռներով: Հենց այդ պատճառով ձմեռն այստեղ ավելի տաք է և խոնավ, քան նրանից հարավ ընկած Ֆլորենցիայի և Հոռմի շրջանները: Բիվյերայում հունվարյան միջին ջերմությունը 8° է, իսկ տեղումների քանակը մոտ 3000 մմ է: Ամառը սովորաբար արևոտ է և անձրևագուրկ: Ձմեռը տաք է, սառնամանիքները հազվադեպ երևույթ են, ձյուն համարյա երբեք չի տեղում:

Թերակղզու հյուսիսային շրջաններում՝ Ֆլորենցիայում և Հոռմում հունվարյան միջին ջերմությունը $5-6^{\circ}$ է: Այստեղ ամեն տարի լինում են սառնամանիքներ: Տեղումների քանակը 1000 միլիմետրից պակաս չէ, իսկ արևելքում՝ 500 մմ-ից ոչ ավել: Ամառը բավական տաք է: Հուլիսյան միջին ջերմությունը $24-25^{\circ}$ է: Անհամեմատ ավելի տաք են թերակղզու հարավային շրջանները, Կալաբրիան և Ապուլիան: Այստեղ հունվարյան միջին ջերմությունը սովորաբար հասնում է $11-12^{\circ}$ -ի, հովհայան միջինը՝ 28° -ի, իսկ տեղումների քանակը՝ 600 միլիմետրից ոչ ավելի: Բարձրության համապատասխան տեղումները շատանում են, կիման նկատելիունը ցրտում, որի հետևանքով բարձր լեռնագագաթներում տեղացող ձյունը տարվա ընթացքում պահպանվում է բավական երկար ժամանակ:

Ապեննինյան թերակղզում կարելի է առանձնացնել հետևյալ հիմնական կլիմայական շրջանները.

Ա. Արևմտյան ծովափ.—Այստեղ կլիման կրում է միջերկրածովային բնույթ: Տարեկան միջին ջերմաստիճանը $15-18^{\circ}$ է, հունվարյան միջինը՝ 5° -ից (ζ յուսիսում) մինչև 11° (Հարավում): Ամառվա ամենատաք ամսվա միջինը՝ $23-25^{\circ}$, տարեկան ամպլիտուդը հասնում է $16-17^{\circ}$ -ի, սակայն բնորոշ է, որ ծովից հեռանալիս այն աստիճանաբար մեծանում է: Տեղումները առանձին վայրերում հասնում են մինչև 1500 մմ: Դրանք թափվում են գլխավորապես աշնանն ու ձմռանը, ամառը շոր է և շոգ, ձմեռը՝ մեղմ և տաք, հազվադեպ է ձյունը, որը սակայն ծածկ չի կազմում:

Բ. Արևելյան ծովափ.—Սա նախորդի համեմատությամբ մի քիչ ավելի շոր է, ջերմաստիճանների տարեկան ամպլիտուդն էլ մի քիչ ավելի մեծ է: Այստեղ տարեկան միջին ջերմությունը կազմում է $14-18^{\circ}$, հունվարյան միջինը՝ $3-8^{\circ}$, ամառվա ամենատաք ամսվա միջինը՝ $21-26^{\circ}$, տարեկան ամպլիտուդը հյուսիսում հասնում է մինչև 22° , իսկ հարավում՝ 16° : Տեղումների տարեկան միջին քանակը 1000 մմ-ից պակաս է, հարավում նրանց քանակը հասնում է մոտ 500 մմ: Տեղումները թափվում են գլխավորապես ձմռանը, ամառը խիստ շոր է, հատկապես հարավում:

Գ. Թերակղզու ներքին բարձրադիր շրջանները.—Սրանք թերպետ ստանում են բավարար քանակի տեղումներ, սակայն ձմռան օւնեն համեմատաբար ցուրտ կլիմա: Այդ պատճառով նրանց ջերմության տարեկան ամպլիտուդը, հատկապես գոգհովհաներում, բավական մեծ է: Տեղումների քանակը բարձրադիր լեռնային շրջաններում հասնում են մինչև 2000 մմ, գետահովիտներում և ցածրադիր գոգհովհաներում՝ մինչև 1000 մմ: Ձմռանը տեղումները թափվում են ձյան ձևով, որը բավական երկար ժամանակ պահպանվում է:

Դ. Հարավային հտալիան և կղզիները.—Սրանք ունեն տիպիկ միջերկրածովային կլիմա: Հարավային հտալիայում և կղզիների շրջանում ընդհանրապես օդի թե՛ տարեկան և թե՛ օրեկան ջերմային ամպլիտուդները փոքր են: Տարեկան միջին ջերմաստիճանը $15-18^{\circ}$ է, հունվարյան միջինը՝ $7-12^{\circ}$, իսկ հուլիսյան միջինը՝ $26-28^{\circ}$: Նշված վայրերում ամառը շատ շոգ է, երկարատև ու շոր, իսկ ձմեռը՝ մեղմ ու խոնավ: Տեղումների տարեկան միջին քանակը կազմում է $500-800$ մմ, իսկ որոշ տեղերում՝ նույնիսկ 500

մմ-ից էլ պակաս: Թուրոր դեպքերում նրանք մեծ մասամբ թափվում են ձմռանը:

Ապեննինյան թերակղջին հոսող ջրերով հարուստ չէ: Կան ոչ մեծ քանակությամբ գետեր, որոնց երկարությունը սովորաբար մի քանի տասնյակ կիլոմետր է: Թերակղջու ամենամեծ գետը *Sիբրոս*ն է, որի վրա գտնվում է Հոռմը: Նա ունի ընդամենը 400 կմ երկարություն: Մյուս գետերից նշանավոր է Արնոն, որի վրա գտնվում է Ֆլորենցիան: Նշված երկու գետերն էլ աշքի են ընկնում իրենց հովիտների պտղաբերությամբ: Կլիմայի բնույթին համապատասխան, Ապեննինյան թերակղջու գետերի մեծ մասը ամռանը խիստ ծանծաղում է, իսկ ձմռանը՝ վարարում: Հյուսիսում գետերի վարարումը առավելապես համընկնում է աշնան ու գարնան անձրևների հետ: Երկրում կան ոչ մեծ քանակությամբ փոքրիկ լճեր, որոնք հիմնականում ունեն կարստալին և հրաբխալին ծագում: Կարստալին ծագում ունի Տրապիզոնյան լիճը, իսկ հրաբխալին լճերից նշանավոր է Բոլսենան:

Կլիմայական պայմաններին և երկրաբանական կառուցվածքին համապատասխան, Ապեննինյան թերակղջին և կից կղջիներն ունեն խիստ բազմազան հողային ծածկոց: Թերակղջու ծովագերին ընկած փոքր դաշտավայրերը ծածկված են շագանակագույն հողերով, տեղ-տեղ պատահում են տուֆերի վրա զարգացած ~~սորչ~~ հողեր: Ապեննինյան լեռները, Կորսիկան և Սարդինիան բոնված են կմախքային կարմրահողերով և շագանակագույն հողերով: Ալպերի մոտակայքում և Ապեննիններում ընկած բարձր լեռնային շրջանները բոնված են լեռնակմախքային և լեռնամարգագետնային հողերով:

Ապեննինյան թերակղջում գերակշռում է միջերկրածովային բուսականությունը, որ բնույթի միջնականում թերակղջու հարավային կեսը: Հյուսիսում առավել տիրապետող են բուսականության միջիներուպական տիպին մոտ էլեմենտները: Մի փոքր այլ բնույթ ունի Բիվյերայի բուսականությունը: Այստեղ առողջարանների (կուրորտների) շրջանում մեծ տարածում են ստացել ոչ միայն ենթարեադային, այլև դեկորատիվ նշանակություն ունեցող արեադային բուսականության որոշ տեսակներ: Բիվյերայի ծովափինյա գոտու երկարությամբ ձգվում են արմավենու, նարինջի, ձիթենու, խցանի կաղնու, նոճու պուրակները:

Թերակղջու հյուսիսային մասի բուսածածկում մեծ տեղ են գրավում տերևաթափ անտառներն ու մացառուտները: Այս մասում

մշտադալար անտառները համարյա թե ամբողջովին ոչնչացվել են: Ոչնչացված անտառի տեղում նշանակալից շփով զարգացել են թփուտները: Մշտադալար ծառատեսակներից պատահում են կաղնին և իտալական սոճին (պինիա): Տիպիկ բուսատեսակներից է մաքվիսը: Թերակղզու հարավում բնորոշ ծառերից են դափնին ու մրտենին:

✓ Ապեննինյան թերակղզում ամենուրեք շատ լավ նկատվում են հետեւյալ ուղղաձիգ բուսական զոնաները:

1. Մշտադալար, միջերկրածովային բուսականության զոնա.— Սա տարածվում է մինչև 600 մ բարձրությունը: Այս մասի թփուտային բույսերից բնորոշ է մաքվիսը, իսկ ծառատեսակներից՝ մըշտադալար կաղնին և սոճու զանազան տեսակները: Դեպի հարավ այդ զոնան իր մեջ է ընդգրկում ամբողջ հարավային իտալիան:

2. Նախալեռնային զոնա.— Այստեղ թեպետ գեռես պատահում են նաև մշտադալար բույսեր, բայց տիրապետող են հանդիսանում տերեաթափ անտառները: Այս մասի անտառներում ամենատարածված ծառերից են շագանակենին և կաղնին: Այս զոնան տարածվում է նաև լոմբարդական դաշտավայրի եղբերում:

3. Լեռնային անտառների զոնա.— Սա ընդգրկում է թերակղզու և կղզիների բարձրադիր մասերը: Այս մասի անտառի տիրապետող ծառերից է հաճարին, որը դեպի վեր փոխարինվում է փշտերեածառատեսակներով:

4. Ենթալպիական և ալպիական մարգագետինների զոնա.— Այս զոնան սահմանափակ տարածությամբ ընդգրկում է Ապեննինյան լեռների ամենաբարձրադիր մասերը:

Ապեննինյան թերակղզու և կղզիների կենդանական աշխարհի բնորոշ ներկայացուցիչներից են խոշոր կաթնասուններից՝ վայրի այծը, վիթը, քարայծը, եղջերուն (կղզիներում), եղնիկը, մուֆլոնը (Սարդինիայում), վայրի խոզը, արջը (Արրուցներում), գայլը (կենտրոնական և հարավային Ապեննիններում). լուսանը, աղվեսը, վայրի կատուն: Թոշունների մեջ մեծ տեղ են գրավում շվող տեսակները: Թերակղզու ներքին ջրերը, ինչպես և ծովերը, շատ հարուստ են ձկներով, հատկապես կարմրախայտի ու սաղմոնի միշտարք տեսակներով: Առանձնապես մեծ նշանակություն ունեն ծովերում որսացվող մակրելը, կամբալան, սարդինը և օձաձուկը:

Թալկանյան թերակղզի

Թալկանյան թերակղզին արևմուտքից, հարավից և արևելքից ողողվում է Միջերկրական, Սև և Մարմարի ծովերի ջրերով, նրա հյուսիսային սահմանը պայմանականորեն անցկացվում է Տրիեստի ծոց—Սալվա—Դանուբ գծով: Թերակղզու ամենամեծ լայնությունը նրա հյուսիսային մասում հավասար է 1200 կմ, իսկ կենտրոնական մասում, Դրինա գետի ակունքներից մինչև Սև ծովը, մոտ 700 կմ է: Հունաստանում նրա լայնությունը հասնում է 200 կմ, իսկ Կորնթոսի պարանոցը, որ Հյուսիսային Հունաստանը միացնում է Պելոպոննեսի թերակղզովն, ընդամենը 6 կմ լայնություն ունի: Թերակղզու ափերը հյուսիսում համեմատաբար թույլ են կտրտված, իսկ հարավում՝ շատ: Ընդհանրապես Բալկանյան թերակղզու ափերի խիստ կտրավածության հետևանքով առաջացել են բազմաթիվ թերակղզիներ (Խալկիդիոն, Գալլիպոլիս, Պելոպոննես) և հազարավոր մանր ու խոշոր կղզիներ, որոնցից նշանավոր են Էվբեա կղզին, Հոնիական կղզիները, Հյուսիսային Սպորադները, Յիկլագները և այլն, Թերակղզին գրավում է մոտ 620 հազար քառ. կմ տարածություն:

Թերակղզին մեծ մասամբ լեռնոտ երկիր է, հարթությունները ընկած են գլխավորապես արևելյան մասում՝ Մարիցա, Ստրումա, Վարդար գետերի հովիտներում, մասամբ կենտրոնական Հունաստանում: Բալկանյան թերակղզու արևմտյան մասում ձգվում են Դինարյան լեռները: Սրանց շարունակությունն են կազմում Հյուսիսալբանական Ալպերը և Պինդոս լեռները (Հունաստանում): Սրանք բոլորը պատկանում են ալպյան օրոգենի հարավային թեր կազմող դինարիդներին, որոնք հունական արշիպելագի վրայով տարածվում են դեպի Փոքր Ասիա (Տավրոս): Այս լեռնաշղթաներից արևելք ընկած է Մակեդոնա-Թրակյան լեռնաշխարհը, որն իրենից ներկայացնում է ավելի ճիխ (Հերսինյան) կառուցվածքի լեռնային մի մարզ: Այս մայում հոչակված են Ռոդոպյան լեռները: Նրանցից հյուսիս դժնվում են Բալկանները, որոնք նույնպես պատկանում են ալպիդներին: Նրանց արևելյան շարունակությունն են կազմում Պոնտոսի լեռները Փոքր Ասիայում:

Թերակղզու նշանակած լեռներից Դինարյան լեռները սկսվում են Ալպերի հարավ-արևելյան ծայրամասից, մոտավորապես Յովլիական ալպերի և Կարստի սարահարթի մոտակայքից: Դինարյան լեռները ունեն մոտ 650 կմ երկարություն և 200 կմ մակարդին լայնություն, իսկ նրանց բարձրությունը հասնում է 1500—2000 մետրի: Ամենաբարձր կետը Դուրմիտոր գաղաթն է (2528 մ): Դինարյան

լեռները կազմված են իրար գուգահեռ մի քանի շղթաներից, որտեսք բաղկացած են գլխավորապես Մեղողոյի և Երրորդականի Կրաքարերից: Տեղ-տեղ մերկանում են Պալեոզոյի բյուրեղացած ապարները (օրինակ՝ Բուսնիայի արեելյան մասում): Կրաքարերով հարուստ ե շատ տեղերում հարթ պլատոների տեսք ստացած լեռներում, մասնավանդ նրանց հյուսիս-արևմտյան մասում (Դալմաթիայում և Կարստի շրջանում) խիստ զարգացած են կարստային երկույթները: Միաժամանակ ծովի աշխատանքի և տենկտոնական երկույթների շնորհիվ լեռնաշղթայի հյուսիս-արևմտյան մասում, մինչև ալբանական սահմանը, առաջացել է ափի մասնատվածության մի յուրահատուկ տիպ, որը կոչվում է Դալմաթիան տիպի ափ: Դինարյան լեռները խիստ կտրտված են լայնական և երկայնական հովիտներով: Նրանք դեպի ծովափը իջնում են խիստ զառիթափ և բավական դժվարացանելի լանջերով: Լեռների կրաքարային շրջանները բուսականությամբ աղքատ են, իսկ որտեղ հանդես են գալիս այլ ապարներ (Հատկապես արեելյան Բուսնիայում), բուսականությունն ավելի հարուստ է: Այստեղ մինչև 1800 մ բարձրությունը աճում են հաճարի, սոճու և եղևնու անտառներ, իսկ ավելի վեր՝ տեղ-տեղ հանդիպում են վտիտ մարգագետիններ: Մովափը պատված է միշերկրածովային բուսականությամբ:

Հյուսիս-ալբանական Ալպերը բարձրությամբ շեն տարբերվում Դինարյան լեռներից: Նրանց երկրաբանական կառուցվածքը նույնպես նման է Դինարյան լեռներին, բայց այստեղ շատ են խզումները և գրանց հետեւանքով առաջացած հորստերն ու գրաբենները, որոնց շնորհիվ լեռները խիստ մասնատված են:

Պինդոս լեռները կազմված են իրար գուգահեռ երեք շղթաներից և ծածկված են բավական խիտ անտառներով: Սրանք ծովափ են իջնում ավելի հարթ լանջերով: Պինդոս լեռները Հունաստանի արևելքում և հարավում շափաղանց ուժեղ կտրտված են խզումներով: Մասամբ այդ պատճառով նրանք տարբեր ուղղությամբ ծգվող կարճ լեռնաշղթաների և լեռնային զանգվածների տեսք ունեն. գրանցից նշանավոր են Օլիմպիոս զանգվածը (2917 մ), որ Բալկանյան թերակղու բարձր լեռներից է, Սասա զանգվածը (1978 մ), Կամբոնյան լեռները և այլն: Պելոպոննես թերակղու մասնամբ մի քանի ճյուղերով լցնում են ամբողջ տարածությունը և վերջանում են Տեսնարոն ու Մալեյա հրվանդաններով: Պելոպոննեսի ամենամեծ բարձրությունը, որ գտնվում է Օլոնոս լեռներում, կազմում է 2376 մ:

Բալկանյան թերակղու՝ արևմտյան Կարստի շրջանից մինչև Տեսարոն (Մատապան) հրվանդանը ձգվող վերը թվարկված այդ ամբողջ լեռնային սիստեմը առաջացել է ալպիական տեկտոնական էտապում։ Այստեղ ևս հաճախակի են վրաշարժերն ու խզումները, մանավանդ Հունաստանի տերիտորիայում, ըստ որում վրաշարժերը կատարված են դեպի հարավ։ Խզման գծերի ուղղությամբ, որ Զորրորդական տեկտոնիկայի հետևանք են, տեղ-տեղ շարունակվում են երկրաշարժերը, իսկ Սանտորին կղզում (Յիկլաղներում) անգամ հրաբխականությունը, որի առաջացումը կապված է Զորրորդական դարաշրջանի տեկտոնական պրոցեսների հետ։ Դրա ապացուցն են նաև ծովափի ուղղաձիգ տատանումների հետևանքով առաջացած մի քանի տերասները, ինչպես նաև ափի խիստ կտրավածությունն ու կղզիների բազմությունը (հատկապես էգեյան ծովում), որոնք առաջացել են այդ մասի ցամաքի խորտակման հետևանքով։

Բալկանյան թերակղու արևելքում Երրորդականի վերջում և Զորրորդականի սկզբում էգեյան ծովի հետ միասին ձևավորվել են Բուֆորի և Դարդանելի նեղուցները, որոնք առաջացել են նախկինի ընդարձակ գետահովիտների իջեցումների շնորհիվ։

Բալկանյան լեռները, որոնք հաճախ բուլղարական արտահայտությամբ կոչվում են Ստարա-Պլանինա, ընկած են թերակղու հյուսիս-արևելյան մասում և տարածվում են երկաթե դոներից մինչև Սև ծով։ Նրանց երկարությունը մոտ 600 կմ է։ Արևմուտքում բուն Բալկանները սկսվում են Դանուբի աջ վտակ Տիմոկ գետի մոտից, որը նրանց բաժանում է Արևելա-Սերբական լեռներից։ Այս վերջինի արևմտյան ծայրամասի և Կարպատների արանքում ընկած են երկաթե դոները։ Չնայած իրենց համեմատաբար փոքր բարձրությանը, Բալկանները կարենու սահման են հանդիսանում Բալկանյան թերակղու և Կարպատա-Դանուբյան երկրների միջև՝ կիմայի, բուսականության և ընդհանրապես լանդշաֆտների տեսակետից։ Նըսնք ջրբաժան են հանդիսանում Միջերկրական և Սև ծովերի միջև։

Օրոգրաֆիայի տեսակետից Բալկանները բաժանվում են երեք մասի։ Առ եմ տյան Բալկանները ընկած են երկաթե դրոների և Խսկիրի հովտի միջև։ Բարձրադիր մասերում նրանք կազմված են հրային ապարներից և բյուրեղացած թերթաքարերից, իսկ լանջերին մեծ տարածում ունեն կրաքարերը։ Լեռները ցածր են, նրանց ամենաբարձր գագաթը Միջուր կամ Միջոր սարն է՝ 2186 մ.

բարձրությամբ։ Կենտրոնական կամ Մեծ Թալկանները ձգվում են Խսկիրի հովտից մինչև Դեմիր-Կափու լեռնանցքը։ Անհամեմատ ավելի բարձր են, ըստ որում նրանց բարձրությունը ոչ մի տեղ 1400 մետրից պակաս չէ, խսկ առանձին գագաթներ 2000 մետրից բարձր են։ Այստեղ է գտնվում Բատկ զանգվածը, որն ունի առավելագույն (2373 մ) բարձրություն։ Լեռնանցքները մեծ մասամբ ունեն 900—1650 մ բարձրություն, նրանցից նշանավոր են Շիպկան և Տրայանի գոռները։ Կենտրոնական Բալկանները կազմված են բյուրեղացած թերթաքարերից, տեղ-տեղ պատահում են նաև հրային ապարներ։ Դեպի Հարավ լեռնաշղթան խիստ զարդարված իջնում է խզումային ծագում ունեցող մի գոգ հովիտ, որը հարավից եղրափակված է Անտիբալկանների լեռնաշղթայով։ Արևելյան կամ Փոքր Բալկանները տարածվում են Դեմիր-Կափու լեռնանցքից մինչև Սև ծով, բաժանվում են մի շարք ոչ բարձր շղթաների, որոնք աստիճանաբար ցածրանում են դեպի Սև ծովը։ Կենտրոնական (կամ Մեծ) Բալկաններից հարավ ձգվում է Անտիբալկանների շղթան։ Սրա շարունակությունն են Խստրանցա լեռները (մինչև 1100 մ բարձրությամբ):

Բալկանների և Դանուբի միջև տեղավորված է Բուլղարական պլատոն, իսկ Բալկանների և Ռոդոպյան լեռների արանքում՝ Մարիցայի հովիտը։ Վերջինս ունի տեկտոնական ծագում։ Նրա մակերևույթը ծածկված է ալյուվիալ հողերով։

Ռոդոպյան կամ Թրակիական լեռները ձգվում են Ստրումա գետի վերին հովտից դեպի հարավ-արևելք և ապա՝ արևելք, մինչև Մարմարա ծովը։ Ռոդոպյան լեռների ամենաբարձր գագաթը Մուսալա սարն է (2925 մ)։ Դեպի արևելք Ռոդոպյան լեռների բարձրությունը աստիճանաբար փոքրանում է։ Լեռները կազմված են Պալեոզոյի ու Մեզոզոյի խիստ ծալքավորված և խզումներով կտրուված հնագույն ապարներից։ Ռոդոպներն ունեն Պալեոզոյան ծագում, սակայն ժամանակակից բարձրության են հասել Երրորդականի և Չորրորդականի տեկտոնական պրոցեսների հետևանքով։ Դրան մեծապես նպաստել է հարեան երկու գրաբենների՝ Մարիցայի հովտի և էգեյան ծովի իշվածքների առաջացումը։

Վերը թվարկված (Դինարյան-Հունական և Բալկանյան-Ռոդոպյան) լեռների միջև տեղավորված է Սերբ-Մակեդոնական լեռնաշխարհը, որը բազմաթիվ խզումների հետևանքով վերածվել է առանձին բեկորների, որոնք ուղղածիք տեղաշարժ են կատարել միմյանց նկատմամբ, առաջացնելով բավական ընդարձակ գոգհո-

Վիտներ: Այդ հովիտները երբեմն զգալի տարածություն են բռնում և, մակերեսում նստած ալյուվիալ ու լաքունային նստվածքների շնորհիվ, աշքի են ընկնում չափազանց արգավանդ հողերով: Գոգ-հովիտների մեծ մասը նախկինում բռնված է եղել լճերով:

Իելեֆի տեսակետից Սերբ-Մակեդոնական լեռնաշխարհը կարելի է բաժանել երեք մասեր՝ արևմտյան, արևելյան և հարավային: Արևմտյան մասը ավելի լեռնոտ է, այստեղ բազմաթիվ են խղումների գծերով առաջացած, լեռնաշղթաներով շրջապատված փակ գոգհովիտները: Լեռները ամենամեծ բարձրության են հասնում հարավում: Դեպի հյուսիս բարձրությունները փոքրանում են և Դանուբի մոտակայքում տեղանքը վերածվում է միջին բարձրության մի հարթ շրջանի, որը կոչվում է Շումադիա: Սերբ-Մակեդոնիայի արևելյան մասը, որ ընկած է Մորավայի և Բալկանների արանքում, բռնված է Արևելա-Սերբական լեռներով: Սրանք կազմում են Տրանսիլվանյան Ալպերի անմիջական շարունակությունը և ունեն մինչև 1500 մ բարձրություն: Մորավայի հովիտը, որ ընկած է վերոհիշյալ երկու շրջանների միջև, իր բերրիության պատճառով գարձել է երկրի ամենախիտ բնակեցված շրջանը: Նրանով կարևոր ճանապարհներ են անցնում Դանուբյան երկրներից դեպի Բալկանյան թերակղզին և դեպի Աղրիատիկ ծով:

Սերբ-Մակեդոնական լեռնաշխարհի հարավային մասը տեղափորված է Ալբանական Ալպերի, Դրինի վերին հովտի և Վարդար գետի միջև: Դեպի հարավ այն ձգվում է մինչև Հունական լեռները: Սերբ-Մակեդոնական լեռնաշխարհի այս հատվածը նրա ամենաբարձր մասն է: Լեռներն այստեղ ունեն 2000 մետրից ավելի բարձրություն, իսկ Շար-Պլանինա լեռնաշղթայի առանձին գագաթներ հասնում են անգամ մինչև 2510 մ բարձրության: Այստեղ ևս հաճախ հանդիպում են լեռներով շրջապատված գոգհովիտներ, որոնք ծածկված են արգավանդ հողերով:

Բալկանյան թերակղզու հարավային մասը և Աղրիատիկայի նեղ ծովափնյա գոտին ունեն տիպիկ միջերկածովային կյիմա: Ամառն այստեղ չոր է ու շոգ, ձմեռը՝ մեղմ ու խոնավ: Հատկապես մեղմ ու տաք է Դալմաթիայի կյիման: Այստեղ ծովափին տարեկան միջին շերմաստիճանները տատանվում են $+14$ -ից մինչև 17° , հունվարյան միջինը՝ $+6,5$ -ից մինչև 9° (սառնամանիքները հաղպաղեապ են), հունիսյան միջինը մոտ 25 $^{\circ}$ է, իսկ տեղումների տարեկան քանակը 1000—1500 մմ է: Կան վայրեր (օրինակ, Օրյեն

գագաթը), որտեղ տեղումների տարեկան քանակը կազմում է 4300 մ:

Թերակղու հյուսիսային կեսը մեծ մասամբ ունի միջին-եվրոպական տիպի կլիմա, իսկ հյուսիս-արևելյան մասը՝ հարավուսական տափաստանների տիպի կլիմա: Այս մասում տեղումները հիմնականում թափվում են ամռանը: Հունվարյան միջին ջերմաստիճանները 0° -ից ցած են, պատահում են սառնամանիքներ, երբ ջերմաստիճանը իշխում է մինչև մինուս $20-25^{\circ}$, Զունը լեռներում նստում է համարյա ամբողջ տարին:

Սև, էգեյան և Ադրիատիկ ծովերի ազդեցությունը դեպի երկրի խորքը համեմատաբար քիչ է արտահայտված: Դա բացատրվում է ոչ միայն բարձր լեռների առկայությամբ, այլև քամմիների պահպանական պայմանները խիստ փոխվում են նաև ըստ վայրի բարձրության և դիրքի: Ծրինակ՝ բարձրագիր լեռնային շրջաններում ձմեռը բավական խիստ է և ձյունը հաճախ նստում է մի քանի ամիս, ամառն անհամեմատ զով է, մինչդեռ նրանց հարևան ցածրագիր շատ գետահովիտներում և գոգհովիտներում ձյունը ծածկ չի կազմում և շոգ ամառվա ընթացքում հասնում է խաղողը: Ընդհանրապես ամբողջ Բալկանյան թերակղզում թեպետ լավ նկատվում են ուղղաձիգ կլիմայական գոտիները, բայց բնորոշ է, որ դեպի արևելք հետզետե մեծանում է կլիմայի կոնտինենտալությունը, ինչպես նաև տարեկան ջերմային ամպլիտուդները: Ներքո՞իցյալ աղյուսակը որոշ պատկերացում է տալիս Բալկանյան թերակղզու տարրեր մասերի կլիմայական պայմանների մասին:

Վայրը	Տարեկան միջին ջերմաստիճանը	Հունվարյան միջին ջերմաստիճանը	Հուլիս—օգոստոսի միջին ջերմաստիճանը
Աթենք	$17,9^{\circ}$	$8,5^{\circ}$	$27,7^{\circ}$
Կորֆու կղզի	$17,5^{\circ}$	$9,2^{\circ}$	$25,6^{\circ}$
Լարիսա	$16,7^{\circ}$	$5,8^{\circ}$	$28,4^{\circ}$
Սոֆիա	$10,3^{\circ}$	$-2,1^{\circ}$	$28,6^{\circ}$
Տրիեստ	$14,0^{\circ}$	$4,7^{\circ}$	$24,1^{\circ}$
Սալոնիկ	$15,9^{\circ}$	$4,6^{\circ}$	$26,2^{\circ}$

Կլիմային համապատասխան, Բալկանյան թերակղզու բուսականությունը ևս հարավում ու արևմտյան ծովափին մեծ մասամբ

միջերկրածովային բնույթ ունի: Երկրի մնացած շրջաններում տիրապետում են միջին-եվրոպական տիպի անտառները: Տեղ-տեղ էլ (օրինակ՝ Բուլղարական պլատոյում և Մարիցայի հովտում) հանդիպում են նաև տափաստաններ: Թերակղզու մի գգալի մասը, հիմնականում Հարավսլավիայի տերիտորիայում, ունի անցողիկ (միջերկրածովային-միջինեվրոպական) տիպի բուսականություն:

Բալկանյան թերակղզու միջերկրածովային բուսականության համար բնորոշ են մաքվիսը և ֆրիգանը: Նրանցից առաջինը կազմված է մշտագալար թիերից, իսկ երկրորդը՝ չորասեր խոտաբույսերից ու կիսաթփուտներից: Նրանց տարածման շրջաններում անտառները պատահում են համեմատարար բարձր լեռնալանջերին: Անտառի հիմնական ծառատեսակներն են մշտագալար կաղնին, նոճին, ձիթենին, դափնին, մրտենին, օլեանդրը, հալեպի սոճին և այլն: Այս գոտում լայն տարածում ունեն բազմապիսի կուտուրական բույսեր, այդ թվում՝ խաղողը, ցիտրուսները, ձիթենին, ծխախոտը, տեղ-տեղ՝ բրինձը: Խիստ սակավ են խոտաբույսերից կազմված մարգագետինները:

Թերակղզու արևմտյան մասի լեռներում լավ նկատվում են բուսականության ուղղաձիգ գոտիները, ըստ որում մինչև 200—400 մ բարձրությունը լավ աճում են մշտագալար բույսերը և մաքվիսը, կուտուրական բույսերից՝ ձիթենին, թզենին, ցիտրուսները, խաղողը: Դրանից վերև տարածվում է լայնատերև անտառը, ուր տիրապետում են կաղնին, շագանակենին, ու հաճարին: Լեռների հյուսիսային մասում, 1960 մետրից բարձր, անտառից վերև պատահում են ենթալպիական մարգագետինների փոքր հատվածներ: Անտառներով բոնված է նաև Սերբ-Մակեդոնական լեռնաշխարհի մի մասը: Այդտեղ անտառների տիպիկ ծառերից են մակեդոնական կաղնին և սամշիտը: Երբեմն պատահում են նաև փշատերեներ (եղնի, սոճի):

Բալկանյան թերակղզու կենդանական աշխարհը ընդհանուր գծերով նման է միջին-եվրոպական երկրների ֆաունային: Բնորոշ կենդանիներից են արջը, գայլը, շնագայլը, լուսանը, քարայծը, եղջերուն, վիթը, վայրի խոզը և այլն:

Բնական պայմանների տեսակետից մի շարք առանձնահատկություններ ունի թերակղզու հարավային մասը: Լինելով հիմնականում ալպիական տեկտոնիկայի արդյունք, թերակղզու այս հատվածը աշքի է ընկնում բազմաթիվ գրաբեններով ու հորսուրով, վրաշարժերով ու ծածկոցներով: Հարավ-արևելքում և արևել-

քում շատ ավելի պարզ գգացվում են հատկապես Զորրորդականի տեկտոնական շարժումների հետևանքները: Այստեղ զանազան ուղղություններով ձգվող լեռնաշղթաները ու լյեֆին տալիս են խիստ խճճված տեսք: Տեղ-տեղ, կրային ապարների տարածման շրջաններում, մեծ տերիտորիա են բոնում նաև կարստային ձևերը: Այդ վայրերով հոսող գետերը առաջացրել են խոր կիրճեր, գրանով իսկ ավելի ևս սաստկացնելով ուլյեֆի հակադրությունները: Մովագը խիստ կտրտված է, մանավանդ արևելքում և հարավում, որտեղ առաջացել են բազմաթիվ խորշեր ու ծոցեր: Նշանավոր է Կորնթոսի ծոցը, որն ունի տեկտոնական ծագում: Նրանով Պելոպոննեսը բաժանված է ցամաքի մնացած մասից, որի հետ կապված է խիստ նեղ Կորնթոսի պարանոցով: Ներկայումս այդ պարանոցի ամենանեղ մասում փորված է ջրանցք, որը Պելոպոննեսը բաժանել է Բալկանյան թերակղզուց:

Հիդրոգրաֆիկ ցանցը ներկայացված է բազմաթիվ կարճ գետերով, որոնք մեծ մասամբ հոսում են խոր կիրճերի միջով և իրենց ռեժիմով կապված են չոր և անձրեային պերիոդների հետ: Լճերը քիչ են և փոքր, նրանք մասամբ կարստային ծագում ունեն:

Բալկանյան թերակղզու գետերի մի նշանակալից մասը պատկանում է Դանուբի ավազանին: Այդ մասի խոշորագույն գետերից են Սևավան, որը հոսում է նրա հյուսիսային ծայրամասով (նրա մեջ թափվում են Բոսնան և Դրինան), այնուհետև՝ Մորավան, Խսկիրը, Տիմոկը: Էգեյան ծովը հոսող գետերից նշանավոր են՝ Մարիցան, Ստրուման, Վարդարը և ուրիշներ: Աղրիատիկ և Հոնիական ծովերի ավազաններին պատկանում են մի շարք համեմատաբար փոքր գետեր: Բալկանյան թերակղզու գետերի մեծ մասը հորդանում են ձմռանը և կամ աշնանը: Ամռանը դրանք խիստ ծանծաղում են, իսկ մի քանիս՝ անգամ ցամաքում: Դինարյան լեռների շրջանում կան կարստային ընդարձակ տերիտորիաներ, որոնք ամբողջովին գուրկ են մակերեսույթային հոսքից: Հենց այդ պատճառով Հարավալավիայի, մասամբ նաև Ալբանիայի լեռնային որոշ շրջաններում բնակչությանը ջրով մատակարարելը կապված է մեծ դժվարությունների հետ: Թերակղզին համեմատաբար հարուստ է լճերով: Ամենից ավելի խոշոր լճերն ունեն տեկտոնիկ և կամ կարստատեկտոնիկ ծագում: Նրանք մեծ մասամբ տեղադրված են Հարավալավիայի, Ալբանիայի և Հունաստանի սահմաններում, ինչպես, օրինակ, Ծեղգեր, Պրեսպա, Օխրիդա և այլն: Թերակղզու մյուս, համեմատաբար փոքր լճերի խումբը հիմնականում ունի կարստային ծագում:

Նրանք առավելապես տեղադրված են Դինարյան լեռներում և Պինդոսում: Չոր ժամանակ նրանցից մի քանիսը լրիվ զրկվում են շրից:

Թերակղզու հարավային մասը ընդհանրապես ունի միջերկրածովային բնույթի կիմա, բայց երկրի ներքին մասում կիման, բարդ ռելյեֆի շնորհիվ, դառնում է բազմապիսի: Այստեղ ամուսնը գերակշռում են հյուսիսային և հյուսիս-արևեմտյան շոր ու տաք բամիները, իսկ ձմռանը՝ հարավային և հարավ-արևեմտյան խոնավաբեր բամիները: Տարգա խոնավ ժամանակաշրջանը համընկնում է ցուրտ կիսամյակի հետ: Տեղումները թափվում են թե՛ անձրեկի և թե՛ ձյան ձևով: Բարձր գագաթների վրա ձյունը պահպանվում է մինչև հունիս, իսկ երբեմն էլ՝ համարյա ամբողջ տարին: Տեղումների տարեկան քանակը երկրի հյուսիս-արևելյան ծովափնյա մասում հասնում է 750 մմ-ի, կենտրոնական լեռներում՝ մինչև 1000 մմ, իսկ արևեմտյան ծովափնյա գոտում՝ մինչև 1500 մմ:

Նկարագրվող շրջանների ցածրադիր մասերում տիրապետուած են մերձարեադարձային տիպի կարմրահողերն ու դեղնահողերը: Երկրի այլ մասերում տարածված են գլխավորապես շագանակագույն հողերը:

Բալկանյան թերակղզու հարավային մասի բուսականությունը նույնպես կրում է միջերկրածովային բնույթ: Անտառներ քիչ կան: Նրանք գրավում են ամբողջ տերիտորիայի ընդամենը 9 տոկոսը: Մեծ տարածում ունեն մաքվիսը և ֆրիգանան: Լավ են արտահայտված բուսականության ուղղաձիղ գոտիները, ըստ որում ցածրադիր շրջանները բռնված են մշտադալար բուսականությամբ: Այս մասի բնորոշ տեսակներից են դափնին, մրտենին, նոճին, մշտադալար կաղնին, սամշիտը և այլն: Նրանցից վեր այդ ժառատեսակներն իրենց տեղը զիջում են տերեւաթափ ժառատեսակներին: Ավելի բարձր շրջանները (մինչև 1600—1700 մ) բռնված են լայնատերև անտառներով: Տեղ-տեղ հանդիպում են նաև արոտավայրեր: Այդ գոնայից վեր տարածվում է նախաալպիական զոնան, որը ներկայացված է մեծ մասամբ փշատերև անտառին բնորոշ ժառատեսակներով: Սուբալպիական և ալպիական բուսականությունը նկարգրվող շրջանում ունի խիստ սահմանափակ տարածում:

Հիմք ընդունելով լանդշաֆտի հիմնական առանձնահատկությունները, թ. Ֆ. Դոբրինինը Բալկանյան թերակղզին ստորաբաժնում է մի շարք ֆիզիկա-աշխարհագրական մարզերի:

ԴԻՆԱՐՅԱՆ ԼԵՌՆԵՐ

Դինարյան լեռների մարզն արևմուտքում կազմված է Մեղողոյան կրաքարերի հզոր շերտախմբերից, իսկ արենելքում՝ Պալեոզոյի և Մեզոլոյի իրար հերթափոխող թերթաքարերից, ավազաքարերից, կրաքարերից և բյուրեղային ապարներից։ Արևմուտքում կրաքարային ապարների տարածման շրջանում ոելյեֆը ավելի շատ բնորոշ է պլատոյաձև պլատֆորմներով՝ և պենեպլիններով։ Նրանց վրա բարձրանում են ժայռակերպ բեկորային շղթաներ, կարստային, սաղցադաշտային և ֆիոլիկական հողմահարման յուրատեսակ ձևերով։ Լեռնային պլատոններում և տեկտոնական գոգավորություններում մեծ տեղ են գրավում կարստային պոլյաները (ՈՈԼՅԱ), որոնք հասնում են մինչև 60 կմ երկարության և 10—15 կմ լայնության։ Նրանցից մի քանիսը ծածկված են լճային նստվածքներով։ Գարնան ձնհալքային ջրերի կուտակման հետեանքով հաճախ նրանք վեր են ածվում ժամանակավոր լճերի, բայց հետո ջրերը մեծ մասամբ հատակային անցքերով ներծծվում են ու անհետանում, որի հետեանքով պոլյաները կրկին ցամաքում են։ Այս միենալույն շրջաններում մեծ տեղ են գրավում կարստային ուրիշ մի շարք այլ ձևերը, ինչպես, օրինակ, ձագարածն փոսերը, իշվածքները, քարայրները, ստորերկրյա գետերը և այլն։ Սովորաբար ջրերի ներծծման պատճառով գետերն այս մասում շատ քիչ են (չնայած տեղումների քանակն այստեղ ավելի է, քան արենելքում), իսկ եղած գետերն էլ հոսում են բավական խոր և նեղ կիրճերով։ Դինարյան լեռների արենելյան լանջերում ոելյեֆի կարստային ձևերը մղված են հետին պլանի վրա։ Այստեղ լեռներն անհամեմատ ավելի խիստ են մասնատված գետային էրոզիայով, ջրերով հարուստ են և ծածկված են ավելի խիտ անտառներով։

Դինարյան լեռների հյուսիս-արենելյան (դեպի Դանուբի հովիտը) աստիճանաբար ցածրացող լանջերը առանձնանում են ոելյեֆի համեմատաբար թույլ մասնատվածությամբ և հղկված ջրբաժաններով։ Այս մասի լեռնալանջերի մի զգալի մասը երրորդականի երկրորդ կեսում բռնված է եղել Պաննոնյան լճա-ծովային ջրերով։ Հետագայում Պաննոնյան ջրերի նահանջի և մասամբ ցամաքի բարձրացման հետեանքով լեռնալանջերը մեծ շափով ծածկվում են լճային դարավանդներով։ Ներկայումս Դանուբի վտակներ Մորավան Դինարն և Բուսնան մեծ մասամբ հոսում են այդ նույն մարզի դարավանդային հովիտներով, որոնք ծածկված են հիմնականում լճային նստվածքներով։ Ոչ շատ առաջ այդ ամբողջ մարզը ծածկված է

եղել խիտ լայնատերև անտառներով։ Ներկայումս այն մեծ մասմբ վեր է ածվել վարելահողային տարածությունների։ Անտառներն ընդգրկում են ավելի շուրջ միջին բարձրությունների շրջանը։ Հեռների բարձր մասերը ծածկված են լեռնային մարգագետիններով։

Դինարյան լեռներում բնական պայմանների էական տարրերություններ նկատելի են հատկապես արևմուտքում՝ ըստ ուղղաձիգ գոտիականության։ Տիպիկ միջերկրածովային կլիմայով և նրան համապատասխանող բուսականությամբ Աղրիատիկյան ծովափում առանձնանում է Դալմացիան։

ՄԱԿԵԴՈՆԻԱ

Մակեդոնիան, որպես ֆիզիկա-աշխարհագրական մարզ, տեղադրված է Բալկանյան թերակղզու կենտրոնական մասում։ Արևմուտքից սահմանափակված է Ալբանական, իսկ արեկլքից՝ Ռոդոպյան լեռներով։

Մակեդոնիան առավելապես բնորոշ է որպես հին լեռնային երկիր։ Այստեղ շատ են առանձնացած բեկորային լեռնազանգվածները և նրանց միջև ընկած տեկունական ընդարձակ գոգավորությունները։ Վերջիններս երրորդականի վերջում բռնված են եղել լճերով։ Հետագայում, ցամաքի վեր բարձրացման շնորհիվ, լճային ջրերը հոսել են դեպի գետերը և աստիճանաբար ցամաքել։ Մակեդոնիայում որպես մնացորդային լճեր մնացել են Օխրիդան, Պրեսպան և այլն։ Մեծ տեղ են գրավում լճային դարավանդները, որոնք խիստ խախտումների հետևանքով գտնվում են անհավասար բարձունքների վրա։ Աշքի ընկնող բարձրություններից է Շար-Պլանինա շղթան (մինչև 2496 մետր)։

Մակեդոնիայի հարավ-արևմուտքն ունի որոշ շափով մերձարևադաշտային շրջաններին բնորոշ կլիմա՝ տաքու չոր ամառով։ Այստեղ պատճենում են մշտադալար բուսականության առանձին տեսակներ։ Առավել խոնագ և զով է Մակեդոնիայի հյուսիսն ու արևմուտքը։ Մակեդոնիայի լեռները հիմնականում ծածկված են անտառներով։ Նշանակալից տեղ են գրավում մացառուտներն ու մարգագետինները։

ԱԼԲԱՆԻԱ

Մակեդոնիայից գեպի արևմուտք ընկած է Ալբանիա ֆիզիկա-աշխարհագրական շրջանը։ Այստեղ, ի տարրերություն Դինարյան լեռների, ավելի շատ տիրապետում է ուլյեֆի էրոզիոն մասնատ-վածությունը։ Լեռներն ամենուրեք աշքի են ընկնում խոր հովիտ-ներով ու կիրճերով։ Սովափերը համեմատաբար հարթ են և մա-սամբ ճահճացած, այնտեղ տիրապետում են գետային կուտակում-ները։ Կլիման ծովափնյա մասում կրում է միջերկրածովային քնույթ։ Այդտեղ աճում են մշտադալար ծառեր։ Լեռներն առավե-լապես ծածկված են կաղնու և հաճարի խիտ անտառներով։

ՌՈԴՈՊՅԱՆ ԼԵՐՆԵՐ

Մակեդոնիայից գեպի արևելք առանձնանում է Ռոդոպյան լեռ-ների զանգվածը։ Սա համեմատաբար ավելի ամբողջական է։ Կազմված է հիմնականում բյուրեղային թերթաքարերից և գրա-նիտներից։ Ունի խոնավ և բավականին խիստ կլիմա։ Հարավային լեռնալանջերը, էգեյան ծովափի հետ միասին, մտնում են միջերկ-րածովային կլիմայական մարզի մեջ։ Լեռները ծածկված են խիտ անտառներով։ Բնորոշ ծառերից են՝ ոռղոպյան կաղնին, հունական ընկույզնին, հարավային հացին, թղին, բոխին, սև սոճին։ Ավելի բարձր աճում է հաճարին, այնուհետև՝ փշտաբեկ ծառերը և ապա՝ ենթալպյան մացառուտներն ու ալպյան մարգագետինները։

ԲԱԼԿԱՆՆԵՐ

Բալկանյան թերակղզու արևելյան մասում ֆիզիկա-աշխար-հագրական կարևորագույն մարզերից մեկն է Բալկանների լեռնա-յին սիստեմը։ Բալկանները աղեղնաձև ձգվում են Դանուբի երկաթ-յա դարպասների մոտակա մինչև Սև ծով։ Նրանք առավել մեծ բարձ-րության են հասնում իրենց տարածման կենտրոնական մասում, որտեղ առանձին գագաթներ հասնում են մինչև 2373 մետրի։ Բալ-կանների լեռնային սիստեմի մեջ են մտնում նաև Անտիբալկաննե-րը, որոնք ձգվում են Բալկաններին զուգահեռ, նրանից հարավ։ Նրանց միջև ընկած են մի շարք խզումային գոգավորություններ, որոնցից արևմուտքում հայտնի է Սոֆիայի ավագանը։ Սա ներկա-յացնում է համարյա բոլոր կողմերից փակ մի հավածք։ Սոֆիայի ավագանից գեպի արևելք նշանավոր է Մարիցայի վտակ վերին Տունցայի հովիտը, որն ունի տեկտոնական ծագում։

Թալկաններից գեպի հյուսիս, Թալկանների աստիճանական ցածրացման հետևանքով, ձեավորվել է ընդարձակ թուղարական պլատոն, որի միջին բարձրությունը հասնում է մինչև 200 մետրի: Նա գրեթե ամբողջապես ծածկված է լոսային սեահողով:

Թալկանների լեռնային մարզը հիմնականում ունի խոնավ բարեխառն կլիմա: Ցուրտ կարելի է համարել միայն լեռնային բարձրադիր գոնան: Լեռնային շրջանում տեղումների տարեկան քանակը 800 մմ-ից մինչև 1150 մմ է: Տեղումները համեմատաբար քիչ են գոգավորություններում և թուղարական պլատոյում: Այս վերջինում տեղումների տարեկան քանակը հասնում է 500-ից մինչև 600 մմ-ի: Լեռները ծածկված են խիտ անտառներով: Անտառի վերին սահմանը հասնում է մինչև 2000 մետրի: Թալկանների արևելյան շրջաններում անտառն իր բնույթով՝ լիանների և ենթանտառային մշտադալար ծառերի որոշ տեսակներով, շատ է հիշեցնում կոլխիդյան անտառներին:

Թալկանների սահմաններում համեմատաբար մեղմ կլիմայական պայմաններով առանձնանում է Տունջայի հովիտը, կամ ինչպես ընդունված է անվանել՝ Կազանլիկի գրաբենը: Այստեղ հունվարյան միջին ջերմությունը 0° -ից բարձր է, իսկ հունիսի միջինը $21,8^{\circ}$ է: Հովիտը հոչակված է Կազանլիկի վարդի մշակությամբ:

Կոնտինենտալ է կիման թուղարական պլատոյում: Նրա վրա բացասական ազդեցություն է թողնում Արևելա-կրոպական հարթությունը, որտեղից ձմռանը ներխուժում են ցուրտ, իսկ ամռանը՝ խիստ տաքացած օդային զանգվածները: Զմռան սառնամամանիքները ոչ հաղղաղեալ հասնում են մինչև 15° և ագամ 25° -ի: Պլատոն ծածկված է կիսով շափ տափաստանային և կիսով շափ անտառային բուսականությամբ:

ՄԱՐԻՑԱՅԻ ԱՎԱՋԱՆ ԵՎ ԱՐԵՎԵԼՅԱՆ ԹՐԱԿԻԱ

Թալկանյան թերակղու արեելքում ընկած են Մարիցայի ավագանը և Արևելյան թրակիան: Այս մարզի ռելյեֆը բնորոշ է միշտաք բարձրություններով և նրանց միջև ընկած դաշտավայրերով: Աշքի ընկնող բարձրություններից է Խստրանջայի զանգվածը: Սա իրենից ներկայացնում է հին լեռնային երկրի պենեպլենացված տեղամաս: Մակերեսից ծածկված է բեկորային քարակոշտերով: Ոմի համեմատաբար խոնավ կլիմա: Թուսականությունը մասսամբ անտառային է և մասամբ թփուտային:

Մարիցայի վերին հարթությունը պարփակված է Ռոդոպյան լեռների և Բալկանների միջև և ամբողջապես ծածկված է այդ նույն գետերից հոսող գետերի բերվածքներով։ Հողն արգավանդ է և մեծ մասամբ օգտագործվում է հացահատիկային և այգեգործական կուտուրաների համար։ Մարիցայի ներքին ավազանը կազմված է գերազանցապես ծրբորդական լճային նստվածքներով և համեմատարար պակաս պտղաբեր է։ Մարիցայի ստորին հոսանքից գեպի արևելք, Արևելյան Թրակիայում, Սարոսի ծովածոցի երկարությամբ ընդհուպ մինչև Մարմարա ծովը, ձգվում են մի քանի բլրաշարեր, որոնց թվում թեքիր-Դաղի լեռներն ունեն մինչև 900 մետր բարձրություն։

Արևելյան Թրակիան ավելի խոնավ է առավինյա շրջանում և բարձրություններում, որտեղ առանձին վայրեր ունեն անտառային բուսականություն։ Ներքին շրջաններն ունեն չոր կլիմա և դրան համապատասխան՝ աղքատ բուսականություն, կազմված մացառուաներից։

ԽԱԼԿԻԴԻՈՆՅԱՆ ԹԵՐԱԿՂՋԻ

Ցուրօրինակ մասնատվածությամբ, որպես ֆիզիկա-աշխարհագրական մի առանձին շրջան, առանձնանում է Խալկիդոնյան (Խալկիդիկա) թերակղջին։ Նրա մասերն են կազմում Կասանդրա, Լոնդոն և Աֆոն թերակղջիները, որոնք ունեն բեկորային բարձրություններ։ Բուն թերակղջու պլատոյածն բարձրությունը նկատելիորեն մասնատվել է գետերով և աշքի է ընկնում մի շարք գագաթներով, որոնք մինչև 1200 մետր բարձրություն ունեն։ Թերակղջին ծածկված է մացառուտներով, կան նաև անտառներ։ Առավինյա գոտում աճում է մաքվիսը, իսկ բարձր մասերում՝ սոճին և կաղնին։ Խալկիդոնյան թերակղջին արևմուտքից ողողվում է Սալոնիկի ծովածոցով, որը նրան անջատում է Թեսալիայից։

ԹԵՍԱԼԻԱ

Թեսալիան Բաւկանյան թերակղջու հարավային մասի ամենաընդարձակ դաշտավայրն է։ Նա գեղ հնուց հոչակված է եղել որպես երկրագործական կուտուրաների կենտրոն։ Այժմ էլ այնտեղ զարգացած է հացահատիկի մշակությունը, նշանակալից տեղ է գրավում նաև այգեգործությունը։ Թեսալիան բոլոր կողմերից շրջապատված է լեռներով։ Նրա սահմաններումն է գտնվում Օլիմպիո-

սի լեռնազանգվածը (2917 մ), որը Հունաստանի ամենաբարձր լեռնագագաթն է: Նրանից մի փոքր հարավ գտնվում է Օսա լեռնազանգվածը: Թեսալիան ունի տեկտոնական ծագում: Մածկված է գետային և լճային նստվածքներով: Ունի ցամաքային կլիմա, որն արտահայտվում է շատ տաք ու չոր ամառով և բավականին ցուրտ ձմեռով: Մշտադալար բույսերից առավել տարածված է ձիթենին:

ՊԻԽԴՈՍԻ ՎԵՇՆԵՐԻ

Թեսալիայից դեպի արևմուտք ընկած է Պինդոսի ծալքավոր լեռների շրջանը: Սա ավելի շատ բնորոշվում է էրոզիոն մասնատվածությամբ: Կան բազմաթիվ խոր կիրճեր ու կանիոններ: Տեղտեղ պատահում են նաև ոելյեֆի կարստային ձևեր: Բուսականությունն այստեղ ավելի հարուստ է. ծովամերձ շրջանում աճում է մաքիսը և մշտադալար կաղնու անտառը, լեռներում տարածված են լայնատերև ծառատեսակները: Մեծ տեղ են գրավում նույնպես մարգագետինները:

ԿԵՆՏՐՈՆԱԿԱՆ ՀՈՒՆԱՍՏԱՆ

Պինդոսի լեռներից հարավ և հարավ-արևելք մակերևույթի առավել խիստ մասնատվածությամբ առանձնանում է կենտրոնական Հունաստանը: Այս մասի ոելյեֆը մեծ մասամբ բնորոշ է բեկորացված սեղանաձև բարձրություններով: Նրանք հաճախ հերթափոխվում են իջվածքներով և գոգավորություններով, որ լցված են նորագույն ժամանակաշրջանի փուխր նստվածքներով: Աշքի ընկնող լեռնազանգվածներից է Պառնասը (2457 մ), որի հարավային լանջերը աստիճանաբար ցածրանում են դեպի Կորնթոսի ծոցը: Կլիման ցամաքային է, բուսականությունը՝ ընդհանուր առմամբ աղքատ: Այն գերազանցապես կաղմված է կոշտատերև մացառուտներից: Տեղ-տեղ պատահում են նաև սոճիներից կաղմված պուրակներ: Կենտրոնական Հունաստանի ծայր հարավ-արևելյան ծովափին գտնվում է Հունաստանի մայրաքաղաք Աթենքը:

ՊԵԼՈՊՈՆՆԵՍԻ ԹԵՐԱԿՈՂԾԻ

Բալկանյան թերակղզու մեկուսացած մարզերից է Պելոպոննես թերակղզին: Սա բոլոր կողմերից շրջապատված է ծովերով, որոնք նրա սահմաններում առաջացրել են մեծ քանակությամբ ծո-

վածոցեր, խորշեր, կղզիներ ու թերակղզիներ։ Թերակղզու գծագրությունը և ուղյեֆի ժամանակակից բնույթը առաջացել են երկրաբանական նորագույն (Չորրորդական) ժամանակաշրջանի տեկտոնական խախտումների հետևանքով։ Կամարաձեռների էպիյոգեն բարձրացումները ուղեկցվել են խոշոր մասշտարի խզվածքներով, որոնք թերակղզու շատ մասերում պայմանավորել են գրաբենային տիպի տեկտոնական իշղածքների առաջացումը։ Նրանք հիմնականում ներկայացնում են դաշտավայրեր, որոնք մասսամբ ունեն ալյուվիալ ծածկ։ Կան բեկորային շղթաներ, ինչպես նաև մեկուսացված լեռնազանգվածներ, որոնք մեծ մասսամբ վերջանում են ժայռակերպ գագաթներով (Օլենոս՝ 2225 մ, Խելմոս՝ 2356 մ):

Պելոպոննեսի կլիման, ինչպես նաև բուսականությունը, կրում են տիպիկ միջերկրածովային բնույթ։ Մարզի առանձին շրջաններում պահպանվել են մշտադալար կաղնութեալ խիտ ու փարթամ մաքվիսի տեղամասեր։ Կան շրջաններ, որտեղ բավարար խոնավության, առատ արեգակնային լուսավորության և արգավանդ կարմրահողերի պայմաններում մեծ զարգացում են ստացել խաղողամշակությունը, այգեգործությունը, նարինչի, լիմոնի, ձիթենու և մերձարևադարձային այլ կուլտուրաների մշակությունը։

ԷԳԵՅԱՆ ԾՈՎԻ ԿՂՋԻՆԵՐ

Բալկանյան թերակղզին շրջապատված է բազմաթիվ կղզիներով։ Նրանց թվում մի առանձին խումբ են կազմում էգեյան ծովի կղզիները, որոնք ստորաբաժանված են Հյուսիսային Սպորադյան, Կիկլադյան և Հարավային Սպորադյան ենթախմբերի։ Նրանք բոլորն էլ ունեն լեռնային սելյեֆ։ Կազմված են գերազանցապես հնագույն բյուրեղային և մետամորֆիկ ապարներից, առավելապես գնեյսներից և բյուրեղացած թերթաքարերից։ Կղզիներից մի քանիսը (Միլոս, Սանտորին) ունեն հրաբխային ծագում։ Նրանցից Անտորին հրաբուխը մինչ այժմ էլ շարունակում է իր գործունեությունը։

Էգեյան ծովի առանձին կղզիներից Փոքր Ասիայի ափերի մոտ հայտնի են Լեսբոսը, Քիոսը, Սամոսը, Հոռոոսը։ Առավել խոշոր է Հունաստանի ափերի մոտ Էվբեա կղզին, որը մայր ցամաքից բաժանվել է երկրաբանական ամենաերիտասարդ ժամանակաշրջանում։ Նրա կառուցվածքում նշանակալից տեղ են գրավում կրաքարերը։

Էգեյան ծովի հարավում իր չափերով՝ բոլորին գերազանցում է Կրետե կղզին: Սա գրավում է մոտ 8,4 հազ. քառ. կմ տարածություն: Նրանով լայնակի ուղղությամբ ձգվում են Լեկվա-Օրի (մինչև 2482 մ) և հղա (2456 մ) լեռնաշղթաները: Կղզու այն մասերում, որտեղ գերիշխում են կրաքարերը, բուսականությունն ընդհանուր առմամբ աղքատ է և կազմված է հիմնականում մացառուտներից ու ֆրիգանալից: Քիչ գեպքերում պատահում են նաև ալպյան սոճու և մշտադալար կաղնու անտառներ: Դրանցից ավելի վեր տարածվում է լայնատերև անտառը՝ նոճու մասնակցությամբ: Կղզու բարձրակեռ շրջանները ծածկված են մարգագետիններով:

ԲՈՎԱՆԴԱԿՈՒՅՑՈՒՆ

Եջ

Հեղինակների կողմից
Աշխարհագույնը (համառոտ ընդհանուր տեղեկություններ)

3
5

Աշխարհական պատմություններ

Եվրոպա

• Հեղինակների ակնարկ	7
• Մովկերը	10
• Ռելիէֆի հիմնական գծերը	15
• Քամաքի ձևագործման պատմություններ	20
• Օգոստակար հանածոնները	31
• Հիմնորդագիտական գլխավոր մարզերը	33
• Կիբան	39
• Գլտերն ու լճերը	46
• Հոգերը	53
• Բնուականություններ	55
• Ֆինդանական աշխարհը	62
• Բնակչություններ	67
• Ֆիդիկա-աշխարհագրական շրջանները	86
• 1. Հյուսիսային եվրոպա	69
• Ալանդինավայան թերակղզի	70
• Ֆինլանդիա	84
• Իսլանդիա	90
• 2. Միջին եվրոպա	93
• Հյուսիսային հարթություններ	93
• Նիդեռլանդներ	94
• Յուտլանդիա	96
• Գերմանա-Լեհական հարթություններ	99
• Բրիտանական կղզիներ	102
• Մեծ Բրիտանիա	107
• Իռլանդիա	117
• Ֆրանսիայի միջին բարձրության (հերցինյան) լեռների և դաշտավայրերի մարզ.	120
• Փարիզյան ավաղան	125
• Հյուսիսարևելյան շրջան	126
• Բրետան	127
• Կենտրոնական Ֆրանսիական գանգված	127

Ակվիտանյան դաշտավայր	129
Միջերկածովային լըջան	130
Կնտրոնական Ելքոպայի միջին բարձրության (հերցինյան) լեռների մարզ	131
Հունոսյան լեռների խումբ	132
Եյրայի ու Օղերի լեռների խումբ	133
Վեզերի լեռների խումբ	134
Կելեց-Մանդոմիրյան լեռներ	135
<u>Առաջարկած Երձալայան մարզ</u>	138
<u>Ելքերի լեռներ</u>	138
Ծվերցարական բարձրավանդակ	147
Գաղանյան դաշտավայր	148
Կարպատ-Թանուրյան մարզ	149
Կարպատներ	150
Միջին Դանուրյան (Հունգարական) դաշտավայր	154
Ստորին Դանուրյան դաշտավայր	156
3. Հարավային Ելքոպա	158
Գիրենեյան թերակղղի	159
Կենտրոնական բարձրավագագի	160
Մայրամասային լեռներ	161
Արևմտյան (Պորտուգալական) հարթություն	164
Ապենինյան թերակղղի	168
Բալկանյան թերակղղի	177
Դինարյան լեռներ	186
Մակեդոնիա	187
Ալբանիա	188
Բողոքյան լեռներ	188
Բալկաններ	188
Մարիցայի ավագան և արևելյան թրակիա	189
Խալկիդոնյան թերակղղի	190
Թւուրիա	190
Գինդոսի լեռներ	191
Կենտրոնական Հունաստան	191
Գելոոլոններ թերակղղի	191
Եգեյան ծովի կղզիներ	192

Կ-5 քայլք . առ առ առ

Կ. Օ. ՕՀԱՆՑԱՆ. Ա. Մ. ՌԱԿԱՆՅԱՆ

ԱՇԽԱՐՀԱՄԱՍՎԵՐԻ ՖԻԶԻԿԱԿԱՆ ԱՇԽԱՐՀԱԴՐՈՒԹՅՈՒՆ

Առաջին պրակ

Ե Վ Բ Ո Ա Պ

Ուսումնական ձեռնարկ

Հրատ. խմբագիր՝ Ա. Մ. Գաբրիելյան
Տեխնիկական խմբագիր՝ Հ. Ա. Հովհաննեսիան
Վերստառագործ սրբազրի՝ Ռ. Գ. Ավոյան

ՎՃ 09542

Գատվեր 179

Տպաքանակ 1000

Հանձնված է արտադրության 19/II 1964 թ.

Սառագրված է տպագրության 20/V 1964 թ.

Թուղթ՝ 60×92^{1/16}: Տպագր. 12,25 մամուլ:

Հաշվ.-հրատ. 10,8 մամուլ:

Գինը՝ 41 կուգ.:

Հայկական ՍՍՌ Մինիստրության սովետի մամուլի պետական կոմիտեի
պոլիցիա արդյունաբերության գլխավոր վարչության և 10 տպարտն,
Երևան, Արովյան փող. № 204: